





N. VII. 18



OPUSCULA
PHYSICA ET CHEMICA.
VOL. III.

54-14

70159

TORBERNI BERGMAN,
CHEMIÆ PROF. UPS. ET EQUITIS AURATI
REGII ORDINIS DE WASA,

OPUSCULA
PHYSICA ET CHEMICA,
PLERAQUE SEORSIM ANTEA EDITA,
JAM AB AUCTORE
COLLECTA, REVISA ET AUCTA.

VOL. III.

Cum Tabulis Ænæis.

CUM PRIVILEGIO S. ELECTORIS SAXONIÆ.
Lipsiæ in Officina libr. Jo. Godof. Mülleriana prostat.

UPSALIÆ, MDCCLXXXIII.
LITTERIS DIRECT. JOHAN. EDMAN.

*H*omo, naturæ minister & interpres, tantum
facit & intelligit, quantum de naturæ ordine,
re vel mente observaverit; nec amplius scit
aut potest.

BACO DE VERULAMIO.



ILLUSTRI

REGIÆ SCIENTIARUM ACADEMIÆ

PARISINÆ,

IN TESSERAM VENERABUNDI ANIMI,

TERTIUM OPUSCULORUM VOLUMEN

D. D. D.

AUCTOR,

QUEM OCTENARIO SOCIORUM EXTERORUM

NUMERO INSERTUM VOLUIT.

Index

Commentationum in hoc volumine occurrentium.

- XXVI. De Analyfi Ferri, *pag.* 1.
XXVII. De causa fragilitatis ferri frigidi, *pag.* 109.
XXVIII. De Acidis metallicis, *pag.* 124.
XXIX. De diverfa phlogifti quantitate in metallis, *pag.* 132.
XXX. De Stanno fulphurato, *pag.* 157.
XXXI. De Antimonialibus fulphuratis, *pag.* 164.
XXXII. De Productis Vulcaniis, *pag.* 184.
XXXIII. De Attractionibus electivis, *pag.* 291.
XXXIV. De Ferro & Stanno Igne commixtis, *pag.* 471.
-



XXVI.

DE

ANALYSI FERRI *).

Quæ præsentī opusculo defunt, suppleat ætas.

QUINTILIANUS.

§. I.

Varietates ferri.

IN triplici generatim statu ferrum humano infervit generi, vel enim crudum (svetice *tackjärn*) fundendo nostris adaptatur usibus, vel cūsum (*stångjärn*), sub malleo ulterius scite tortum, in nostra commoda figuras induit innumeras, vel denique sub chalybis nomine, eximia instructum elasticitate, duritie, stabilitate, aliisque facultatibus, mirum quantum præcedentibus antecellens, stupendis artificiis idoneam porrigit materiem. Sed præterea in quolibet statu multifariæ sunt mutationum scaturigines. Respectu ferri crudi non tantum minerarum

Bergm. Opusc. Vol. III.

A

ope-

*) Hæc Differtatio die 9 Jun. anno 1781 in Auditorio Gustaviano publice ventilata fuit, Respondente JOHANNE GADOLIN, Ostrobothniensi.

operatur multiplex differentia, ſed etiam furnorum diſpares ſtructuræ & magnitudines, combuſtibilium, igni alendo neceſſariorum, indoles & copia, folliumque perfectio tam qua fluminis aërei vehementiam, quam qua ejusdem directionem & ubertatem. Sola, reſpectu carbonum, mineræ quavis vice ſimul ingeſtæ, mutata proportio, plures generat propriis nominibus diſtinctos gradus. Hinc habemus crudum phlogiſto onuſtum (*nôðſatt*), quantum ſatis dotatum (*fullſatt*, *lagom malmadt*) & eo denique parce inſtructuratum (*bårdſatt*, *ſåttjärn*). Reliqua plus minus notabilia diſcrimina ſicco, ut ajunt, pede jam præterimus.

FERRUM crudum, ut malleo fiat obediens, denuo plerumque igne eſt cogendum periteque tractandum, ut minimis ſumtibus maxima adquiratur optimi ferri cuſi quantitas. Præter ferri crudi indolem, foci ſtructura, carbonum bonitas & meſura, ſtatus inclinatio & efficaciâ, ſunt momenta, quæ ſingula multas procreant diverſitates, ſed quamvis etiam hæc eadem ponerentur, ipſius tamen operationis moderamen haud paucas gigneret. Quæ jam apud nos in primis vigent cudendi methodi ſunt duæ, altera quæ Gallica (*Vallonsmide*) vocari ſolet, altera Germanica (*Tyſkſmide*). Interdum tamen mixta quoque uſurpatur, quæ e præcedentium utraque plus minus mutuatur. Operandi modi, quibus minora ferri *Oſmund* fruſtula olim extenſa fuerunt (*Oſmunds-smide*), nec non

ma-

magnæ ferri maſſæ *Butb* dictæ, a monticolis ruſticis cuſæ (*Butb-smide*), noſtro tempore quaſi proſtigati ſunt, æque ac curſorius (*Rånn-smide*), ob celeritatem ita dictus, quum eodem die, quo frangitur minera, vel ſaltim ſequente, cuſum præbere queat ferrum.

MIRARI jam deſinamus, quod metallum per ſe ad viciffitudines maxime pronum, duritie, ductilitate, tenacitate & elafiicitate prodeat valde diſcrepans. Ea præſertim differentia notatu eſt digniſſima, qua illud frigidum extendi poteſt, ſed igne rubens frangitur (*rødbråckt*); aliud contra rite ignitum malleo obedit, ſed frigidum rimas agit & rumpitur (*kallbråckt*); hoc denique in utroque caſu tractabile invenitur (*ſmidigt*).

CHALYBS præparandus novas neſcit diſſimilitudinum cohortes, tam reſpectu materiæ transformandæ, antea memoratarum variationum participis, quam proceſſuum adhibitorum. Chalybs generatim quidem vel fundendo paratur (*ſmeltſtål*), vel cæmentando (*brånſtål*), ſed horum quodlibet genus a diverſitate materiæ rudis, præparationis, uſus vel proprietatum adquiſitarum, adeo multiplicia obtinuit nomina, ut ea heic eo majori jure ſilentio prætereunda exiſtimemus, quo certius fruſtranea hæc foret enumeratio, niſi ſimul proceſſuum adderentur diſcriptiones, nam nudæ & non raro abſurdæ, quæ in praxi vulgari oriuntur, denominationes, ni-

hil heic profunt, ubi extremis tantum labris variationes attingimus & quasi e longinquo consideramus.

NULLUM fane aliud metallum adeo indole ludit ac ferrum, non obftante enim minerarum & matricum, nec non methodorum varietate, quibus eliquantur reliqua, numquam tantæ occurrunt differentiæ, nifi forte peregrinum paullo uberius inhæreat metallum. Fateri tamen oportet in hac mutabilitate, quamvis sæpe moleftiffima, fundamentum præcipuum latere multiplicis ufus. Si præcipuæ qualitates, durities nempe, tenacitas, ductilitas & elasticitas, ejusdem femper effent intenfitatis, non nifi circumfcripta eaque angufta oriretur habilitas, fed, dum harum fingulæ qua gradus feriem exhibent valde prolixam, diverfæ confociationes infinitum fere aperiunt fagacitati industriæque campum, adeo ut jure dici queat, polymorphum ferrum plurium fimul metallorum vices fufstinere. Ut in dato cafu optimus præftetur effectus, memoratarum quatuor proprietatum peculiaris & determinata requiritur temperatura, quæ tamen pro re nata modis, fere innumeris, neceffario variare debet.

HINC etiam rite nobilitatum omnia, immo cariffimum aurum, prætio pluries interdum fuperat. Ferri libra in fila tantum extracta centies cufi auget valorem, & eundem in conftructione parvorum horologiorum feptuaginta

ginta millies & ultra, immo in subtiliffimis artificijs centum mille fedecies, excedit a).

SED non folæ politiores gentes, ornatum sæpe & subtilitatem operis utilitati præferentes, tanti ferrum æftimant, feræ namque & barbaræ, quæ eo deftituuntur, omnibus aliis plerumque illud anteponunt, immo interdum pro clavo furando vel vi auferendo ipfam quoque exponunt vitam, uti plura teftantur itineraria.

§. II.

De caufis variationum indagandis.

TOT variationes e caufis valde abfconditis derivandæ videntur, quum a mundi fere incunabulis cognitum tractatumque fuerit ferrum, & nihilo minus qua intimam naturam etiamnum reftet maxime obfcure.

RATIONES mutationum generatim aut in immixto peregrino, quod abefle poteft, falva ferri effentia, aut etiam in variata principiorum hujus metalli proportionem, quærendæ funt.

HETEROGENEORUM, quæ cum noftro metallo conjungi poffunt, numerus ingens omnino eft, fed non ideo hæc fingula funt accufanda. Ea tantum jure funt fufpecta, quæ mineris crebro inhærent. Huc pertinent *fulphur*, eique analoga *plumbago*, & in-

A 3

a) Oratio Domini EKSTRÖM coram Reg. Acad. Scient. Stockh. hab. 1750.

ter metalla *arsenicum*, interdum *zincum* & forte semper *magnesium*. Num igitur harum materierum una pluresve revera insint primo idoneis eruendum est experimentis, dein vero, quid efficere queant disquirendum.

Quod ad intimam ferri compositionem attinet, hæc nondum est nudata. Ut autem novis tentaminibus via aperiatur, sanam consulamus analogiam. Arsenicum novimus constare peculiari acido, quod certa phlogistiosi concrescit in arsenicum album, hoc autem coagulum, determinatæ inflammabilis portioni unitum, in completum abit semi-metallum. Hæc compages idoneis experimentis, tam analyticis, quam syntheticis, nunc extra dubitationis aleam est posita. Non equidem hinc certo concludere licet, singula metalla acidis radicalibus & phlogisto unice esse contexta, vel accuratius, eorum calces esse acida peculiaria, phlogisto coagulata. Hæc sane ratiocinandi methodus lubrica est, maxima ideo cum circumspectione & non nisi instar fili Ariadnes in obscuris naturæ meatibus adhibenda, donec exquisitis experimentis comprobentur vel diruantur conjecturæ. In præsentī tamen casu insignis adest probabilitas. Omnia metalla dephlogisticando in pulveres abeunt terræ similes, fusibiles, valde ponderosos & phlogisto recuperato iterum metallica indole completa instruendos. Nonne igitur in compage harum calcium aliqua merito expectetur similitudo?

Phlo-

Phlogiston in omnibus idem, diversa saturando acida, metallorum explicat specificam differentiam. Nulla repugnant haëtenus nota phænomena, multa vero concordant. Quod nondum, præter arsenicale, alia radicalia denudare valuerit ars spagyrica, non impedit, vis enim, qua phlogiston coagulans retinetur, adeo firma esse potest, ut in hunc usque diem adhibita media illud divellere nequiverint, & forte huic effectui par adhuc per sæcula latebit. Phlogisti illa portio, quæ calcem metallicam in formam completam reducit, plerumque facile separatur, interim tamen adeo inæqualis ejusdem est nexus, ut hinc metallorum divisio in nobilia & ignobilia ortum traxerit. Si in complemento reducente adeo conspicua est differentia, quidni etiam in portione coagulante?

HANC jam ad ferrum applicemus theoriam, quam tamquam valde probabilem agnoscimus, ut novis experimentis ansam præbeat, quibus hypothesis vel confirmetur, vel etiam penitus diruatur. Omnium primo de phlogisto reducente quæstio moveatur, num illud quantitate in ferro revera possit variare? Si variatio locum habet, tum demum de effectui in diversis casibus disquirendum. Limitibus stabilitis, examen ad phlogiston coagulans progrediatur, & quomodo auferendum tentetur, adeo ut tandem prodeat acidum radicale nudum, sollicitè seorsim quacopiam & proprietates explorandum.

PRÆTEREA, omnibus forte corporibus semper materiæ caloris quidquam ligatum inhaeret, quod in metallis præsertim fieri potest conspicuum. Num autem dosis in diversis ferri statibus sensibilibiter differat, experimentis determinetur, & quis sit hujus variationis effectus.

Huic congruenter adumbrationi in sequentibus præcipua tetigimus capita. Multa quidem exhibemus experimenta, longe autem plura adhuc restant instituenda. At non forte inutile erit hæc fragmenta interea divulgare, quamvis adhuc imperfecta & manca, speramus enim fore, ut alii eis excitati in hac ardua, sed simul utilissima palæstra desudent. Plurimum annorum requiritur otium huic unice dicatum labori, nec non, præter necessariam supellectilem, ingenium tam excogitandis tentaminibus rei illustrandæ idoneis, quam adcurate instituendis aptum, fatigari nescium, pensitans omnia rite determinata phænomena & sobrie conclusiones eliciens, si singula ad liquidum umquam perducuntur momenta.


§. III.

Quantitas phlogisti reducentis, experimentis humidis quæsitæ.

AMBIGUITATIS evitandæ gratia, licet e præcedentibus idem pateat, heic expressis verbis monendum utile dicimus, nos per *phlogiston*

gifton reducens illam intellectam velle ejusdem portionem, qua remota metallum completam amittit formam & acidis ſuſcipitur ſine productione fluidi cujuſdam aëriſormis, quaque reſtituta completi indolem perfecte recuperat. Reliquum, quod ineſt, inflammabile ad portionem coagulantem omne referimus, niſi peregrini quidquam ſimul inhæreat, eodem ſubtili principio foetum.

Ut hanc phlogiſti copiam eo adcuratius cognoſceremus, non unica via fuimus contenti, aliam ſimul diverſamquæ tentavimus, ad eandem ducentem metam. En prioris fundamentum. Metalla acidis ſuſcipienda phlogiſton reducens amittere notum eſt *b)*, quod ſub ſolutione generat fluida aëriſormia, pro re nata diverſa. Vitriolicum & muriaticum cum ferro aërem exhibent, qui vulgo inflammabilis audit, nitroſum autem aërem, a nitro nominarum, promit. Quum hæc fluida phlogiſton in ſua foveant compositione, eorundem volumina generata inflammabilis laxari quantitatibus eſſe proportionalia judicavimus, quod etiam, reſpectu aëris inflammabilis, experimentis mox memorandis conſentaneum invenimus.

A) TENTAMINA modo ſequenti ſunt inſtituta. Globus adfuit vitreus ſupra exiguo inſtructus collo, cui tubus formæ  altera extremitate eſt tritura adaptatus, ut intruſus

A 5

cir-

b) Opuſc. vol. II. pag. 354.

circumcirca perfecte claudat. Hic globus ahenò cupreo ita immitti poterat, ut ejusdem operculo perforato collum fixum inhæreret & tubus extremo libero aperturam lagenæ intraret inversæ & aqua impleræ, quæ in iusta distantia erat suspensa, orificio infra aquæ superficiem in vase supposito submersa. Hisce ita præparatis, ahenò aqua infunditur & igne ad ebullitionem perducitur. Interea ferri centenarius, lima vel malleo, pro diversa indole, in pulverem redactus, globo ingeritur, ejusdem collum operculo adfigitur, acidi mensura solutioni necessaria ferro additur, tubus flexuosus mox intruditur, libero extremo lagenæ orificio inhærens, tandemque globus aquæ aheni prudenter immergitur & operculum applicatur. Hoc factò aqua ad ebullitionem igne cogitur, duraturam quamdiu aërei quidquam in lagena enatat, eam præsertim ob causam, ne aqua, calore forte diminuto, globum impleat. In omnibus experimentis acidi vitriolici æqualis mensura ex eadem hauriebatur ampulla, quod etiam de reliquis valet acidis, in sequentibus momentis adhibitis. Quum igitur in omnibus experimentis idem inserviret apparatus, & operatio eodem juvaretur caloris gradu, res circumstantes fuerunt eadem, & sola, uti convenit, ferri qualitas variavit. Fluidum aëriforme dimensi fumus pollicibus cubicis decimalibus, quorum quilibet 2 lothones vel 800 libras docimasticas aquæ puræ continet.

GLOBUS cum tubo $8\frac{1}{2}$ aquæ lothones capiebat, hoc eſt $4\frac{1}{4}$ pollices cubicos, & ficus aquæ ebullienti immerſus, aëris incluſi unum tantum pollicem cubicum cum quadrante in lagenam protrufit. Idem periculo expoſitus cum duobus aquæ lothonibus, volumini ſolutionis circiter respondentibus, ope vaporum 3 pollices aëris in lagenam expellebat, qui ideo ſubtrahendi ſunt a toto collecto volumine, quod etiam in ſequentibus tabulis factum eſt.

B) ACIDO *vitriolico* primum tentavimus. In noſtris experimentis uſurpatum ſub nomine olei vitrioli emtum erat, & dein quadruplo aquæ deſtillatæ pondere dilutum. Gravitate ſpecifica 1,129 gaudebat.

PRIMA tabulæ adnexæ columna pollices cubicos aërei, e ferri centenario elicitos, notat, eosque rite diminutione correctos.

SECUNDA in minutis primis moram collectionis indicat, qua præterita nihil aëroi prodibat.

EXP. 1. FERRUM *crudum pblo-giſto onuſtum*, in magno furno fuſorio ad *Leuſſſad* in Roſſa-gia elicitum, dedit - - - 43 p. c. 45 min.

EXP. 2. FERRUM *crudum, pblo-giſto quantum ſatis dotatum*, ex eodem furno ad *Leuſſſad* 39, 5 45

EXP.

EXP. 3. FERRUM e præcedente ad *Leuſſſtad cuſum* - 50 p. c. 15 min.

EXP. 4. FERRUM *ductile* ex eodem crudo in *crucibulo* elicitedum (Exp. 94) - 51 25

EXP. 5. FERRUM *crudum* ad *Akerby* elicitedum - 38 50

EXP. 6. FERRUM ad *Akerby* e præcedente *cuſum* - 48 15

EXP. 7. FERRUM *crudum* ad *Ullfors* elicitedum - 41 45

EXP. 8. FERRUM ad *Ullfors cuſum* - 50 15

EXP. 9. IDEM cum dupla acidi vitriolici menſura - 50 15

EXP. 10. IDEM in calore diſſolutionis ſolutum - 50 —

EXP. 11. FERRUM *cuſum* ad *Oſterby* - 48 15

EXP. 12. CHALYBS ex hoc ferro cæmentatione paratus, induratus, & ut limari poſſet, igne emollitus - 46 10

EXP. 13. IDEM ignitus, in laminam ſub malleo expaſus, exſtinctione induratus & pulveratus - 46 30

Huc uſque enumeratæ ferri variationes, e mineris ad Dannemora obviis, excoctæ fuerunt & methodo gallica

cuſæ, apud exteros præci-
puæ laudatæ ſub nomine *ferri*
Öregrundensis c).

EXP. 14. FERRUM *crudum*
ad *Forsmark* elicitedum - - 40 p. c. 55 min.

EXP. 15. FERRUM *cuſum* ad
Forsmark - - - 51 15

EXP. 16. CHALYBS ex hoc
ferro coriatione paratus, in-
duratus & dein ignitus, ut
limari poſſet - - - 48 10

EXP. 17. FERRUM *crudum*
ad *Brattfors* in *Vermelandia*
elicitedum - - - 43 20

EXP. 18. FERRUM e præce-
dente *cuſum* modo germani-
co ad *Brattfors* - - - 51 10

EXP. 19. FERRUM *nativum*
Sibericum - - - 36 240

EXP. 20. FERRUM *crudum*
phlogiſto onuſtum, ad *Hællefors*
in *Sudermannia* e tormento-
rum medulla deraſum - - 48 15

EXP. 21. IDEM denuo in
crucibulo fuſum - - - 43 45

EXP.

c) Hoc e mineris *Dannemorensibus* excoctum fer-
rum, olim per *Öregrund* exportabatur, &, quam-
vis hoc oppidum dudum anno 1638 ſtapulæ a-
miſerit beneficium, ab illo nihilo minus denomi-
natio etiamnum reſtat.

EXP. 22. CHALYBS in *Anglia*
cæmentando paratus, iterum-
que fuſus, ſalva ductilitate 45 p. c. 12 min.

EXP. 23. CHALYBS eodem
modo paratus a D. QUIST - 46 6

EXP. 24. FERRUM *crudum* e
mineris ad *Dingelvik* in Da-
lia obviis, magnesio ſcctis - 41 90

EXP. 25. CHALYBS cæmen-
tatione paratus e ferro cuſo
præcedentis crudi - - 47 15

EXP. 26. FERRUM *cuſum* in
parcecia *Norrberke*, calidum
fragile - - - 48 10

EXP. 27. FERRUM *cuſum* in
parcecia *Grånje*, frigidum fra-
gile - - - 51 8

EXP. 28. FERRUM *crudum* ad
Huſaby in Smolandia elicatum 48 30

EXP. 29. FERRUM e præce-
dente *cuſum*, frigidum facile 50 6

EXP. 30. CHALYBS e præ-
cedente cæmentatione paratus 44 25

EXP. 31. FERRUM frigidum
fragile ad *Braås* Smolandia
in parvo furno Hungarico
elicatum - - - 52 25

EXP. 32. IDEM malleo obe-
diens ex iisdem, ac præce-

den-

dens, mineris, ope calcarei lapidis elicatum ad *Braås d*) 48 p. c. 20 min.

EXP. 33. FERRUM *cufum*, in *crucibulo* cum calce ferri denuo fufum, fed poſtea nihilo minus frigidum fragile (Exp. 100) 52 20

C) HORUM experimentorum pleraque repetita fuerunt *acido muriatico*, cujus gravitas ſpecifica 1,155 attingebat. Nova nonnulla ſunt adjecta, præcipue ad calcem enumerationis. Centenarius ferri tentaminibus heic inferviebat, æque ac in præcedente tabula, quod etiam valet de ſequenti in momento *D*).

EXP.

d) Affeffor R. Collegii metallici Nob. S. A STOCKENSTRÖM notabilia nobiſcum communicavit experimenta, æſtate præteriti anni inſtituta ad Braås in Smolandia. Mineræ nempe lacuſtres in furnis fuſoriiſ magnis ibi non niſi ferrum frigidum fragile exhibent. D. A STOCKENSTRÖM ab iisdem, ſimplici fuſione, malleo obediens adquiri poſſe ſperans, talem furnum, 8 pedes altum, adornavit, qualem in Hungaria Blau-ugn appellant. Repetitis in hoc tentaminibus invenit, imo mineras ſine additione fuſas non niſi frigidum fragile porrigere, quale in exp. 31 examinatur. 2:0 addita $\frac{1}{12}$ calcarei grifei, quartſo inquinati, ferrum prodire malleo obediens, in exp. 32 exploratum. 3:0 Scorias ſine calce fuſas reductasque etiam frigidum fragile præbere. 4:0 In omnibus fuſionibus, cum vel ſine calcareo, ponderis magnam fieri jacturam, quæ, dum mineræ ingeruntur, interdum $\frac{5}{100}$ &, ſcoriis in uſum vocatis, $\frac{28}{100}$ attingit, quæ nvis centenarius mineræ in calcinatione non niſi $\frac{3}{100}$ amittat. Per ſe patet, tam immiſſa, quam ex-

EXP. 34. FERRUM *crudum*,
phlogiſto onuſtum, *Leuſtadenſe*
exhibuit - - - 43 p. c. 40 min.

EXP. 35. FERRUM *crudum*
Leuſtadenſe, quantum ſatis
phlogiſto dotatum - - 39,5 30

EXP. 36. FERRUM *cuſum* *Leuſtadenſe* - - - 50 10

EXP. 37. FERRUM *crudum*
Åkerbyenſe - - - 38 30

EXP. 38. FERRUM *cuſum* *Åkerbyenſe* - - - 48 10

EXP. 39. FERRUM *crudum*
Ullforſenſe - - - 41 25

EXP. 40. FERRUM *cuſum* *Ullforſenſe* - - - 50 10

EXP. 41. FERRUM *cuſum* *Øſterbyenſe* - - - 48 10

EXP. 42. CHALYBS *Øſterbyenſis*
induratus - - - 46 20

EXP. 43. IDEM ignitione *e-*
mollitus - - - 46 5

EXP. 44. FERRUM *crudum*
Forsmarkenſe - - - 40 25

EXP. 45. FERRUM *cuſum* *Forsmarkenſe* - - - 51 10

EXP. 46. CHALYBS *Forsmarkenſis* - - - 48 5

EXP.

tracta fuiſſe ponderanda, ut hoc innotefceret. 5:0
E centenario mineræ, quæ circiter 24 libras fri-
gidi frigilis promit, ſummum 18 ductilis obtineri.

EXP. 47. FERRUM <i>crudum</i> <i>Brattforsenſe</i> - - -	41	p. c. 10 min.
EXP. 48. FERRUM <i>cuſum</i> <i>Bratt-</i> <i>forsenſe</i> - - -	51	10
EXP. 49. FERRUM <i>nativum</i> <i>Sibericum</i> - - -	49	70
EXP. 50. FERRUM <i>crudum</i> <i>Hælleforsenſe</i> , phlogiſto one- ſtum, e tormentorum medul- la deraſum - - -	48	10
EXP. 51. IDEM in <i>crucibulo</i> denuo fuſum - - -	43	45
EXP. 52. CHALYBS <i>Anglicus</i>	45	5
EXP. 53. CHALYBS a D: no QUIST confectus - - -	46	4
EXP. 54. CHALYBS e ferro <i>Dingelvikeniſe</i> - - -	47	10
EXP. 55. FERRUM <i>cuſum</i> <i>Norr-</i> <i>berkenſe</i> - - -	48	10
EXP. 56. FERRUM <i>cuſum</i> <i>Grän-</i> <i>genſe</i> - - -	51	4
EXP. 57. FERRUM <i>crudum</i> <i>Huſabyeniſe</i> - - -	48	45
EXP. 58. FERRUM <i>cuſum</i> <i>Huſa-</i> <i>byeniſe</i> - - -	50	4
EXP. 59. CHALYBS e ferro <i>Huſabyeniſe</i> - - -	44	20
EXP. 60. FERRUM <i>Bradſenſe</i> frigidum fragile - - -	52	4

EXP. 61. FERRUM *Braâſenſe*
ductile - - - - 48 p. c. 8 min.

EXP. 62. FERRUM *ductile*
cum carbonum pulvere fu-
ſum (EXP. 107) - - - 45 45

EXP. 63. FERRUM *crudum*
cum vitro fuſum (EXP. 115) 45 50

EXP. 64. FERRUM *crudum*
cum plumbo calcinato fuſum
(EXP. 110) - - - 43 120

D) ACIDUM *nitri* quoque eodem modo
tentavimus, cujus gravitas ſpecifica per 1, 230
exprimebatur.

EXP. 65. FERRUM *crudum*,
phlogiſto onuſtum *Leuſtaden-
ſe*, aëris nitroſi porrigebat 33

EXP. 66. FERRUM *crudum*
Leuſtadenſe q. ſ. phlogiſto
dotatum - - - 29

EXP. 67. FERRUM *cuſum*
Leuſtadenſe - - - 28

EXP. 68. FERRUM *crudum*
Ullforſenſe - - - 30

EXP. 69. FERRUM *cuſum* *Ull-
forſenſe* - - - 30

EXP. 70. FERRUM *crudum*
Åkerbyenſe - - - 26

EXP. 71. *FERRI cusi Åkerbyensis* frustulum 100 librarum, globo tepidæ immisso & aqua dein ad ebullitionem redacta - - - 29

EXP. 72. *EJUSDEM* limatura, globo paullo calidiori aquæ immisso - 20

EXP. 73. *EJUSDEM* limatura, dum ebullienti immittebatur - - 15

EXP. 74. *FERRI cusi Österbyensis* limatura, dum globus ebullienti immittebatur - - - 18

EXP. 75. *FERRUM cusum Österbyense* in frustulo, dum globus tepidæ immittebatur, - - - 24

EXP. 76. *FERRUM crudum* phlogistionustum *Hælleforsense*. Globus immissus aquæ fuit non nisi tepidæ, sensim dein ad ebullitionem redactæ 33

EXP. 77. *IDEM*, dum globus paullo calidiori immittebatur aquæ - 30

EXP. 78. *IDEM*, dum globus ebullienti immittebatur - - - 28

EXP. 79. *FERRUM crudum* phlogistionpauperatum *Hælleforsense*, dum globus immittebatur tepidæ - - 34

EXP. 80. *IDEM*, dum globus immittebatur aquæ paullo calidiori - 32

EXP. 81. *FERRI cusi Norrberkensis*,
calidi fragilis, lamatura, dum globus
calidæ immittebatur - - - 19

EXP. 82. *EADEM*, dum ebullienti
globus immittebatur - - - 14

EXP. 83. *FERRUM crudum Husabyense*
frigidum fragile - - - 34

EXP. 84. *CHALYBS* e ferro cuso præ-
cedentis paratus, dum globus tepi-
dæ immittebatur - - - 32

EXP. 85. *IDEM*, dum immittebatur
paullo calidiori - - - 30

E) JAM quoque *phlogisti reducentis quan-
tatem* in diversis ferri statibus *præcipitando
determinare* conabimur. Quæ cum acido ni-
tri occurrant obstacula alibi notata sunt^{e)}.
Phlogisti quoque in ferro copia, cum acido
vitrioli ab unico experimento ibidem deducta,
nimis est exigua, heic ideo corrigenda. Se-
quenti igitur modo negotium adgressi sumus.
Argentum depuratum solvebatur acido ni-
tri ad satietatem, & solutio alkali vegetabi-
li vitriolato deturbabatur. Quivis hujus vi-
trioli ficcati centenarius continebat argenti
libras docimasticas 66, 7, quod tam præci-
pitatione, quam reductione innotuit.

Exp. 86. *ARGENTI vitriolati* centenarius sex
circiter pollicibus aquæ destillatæ immitte-
ba-

^{e)} Diff. de phlogisti in metallis diversa quantitate.

batur, una cum nonnullis acidi vitriolici guttis, non ut iis præcipitatio promoveretur, quæ, illis absentibus, etiam peragi potest, sed ut depositio pulveris martialis impederetur. Dein, addito *ferri cusi Österbyensis* frustulo nitido 130 librarum, vasculum digestionis calori exponebatur, donec muriæ grano liquor non turbaretur. Hoc obtento, ferri frustulum exemptum, lotum & siccatum, libras 19, 5, circiter amisisse reperiēbatur. Itaque 66, 7 argenti libræ ferri Österbyensis libris 19, 5 præcipitantur.

EXP. 87. TENTAMEN repetebatur cum alio argenti vitriolati centenario, sed loco ferri Österbyensis *Grångense* adhibebatur, cujus libræ 17, 9 plenæ sufficiebant præcipitationi.

EXP. 88. ARGENTI vitriolati centenarius ope *chalybis Österbyensis* reductus libras postulavit 20.

EXP. 89. ARGENTI vitriolati centenarius, deturbatus *ferro crudo Husabyense*, libris 19, 2 opus habuit.

§. IV.

Corollaria e præcedentibus experimentis elicitæ.

Si jam tentamina allata paullo curatius comparantur pensitanturque, haud difficulter elucet.

A) ACIDIS vitrioli & muriæ æqualia omnino aëris inflammabilis volumina ex æqualibus
B 3 ejus-

ejusdem ferri ponderibus prodire, temporibus tamen multum discrepantibus, adeo ut prius plerumque longiorem, immo sæpe ultra duplam requirat moram. Hanc discrepantiam partim ab inæquali solvendi divisione, partim a menstruo priore dilutiore, in primis derivandam existimamus. Utrumque nihilo minus acidum ~~atque~~ eundem aëris inflammabilis copiam laxat, quæcumque menstrui quantitas, modo sufficiens, adhibeatur (Exp. 8 & 9), eam, sine dubio, ob rationem, quod phlogiston ad genesin hujus aëris in primis symbolam conferat. In ferro nativo Siberico peculiaris occurrit indoles, qua tardissime menstruis suscipitur. Vitriolicum, ebullitionis æstu adjutum, quatuor horis non nisi 36 pollices cubicos extricare potuit; muriaticum quidem initio celerius egit, nam primis decem minutis 30 prodierunt, sed sequentibus 60 tantummodo 19. Talem quoque segnitiam, in aliis quibusdam naturæ productis, observavimus. Forte diversa frustra ferri Siberici hoc respectu differunt, quum a nemine antea hanc adnotatam vidimus. In speciminibus collectionis Academiae Upsaliensis unicum cum acido salis fortem excitavit odorem hepaticum, sed reliqua hujus nulla vestigia præbent.

Quod ad *nitrosum* attinet, hujus actio a minimis ita pendet circumstantiis, ut materiis & quantitatibus iisdem, rarissime idem provocari potuerit experimenti eventus, in

eodem apparatu bis repetiti. Quum acida vitrioli & muriæ, ſive ebullitione, ſive diſtillationis calori adjuta, idem tamen aëris volumen generent, (Exp. 8 & 10), de nitroſo idem initio exſpectavimus, ſed poſtea non tantum *aquæ intenſiore æſtu, verum etiam ſolvendi majore ſuperficie, aëream productionem diminui* obſervavimus (Exp. 71-85), quod eo magis miramur, quo validius in aliis ſolutionibus hæc momenta effectus augere ſoleant. Ceterum ex allatis haud difficulter patet, hoc acidum jam noſtro propoſito minus inveniri aptum & ejusdem effectus alio loco examinandos eſſe.

B) Quod *phlogiſton reducens ſit volumini aëris inflammabilis elicitæ proportionale*, fundamentum eſt prioris a nobis adhibiti demetiendi modi. Ut hæc hypotheſis examinaretur, diverſis quoque ferri ſpeciebus præcipitationem tentavimus & convenientiam vidimus, nam 66,7 argenti libræ reductæ fuerunt ferri Öſterbyenſis libris 19,5 (Exp. 86), ferri autem Grångeniſis 17,9 ſufficiebant (Exp. 87). Si ex hiſce datis quantitas phlogiſti in centenario utriuſque ferri calculo eruitur, hæc, poſito, quod argenti centenarius contineat 100, reperietur
$$\frac{66,7 \times 100}{19,5} =$$

342 pro Öſterbyenſi, &
$$\frac{66,7 \times 100}{17,9} = 373$$
 pro Grångeniſi, ſed prius adhibet 48 pollices
B 4 ces

ces cubicos aëris inflammabilis (Expl. 11) & posterius 51 (Exp. 27) unde $48 : 51 :: 342 : 373$, esse debet, quod etiam vero proximum invenitur, nam quartus terminus revera est 363, qui 10 partibus deficit, at unica tantum, si posterior ratio, æque ac prior, per decades exprimitur.

EXPERIMENTA duo sequentia similiter congruunt, nam in centenario crudi Husabyensis 347 adsunt (Exp. 89), & in chalybe Österbyensi 333 (Exp. 88), sed prius dat aëris inflammabilis 48 (Exp. 28) & posterius 46 (Exp. 12). Ergo $48 : 46 :: 347 : 333$ esse deberet, sed rigoroſe quartus terminus proportionalis est 332, 5, qui ne unica quidem parte integra differt, & major inter diversas methodos vix exspectari potest concordia.

HINC itaque concludimus in unico aëris inflammabilis pollice cubico tantum circiter adesse phlogisti, quantum in libris 2,17 chalybis Österbyensis, 2,08 ferri crudi Husabyensis, 2,08 cusi Österbyensis & 1,96 cusi Grångensis.

C) FERRUM *crudum* ex eadem elicitum minera, inæquali gaudet inflammabilis portione, eo nempe minore, quo parcius sub fusione carbonēs fuerunt adhibiti. Hoc plura in tabula prima & secunda obvia experimenta evincunt.

D)

D) VARIATIONIS in *ferro crudo bono* limes infimus est 38 & supremus 48. Ingenui tamen fateamur oportet, nobis supremum valde incertum videri. Crudi enim Hælleforsensis hætenus non nisi squamas obtinuimus, e tormentorum ad Hælleforsis fusorum medulla abrasas, quæ sine dubio, sub perforationis operatione, terebræ chalybeæ scobe fuerunt inquinatæ. Hoc igitur experimento, tamquam ambiguo, excluso, e septem reliquis, supremus oritur 43 *). Crudum, quod ferrum cusum frigidum fragile exhibet, 48 quidem pollices cubicos promit, sed Hælleforsense hoc vitio caret, nobis tamen non dum licuit hoc cusum examini subicere.

E) VARIATIO in *chalybis* generibus inter 45 & 48 versatur. E frigido fragili paratus ad 44 descendit.

F) VARIATIO *ferri cusi boni* inter 48 & 51 cadit.

FERRI *calidi fragilis* non nisi unicum specimen acquirere potuimus, quod modo descripto exploratum circa 48, limitem infimum cusi boni, subsistit, sed frigidi fragilis
B 5 tres

*) Crudum Hælleforsense sincerum postea adquisitum, methodo consueta pro centenario dedit æris inflammabilis pollices cub. 40, adeo ut conjectura in ipso textu de immixtis moleculis chalybeis jam dubio careat.

tres habuimus variationes, quæ cusi boni supremum, nempe 50 & 51 attingunt, immo tertium superat, usque ad 52 progrediens, ut in exp. 31.

G) E momentis tribus proxime præcedentibus *minima phlogisti copia in ferro crudo* adeste videtur, *in chalybe media* & *in ferro cuso maxima*. At priusquam hæc conclusio, uti omnino certa agnosci debet, num in hisce diversis statibus peregrina quædam adsit materia, parcior vel uberior, quæ sub solutione magis, minus vel nihil laxat inflammabilis, cognitum sit oportet, quod demum in sequentibus innotescit (§. VIII). Interea heic semel indicasse sufficiat, quod semper, ubi sermo est de quantitate phlogisti in ferro, illam unice spectari, quæ moleculis ferreis est propria, etenim portio principii inflammabilis, quæ plumbagini, aliive materiæ peregrinæ inhæret, cum sua basi abesse potest, salva metalli natura.

§. V.

Quantitas phlogisti reducentis experimentis ficcis quæsitæ.

MULTA instituta sunt tentamina, ut, si fieri posset, hac etiam via innotesceret phlogisti copia, sed exactæ mensuræ methodum nondum excogitare potuimus, aliquali igitur determinatione qua majus & minus plerum-

rumque subsistere coacti fuimus. Experimenta ipsa, secundum operationum diversitatem distributa, in medium proferemus, haud pauca tamen excludentes, quæ nobis parum vel nihil decidere visa sunt.

A) FUNDENDO sequentia sunt peracta & quidem primo, ut disceremus, *num ferrum crudum plus foveat pblogisti, quam cufum.*

EXP. 90. HÆLLEFORSSENSIS *crudi*, e tormentorum medulla derafi, 200 libræ cum 50 *bæmatitæ nigri f)*, in crucibulo clauso per 25 minuta prima igni exponebantur, ingenti incitato folle. Vase fracto regulus reperiebatur collectus 201½ librarum, scoriis quatuor quartas opertus nigrescentibus, qui maleo in planum circiter circulare extendi poterat 6 linearum diametri, antequam margo finderetur.

HORÆ minutorum numerus illam notat moram, sub qua crucibulum igni, folle incitato, expositum fuit, quod de omnibus sequentibus tentaminibus etiam valet.

EXP. 91. EJUSDEM *Hælleforsensis crudi* 200 libræ cum 50 *calcis e vitriolo martis præcipitatae*, & in crucibulo dein ignitæ, (quæ fusca adhuc magneti obediebat), similiter tractatæ 20 minutis, regulum exhibuerunt 206 librarum, scoriis parcioribus, quam præcedens

f) CRONSTEDT Min. §. 204.

dens, immersum, qui tantæ erat ductilitatis, ut in lamellam 9 linearum diametro gaudentem, sine ulla marginis fissura extendi potuerit.

EXP. 92. *CRUDI Leuffstadenfis*, phlogisto quantum satis onusti, libræ 200 cum 50 *hæmatitæ nigri*, antea usurpati, per 15 min. igni expositæ, præter regulum 168 librarum, exiguorum in lateribus & per totum etiam operculum sparforum multitudinem præbuerunt, ex antecedente subversione crucibuli, miscelam diffeminantem, sine dubio ortam. *Regulus malleo* parum obediebat, sed parvi globuli omnes eximia gaudebant ductilitate, tam nitidi, quam qui obscura vestiebantur superficie. *Scoriæ semiperlucidæ virescentes* maculis rubris erant distinctæ.

EXP. 93. *EJUSDEM Leuffstadenfis crudi* libræ 200 cum 50 talis *calcis martialis*, quæ in exp. 91 inserviebat, per 15 min. similiter tractatæ, regulum præbuerunt 222 librarum, ductilitate illi accedentem, qui in exp. 91 memoratur. *Scoriæ semiperlucidæ virescentes.*

PRÆCEDENTIA quatuor experimenta eo ordine facta sunt, quo enumerantur, & quidem ita, ut uno crucibulo exempto, aliud mox foco committeretur, quod ideo notandum putamus, ut ignis in hoc foco intensitas & incrementum quodammodo dijudicentur.

EXP.

EXP. 94. EJUSDEM *Leuffstadenſis crudi* 200 cum 50 *croci*, e ferro cuſo parati calcinatione, magneti non obediens, per 15 minuta ſimiliter tractatæ, regulum dederunt 210 librarum, qui ſub malleo 9 linearum diame- trum adquirebat, margine integro. Gutta acidi nitri in limata ſuperficie depoſita, & poſt aliquot minuta lotionē deterſa, maculam exhibuit albentem. Notum eſt chalybem in acido nitri fuſca circumdari ſuperficie, ferrum autem albida g). Idem unica gutta, modo jam dicto efficitur, & ferri varietatibus dignoſcendis expeditam ſuppeditat methodum.

EXP. 95. EJUSDEM *Leuffstadenſis crudi* 200 libræ cum 50 *croci ad Dyltam parati*, 20 minutis ſimiliter tractatæ, regulum præbuerunt parum malleo cedentem, 196 librarum. Scorix nitore metallico virescebat. Limæ cedebat. Acido nitri fuſceſcebat: in vitriolico ebulliente pulverem nigrum reliquit intactum.

EXP. 96. CROCI *Dyltenſis* 400 libræ in crucibulo, pulvere carbonum ſtrato, cum pauxillo boracis per 20 minuta expoſitæ, pyriten præbuerunt coloris hepatici 68 librarum, unde hunc crocum ſulphure foetum eſſe conſtabat. Scorix opacæ e cinereo virescebat.

EXP.

g) Cel. RINMAN in Actis Stockh. 1774.

Exp. 97. Ut exactæ comparationi locus esset, *idem ferrum Leufstadenſe* etiam *sine additamento* fudimus. Libræ 200 per 20 min. igni, folle incitato, expositæ, in crucibulo clauso nigrum regulum præbuerunt 196 librarum, parum malleo obedientem, cujus fractura cinerea exiguas monstrabat squamas nitidas. Limam admittebat, sed cum quadam difficultate. In superficie limata aquæ fortis gutta maculam generabat fuscā. Probe ignitus sub malleo egregie cedebat & in aqua induratus fracturam optimi chalybis porrigebat. Scorïæ nullæ.

Acidum vitrioli ebulliens regulum suscepit, sed pulverem nigrum reliquit.

Exp. 98. EJUSDEM *crudi* 200 libræ in crucibulo, cujus operculum non erat adglutinatum, per 20 min. similiter tractatæ, regulum dederunt 194 librarum, præcedenti in omnibus similem. Frustulum in acido vitriolico coctum pauxillum pulveris nigri reliquit.

Exp. 99. EJUSDEM *crudi* libræ 200, in vase tutensi aperto, igni per 15 min. expositæ, regulum 198 librarum præbuerunt, qui malleo magis obediebat, quam bini præcedentes, at in fractura fuscum & quasi fuliginosum. Limari poterat, sed superficiem monstrabat albidam, minutissimis punctis fuscis obscuratam. Acidum nitri fuscā generabat maculam. Post solutionem in acido

vitriolico corpus leve spongiosum fuscum restabat, ejusdem figuræ & voluminis, ac frustulum immissum.

EXP. 100. QUID valeat ferrum calcinatum in frigidum fragile exploraturi, *Smolandici antea memorati* (exp. 31) libras 200, cum 50 *calcis* in exp. 91. adhibitæ, in crucibulo clauso per 15 min. igni exposuimus. Regulus probe fusus & in superficie subtiliter crystallifatus, 180 libris æquivalerat, malleo parum obediebat; fracturas monstrabat albas, in meditullio constans granis angulosis, sed in ambitu lamellis tenuissimis; limam admittebat; nitri acido albebat. Ad rubedinem ignitus ductilis erat, in aqua extinctus chalybis suscipiebat fracturam, sed limæ cedebat.

EXP. 101. EJUSDEM ferri 200 libræ, cum centenario ejusdem calcis ferreæ, regulum dabant 155 librarum, qui frigidus malleo paullum cedebat, sed ad rubedinem ignitus frangebantur. Exstinctione in aqua non indurabatur.

EXP. 102. CRUDI *Husabyensis* 200, cum 50 calcis ferri, ex eodem ad Braås cusi, in crucibulo clauso 20 minutis regulum præbuerunt bene fusum, & præterea in lateribus & operculo parvorum globulorum notabilem multitudinem. Regulus tam frigidus, quam candens, sub malleo frangebatur, sed
ad

ad rubedinem ignitus paulum cedebat. Globuli frigidi aliqua gaudebant ductilitate, quod etiam valet de illis, qui in sequentibus duobus tentaminibus adquirebantur.

EXP. 103. EJUSDEM *crudi* 200, cum 50 *ferri Norrberkensis calcinati*, regulum porrexerunt vix centenario æquivalentem & globulos sparsos, omnino ut in Exp. 102. Regulus frigidus fragilis, sed ad rubedinem ignitus præcedenti ductilior, chalybea dotatus indole. Globuli soli, sine additamento fusi, nulla præbuerunt volatilisationis signa, sed fragilitatis frigida luculenta.

GLOBULI, in præcedentibus duobus experimentis collecti, cum acido muriatico dabant e centenario aëris inflammabilis 49 pollices cubicos, minutis 15.

EXP. 104. EJUSDEM *crudi* 200, cum 50 *ferri Österbyensis calcinati*, eodem modo se habuerunt, & crucibulum non tantum inferius fusco obductum colore, sed etiam, ut in præcedentibus duobus experimentis, inversum, loco operculi inserviens, intus eodem globulisque vestitum. Regulus in fundo restans acido salis solvebatur longe tardius, quam globuli, & e centenario aëris inflammabilis 43 tantum pollices cubicos præbebat. Ejusdem portio cum calce ferri ejusdem generis iterum fusa, in fundo tota remanebat.

EXP.

EXP. 105. EJUSDEM *crudi* 200 *sine addita-*
mento, uti præcedentes *fusæ*, regulum 197
 librarum dederunt, nullaue volatilisationis
 monſtrarunt veſtigia.

PRIUSQUAM ulterius progredimur experi-
 undum exiſtimamus, *num & quomodo ferrum*
ductile, in præcedentibus provocatum, *iterum*
fragilitatem acquirere poſſit?

EXP. 106. REGULUS explanatus 201½ libr.
 (Exp. 90) *plumbaginis* 50 libris inditus per
 20 minuta igni exponebatur in crucibulo
 clauſo. Vaſe fracto regulus reperiēbatur ci-
 nereus, maculis excavatis fuscis, in ſuperfi-
 cie ſubtiliter & verticillatim ſtriatuſ, ponde-
 re 190 tantum attingens. Sub malleo durus
 cito frangebatur. Fractura e cinereo albi-
 da ſimilem, ac ſuperficies, cryſtalliſationem
 monſtrabat. Limam admittebat. Acidi ni-
 tri gutta maculam relinquebat fuſcam. In
 acido vitrioli ebulliente fruſtulo ſoluto, pau-
 xillum pulveris nigri remanebat. Ad rube-
 dinem ignituſ ægre cudi poterat. Exſtinctione
 in aqua chalybeam comparabat fracturam.

EXP. 107. REGULUS explanatus 206 libra-
 rum (Exp. 91) pulveri *carbonum* indituſ, &
 præterea, ut præcedens, tractatuſ per 18
 minuta, globum exhibuit in ſuperficie qua-
 ſi uſtuſ 204 librarum*), qui ſub malleo ci-

Bergm. Opuſc. Vol. III.

C

to

*) Hoc experimentum poſtea repetitum, idoneo ignis
 gradu, regulos præbuit, quorum ponduſ in cente-

to frangebatur, alias qua fracturam, duri-
tiem & habitum tam cum acido nitroſo,
quam vitriolico, præcedenti conveniens. Ad
rubedinem ignitus ægre malleo cedebat: in
aqua indurabatur chalybeam texturam & in-
dolem adquirens.

EXP. 108. REGULUS explanatus 222 libra-
rum (Exp. 93) ſolus ſine additamento in va-
ſe clauſo, igni per 15 min. expoſitus, fuſio-
ni reſtitiffe reperiēbatur, colore obſcuro &
puſtulis quibusdam exaſperatus, ſed præterea
æque ac antea ductilis. Gutta acidi nitri
exſiccata & lotionē deterſa maculam oſten-
debat albam, ut in omni ferro cuſo. Fru-
ſtulum acido vitriolico ſolvebatur fere ſine
reſiduo.

EXP. 109. REGULI præcedentis libræ 72
eodem modo per ſemihoram igne torque-
bantur, ſed fruſtulum fuſionem reſpuebat
ductilitatem retinens.

JAM videamus, *quid in ferrum crudum va-
leant aliæ materiæ, quarum plumbum calcina-
tum* agmen ducat.

EXP. 110. CRUDI *Leuſtadenſis* libræ 200
cum 142 calcis plumbi nuper vitrificatæ &
& pulveratæ, ne quidquam ineſſet acidi æ-
rei, igni per 18 minuta in crucibulo clauſo
ex-

nario libra 1, non numquam 2, auctum reperi-
batur. Ita autem temperentur oportet ignis ejus-
demque mora, ut nihil calcinatione ſeparetur.

exponebantur. Vasculo fracto duplex reperiatur regulus, in fundo plumbeus, cui supra adnatus erat ferreus, adeo ut neutrius pondus adcurate determinari posset. Scoriarum parvarum, nigrarum. Ferrum sub malleo frangebatur, fracturas præbens obscure cinereas & minutissime squamosas. Limam admittebat. Gutta acidi nitri maculam generabat fuscā. Frustulum in acido vitriolico coctum, pulverem nigrum insolubilem reliquit, qui etiam muriatico restitit.

EXP. III. EJUSDEM *crudi* 200 libræ cum 350 calcis plumbi nuper fusæ & pulveratæ, similiter tractabantur, sed effectus fuit omnino idem, quæ reguli indolem. Ut cognosceremus, num causa fragilitatis in portione plumbi ferrum inquinante lateret, frustulum acido muriatico puro solvebatur, sed acidum vitriolicum liquori instillatum nihil deturbavit. Plumbum reductum 262 libras efficiebat. Quidquam lithargyrii in operculo sublimatum reperiatur.

UTERQUE regulus (Exp. IIO & III), etiam ignitus, sub malleo frangebatur, fractura tamen chalybea & major durities extinctione in aqua prodiit.

EN *magnesiæ calcinati* vires in ferrum crudum. Quod calx magnesiæ nigra phlogiston vehementer appetat notum est.

EXP. III. CRUDI *Leuffstadenfis* 200, cum *magnesiæ nigre* 50 libris, igni per 20 min.

expositæ, in crucibulo clauso, regulum dabant 190 librarum, fragilem. Acidi nitri gutta maculam relinquebat fuscā. Limæ egregie cedebat. Acidum vitrioli pulverem nigrum intactum reliquit. Scoriæ spumosæ e fusco fulvæ.

EXP. 113. EJUSDEM *crudi* 200, cum *magnesiæ nigræ* 100, alia vice similiter tractatæ per 15 min., regulum præbuerunt 185 librarum, perfecte fusum, qui malleo quidem pauxillum cedebat, non tamen ita, ut in lammellam potuerit extendi. Fracturæ erant cinereæ & minutissime squamosæ. Scoriæ fere perlucidæ, virescentes, spongiosæ. Limam regulus admittebat. Acidum nitri fuscā efficiebat maculam. Ignitus ductilitatem eximiam monstrabat, & in aqua induratus fracturam indolemque chalybeam induebat.

EXP. 114. FERRI frigidi fragilis *Braasensis* 200 libræ, cum centenario *magnesiæ nigræ* per 15 minuta in crucibulo clauso expositæ, regulum dabant 182 librarum, valde fragilem & texturæ granosæ, ut antea, sed ad rubedinem ignitus malleo cedebat & postea etiam frigefactus. In aqua indurationem respuebat.

Quo modo agat *vitrum* e sequenti tentamine didicimus.

EXP. 115. CRUDI *Leuffstaden* 200 cum *vitri crystallini* 100, in vase clauso, per 15 min.

min. igni expositæ, regulum porrigebant 198 librarum, in tota superficie crytallifatum striis parallelis, quæ aliis parallelis ad angulos plerumque rectos secabantur. Hic sub malleo cito frangebatur. Fractura cinerea, minutissime squamosa. Lima rodebatur: acido nitri fuscabatur: vitriolico fere sine residuo solvebatur: ignitus sub malleo extendebatur: in aqua extinctus valde indurabatur & fracturam æque ac indolem optimi chalybis anglicani monstrabat.

SCORIÆ regulum fusum tangentes fuscescebant compactæ, extimæ flavebant spumosæ.

CALCAREI lapides non raro ad juvandam fusionem adduntur. *Qualem in crucibulo præstent effectum* jam experiemur.

EXP. 116. CRUDI *Leufstadenfis* 200 libræ cum 67 cretæ ustæ, in crucibulo clauso, per 25 minuta igni expositæ, regulum dabant bene fusum 191 librarum, durum, fragilem, fracturis e cinereo albis, minutissime squamosis. Scorix vitreæ e fusco virescentes. Ad rubedinem probe ignitus malleo quodammodo cedebat, sed albedine candens frangebatur, indole gaudens chalybea.

EXP. 117. EJUSDEM *crudi* 200 libræ, cum $33\frac{1}{2}$ cretæ ustæ & totidem quartzi pulverati, in crucibulo clauso, minutis 20 regulum porrexerunt 192 librarum, qui paullo magis, quam præcedens, malleo cedebat, na-

turæ chalybeæ, nam supra memorata criteria monstrabat (Exp. 115), quæ heic & alibi in sequentibus repetere supervacaneum putamus.

EXP. 118. TENTAMEN 116 repetitum in crucibulo, cujus operculum non erat adglutinatum, regulum dabat 20 minutis imperfecte fusum 168 librarum, qui tamen aliqua gaudebat ductilitate.

EXP. 119. TENTAMEN 117 repetitum in crucibulo, cujus operculum non erat adglutinatum, 15 minutis massam præbuit e granis coalitis formatam, sed non fusam, quæ igitur denuo per semihoram igni exponebatur, sed frustra. Grana metalli coalita malleo facile separabantur, horum autem quodlibet egregie extendi poterat.

IN ultimis duobus experimentis ignis inrensitas fuit paullo minor, quam in præcedentibus, etenim, ne quidquam intraret pulveris carbonacei, quo conclusio fieri posset ambigua, crucibulum inversum instar operculi adhibitum, carbonibus non erat tectum, uti in tentaminibus cum operculis adglutinat, adeoque diminuta carbonum quantitas consuevit.

EXP. 120. FERRI cusi *Braasensis*, frigidi fragilis, 200 libræ, cum 25 calcis ustæ, in crucibulo clauso per 15 min. igni expositæ, dabant regulum $191\frac{1}{2}$ librarum, parum ducti-

ctilem, fracturis granosis. Scorix compactx nigrx. Ad rubedinem ignitus malleo cedebat, sed in aqua non indurabatur.

EXP. 121. EJUSDEM *ferri* 200 libræ, cum 50 calcis ustæ similiter tractatæ, regulum præbuerunt 192 librarum, parum ductilem. Ad rubedinem ignitus paullo magis cedebat. Scorix nigra.

EXP. 122. EJUSDEM *ferri* 200 libræ, cum 100 calcis ustæ similiter tractatæ, regulum dabant 191 librarum, parum ductilem. Scorix perlucens, virides. Regulus fractus planis verticalibus tenuissimis compositus reperiabatur. Ad rubedinem ignitus malleo cedebat, sed in aqua durities non fuit aucta, adeoque pristina restabat indoles.

EXP. 123. EJUSDEM *ferri* 200 libræ cum 25 calcarei crudi, sine adglutinato operculo per 15 minuta igni expositæ, regulum porrexerunt 164 librarum, qui paullo magis, quam præcedentes, malleo obediebat, ad rubedinem tamen ignitus exiguum monstrabat fragilitatem. Scorix nigra.

SULPHURIS quoque vim in idem frigidum fragile tentavimus.

EXP. 124. FERRI 200 libris, in crucibulo candentibus, sulphur pluries addidimus & massam ad fusionem redegimus. Ferrum sulphuratum e fusco nigri coloris dein calcinavi-

mus, &, in crucibulo, carbonum pulvere strato, in statum metallicum reduximus. Regulus fragilis erat, fractura ferri crudi, limam ægre admittebat & acido nitri fuscabatur: ignitus ad rubedinem malleo parum cedebat, sed extinctione indurabatur & fracturam suscipiebat chalybeam.

NUM *calido fragili illud, quod frigidum rumpitur, corrigi queat, exploraturi, sequentem instituimus operationem.*

EXP. 125. CENTENARIUM *ferri Norrberkensis* cum centenario *Bradsensis*, in crucibulo, carbonum pulvere strato, ope ignis 15 minutis confudimus. Regulus 208 librarum, in superficie griseus, inæqualitates crystallinas splendentes, præter globulos nonnullos adglutinatos, monstrabat. Hi globuli malleo obediebant, quamvis in contactu carbonum fuerant, sed magnus regulus cito frangebatur. In fractura superior pars magis apparebat obscura & fusca, quam inferior, quæ granis splendentibus erat conspicua. Limam facile admittebat & acido nitri fuscum induebat colorem. Nec ad rubedinem, nec ad albedinem ignitus malleo obediebat instar ferri crudi.

EXP. 126. CENTENARIUS *calcis ferri, frigidi fragilis*, in crucibulo, carbonum pulvere strato, sine additamento reductus, regulum præbuit 60 librarum, fragilem, limæ
ce-

cedentem, fractura fuſca, lineis nitentibus metallicis reticulatis. Acido nitri ſuperficies limata fuſcabatur & tota præterea indoles ferrum crudum monſtrabat, nam ignitus nec cudi poterat, nec notabiliter indurari.

EXP. 127. SULPHURIS efficaciam in frigidum fragile propius exploraturi, libras 83 *reguli in exp. 124* adquiſiti, cum 21 *ferri ductilis calcinati* 15 minutis igni expoſuimus. *Regulus* 53 librarum cavernoſus admodum fragilis erat, albus, fractura cryſtallifata, limæ obſequioſus, acido nitri fuſcandus, ad rubedinem ignitus paullo magis ductilis, quam in exp. 124, in aqua indurandus & chalybea inſtruendus fractura. Globuli, in lateribus ſparſi, ductiles. Scorix e fuſco flavescentes.

QUID valeat *calx ferri vitioſi* in bonum jam videbimus.

EXP. 128. CRUDI *Leuſtadenſis* 200 libræ cum 50 ferri *Braſenſis*, frigide fragilis, calcinati, more conſveto tractatæ, regulum dabant 204 librarum, qui frigidus malleo paulum, & egregie ad rubedinem ignitus cedebat, totus naturæ chalybeæ.

EXP. 129. EJUSDEM *crudi* 200 libræ cum 50 ferri, calide fragilis, calcinati, regulum porrigebant 208 librarum. Hujus pars dimidia frigida egregie malleo extendebatur in planum tenue. Hoc factò regulum ad

rubedinem ignitum, qua alterum dimidium, malleo tentabatur, ſed varias egit rimas, antequam plani frigide cuſi magnitudinem adquiſiverat. Itaque aliquot libræ hujus ferri vitioſi duos boni centenarios mutare valent.

B) CÆMENTANDO variis tentavimus modis. Scilicet ferri præcipuas varietates plumbagine, terra calcarea uſta, ſed adhuc cum acidis paullum efferveſcente, vel denique magnefii calce nigra, circumdedimus in lagenulis vitreis, quas dein crucibulis, creta pulverata impletis, immiſimus, & hæc tandem furno figulino. Ignis per 15 horas duravit & ſex ultimis in furno omnia ad albedinem candebant. Contenta lagenarum, refrigeratione facta, examinavimus.

EXP. 130. FERRUM *crudum Leuſtadenſe plumbagini* inditum, eodem ac antea pondere gaudebat. Fruſtulum poſt ponderationem caſu amiſſum ulterius evitavit examen.

EXP. 131. EJUSDEM *crudi* fruſtulum in *calcarea terra* ultra centeſimam, qua pondus, auctum erat & cruſta calcinata circumdatum, quæ percuffione deſquamari poterat. Hæc fragmenta magneti adhærebant. Nucleus ignitus paullum malleo cedebat & in aqua exſtinctus indurabatur.

EXP. 132. IDEM *crudum* in *calce magnefii nigra* vix dimidiam centeſimam ponderis adquiſiverat, cruſta calcinata, ſed attractili in-

involutum, ut præcedens. Nucleus ferrum crudum referebat, nec ductilis, nec in aqua indurandus.

EXP. 133. FERRUM *Leufstadenſe cuſum*, in *plumbagine* igni expoſitum, pondus non mutaverat. Extus plumbaginem referebat, ſed malleo percuſſum obediebat, limæ facillime cedebat & ſuperficies limata acido nitri magis albebat. Cruſta tenuiſſima oculis ægre diſcernenda, plumbagini ſimilis erat, ſed magnete attractilis. Nucleus ferri cuſi indole gaudebat.

EXP. 134. IDEM *cuſum* in *terra calcarea* parte centeſima auctum reperiiebatur, cruſta calcinata attractili circumdatum. Nucleus in ambitu ferrum cuſum, ſed in meditullio chalybem referebat.

EXP. 135. IDEM *cuſum* in *calce magnetiſi nigra* centeſimam circiter ponderis partem adquiſivit. Fruſtulum malleo percuſſum cruſtam fragilem magnétique obedientem demisit, quæ prudenter limata nitorem induebat metallicum, ſed fucum. Nucleus limam admittebat, acido nitri albebat & re vera bonum erat ferrum ductile.

EXP. 136. CHALYBS *Öſterbyenſis* in *plumbagine* pondus ſervavit, pellicula circumdatum plumbagini ſimili, ſed magneti obediente. Nucleus chalybis natura præditus erat.

EXP.

EXP. 137. IDEM *chalybs* in *terra calcarea* centesima auctus fuit. Crusta extus rubebat. Nucleus *chalybeam* indolem non exuerat.

CALCI *magnesi* frustulum quoque immisimus, sed casu hoc in furno amissimus.

EXP. 138. FERRUM *cusum Norrberkense*, calidum fragile, in *plumbagine* dimidiam ferre centesimam adquisivit. Pellicula talis aderat, qualis in Exp. 133. Nucleus tam frigidus, quam ignitus malleo egregie cedebat, alterum versus extremum *chalybeus*.

EXP. 139. IDEM *cusum* in *terra calcarea* centesimam adquisivit. Crusta similis illi, quæ in exp. 134 memoratur. Nucleus tam frigidus, quam ignitus valde ductilis.

EXP. 140. IDEM in *calce magnesi nigra* ultra centesimam adquisivit, crusta calcinata attractili involutum. Nucleus & frigidus, & ignitus, malleo egregie extensilis.

EXP. 141. FERRUM *cusum Grångense*, frigidum fragile, in *plumbagine* vix quarta centesimæ parte auctum inveniebatur & pellicula indutum attractili, *plumbaginem* extus referente. Nucleus indolem non mutaverat, ignitus ductilis, sed frigidus fragilis.

EXP. 142. IDEM in *terra calcarea* vix sensibile pondus adquisivit. Nuclei natura non mutata reperiiebatur.

EXP. 143. IDEM in *calce magnesi nigra* di-
mi-

midiam lucrabatur centesimam. Nuclei pristina indoles non variata restabat.

§. VI.

Corollaria e ficcis experimentis præcedentibus elicitæ.

E tentaminibus in §. præc. descriptis numerosæ sponte quasi derivantur conclusiones, & in sequentibus plures collecturi sumus.

A) FERRUM crudum bonum, phlogisto quantum satis dotatum, *in chalybem mutatur* sola fusione, tam in clauso (Exp. 97), quam aperto crucibulo (Exp. 98). Idem evenit addendo terram calcaream (Exp. 116, 117), aut magnesiæ calcem nigram (Exp. 113), aut denique vitrum crystallinum (Exp. 115). Aditio plumbi calcinati ferrum procreat (Exp. 110, 111), quasi in limite inter crudum & chalybem constitutum (Exp. 64). Notabilis fragilitas e plumbo forte derivanda est, quamvis vestigia hætenus detegere non potuimus. Vulgaris est fabrorum experientia, quod minimum plumbi in foco fragilitatem ferro conciliet. Chalybs provocatus non ejusdem perfectionis reperitur in singulis casibus, sed omnibus palmam præripit in vitro natus, quippe qui fractura, æqualitate, phlogisti copia, ceteris, anglicanum, qui fusus vulgo audit, proxime æmulatur (Exp. 63).

FERRUM crudum bonum cum calce ferri pro-
ba

be fusum malleo obedit & cusi induit naturam (Exp. 90-94), at cum calce ferri calidi fragilis ejusdem contrahit vitium (Exp. 129) & cum calce frigidi fragilis eximiam efficit chalybem (Exp. 128) *).

FERRUM *crudum Hysabyense*, quod cudento frigidum fragile porrigit, peculiaria monstravit volatilisationis phænomena, sed cum calce frigidi fragilis non correctum fuit (Exp.

*) In explorandis mineris ferriferis via sicca, hætenus non nisi quantitas metalli erui potuit, sed ut qualitas quoque dignosci queat, magni sine dubio est momenti, & vis calcis ferreæ jam nota (Exp. 90-94), ut hic finis obtineatur facile permittit. En methodum, quæ in Laboratorio Upsaliensi usurpatur. Regulus plerumque sine additamento in crucibulo, pulvere carbonum strato, elicitor, vel saltim non nisi æquale fluoris mineralis & dimidium argillæ pondus adhibetur (conf. Opusc. Vol. II, pag. 195, 196). Regulus acquisitus sub malleo semper frangitur, sed in pulverem comminutus & cum calcis ferreæ $\frac{1}{4}$ rite fusus genuinam prodit indolem. Si enim nihilo minus rumpitur, frigidum fragile ferrum continet, si autem malleo cedit, vitium tamen calidæ fragilitatis adesse potest, sequenti modo dijudicandum. Regulus frigidus paullum explanetur, ut parva forcipe teneri possit, dum dimidius prudenter cudento extenditur, donec margo rimas agere incipiat. Hoc facto, parte cusa forcipe prehensa ignitis carbonibus alterum immergatur dimidium, quod probe rubens malleo tentetur. Si jam æque extendi potest, ac antea frigidum, bonum est ferrum, sin minus, eo majore fragilitate calida vitiatum est, quo citius margo laceratur.

(Exp. 102), cum calce calidi fragilis chalybea adquiſita indoles (Exp. 103), itidemque cum calce boni regulus in aqua indurabatur, ſed maxime fragilis (Exp. 104).

CÆMENTANDO *vix* mutatur ferrum crudum in plumbagine (Exp. 130), aut magnesi calce nigra (Exp. 132), at in pulvere calcareo ad indolem ferri cuſi accedit (Exp. 131).

B) FERRUM cuſum ductile cum carbonum pulvere (Exp. 107), aut plumbagine fuſum (Exp. 106), chalybeas nanciſcitur proprietates.

CÆMENTANDO nihil efficitur in plumbagine (Exp. 133), nec in magnesi calce nigra (Exp. 135), ſed in pulvere calcareo chalybis naturam medulla adquiſivit (Exp. 134).

C) INDOLES ferri cuſi, frigidi fragilis parum mutatur. Cum calce ferri fuſum & dein ad rubedinem ignitum, malleo obediebat & paullum etiam dein frigeſactum (Exp. 100), ſed cum majori calcis doſi indolem calidi fragilis induere videbatur (Exp. 101). Cum calce magnesi nigra fuſum paullum corripiebatur (Exp. 114), ſed cum calcareo pulvere priſtina reſtabat fragilitas frigida (Exp. 120-123). Facta ſulphuratione, calcinatione & reductione frigidum fragile, cum calce ferri boni fuſum, chalybeam adquirebat naturam (Exp. 127).

CÆMENTANDO in plumbagine (Exp. 141),
cal-

calce magnesi nigra (Exp. 143), & *pulvere calcareo* (Exp. 142), nihil efficitur.

D) FERRUM *cuſum*, *calidum fragile*, frigidò fragili non corrigebatur, nec vice verſa (Exp. 125).

CÆMENTANDO vitium huius ferri in *plumbagine* (Exp. 138), in *pulvere calcareo* (Exp. 139) & in *calce magnesi nigra* (Exp. 140) tolli videtur, quod notatu eſt digniſſimum, quum huius ferri calx bonum fundendo ſua inquinet fragilitate ſub ignitione ad rubedinem (Exp. 129).

E) CHALYBS *cæmentando* in *plumbagine* (Exp. 136), nec non in *pulvere calcareo* (Exp. 137), ſuam retinuit naturam.

F) JAM horum phænomenorum, quoad ejus fieri poteſt, inveſtigemus rationes. In antecellum notamus, quod ferri variis mutationibus ſimul phlogiſti copia, ſecundum limites antea inventos, pro re nata vel increſcat, vel coarctetur. Ita ferrum crudum, quod e centenario aëris inflammabilis promit $39\frac{1}{2}$ poll. cub. (Exp. 2), dein in crucibulo, cum calce ferri ductile factum, ſi gignit (Exp. 4), ſed ope carbonum iterum fuſum, chalybea indutum natura, 45 porrigit (Exp. 62). Similiter crudum cum plumbo calcinato fuſum 43 exhibet (Exp. 64) & cum vitro 45 (Exp. 63).

Quod ad *caloris materiam ligatam* attinet, ejus

ejus etiam quantitas pro diverſo variat ſtatu (§. VII, C), adeo ut pro re nata ſerum ſub operationibus laxet quidquam, vel etiam magis, quam antea, figat.

PRÆTEREA e §. IX *principia in quovis ferri ſtatu præſentia* cognoscimus, eorumque qua quantitatem discrepantiam. Scilicet ferrum ductile fere nihil plumbaginis fovet, minima gaudet materiæ coloris ligatæ, & maxima inflammabilis copia; chalybs phlogiſton parcius, materiam autem coloris uberius; & crudum, plumbagine fartum, phlogiſton minima & caloris materiem maxima poſſidet doſi.

Ut igitur crudum ductile fiat, plumbago eſt fuganda vel decomponenda, ſimulque inflammabile principium augendum. In foco pro ferro cudendo hoc peragitur intenſiſſimo igne & ſtatu valde impetuoſo, quibus divelluntur principia plumbaginis, acido aëreo & phlogiſto compositæ (§. VIII, D): prius avolat & poſterius, ni fallimur, moleculis ferreis adfigitur. Hinc intelligitur cur ferrum, phlogiſto onuſtum, diutius liquidum maneat & ægre coaguletur. Scilicet phlogiſti abundantia plumbaginis impedit decompositionem, & quamdiu hæc inhæret, maſſa eſt fuſibilior, eadem vero ablata idem ignis gradus fuſioni minime ſufficit, unde etiam ferrum mox rigere incipit. Motus quaſi ebullitionis & fulgens candescentie hanc deſtructionem annunciant, prior ab

acido aëreo abeunte ortus, posterior a copioso phlogisto aërem vitalem arripiente lucemque generante. Scorix additæ operationem multum juvant, mediante ferro calcinato, quo plus minus onerantur. Quæstio quidem moveri potest; *curni crudum, saltim carbonibus copiose circumdatum, tantum recipiat phlogisti, quantum ductilitati convenit?* Respondemus: plumbago, acido constans ad satietatem cum phlogisto conjuncto, sulphuris est species. At metalla sulphuri vulgari adunanda phlogisti portionem laxent oportet, alias nullum oritur connubium. Nonne igitur idem de plumbagine conjectare liceat? Et certe experientia illud directe comprobatur, etenim nullum crudum hætenus invenimus sine plumbagine, nullumque, cujus moleculæ ferreæ per se ea gaudebant phlogisti copia, quæ in ferro ductili, ab eodem parato, illis competit, quæque etiam, mutato statu, variat. Ceterum, principii inflammabilis dos in diversis tam crudi, quam ductilis ferri generibus, non angusto cui-dam termino adligata videtur, sed cum aliqua latitudine citra utraque vagatur (§. IV, C-G), sive hoc pendeat, ut vero videtur simillimum, a rebus circumstantibus sub processu, sive a natura molecularum ferrearum quodammodo discrepante.

Quod plumbago ferro inhærens in aëre aperto idonea methodo decomponi queat, dubio quidem caret, non tamen ideo mox
pa-

pater, quomodo eveniat, ut ferrum crudum, etiam in crucibulo clauso, addita tantum ferri calce, fundendo ea spoliatur. Heic notetur oportet, quod calx ferri acidum aëreum absorbere valeat, & in nostris experimentis illud facile perficiat, particulas ferri crudi pulverati circumdans, adeo ut tam sub incalescentia, quam fusionis momento adsit, plumbaginis partem aëream sollicitans, dum simul moleculæ ferreæ phlogiston eidem adunatum ad satietatem arripere tentant. Hacce duplici attractatione decomponitur plumbago, ferrum inflammabili ditatur, &, si quid superfit, calcis ferreæ portio eo reducitur. Ut hoc ad oculum pateat, nostrorum experimentorum difficilimum in scenam producamus. Crudi Leufstadenſis duo centenarii, cum calcis ferreæ dimidio, regulum dederunt ductilem 222 librarum (Exp. 93). Hujus crudi duo centenarii exhibent plumbaginis 6,6 libras (§. VIII, D, Exp. 342), quarum quælibet 5 circiter nitri libras perfecte decomponit, at ferri cusi Leufstadenſis idem pondus vix dimidiam nitri alkalifat. Ergo pars 1 hujus plumbaginis tantum fovet phlogisti, quantum 10 ferri, & 6,6 plumbaginis tantum, quantum 66 ferri. Præterea in antecedentibus evictum est, crudi Leufstadenſis centenarium aëris inflammabilis porrigere poll. cub. 39,5 (§. III, Exp. 2) & regulum in crucibulo ductilem factum præbuisse 51, (§. III, Exp. 4), quod differentiam crudi &

D 2

du-

ductilis monſtrat 11,5 pollicum, & in noſtro caſu pro duobus centenariis 23. Videamus jam ſi phlogiſton plumbaginis 6,6 librarum ſufficiat 22 calcis ferreæ reducendis, & ſimul differentiæ memoratæ ſupplendæ. Modo indicavimus 6,6 plumbaginis libris, 66 calcis ferreæ reduci poſſe, ſubtrahantur igitur 22 a 66 & reſtant 44. Antea demonſtravimus in unico aëris inflammabilis pollice tantum aſſe phlogiſti, quantum ſovent ferri cuſi circiter 2 libræ (§. IV, B). Itaque 44 libræ ferri, qua phlogiſti inhærentis copiam, reſpondent 22 pollicibus aëris inflammabilis. Adhuc unicus deſideratur pollex cubicus, ſed obſervetur unam ferri partem calcinandam paullo minus niri dimidia requirere, & vulgare cuſum non niſi 50 dare (Exp. 3). Validiorem explicationis confirmationem vix exſpectari poſſe credimus.

Quod in Exp. 90, 91 & 92 calcis ferreæ adeo exiguæ portiones fuerint reductæ, a rebus circumſtantibus ſine dubio eſt derivandum, quibus plus minus inflammabilis materiæ ſine effectu diſſipari potuerit. In explorandis mineris ferriferis, etiam in crucibulis, quorum juncturæ cum operculis ſolertiffime clauduntur, vix umquam omne reducitur metallicum, quamvis abundet phlogiſton.

DE ferro vitioſo, tam calido, quam frigido fragili, in alio loco ſermo erit, ubi experimenta dudum allata, & plura in ſequentibus deſcribenda, quæ utrumque tan-

gunt

gunt, penſitabimus, heic bonum unice reſpicientes.

STATIBUS ferri extremis huc uſque conſideratis, *intermedius chalybis* minus pariet difficultatis. Cognita ejusdem analyfi, ſinguli, quibus præparatur, proceſſus, licet multum differant, in eo tamen conſpirare debent, ut arcte compingantur particulæ, juſtaque inflammabilis & plumbaginis doſi inſtruantur (§. IX). Dum crudum pluries fundendo, igniando & cudendo torquetur, deſiderati effectus luculenter in oculos cadunt, nam parvæ maſſæ valde intenſo tractantur igne & flatu, fere uti ferrum ductilitate impertiendum, multumque aëri exponuntur. In crucibulo autem clauſo minus exſpectanda videtur efficax mutatio, interim tamen heic chalybs generatur, etiam crudum fundendo ſine additamento (Exp. 97), vel cum ſolo vitro (Exp. 115). Si igitur ſimplex fuſio maximam plumbaginis partem deſtruit, non mirabimur, quod idem eveniat addito calcarei (Exp. 116, 117) vel magnēſii calcinati pulvere (Exp. 113), ſed de cetero nodus primo intuitu ſolutu difficillimus ſimul occurrit. Cum pulvere namque carbonum ferrum ductile in chalybem (Exp. 107) & cum plumbagine in crudum, chalybi proximum & adſine, abit (Exp. 106), quod opinioni de uberiore phlogiſto in chalybe, quam in ferro, a plerisque receptæ, pondus addere videtur. Aſt

D 3

per

per analysin in chalybe parcius directe invenitur inflammabile (§. IV, *E*) & in ferro ductili fere nihil plumbaginis occurrit, in chalybe autem insolubile residuum satis est notabile (§. VIII, *D*). Pensitemus præterea cum phlogisto in hisce casibus addito, simul adesse acidum aëreum, quod sub fusione compagem ferri intrat, phlogisti portionem arripit tollendam, ut plumbago hinc orta ferrum queat mineralizare & ejusdem pondus absolutam una alterave centesima augere (conf. nota, experimento 107 subiecta, cum §. IX, *C*). Chalybs vel a ferro crudo, vel a cuso procreari potest. In priore casu plumbaginis portio est destruenda, ut moleculæ ferreæ phlogisto rite dentur, in posteriore autem superfluum cum acido aëreo est copulandum, ut quantum satis pauperiores fiant eadem. Hi limites adeo sunt fixi, ut chalybs induratus, idemque ignitione emollitus, eandem porrigant aëris inflammabilis copiam (Exp. 12, 13).

CÆMENTATIONIS *efficaciam* quod attinet, hæc sine dubio quodammodo differet prout cæmentum vel phlogisto abundat, vel eodem caret, interim tamen experimentis discimus in utroque casu quidquam inflammabilis dissipari, nam frustula, hisce subiecta tentaminibus, crusta calcinata fuerunt induta, æque in plumbagine (Exp. 133), ac in pulvere calcareo & magnesia nigra (Exp. 134, 135), etsi longe tenuiore. Hinc jure
con-

concludimus, carbonum pulverem, ferrum ductile in vafe clauſo circumdantem & diutino ignis gradui, fuſioni provocandæ fere ſufficienti, expoſitum, acidi quidem aërei quidquam porrigere quod cum ſuperfluo phlogiſto plumbagine generat, compagi irretiendam, internam vero exſiccationem vel dephlogiſticationem imperſectè prævenire, unde non raro in ſolvendo chalybe plures reſtant moleculæ exuſtæ, quæ acido vitriolico non ſuſcipiuntur, ſed muriaticum requirunt. Nonne hæc, dum fuſio, ſalva chalybea indole, inſtituitur, ſeparentur & anglicano hac privatione maxima concilietur perfectio? Antea quoque evictum eſt, ferrum ductile, in chalybem mutandum, neceſſario phlogiſti portionem amittere.

FERRUM cuſum in plumbagine ductilitatem ſervans (Exp. 133), in calcareo autem pulvere chalybis naturam in meditullio adquirens (Exp. 134), ſatis innuunt, non opus eſſe externo quodam inflammabili, ſed ſuperfluum, ferro ductili inhærens, cum acido aëreo connubium inire plumbagineum, ubi hoc acidum in cæmento nondum ita reperitur ligatum. Fundendo quidem cum plumbagine etiam crudum chalybi indole propinquum generatur (Exp. 106), ſed vix cæmentando, niſi forte diutior neceſſaria fuerit candefcentia, quam in noſtris adhibita experimentis. Chalybea natura, quæ in ſola medulla aderat (Exp. 134), duplicem

admittit explicationem, aut enim mutatio intime incepit, extrorsum progrediens, non dum extremas partes attigerat, aut etiam, quod vero est similis, totum frustulum initio chalybeum factum est, & dein, formata crusta calcinata, pristinam in ambitu recuperavit ductilitatem, quod Reamurianis tentaminibus perfecte congruit.

CETERUM nostra experimenta cæmentatoria sine dubio pleniorum attulissent lucem, si candescentiæ moram variare nobis licuisset, & vasis uti melius clausis.

§. VII.

Quantitas materiæ caloris in ferro.

A *peculiari materia calorem ejusdemque phenomena oriri* vix dubitari potest, saltem e particularum in corporibus motu intestino haud facile explicabitur, quomodo magnum incendium scintillulæ non raro ortum debeat. Communicatio motus, teste quotidiana experientia, diminuendo progreditur, increcendo autem ignis sibi relictus propagatur, quamdiu idoneum non desideratur pabulum. Immensa sine dubio reperitur differentia motus in prima scintilla & in domo vel urbe accensa, ideoque hanc causam effectus mirum quantum superat. Alia omitimus argumenta, quum completa demonstratio non hujus sit loci.

VERITATI quoque consentaneum existimamus, quod *in quovis corpore materiæ caloris plus minus adsit, vi attractionis ita ligatum,* ut, quamdiu tale restat, calefaciendi virtute careat, quam tamen liberatum mox recuperat, eodem fere modo, ac acidum, in salibus neutralibus perfectis, qua præcipuas latet proprietates, sed liberatum iterum easdem exercet.

Hujus materiæ caloris, respectu quantitatis notabiles diversitates, plurium corporum status variant, adeo ut idem jam sit solidum, quod alio tempore fiat liquidum, immo etiam fluiditatem adquirere possit *b)*. Cuivis statui determinatam copiam esse necessariam phænomena testantur, sive particularum respiciatur mutua mobilitas, sive earundem discrepans qualitas. Hæc copia *Calor specificus* audiat, nam corporis cujusvis indolem re vera comitatur. Ut ille adcurate determinetur, hoc opus, hic labor. Eximia quidem tentamina nostris temporibus facta novimus, sed ingenui fatemur, methodos propositas tantum requirere temporis, ut ferri varietates singulas qua calorem specificum non dum determinare licuerit.

A) INTEREA, dum hæc muturantur molimina & ad liquidum perducuntur, in præ-

D 5

sen-

b) Hanc *liquidi*, quod libellam fervat, differentiam a *fluido*, quod uti vapores & fumi, illa non coërcetur, veteres observaverunt, recentiores vero neglexerunt.

fenti casu, ubi quæritur num *ferrum in statu crudo, chalybeato vel cuso eundem possideat calorem specificum*, thermometro incallescensiam directe observavimus, quæ sub solutionibus metalli oritur, in eadem cum menstruo temperatura saltim per noctem servati. Non quidem hanc viam æque fidam, ac facilem putamus, nam inæqualis pulverisatio, heterogenea inhærentia, cetera, facile impediunt, quo minus solvendorum æquales superficiei areæ menstruo offerantur. Præterea diversi hujus metalli status, & ejusdem status varietates, solutionis moram adficiunt. Si autem, quantum fieri potest, auferantur obstacula, methodus jam adhibenda magis & minus quodammodo determinare potest. En adumbrationem negotii, quale nobis semet sistit: Menstruo laxatur compages molecularum, & nova formantur connubia, quæ, si majorem, quam diruta, figunt materiæ caloris quantitatem, in vicinia calor ad restituendum æquilibrium diminuatur oportet, & thermometri hydrargyrum ideo subsidet; si minorem, differentia liberatur & viciniam calefacit, unde etiam adscendit thermometri liquor; si denique nova connubia eandem præcise quantitatem postulant, quod raro accidit, nulla in thermometro videbitur variatio. Moleculis nempe minimis corporis certa dosis materiæ caloris, proxime ambientis, modo nuper explicato adhærescit, donec fortior attractio hunc mutat nexum. Qui confide-

rat

rat calori omnia esse pervia & cum magno NEWTONO ponderosissimi auri saltim dimidium volumen invisibilibus foraminibus refertum ponit, quum effluvia magnetica, hoc densissimo interposito metallo, nullo modo turbentur, tales molecularum primitivarum atmosphæras, etiam in statu soliditatis, vix abscondas judicabit. Eædem molecule, sufficiente caloris copia a se invicem segregatæ, ambitu crescunt, majorem, ob contactum auctum, materiæ caloris quantitatem figunt, mobiliiores fiunt, liquidumque porrigunt, & adhuc majori portione penetratæ fluidum tandem vaporosum constituunt. Ex allatis igitur patet, thermometri gradu non nisi differentiam a loci temperatura indicari, quæ ope menstrui pro re nata vel ligatur, vel liberatur, idque eo adcuratius, quo solutio sine peregrino calore ocius peragitur, quæ enim testudineo gressu provocantur decrementa vel incrementa, interea facile refarciri vel dissipari possunt, sine notabili variatione in thermometro.

EXEMPLO rem ulterius illustrare liceat, alibi dudum propositam & quodammodo explicatam *i*). Aquæ immittatur salis cujusdam neutralis pulvis & sub solutione hydrargyrum thermometri descendere videbimus, quum novus liquiditatis status magis requirat caloris, quam soliditatis amissæ, minime-

i) Opusc. Vol. I, pag. 234-236.

mæque ſegregatæ molecu læ longe ampliore ſuperficie vim ſuam attractivam augeant, quod etiam viciffim ad oculum patet, dum ingens cryſtallorum maſſa celeriter concreſcit, ambitu enim contracto minuitur contractus & attrahendi poteſtas, unde hydrargyrum thermometri, caloris materia ſejuncta, plus minus adſcendit. Pro ſalium diverſa indole gradualis tamen differentia locum habet, & interdum effectus non niſi in exquisitis circumſtantiis obſervari poteſt.

DUM acida metallum ſolvunt alius provocatur caſus magis compoſitus. Scilicet metalla primo ad certum gradum ſunt dephlogiſticanda, poſtea calces menſtruo adunandæ & nova denique connubia ſuſcipienda ab aqua. Hæ mutationes eodem fere momento perficiuntur & ſingulæ calorem ſpecificum variant. Generatim quantitas caloris in aqua illam ſuperat, quam ſovent acida, & horum ſimiliter penus ditior eſt, quam metallorum. Itaque ſub ſolutione aqua & acida calorem laxant eo majorem, quo minus requirit ſal enixus metallicus.

SED ad experimenta, jam propoſito noſtro infervitura.

B) SOLVENDI & menſtrui æqualia adhibuimus ſemper pondera, quæ cum apparatu per nyctemeron juxta ſe invicem poſita fuerunt. Ferro pulverato vel ejusdem limaturæ in eodem vaſculo adfundebatur acidum,

dum, bulbus thermometri immergebatur, & hydrargyri adſcenſio ſollicite adnotabatur. Alio thermometro loci temperatura interea examinabatur. Acidum vitrioli, nullo externo adjutum calore, adeo lente egit, ut incaleſcentia vix unum alterumve gradum attigerit, muriaticum quidem paullo majorem excitavit, ſed nullo modo ſufficientem, at nitroſum notabilioreſ præſtitit effectus, cum efferveſcentia intumeſcens. Ut hæc ſpumefcentiæ violentia quodammodo indicetur, per 4 talem exhibuimus, quæ ad vaſculi ſupremum limbum adſcendit, per 3 illam, quæ altitudinis circiter tres quartas, per 2 dimidiam, & denique per 1, quæ $\frac{1}{3}$ attingit. Ipſa miſcela præter propter quartam occupabat.

IDEM acidum nitri, ac in §. III, *D*, adhibitum fuit, ſed dimidia tantum meſura, quum non niſi dimidius centenarius tentaminibus inſerviret, nam dupla quantitas ferri, duplam provocans incaleſcentiam, ſcalam valde extenſam poſtulat. Ceterum, quum ferrum nitratum ſibi ſimile in ſingulis caſibus oriri debeat, per ſe patet calores ſpecificos exploratarum varietatem eſſe præter propter incaleſcentiæ gradibus inverſe proportionales (conf. mom. *A*).

IN ſequenti tabula acidi nitroſi tantum effectus notantur. Prima columna loci temperaturam indicat, ſecunda maximum gradum,

dum incallescenciæ, tertia differentiam utriusque & quarta spumescentiæ vehementiam.

Temp. loci. Incal. Differ. Spum.

EXP. 144. FERRUM *cru-*
dum Leufstadenſe, phlo-
giſto onuſtum

- + 11 + 37 26 2

EXP. 145. IDEM *cru-*
dum Leufstadenſe

- + 2 + 28 26 2

EXP. 146. FERRUM *cru-*
dum Leufstadenſe, phlo-
giſto q. ſ. dotatum

- + 11 + 21 10 1

EXP. 147. IDEM *cru-*
dum Leufstadenſe

- + 5 + 15 10 1

EXP. 148. FERRUM *cu-*
ſum Leufstadenſe

- + 11 + 72 61 4

EXP. 149. FERRUM *cu-*
ſum Öſterbyenſe

- + 11 + 79 68 4

EXP. 150. CHALYBS *Ö-*
ſterbyenſis

- + 13 + 63 50 4

EXP. 151. FERRUM *cru-*
dum Forſmarkenſe

- + 14 + 24 10 1

EXP. 152. FERRUM *cu-*
ſum Forſmarkenſe

- + 14 + 81 67 4

EXP. 153. CHALYBS
Forſmarkenſis

- + 14 + 60 46 4

EXP. 154. FERRUM *cru-*
dum Brattforſenſe

- + 14 + 33 19 2

EXP. 155. FERRUM *cu-*
ſum Brattforſenſe

- + 14 + 75 61 4

EXP. 156. CHALYBS *an-*
glicus ſæpe memoratus

+ 13 + 70 57 4

EXP.

Temp. loci. Incal. Differ. Spum.

EXP. 157. CHALYBS a
D: no QUIST paratus - + 13 + 65 52 4

EXP. 158. FERRUM cru-
dum Hælleforſenſe, phlo-
giſto onuſtum - - + 13 + 39 26 3

EXP. 159. FERRUM cru-
dum Hælleforſenſe, phlo-
giſto pauperatum - + 13 + 30 17 2

EXP. 160. CHALYBS e
ferro Dalenſi, magne-
ſio dotato - - + 14 + 56 42 4

EXP. 161. FERRUM cu-
ſum Norrberkenſe, cali-
dum fragile - - + 14 + 79 65 4

EXP. 162. FERRUM cu-
ſum Grængenſe, frigi-
dum fragile - + 14 + 81 67 4

EXP. 163. EJUSDEM
ferri 25 libræ docima-
ſticæ - - + 14 + 48 34 4

EXP. 164. FERRUM cru-
dum Huſabyenſe - + 13 + 34 21 2

EXP. 165. FERRUM fri-
gidum fragile cuſum e
crudo præcedenti ad
Braås - - + 15 + 77 62 4

EXP. 166. IDEM in
crucibulo cum dimidio
calcis fuſum (Exp. 122) + 12 + 85 73 4

EXP. 167. IDEM fer-
rum cum calcareo fu-
ſum, malleo obediens + 15 + 77 62 4

EXP.

Temp. loci. Incal. Differ. Spum.

EXP. 168. CHALYBS e
ferro fragili *Bradsenfi* - + 13 + 50 37 2

EXP. 169. CHALYBS in
vitro ortus (Exp. 115) + 13 + 66 53 4

EXP. 170. CHALYBS so-
la fusione ortus (Exp.
97) - + 13 + 56 43 3

EXP. 171. ÆTHIOPS
martialis, fuscus, totus
magneti obediens, in
Pharmacopolio emeus + 14 + 14,5 0,5 0

EXP. 172. CRETÆ *cal-
careæ*, probe lotæ &
ficcatae, dimidius cen-
tenarius - + 14 + 20 6 2

EXP. 173. EJUSDEM be-
ne *ustæ* & non exstinctæ
dimidius centenarius - + 14 + 84 70

C) Si præcedentis momenti allata expe-
rimenta considerantur, haud difficulter elu-
cet, *quemlibet statum respectu caloris abscondi-
ti circumscriptum esse.* Ita ferro crudo limes
infimus ad 10 gradus descendit, supremus
ad 26 surgit: inter 7 varietates, tentamini-
bus subjectas, quæ phlogisto pauperatæ fue-
runt, infimum appropinquarunt, inflamma-
bili autem onustæ, vel frigidum fragile
præbentes ferrum, ad alterum tendebant
extremum.

MAJOREM æstum procreverunt sex *chaly-
bis genera*, inter quæ nullum minus, quam

37 caloris gradus excitavit, nullumque magis quam 57.

Hæc excipiunt novem *ferri cusi* specimina, qua variationem angustioribus, quam præcedentes cohortes, inclusa limitibus, quamvis numerosiora, at maximum generantia calorem gradibus 61 non inferiorem & 68 non superantem. Ferrum nativum fibericum ob segnitiam solutionis nullum fere caloris incrementum provocare potuit. Vitiosa indoles, qua calorem absconditum, semet parum distingvit.

PRÆTEREA, ceteris omnibus paribus, *duplam ferri quantitatem duplam etiam generare incalescentiam* videmus (Exp. 162, 163), iteratamque fusionem non ideo intensiorem provocare æstum, sed statui metalli hunc esse adaptatum (Exp. 156, 157, 159, 170), fragilitate frigida vitiosum solum extra cancellos paulum vagari (Exp. 166).

NOTATU quoque dignum est, quod eadem generetur incalescencia in locis, diversis gaudentibus caloris gradibus (Exp. 144 - 147).

QUUM igitur in descriptis experimentis sola variavit ferri indoles, per se patet ex illa derivandam esse effectuum differentiam. Bina ultima experimenta, cum terra calcarea instituta (Exp. 172, 173), comparationis ergo sunt addita *k*), & aliter sunt judicanda.

Bergm. Opusc. Vol. III.

E

§. VIII.

k) Nimis exigua portio & thermometrum segne, errorem genuit in introitu voluminis Opusculorum primi, pag. XII obvium.

§. VIII.

Peregrina ferro inhærentia.

HETEROGENEORUM præcipua, quæ nostrum metallum sæpe comitantur, vel comitari perhibentur, & ad illius tamen essentiam non pertinent, quamvis peculiare impertire valeant proprietates, jam considerata sunt.

TALIA sunt *Magnesium*, *Arsenicum*, *Zincum*, *Plumbago* & *Acidum sulphuris*, quæ igitur seorsim investigentur.

A) Ut facile innotescat *magnesium*, dum inest, sequentem methodum, alibi dudum descriptam, adhibuimus 1), qua expeditiorem hactenus non potuimus invenire. Scilicet mineræ ferriferæ vel ipsius metalli exigua portiuncula in crucibulo, igni exposito, probe candeat, tum addatur quintuplum nitri depurati pondus, &, ebullitione finita, extrahatur crucibulum, quod frigefactum intus sæpe ad supremum limbum obductum reperitur, pellicula viridi vel e cæruleo virescente, si *magnesium* inest. Dum debilia tantum comparent vestigia, denuo alia & priori æqualis nitri dosis addatur, qua extricantur minima.

PULVIS carbonum & cineres sollicitè arceantur. Ratio hujus explorandi modi hæc est. *Magnesium* calcinatum nitro fuso solvitur cæruleum, sed, dum simul adest ferrum,

co.

1) Opusc. Vol. II, pag. 225.

color memoratus viſceſcit in ratione immixtæ ferreæ calcis, quæ plus minus luteſcit *m*).

FERRI antea examinatæ varietates heic iterum periculo ſubjecimus & e qualibet non niſi tres libræ docimaſticæ, monſtrabunt tamen eventus, quam ſit eximia & ſenſibilis hæc via.

Ut prolixæ evitentur deſcriptiones, comparationis ergo ferrum Eiſenertsenſe primo adhibuimus, quod methodo alibi deſcripta exploratum *n*), in centenario circiter $\frac{30}{100}$ magnēſii continet.

EXP. 174. FERRUM *Eiſenertsenſe* prima vice cum nitro tractatum crucibulum intus totum veſtiebat pellicula intenſe viridi, quæ altera additione vix niſi craſſitie increſcebat.

EXP. 175. FERRUM *crudum Leuſſtadenſe, phlogiſto abundans*, prima vice parum viroris prodidit, ſed altera diſtinctum alteque expanſum.

EXP. 176. FERRUM *crudum Leuſſtadenſe, phlogiſto quantum ſatis donatum*, prima vice viſibiliter non viſcebat, ſed altera e cæruleo viſcentem pelliculam exhibebat.

EXP. 177. FERRUM *cuſum Leuſſtadenſe* ſimiliter ſe habuit, ac præcedens.

EXP. 178. FERRUM *crudum Åkerbyenſe* ipſum prima vice paullum viſcebat, ſed vix latera vasis, altera horum unum intus cæruleſcebat.

E 2

EXP.

m) Opuſc. Vol. II, pag. 226.

n) Opuſc. Vol. II, pag. 228.

EXP. 179. FERRUM *cusum Åkerbyense* virefcebat dudum prima vice una cum lateribus.

EXP. 180. FERRUM *crudum Ullforsense* itidem prima vice latera viriditate contaminavit.

EXP. 181. FERRUM *cusum Ullforsense* prima vice nulla distincta præbuit magnesiæ vestigia, altera uti præcedens se gessit.

EXP. 182. FERRUM *cusum Österbyense*, uti *crudum Åkerbyense* se habuit.

EXP. 183. CHALYBS *Österbyensis* eadem monstravit phænomena.

EXP. 184. FERRUM *crudum Forsmarkense* prima vice distinctam expandebat viriditatem, quæ altera paullum augebatur.

EXP. 185. FERRUM *cusum Forsmarkense* similiter se gessit.

EXP. 186. CHALYBS *Forsmarkensis* paullo debilius.

EXP. 187. FERRUM *crudum Brattforsense* uti *Forsmarkense*.

EXP. 188. FERRUM *cusum Brattforsense* uti *cusum Ullforsense*.

EXP. 189. FERRUM *crudum Hælleforsense, phlogisto oneratum*, prima vice viroris nulla vestigia, altera vero distincta.

EXP. 190. FERRUM *crudum Hælleforsense, phlogisto pauperatum*, similiter se gessit.

EXP. 191. FERRUM *nativum Sibericum* quidquam viroris prima vice extricavit, sed altera eximium.

EXP.

EXP. 192. FERRUM *Norrberkenſe*, calidum fragile, prima vice non viſcebat, ſed altera diſtincte.

EXP. 193. CHALYBS *anglicus* prima vice viſcebat, latera parum, quæ tamen altera vice eundem quoque colorem induebant.

EXP. 194. CHALYBS a D. QUIST paratus, uti *anglicus* ſe habuit, ſed paullo intenſiorem adquirebat colorem.

EXP. 195. CHALYBS e *ferro Dalenſi*, uti præcedens ſe geſſit.

EXP. 196. FERRUM *crudum Huſabyenſe* prima vice colorem extricavit.

EXP. 197. FERRUM e *crudo Huſabyenſi cuſum*, frigidum fragile, nonniſi altera, vice viſcebat.

EXP. 198. CHALYBS ex *eodem ferro* paratus, uti præcedens ſe geſſit.

EXP. 199. FERRUM *cuſum Braåſenſe*, frigidum fragile, prima vice virorem monſtrabat, altera parum auctum.

EXP. 200. IDEM ferrum, ope calcarei additi *malleo obediens factum*, prima vice diſtinctius latera ringebat.

EXP. 201. MAGNESIUM acido tam vitriolico, quam nitroſo, ſolutum, & cupro ope zinci liberatum, intenſam prima vice procreabat viriditatem.

EXP. 202. CUPRI *ramenta* ſimiliter fere ſe habuerunt.

Hisce conſideratis tentaminibus concludimus, ſingulas varietates adhibitas magnesium continere, &, ſi alia experimenta ſimul in cenſum veniunt, quamvis aliter inſtituta a), probabilis enaſcitur conjectura, a ferro magnesium numquam perfecte, ſaltim rariffime, per conſuetas operationes divelli: vitia ductilitatis, ſive in ſtatu incaleſcentiæ, ſive in temperatura atmophæræ vulgari, magnesi abſentiæ non eſſe adſcribenda & magnesium majori quantitate præſens ductilitati non officere (Exp. 174), nec ſemper juvare (Exp. 175, 176, 178, 180, 184, 187, 196).

Si quis e cupro hæc viſcentiæ phænomena derivare adamet, in ſingulis exploratis varietatibus illud agnoſcat oportet, ſed, ni fallimur, ſine ratione. Duo diverſa metalla eundem nitro colorem extricare ſine dubio poſſunt, & qua omnes alias proprietates differre. Et cupro & ferro vitra rubrum tinctum adquirunt, quæ bina metalla nihilo minus ſunt valde diſtincta. Verum quidem eſt magnesium cupro forte ſemper eſſe inquinatum, ſed hoc peregrino ope zinci præcipitato, magnesium depuratum, æque ac antea, nitrum colorat (Exp. 201).

Qua magnesi inhærentis quantitatem generatim quidem eandem minorem jure ponimus $\frac{30}{100}$, quum tali portione gaudeat Eiſe-

*) Cl. HIELM in Actis Stockh. 1778.

ſenertſenſe, reliquis ſine dubio longe ditius (Exp. 174). Ut autem e colore extricato quodammodo æſtimetur copia, plurium experimentorum requiritur conſenſus, nam parvæ variationes, attentionem operantis facile fugientes, nitri efficaciam juvant ſæpe vel impediunt. Ita in præcedentibus crudum interdum debilius vireſcit, quam cuſum (Exp. 178, 179). Alio itaque modo exactiori quantitas eſt determinanda. Acetum nempe deſtillatum magnēſii calcem nigram, parum autem ferri ſolvit p).

EXP. 203. CENTENARIUS *ferri Öſterbyenſis*, igne probe calcinati, aceto deſtillato ſufficienti immergebatur & per aliquot dies digeſtionis calori exponebatur. Dein alkali fixo aërato ſolutum deſicebatur ſub forma calcis albæ, quæ exſiccata vix libram unam exhibebat, magnēſii regulini dimidiæ circiter reſpondentem.

EXP. 204. CENTENARIUS *ferri Norrberkenſis*, calidi fragilis, calcinati, ſimiliter tractatus præter propter eandem præbuit magnēſii aërati quantitatem.

EXP. 205. ÆQUALE pondus *ferri Braåſenſis*, frigidi fragilis, calcinati, dedit eadem methodo præcipitati martialis fere quinquaginta libras, quæ cum nitro parum vireſcebant. Alkali phlogiſticatum cærulei Beroli-

nenfis copiam deturbavit, quod in præcedentibus duobus solutionibus ægre cœrulei quidquam extricabat. Hæc differentia in sequentibus illustratur (Exp. 264-268).

B) ARSENICUM ferro inhærens fragilitatem efficere, nec non pertinacissime fugæ resistere, notissimum est, sed hoc non sufficit ut ab illo fragilitatis frigidæ causa generatim derivetur. Illustrationis ergo illud in mineris quæсивimus. Egregia illa, quæ in paroecia Grænge occurrit & a pleyadibus nomen vulgo mutuatur, ferrum exhibet summo gradu frigidum fragile, uti notum est, adeo ut ejusdem usus sit prohibitus. Hæc duplici constat materia, altera granosa, metallico prædita nitore & magnetis spernente vim, altera spathosa sub forma nucleorum immixta, nigrescente & magneti obediēte. Has primo seorsim examinavimus.

EXP. 206. MINERÆ *granosæ* centenarius, in patella more vulgari calcinatus, odoris arsenicalis nihil emisit, ne quidem dum candenti carbonum addebatur pulvis, qui alias arsenicum efficacissime elicit. Ne autem errori locus sit, pulvis carbonum antea sollicite examinetur, nam interdum accidit, ut carbonum pulvis, solus igni expositus, odorem eructet alliaceum, haud ambiguum.

EXP. 207. IDEM fuit eventus, dum loco *granosæ* *minera spathosa* tentamini subjiciebatur.

EXP.

EXP. 208. IPSUM quoque *ferrum Grængen-*
se cufum, in limaturam redactum, fimiliter
 tentavimus, fed fine ullis arfenici fignis.

Non igitur arfenicum heic fragilitatem
 efficit, nec in magna praxi ejus veftigia
 nifi rariffime occurrunt, ubi hoc viget vi-
 tium. Et ubicunque ferro ineft, non tantum
 in frigido, fed etiam in ignito, ductilita-
 tem impedit.

C) ZINCUM in quibusdam ferri mineris
 adefle, uti ad Aquisgranum & alibi, non
 negamus, fed quod hoc femimetallum fit
 fragilitatis frigidae generalis caufa, cum qui-
 busdam recentioribus adfirmare non aude-
 mus. Præterquam enim quod zincum ferro
 difficulter sub fuſione adunetur, & hoc fa-
 cto iterum lubenter avolet, experientia re-
 ftatur, non femper frigidum fragile fieri
 ferrum, ubi minera zinco abundat & in fur-
 ni orifico tam flammæ color, quam cadmiæ
 cruſta, ejusdem prodit copiam q).

In illis furnis Svecicis, qui implentur
 mineris, ferrum frigidum fragile porrigen-
 tibus, nulla comparent zinci veftigia, quam-
 vis hoc metallum etiam parce præſens, dif-

E 5

facil-

q) Nob. A STOCKENSTRÖM nobis talia memora-
 vit exempla. In officina ferraria juxta Aquis-
 granum malleos pro ferro cudendo fundi vidit,
 qui per quatuor meſes infervire poterant, at in
 territorio vicino Luxemburgenti & fimili minera,
 zinco contaminata, non nifi frigidum fragile elici.

ficillime occultetur. Ceterum Exp. 247 & 248 extra dubitationis aleam ponunt, quod nihil zinci reperiatur in illis ferri varietatibus, quæ frigidæ summo gradu sunt fragiles.

D) RESIDUA ferri, quæ acido vitriolico solvi nequeunt, collegimus, probe lota exsiccavimus, tandemque qua pondus & proprietates examinavimus. Duos vel tres ferri cuiusvis centenarios dicto menstruo tentavimus, ut magis notabile fieret residuum, sed ob faciliorem comparisonem in partes centesimas calculo reduximus. En horum laborum eventus.

EXP. 209. FERRUM *crudum* Leufstadenſe, phlogiſto onuſtum, e centenario reliquit - - 4,0 lib. doc.

EXP. 210. IDEM, phlogiſto quantum ſatis dotatum - - 3,3

EXP. 211. IDEM *cuſum* - - 0,3

EXP. 212. FERRUM *cuſum* Öſterbyenſe in *chalybem* mutatum 0,6

EXP. 213. IDEM tantummodo *cuſum* - - 0,1

EXP. 214. FERRUM *crudum* Ullforſenſe - - 2,0

EXP. 215. IDEM *cuſum* - - 0,1

EXP. 216. FERRUM *crudum* Åkerbyenſe - - 2,6

EXP. 217. IDEM *cuſum* - - 0,3

EXP.

EXP. 218. FERRUM *crudum*
Forsmarkenſe - - - 3,0 lib. doc.

EXP. 219. IDEM in *chalybem*
mutatum - - - 0,5

EXP. 220. IDEM *cuſum* - 0,1

EXP. 221. FERRUM *crudum* *Hæ-*
leforsenſe, *pblogiſto onuſtum* - 5,3

EXP. 222. IDEM *pblogiſto pau-*
peratum - - - 4,3

EXP. 223. CHALYBS *anglicus*
reliquit - - - 0,4

EXP. 224. CHALYBS a D. QUIST
paratus - - - 0,6

EXP. 225. FERRUM *nativum* *Si-*
bericum - - - 0,1

EXP. 226. FERRUM *crudum*
Brattforsenſe - - - 2,5

EXP. 227. IDEM *cuſum* - 0,3

EXP. 228. CHALYBS e ferro
Dalenſi - - - 0,5

EXP. 229. FERRUM *cuſum* *Norr-*
berkenſe, *calidum fragile* - 1,5

EXP. 230. FERRUM *crudum* *Hu-*
sabyenſe, *frigidum fragile* - 6,7

EXP. 231. IDEM in *chalybem*
mutatum - - - 1,7

EXP. 232. IDEM *cuſum* - 0,9

EXP. 233. FERRUM *cuſum* *Græn-*
genſe, *frigidum fragile* - 0,1

Ex allatis elucet, ferrum crudum maximum porrigere residuum, & quidem phlogisto onustum magis, quam pauperatum: chalybem longe parcius, ferrum autem cusum parum & non numquam fere nihil relinquare.

RESIDUUM ferri crudi plumbaginis habet faciem, squamosum, lubricum, fuscum & inquinans.

EXP. 234. CENTENARIUS hujus *residui* in patella, sub fornice furni docimastici candens, cito albescit & ponderis plus minus amittit, numquam tamen dimidium superavit jactura. Qui restat pulvis, examine instituto, filiceæ naturæ reperitur.

EXP. 235. EJUSDEM *residui* centenarius cum nitro detonat & circiter quintuplum pondus alkalifat, hoc est, subtracto filiceo, reliquum decuplo nitri opus habet, ut phlogisto privetur. Operatione in apparatu pneumatico instituta, acidi aërei 50 circiter pollices cubici prodierunt.

EXP. 236. CENTENARIUS *residui* dimidius decoctione in acido muriatico nullo modo solvebatur, nec mutabatur.

EXP. 237. EJUSDEM *residui* centenarius, cum æquali calcis ferreæ pondere, in crucibulo clauso per 15 minuta igni, folle incitato, expositus, dedit regulum 30 librarum, quod etiam cum vulgari plumbagine accidit.

HABITUS hifce experimentis nudatus in residuo ferri crudi, præter filiceum, plumbaginem exhibet vulgari omnino congruentem, adeoque acido aëreo & phlogisto compositam *r*).

RESIDUUM *chalybis* in centenario raro dimidiam excedit libram, numquam integram attigit, excepto qui e ferro frigido fragili paratur.

UT vero hujus residui indolem cognosceremus, illud in primis examinavimus, quod soluto chalybe anglicano restat, sed 9 centenarii non nisi 3, 6 libras præbuerunt, quæ nullo modo facultatibus rite demetendis suffecerunt, indolem tamen prodiderunt.

EXP. 238. PORTIUNCULA, in patella sub fornice furni docimastici calcinata, reliquit residuum album, filiceum.

EXP. 239. NITRO quintuplo in crucibulo fuso, portiuncula addita violenter detonabat, sed quidquam adhuc restabat nigrescens, quod majore opus fuisse nitri quantitatis

r) D. CRONSTEDT in Min. §. 154 sub eodem genere conjungit duo mineralia, quæ ratione compositionis multum differunt. Prius, sub littera a memoratum, lamellosum est & terræ cujusdam metallicæ cum sulphure vulgari connubium, quod *Molybdænæ* distingvatur nomine. Posterius est sulphuris species, constans acido aëreo & phlogisto: hoc *Plumbago* appelletur. Conf. Acta Stockh. 1778, 1779 & 1781.

titate indicaffet, ſi hæ reliquiæ nitro additæ detonationem excitare potuiſſent, ſed hoc fruſtra tentavimus.

EXP. 240. PORTIUNCULA in acido muriatico non ſolvebatur.

HÆ proprietates naturam reſidui plumbagineam ſatis ſuperque demonſtrant, forte vulgari omnino congruentem, qua naturam & partium conſtitutivarum proportionem, ſed adſeverare non audemus, quum materiæ exilitas juſtam non permiferit explorationem.

QUOD ad ferri cuſi reſiduum attinet, hoc adeo eſt exiguum; ut e paucis centenariis colligi nequeat copia examini neceſſaria.

CALIDUM *fragile* maximam dedit portionem, quam tribus experimentis qua indolem examinavimus.

EXP. 241. PORTIUNCULA in *nitrum ignitum demiſſa* detonat.

EXP. 242. ALIA *calcinata* reliquit reſiduum ſiliceum, album.

EXP. 243. ALIA in *acido muriatico* cocta nullam ſubiit mutationem.

HISCE cognitis, conſuſionem de phlogiſti copia in diverſis ferri ſtatibus, antea cum conditione propoſitam (§. IV, G), ſtabilire poſſumus. Scilicet ferrum crudum minus quidem aëris inflammabilis promit, quam cuſum, ſed quum magis contineat plumbaginis, ſuſpicio facile oritur, quod eandem
vel

vel majorem dedisset crudum, si ablatae plumbaginis locum occupaverat æquale pondus talis ferri, quod crudo inest. Exemplum illustret. Ferrum crudum Leuffstaden-
se, phlogisto onustum, plumbaginis in cen-
tenario 4 libras continet (Exp. 209), quæ
sub solutione non decomponuntur (Exp. 236).
Itaque experimento in §. IV. instituto, non
nisi $100 - 4 = 96$ libræ aërem promunt
inflammabilem, sed adhibito cuso $100 - 0,3$
 $= 99,7$ solubiles sunt (Exp. 211). Hinc pa-
ret inæqualia pondera non nisi mancā of-
ferre comparationem. Videamus igitur ad-
curatius. Quum 96 porrigant 43 (Exp. 1),
100 necessario 44,8 fere dabunt: similiter
dum 99,7 porrigunt 50 (Exp. 3), 100 ex-
hibebunt 50,1. Jam manifesto apparet u-
berior phlogisti copia in cuso. Reliqua ex-
perimenta, eodem examinata modo, conclu-
siones, in §. IV elicitas, confirmant.

E) ACIDUM denique *sulphuris* tamquam
causa fragilitatis calidæ vulgo venditur.
Ferrum, quod gradu valde notabili tali la-
borat vitio, ægre comparatur, quum sub
malleo fracturis facile dignoscatur & frustra
emtionem exponatur. Varietatem tamen e pa-
roecia Norrberke, huc pertinentem exami-
nare licuit, & tum simul ductile, frigidumque
fragile periculo exponebantur. En eventus.

EXP. 244. FERRUM *calidum fragile* Norr-
berkenſe acido muriatico puriſſimo ſolveba-
tur,

tur, cui dein aliquot guttæ Terræ ponderosæ salitæ & aqua destillata solutæ addebantur, sed liquor nullo modo turbabatur, nec intra nyctemeron quidquam deponebatur, quod sine dubio accidisset, si vel grani quadrans adfuisset.

EXP. 245. IDEM cum ferro Braåsenfi, *frigido fragili*, institutum tentamen, eundem habuit eventum.

EXP. 246. FERRUM *bonum ductile* Österbyense similiter se gessit, eodem cum illo repetito examine.

F) UT cognosceremus, si quæ *alia peregrina* forte contaminarent frigida & calida fragilia, sequenti modo negotium sumus adgressi.

EXP. 247. FERRI Braåsenfis, *frigidi fragilis*, centenarius acido nitri probe depurato solvimus, solutionem alkali tartari purissimo deturbavimus, sedimentum optime lotum exsiccavimus & tandem in crucibulo validæ ignitioni exposuimus. Hæc calx de novo acido nitri immittebatur & per aliquot dies in temperatura media quieta relinquebatur, ut solubilia fusciperentur, sed nec alkali tartari, nec phlogistico quidquam decedit præter calcis ferreæ portionem*). Nihil igitur peregrini metallici vel terrestres, acido nitroso solubilis, inesse concludimus.

LIQUOREM post factam præcipitationem residuum crystallisavimus & nitrum una cum al-

*) Calcem albam adhuc ferream credebamus.

alkali vegetabili collegimus. Poſterius aceto ſatiatum ope ſpiritus vini ſeparavimus, & tum examine inſtituto non niſi nitrum & alkali vegetabile acetatum indagare potuimus, quorum ſal uterque purus videbatur. Nulla igitur peregrini acidi veſtigia hoc modo innotuerunt *).

EXP. 248. FERRI *calidi fragilis* centenarium ſimiliter tractavimus. Præcipitatum exſiccatum & diu ignitum acido nitri commiſimus, ſed peregrini ſolubilis nihil deteximus, nec in calce deturbata, nec in liquore poſt præcipitationem reſiduo.

EXP. 249. FERRUM *crudum Huſabyenſe*, acido ſolutum, ope alkali phlogiſtici præcipitavimus. Præcipitati exſiccati libræ 228 in crucibulo, carbonum pulvere ſtrato & clauſo, regulum dederunt $39\frac{1}{2}$ librarum, fragilem, qui cum quadrante calcis ferri boni confuſus priſtinum ſervavit pondus & indolem ferri frigidi fragilis.

§. IX.

Principia ferri proxima.

Si, quæ ſigillatim antea dicta ſunt, perluſtrantur, haud difficulter patebit, ferrum, quod multifarie ab aliorum metallorum habitu diſcedit, qua compoſitionem tamen cum illis generatim convenire, adeo ut non niſi duo agnoſcat principia proxima, terram nimirum peculiarem metallicam & phlogiſton.

Bergm. Opuſc. Vol. III.

F

A)

*) Ineſſe metallum peregrinum Diſſ. XXVII monſtrat:

A, Quum autem *aër inflammabilis* e ferro quolibet obtineri queat, & quidem æquale volumen, diversis adhibitis acidis, cuiuspiam forte suscipio oriri posset de hac aura in ipso metallo delitescente, haud aliter ac acidum *aëreum* sovent lapides calcarei, variæque aliæ materiæ. Sed, si hoc dubium solido niteretur fundamento, omne acidum, ferrum adgrediens, *aërem* provocare deberet inflammabilem, quod tamen, teste experientia, non evenit. Acidum namque arsenici ferrum suscipit, sine productione ullius fluidi elastici, cujus loco phlogiston auferendum cum menstrui portione conjungitur, arsenicum album regenerans. Acidum nitrosum nihil quoque *aëris inflammabilis* educit, aliam tamen promit auram, *aëris nitrosi* cognitam nomine. Regeri quidem potest, hoc acidum tanta violentia inflammabilia adgredi, ut forte ipsum *aërem inflammabilem* sub solutione destruat, sed aliis experimentis probe notum est, quod acidum nitri fortissimum nihil omnino valeat in mutando *aëre inflammabili*, qui igitur sub solutionibus non evolvitur vel liberatur, sed re vera gignitur. *Aër* quoque inflammabilis e ferro prodit aliis modis, nimirum ope aquæ (§. X) vel solo etiam igne extorqueri potest, sed genesis in priore casu mox examinabitur (Exp. 257), & in posteriori a phlogisto metalli, cum materia caloris conjuncto, alibi derivabitur *).

PRÆ-

*) De Attract. Elect. §. 39

PRÆTEREA exploraturi, num aër inflammabilis omnis ejusdem eſſet indolis, in lagenis æqualibus, quæ 6 capiebant pollices cubicos, purum collegimus & examinavimus.

EXP. 250. Aër inflammabilis e ferro cuſo Norrberkenſi, calido fragili, orificio admota candela ardente, accenſus fuit cum quadam exploſione & flamma diſfuſa luſcente, momento totam conſumente penum. Denuo namque admota candela, nulla inflammatio- nis ſigna apparuerunt.

EXP. 251. Aër e ferro cuſo Braâſenſi, frigido fragili, ſimiliter ſe habuit, ſed prima deſlagratione ſubito præterita, reſiduus de- nuo accendi poterat, ardens per 2 circiter minuta prima, cum debili flamma luſcen- te, quæ infra, circa orificium lagenæ, paul- lum cæruleſcebat.

EXP. 252. Aër e crudo Leuſtadenſi, quan- tum ſatis phlogiſto dotato, cum exploſione flammam excitabat luſcentem, quæ, ut re- liquæ, mox exſtinguebatur, ſed admota can- dela iterum nova provocabatur, per 2 mi- nuta debilitèr flagrans, paulum rubefcens & ſcintillans.

EXP. 253. EODEM modo ſe geſſit e ferro cuſo Leuſtadenſi, ſed ſecunda flamma magis luſcebat.

EXP. 254. E chalybe anglico collectus aër prima vice accendebatur, uti e cuſo Leuſtadenſe, altera autem flamma, per 2 circiter minuta durans, debilis & cæruleſcens erat.

Hæc experimenta aliquam evincunt differentiam, quæ in calido fragili præsertim notabilis esse videtur.

B) VARIATIONES *ferri* suas debent originēs non tantum principiorum proportionibus, verum sæpe etiam aliis materiis, quæ nequaquam necessario insunt, sed abesse possunt, & revera interdum absunt. Quamvis autem ita sit, hæc peregrina nihilo minus ad diversos metalli nostri status eo modo non raro pertinent, ut illis remotis hi etiam penitus mutantur. Itaque non forsan inutile erit heic limitum quodammodo exhibere conspectum, secundum experimenta huc usque instituta. Tandem gravitates addeamus specificas quarundam variationum, antea examinatarum, quamvis hisce non nimium fidendum esse fateri oporteat, ob magnam a superficie scabra aërem arcendi difficultatem.

FERRUM CRUDUM.

		minim.	max.
IN centen.	<i>Siliceum</i> libras efficit	1,0	3,4
	<i>Plumbago</i> - - -	1,0	3,3
	<i>Magnesium</i> - - -	0,5	30,0
	<i>Ferrum</i> - - -	63,3	97,5,

cui tantum inest *phlogisti*, quantum foveat aëris inflammabilis pollices cubici 38 - 48.

Materia caloris ligata, respectu copię, chalybi & ferro ductili inhærentis, incallescencię cum acido nitri gradibus est inverse propor-

portionalis, hoc eſt minima relative exprimi poteſt per $\frac{1}{5\frac{1}{2}}$ & maxima per $\frac{1}{2\frac{1}{10}}$.

GRAVITAS ſpecifica ferri crudi *Leuſtadenſis*, *phlogiſto onuſti* 7, 662; *phlogiſto q. ſ. dati* 7, 759.

CHALYBS.

	minimum	maximum.
C) <i>Siliceum</i> in centenario	0,3	0,9
<i>Plumbago</i>	-	0,2 - 0,8
<i>Magneſium</i>	-	0,5 - 30,0
<i>Ferrum</i>	-	68,3 - 99,0
tantum fovens <i>phlogiſti</i> , quantum aëris inflammabilis pollices cubici	-	44 - 48
<i>Materia caloris ligata</i> qua copiam relativam coërcetur intra limites $\frac{1}{11\frac{1}{4}}$ & $\frac{1}{7\frac{1}{4}}$		

GRAVITAS ſpec. chalybis *Huſabyenſis* 7, 002; a D. QUIST *parati* 7, 643; *anglicani* 7, 775; *Forsmarkenſis* 7, 727; *Oſterbyenſis* 7, 784; *Ejuſdem indurati* 7, 693. Omnes reliqui emolliti erant.

FERRUM CUSUM DUCTILE.

	minimum	maximum.
C) <i>Siliceum</i> in centenario	0,05	0,3
<i>Plumbago</i>	-	0,05 - 0,2
<i>Magneſium</i>	-	0,50 - 30,0
<i>Ferrum</i>	-	99,50 - 99,4
eadem <i>phlogiſti</i> quantitate gaudet, qua aëris inflammabilis pollices cubici	-	48 - 51
<i>Materia caloris ligata</i> minima exprimi poteſt per $\frac{1}{13\frac{1}{8}}$, maxima per $\frac{1}{12\frac{1}{2}}$.		

GRAVITAS ſpecif. ferri *cuſi Brattforſenſis* 7, 798; *Leuſtadenſis* 7, 754; *Oſterbyenſis* 7, 827.

FERRUM CUSUM, CALIDUM FRAGILE.

E) *Siliceum* in centenario 0,8
Plumbago - - - 0,7
Magnesium - - - 0,5
Ferrum - - - 98,0 eadem do-
tatum inflammabilis copia, qua gaudent aë-
ris inflammabilis pollices cubici - - - 48
Materia caloris ligata significari poteſt per $\frac{1}{130}$

GRAVITAS ſpecif. ferri *Norrberkenſis*,
calidi fragilis 7,753.

FERRUM CUSUM, FRIGIDUM FRAGILE.

	minimum	maximum.
F) <i>Siliceum</i> in centenario	0,05	0,5
<i>Plumbago</i> - - -	0,05	0,4
<i>Magnesium</i> - - -	0,50	4,0
<i>Ferrum</i> - - -	95,40	99,4

in quo *phlogiſton* reducens tantum efficit, quan-
tum continent aeris inflammabilis pollices
cubici - - - - - 50 - 52
Materia caloris ligata minima indicatur per
 $\frac{1}{134}$, maxima per $\frac{1}{122}$.

GRAVITAS ſpecif. ferri *Braäſenſis* frigide
fragilis 7,792; ejusdem ductilis 7,751; *Huſa-
byenſis* 7,791.

G) JAM ultimo loco explicari deberet,
quid quælibet valeat ingrediens materia in
formandis ferri qualitatibus, ſed, ut hoc
cum pleno fiat ſucceſſu, multifaria adhuc re-
ſtant experimenta inſtituenda. Interea no-
ta-

tabiliora tantum momenta heic leviter terigisse sufficiat, & quidem primo videamus unde tres hujus metalli status oriantur.

In *ferro crudo* singula heterogenea majori adsunt quantitate, quam in reliquis, unde necessario fragilior compages. Phlogisti copia paullum variat, ita tamen, ut quo hæc uberior, eo etiam abundat magis plumbago. Parca plumbaginis dosis ferrum crudum præbet album, nitens, grave, durum & ad fusionem pronum, sed sub malleatione ponderis 20 — 24 centesimas amittens. CRUDUM autem plumbagine onustum griseo, plus minus nigrescente, gaudet colore, pauperato levius & mollius, quod longe difficilius fluit, sed sub malleatione non nisi 10 — 12 centesimarum ponderis jacturam facit. Moleculæ namque ferreæ, maxima, quæ in hoc statu contineri potest, inflammabilis copia instructæ, melius igni resistunt, pauperatæ autem facilius calcinantur & cum siliceo inhærente in scorias abeunt. Gallica & Osmundica cudendi methodi crudum plumbagine modice instructum requirunt, uberiores generans scorias, quæ plumbaginis juvant destructionem, Germanicæ autem & rusticæ, non tam bonitatem, quam quantitatem ferri respicientibus, crudum phlogisto onustum magis convenit. Antea diximus plumbaginem mineralisantem impedire, quominus particulæ ferreæ phlogiston ad plenam satietatem recipiant, sed huic thesi primo intuitu

repugnant noſtra experimenta, quæ crudum, phlogiſto onuſtum, etiam plumbagine abundare teſtantur. Sed conſideretur oportet, quod crudum phlogiſto onuſtum ſemper tamen chalybi & cuſo in ſuis generibus qua copiam ſit inferius, & præterea allata tentamina quaſi innuunt, phlogiſton in caſu ſuſcipiendum, inter acidum aëreum & moleculas ferreas in determinata proportione diſtribui. Siliceum uti immixtum, non vero ſolutum intrat.

STATUS *chalybis* crudo eſt adfinis. In hoc heterogenea quidem ſunt longe parciora, quam in crudo, ſed copioſiora quam in ductili. Qua inflammabilis ubertatem, chalybs etiam prævalet crudo, ſed caloris ligati copia deficit. Plumbago utrique ſtatui neceſſaria eſſe videtur, ſed cuilibet determinata portio. Hinc ſine dubio tam ferrum crudum, quam chalybs ſuſcantur in acidis, præſertim in acido nitri, nam, corroſo metallico, in ſuperficie reſtat tenuiſſima & obſcura tela plumbaginis. Sed præterea induatio quoque adquiſita, dum plus minus calefactum metallum aquæ ſubito immergitur, ab ejusdem plumbaginis moderata doſi quodammodo pendere videtur, nam ferrum ductile parum hac operatione ſuam auget duriem, crudum paullo magis & maxime chalybs, ſed quo mechaniſmo hoc perficiatur, ulteriori ſcrutinio eruendum reſtat. Quod corpus ignitum ſubito frigeſactum rigefcat, & particulae igne inflatae tales momento quaſi

fi figantur, fatis quidem probabile videtur, & gravitas specifica in indurato minor, quam in molli, voluminis expansionem innuit. Ceterum quomodo dimidia centesima, plumbaginem efficiens, tantam provocare possit differentiam, nodus est gordius haud facile solvendus.

ELASTICITAS ab inflammabili cum materia caloris ligata in dosi determinata conjuncto, generatim pendere videtur. Saltem genesis in quibusdam casibus hanc thesin confirmat. Ita acidum vitrioli ebulliens elasticos quidem gignit vapores, sed qui frigefacti in liquorem iterum concidunt, si vero pauxillum bullienti immiscetur inflammabilis materiae, mox copiosa prodit aura elastica & persistens. Idem valet de nitroso, quippe quod ebullitione spoliatum inflammabilis portione, quae in eodem hospitari solet, dein sine phlogisto & calore nihil eructat aërei persistentis. Muriaticum semper tale porrigit ope caloris, nam in sua compage inflammabile fovet. Chalybs elasticitate eminens, ferro quidem ductili semper est inferior inflammabilis copia, sed materiae caloris ligatae quantitate excedit, unde justam proportionem, maximae in hoc metallo provocandae elasticitati idoneam, magis valere discimus accumulatione, quae limite caret. In tota natura causae similiter circumscriptae sunt, adeo ut maximus effectus determinata vi vel dosi provocetur, minore majoreve de-

bilior. Ita aquæ in vapores resolutio acceleratur eo magis, quo intensiore torquetur calore, usque ad gradum $+ 150$, ubi minima mora operatio peragi videtur. Est autem hic gradus quasi punctum flexus contrarii in Geometria sublimiori, nam, aucto ulterius æstu, dissipatio continue magis magisque retardatur.

LAMINÆ chalybeæ politæ, sensimque incalentes superficies, pro gradu caloris, diversos suscipit colores, sine dubio e levi, sed crescente molecularum extimarum calcinatione.

FERRUM *ductile* proprie purum vocari potest, & quamvis phlogisti ditissimum, fusioni tamen longe pertinacius resistit, quam præcedentes variationes. Hoc evidenter iterum monstrat, quantum valeat proportio. Modica plumbaginis portione fusibilitatem augeri, copiosa autem decrescere, ad initium hujus momenti *G* observavimus. Idem constat de ductilitate, quæ cum phlogisto crescit in diversis statibus, sed, illo ultra certum terminum aucto, fragilitas prodit in frigido fragili (Exp. 31), quod, ope calcaris malleo obediens factum, loco 52 pollicum aëris inflammabilis, non nisi 48 porrigit (Exp. 32). Materia autem caloris, ferri indole mutata, heic non variat, quod notatu est dignissimum (Exp. 165, 167).

VARII itaque ferri status e diversis phlogi-

gitti, materiæ caloris & plumbaginis con-
nubiis derivandi sunt. QUUM autem limites
cujuslibet status aliquam habeant latitudinem,
in quovis numerosæ locum habere possunt
differentiæ coloris, gravitatis, ductilitatis,
duritiæ, elasticitatis & tenacitatis, e discre-
pantibus trium nuper memoratarum materi-
erum proportionibus pendentes. Ipsa quo-
que mechanica ferri tractatio quidquam di-
criminis parit. Diutina malleatione com-
primuntur particulæ, unde pondus increfcit
specificum, major quoque prodit compagis
rigiditas & quæ sunt reliquæ mutationes.

CONSIDEREMUS jam propius ferri vitiosi
naturam. *Calidum fragile* in primis frigidum,
& plerumque etiam ad albedinem candens
extendi, limari & flecti potest, sed ad ru-
bedinem ignitum rumpitur. Fractura fila-
mentosa. Superficies limata cærulescit & ru-
biginem facile contrahit. Ollæ ex hoc fu-
sæ cibum fuscant, furni nidorem spargunt.
Candens frequentiores majoresque evibrat
scintillas, quam ferrum bonum. Vitium
contrario, frigido fragili, non corrigitur
(Exp. 125), nec calcinatione (Exp. 129),
cæmentando autem paulum emendari vide-
tur (Exp. 138 - 140), fateamur tamen oport-
et, quod ferri Norrberkenfis labes sit mi-
nus notabilis. Tota hæc indoles ex acido
sulphuris non est derivanda (Exp. 244), nec
a proportionem heterogeneorum aut princi-
piorum, sed uti videtur, præsertim e qua-
lita-

litate phlogisti quodammodo inquinati. Hoc innuunt aëris ex illo geniti differens inflammatio (Exp. 250), cum sulphure & aqua habitus (Exp. 261), nidor, scintillæ, cetera. Notum quoque est ferrum bonum, carbonibus male uctis, fieri calidum fragile. Hisce congruunt sequentes observationes notatu dignissimæ *). Scilicet scorïæ in furno malleationis ortæ, & dein iterata fusione reductæ, ferrum exhibent calidum fragile, vitium tamen parum est notabile, sed augeatur in ferro, e scorïis sub prima hac operatione ortis elicitò, corrigitur autem, si ferro in malleationis foco adduntur scorïæ, nullam antea passæ reductionem. Scorïæ igitur tales causam fragilitatis calidæ vi majoris attractionis absorbere videntur, unde etiam intelligitur, cur crudum, quod facile funditur & sufficiens porrigit scorïas, ferrum fragilitatis calidæ labe contaminatum vix umquam præbeat. Ceterum hoc vitium difficilius in foco malleationis corrigitur, quam in furno fusorio, ubi metallum completam obtinet liquiditatem.

FRIGIDUM *fragile* tam ad rubedinem, quam albedinem ignitum obedit, limatum instar argenti albet & rubigini bene resistit. Fractura granosa alba & nitida. Cusum quadrante calcis ferri boni non corrigitur (Exp. 100), & dimidio calidam fragilitatem ad-

*) Hæ observationes [Domino STOCKENSTRÖM debentur.]

acquirere videtur (Exp. 101). Crudum non numquam cum calce ferri cujuſlibet miram oftendit volatilitatem (Exp. 102-104). Cum calcareo in furno Hungarico emendatur (pag. 15, not. *d*), non autem in crucibulo (Exp. 120-123). Cum ſulphure tractatum in chalybem abit (Exp. 124), itemque calcinatum & dein cum ferro bono fuſum (128). Cæmentando non mutatur (Exp. 141-143). In cæruleum Berolinenſe redactum & poſtea reductum, ſuam ſervat indolem (Exp. 249). Origo harum qualitatum alte ſepulta videtur. Proportio phlogiſti quidquam forte efficit (Exp. 31, 32), ſed ni fallimur, præcipuum fundamentum latet in portione calcis ferreæ, peculiaris naturæ, quæ ineſt & mox examinabitur (Exp. 264-266).

§. X.

De calce ferri.

HACTENUS principia ferri proxima quæſivimus, jam breviter memoraturi, quantum in calce ejusdem decomponenda profecimus. Quod mox ab initio attentionem mereri videtur, peculiaris eſt aquæ in noſtrum metallum viſ. Acidum vitrioli concentratum ferrum non ſolvit, niſi addita aqua, quæ etiam ſola ferrum, diu immerſum, in pulverem reſolvit (*æthiopem martialem*), & ſulphuris quoque actionem in limaturam martis ita juvat, ut non tantum vehemens oriatur æſtus, ſed etiam fumus & flamma. Non-

ne hæc phænomena quodammodo indicent salinum delitescens & radicale, præfertim acidum, quod aquam sollicitat? Sed illa propius examinemus.

EXP. 255. LIMATURÆ *ferri Østerbyensis*, 8 centenarii, aliquot aquæ destillatæ guttis humectati, thermometri immissi hydrargyrum a decimo quarto gradu ad decimum septimum expandebant, quod sine dubio mutuam prodit actionem.

EXP. 256. EJUSDEM *limaturæ* 3 centenarii in patella porcellanea aqua destillata suffundebantur, quæ in temperatura media sensim vaporabat. Massa sicca pistillo achatino terebatur & aqua denuo addebatur, qui labor per 60 dies eodem ordine continuabatur. Tempore dicto elapso, particulæ ferreæ in in nigrum resolutæ pulverem magnete fortiter adhuc attrahebantur, nonnullæ autem, quæ in flavam abierant ochram, imperium ejusdem recusabant. Pondus totius jam erat 371 librarum, quod 23, 7 augmentum in centenario innuit.

EXP. 257. EJUSDEM *limaturæ* 185 libræ domicasticæ, cum aquæ destillatæ 688, immittebantur parvæ cucurbitæ, 3200 aquæ libras, vel quod eodem recidit, 4 pollices cubicos capienti. Orificio tubulus gracilis perfecte circumcirca claudens adaptabatur, ita curvatus, ut extremo libero alium ampliorem tubum, hydrargyro impletum & hydrargy-

ro apertura immerfum, intraret. Hic apparatus in temperatura media relinquebatur. Tertio die hydrargyrum, in tubulo surgere coepit & usque ad $\frac{2}{3}$ implevit, sed die fequente post varias ofcillationes $\frac{1}{3}$ tantum occupavit & heic fixum hæfit per 2 menses. Interea re vera aliqua obfervabatur calcinatio maculis ochraceis. Tempore dicto elapfo, aqua filtro papyraceo colata & explorata heliotropii tincturam non mutavit, nihilque prodidit martialis, five alkali-phlogifticati, five tincturæ gallarum aliquot guttæ inflillabantur. Limatura collecta & ficcata 182 libras efficiebat, & pulvis niger, magneti obfequiofus cum quibusdam ramentis ochraceis, 3 circiter. Maculæ nonnullæ ochraceæ in cucurbita reftabant adfixæ.

Hoc experimento patet, aquam etiam in loco claufo non penitus inertem effe, fed aërem fimul inclufum contrahi circiter una quingentefima, nam primum volumen aëreum 2528 aquæ libris æquivalebat, & ultimum 2523. Omnis aëris atmofphærici liberi accessus impeditus fine dubio ulteriori calcinationi obicem pofuit. Notum enim eft, quod limatura martis fub aqua aëris inflammabilis portionem promat, in pulverem nigrum fenfim fatifcens, qui, etfi magneti totus obediat, interdum e centenario non ultra tres aëris inflammabilis pollices in acidis porrigit (Exp. 272).

EXP. 258. *FERRI crudi Hælleforſenſis*, *phlogiſto onuſti*, 32 centenarii cum totidem ſulphuris & 4 aquæ fervidæ commixti in orbiculo procellaneo, incaleſcentes fumum emittebant viſibilem poſt 8 minuta, qui poſt 45 evanuit. Superficies fuſceſcebat.

EXP. 259. *CRUDI Huſabyenſis* 32 centenarii ſimiliter tractati eodem modo ſe gerebant, æſtu paullo majori.

EXP. 260. *Cusi Öſterbyenſis* æquale pondus poſt 15 minuta viſibiliter fumum præbuit, per 5 horæ quadrantes continuantem. Maximus æſtus poſt elapſa 45 minuta. Maſſa frigefacta e flavo fuſceſcebat.

EXP. 261. *Cusi Norrberkenſis*, calidi fragilis, 32 centenarii, poſt 12 minuta fumum eructabant ſenſibilem, ultra 5 horæ quadrantes conſpicuum. Maximus tamen æſtus decreſcebat dudum poſt 45 minuta. Maſſa extus nigreſcebat.

EXP. 262. *Cusi Braåſenſis*, frigidi fragilis, totidem centenarii poſt ſemihoram primum monſtrabant fumum, continuantem per 5 horæ quadrantes, maximusque æſtus poſt 3 quadrantes prodiit. Maſſa e flavo fuſceſcebat.

IN ſingulis hiſce experimentis, quæ in eodem loco ſimul inſtituebantur, maſſæ rimas aperiebant, ſed nulla erumpebat flamma, quippe quæ libram ſaltim ferri poſtulat

lat. Gradualis quidem heic occurrit differentia, sed nostro proposito non dum proficua, ideoque hanc telam abruptimus, aliam tentaturi viam.

B) Novimus ferrum cusum, acido vitriolico solutum, vitriolum porrigere, in quo moleculæ ferreæ inflammabili reducente sunt spolitæ. Hoc vitriolo iterum soluto & in vase amplo aëri exposito, videmus clarum liquorem cito turbari particulis ochraceis, quod non definit prius, quam totus liquor in lixivium, crystallisationem recusans, fuerit resolutus. Ratio alibi est exposita *r)*). Heic itaque ulterioris dephlogisticationis luculentum occurrit exemplum. Quid in vase clauso, adjuvante ebullitionis æstu, eveniat, sequens docet experimentum.

Exp. 263. Vitrioli martis probe crystallisati 4 centenariis, aqua solutis, globum apparatus antea descripti (§. III, *A*) implevimus, qui calori 100 graduum expositus, liquoris circiter dimidium exoneravit, quo facto, alterum dimidium per horæ quadrantem ebullivit, interea tamen nihil magis emisit aërei, quam quod aquæ destillatæ inhærere solet, quod nullo modo inflammari poterat. Liquor turbabatur & cessante ejusdem motu ochra copiosa deponebatur. Tale sedimentum flavens etiam discernitur sine ebullitione, 70 vel 80 graduum æstu, & in hoc casu solutionis parum expellitur.

Bergm. Opusc. Vol. III. G

HINC

r) Opusc. Vol. I pag. 172.

HINC ſatis elucet, illam ferri dephlogiſticationem fieri, ſine auxilio aëris, ſolo calore, nullumque prodire aërem inflammabilem.

QUOMODO ſe habeat ferrum bonum acidis ſolutum & dein alkali præcipitatum, ſatis notum eſt. Similiter ſe gerit ſolutio ferri calidi fragilis, ſed frigidi fragilis peculiariora monſtrat phænomena.

EXP. 264. AD ſaturitatem *acido vitriolico ſolvatur ferrum cuſum frigidum fragile*. Solutio probe diluta in vaſe aperto exponatur aërei & poſt aliquot horas hæc ſponte turbari incipit moleculis niveis, quæ ſenſim ſubſident. Hoc ſedimentum colligatur prius, quam aliud flavescens ſequatur. Ope caloris ſeparatio acceleratur.

EXP. 265. SEDIMENTUM hocce probe lotum & ſiccatum niveum manet. Via humida ita ſe habet. Suſcipitur ſine ulla efferveſcentia acidis, vitriolico, nitroſo, muriatico, arſenicali & forte omnibus aliis, iterumque album deſicitur alkali fixo aërato, ſed phlogiſticato cæruleum. Alkali tam fixo, quam volatili vix ſolvitur, niſi nuper ſegregatum & adhuc madidum.

EXP. 266. IDEM via ſicca exploratum ſequentem monſtrat habitum. Ignitione albedinem non amittit. Magnetis imperium recuſat æque poſtea, ac antea. In carbone ope tubi ferruminatorii funditur cineraſcens,
aci-

acidis poſtea vix ſolubile, fale microcoſmico & borace fuſis ſuſcipitur, globulos vitreos fuſcos exhibens, uti calces boni & calidi fragilis ferri. In crucibulo ſi nitrum additur exæſtuant ſedimento albo ſtatim rufus oritur fumus: ſi acidum nitri pluries ad ignitionem abſtrahitur, color albus cum rufo fuſceſcente commutatur.

EXP. 267. UT quantitatem calcis bonæ determinaremus, 255 libras ejusdem frigidi fragilis, acido vitrioli ſolutas, vaporando in cryſtallos redegimus, quarum 938 libras obtinuimus. Has alkali fixo præcipitavimus & calcem ferrugineam collegimus, quæ ſiccata 288 libras efficiebat & reducta in crucibulo, pulvere carbonum ſtrato, regulum dabat 167 librarum. Hic cum quadrante bonæ calcis ferreæ fundendo ductilitatem egregiam & pondus 181 acquirebat.

EXP. 268. SEDIMENTUM ſub proceſſu præcedente collectum e lixivio ultimo, cryſtalliſationem reſpuente, ad ſiccum vaporando 96 libras præbuit, quæ igniando ruſebant ex inhærente portione calcis bonæ, & reducendo regulum obtulit 52 librarum, qui, more ſolito, cum calce ferri boni denuo confuſus frigidam fragilitatem ſummo gradu prodebat, qua pondus 15 libris diminutus. Duabus igitur reductionibus 36 libræ in ſcorias abierunt.

QUATUOR proxime præcedentia tentamina
G 2 pen-

penfitando luculenter patet, calcem albam fragilitatis frigidæ causam esse. Quod hæc calx magis contineat phlogisti, quam vulgaris flava vel e fusco rufescens, inde concludimus, quod post ignitionem facile solvatur acidis, etiam aceto & nitroso (Exp. 205, 247); quod cum nitro rufos eructet vapores & cum acido nitroso pluries ad ignitionem redacta rufeat (Exp. 266). Interim tamen hæc calx alba, prima sub evaporatione decidit, pars nihilo minus maxima in lixivio ultimo restans, majori phlogisti dosi egere videtur, tam ut acidis retineatur & crystallifetur, quam ut formam metallicam completam adquirat (Exp. 31, 32). Ceterum ejusdem indolem experimentorum penuria non dum exactius eruere potuimus *).

C) UT efficacissimis dephlogisticationis mediis, hætenus notis, calcem ferri tentaremus, sequenti modo egimus.

EXP. 269. *FERRI cusi-Österbyensis* centenarium acido nitroso in vase vitreo solvimus, vaporando exsiccavimus, denuo acidum adfudimus & sic alternando continuavimus, donec menstrui 28 centenarii essent consumpti, & tum ad ignitionem exsiccavimus. Initio vapores rubri copiosi generabantur, vaporando primos octo centenarios. Dein ve-

ro

*) In commentatione XXVII plura de hac calce occurrunt.

ro nulla horum apparebant vestigia. Gravitās acidī specifica attingebat 1,268.

RESIDUUM e rufo fuscum 139 libris pondere æquivalebat, quod incrementum indicat 39 librarum. Hoc acido salis dephlogistico exposuimus per 10 nyctemera, quibus elapsis, nulla adhuc conspici poterat mutatio, ne quidem coloris.

EXP. 270. *FERRI cusi Norrberkensis* centenarium cum iisdem acidis similiter tractavimus. Eventus fuit idem. Residuum quā pondus $37\frac{1}{2}$ libris auctum reperiebatur, quod, æque ac præcedens, acido salis dephlogistico restitit.

EXP. 271. *FERRI cusi Braßensis*, frigidi fragilis, centenarius, eodem tortus modo, similiter se gessit, & cum acido nitroso, & cum acido muriatico dephlogistico. Pondus residui 140 libras efficiebat.

EXPERIMENTA in præcedentibus allata factis innuunt, quod ferrum, licet sæpe paullo magis, quam phlogiston reducens, amittat (Exp. 263), non tamen ita, mediis huc usque notis, coagulante spoliari posse, ut quodammodo denudetur acidum radicale. Sed hæc pertinacia non deterreat: labor improbus omnia vincit. Validiora quæramus instrumenta, & aliquando non tantum ferri, verum etiam reliquorum metallorum acida radicalia denudatum iri speramus.

§. IX.

De magnetismo.

Quod ferrum magnetis imperio fit subiectum ab antiquissimis temporibus innotuit. Num autem inter metalla solum præstet obsequium, dubitari posset. Niccolum hæcenus tali obedientia non potuit penitus spoliari, immo maxime depuratum magneticam exercet virtutem, adeo ut reguli dimidium alterum attrahat *s*). Præterea cobaltum & magnesium omnem cum magnete adfinitatem ægerrime exuunt. Alias quoque materias haud paucas similiter magnete tentari legimus *t*). Sed hæc omnia adcuratius exploranda mittimus, ad ea properantes, quæ nostro proposito magis conveniunt. Scilicet novimus ferrum cûsum magnete non tantum attrahi, sed etiam ejusdem vim variis modis posse acquirere. Videmus quoque inter ferri mineras plures, præsertim suecanas, magneti obsequiosas. Hinc orta est quæstio, annon hæc mineræ completum contineant ferrum, cûso qua indolem conveniens, adeoque re vera nativum sit, de quo multi etiamnum dubitant?

IN præcedentibus methodum adhibuimus, mediante qua hoc etiam problema solvi potest (§. III, *A*).

Exp.

s) Opusc. Vol. II, pag. 242.

t) A. BURGMANS de Magnetismo.

EXP. 272. *Æthiops martialis*, totus magneti obediens & acidis solubilis, in globo cum acido salis coctus, e centenario tres tantum aëris inflammabilis pollices cubicos præbuit.

Hinc dilucide efficitur, quod omne ferrum attractile non tantum non cuso congruat, sed etiam a crudo multum discrepet. Non itaque ferri nativi nomen mineris quibuslibet, magneti amicis, convenit. Immo magnes naturalis forte numquam ferrum fovet completum, quod etiam sequenti tentamine confirmatur.

EXP. 273. OLEO lini æthiopis martialis tantum addidimus, ut massa in parallelepipedum fingi poterat, quod, diutino & leni calore exsiccatum, inter duos magnetis naturalis armati polos collocavimus, &, tempore quodam elapso, illud magnetica vi imbutum reperimus.

OCHRAM in oleo decoctam magneti quidem obsequiosam fieri novimus, sed vix, ac ne vix quidem, hac via totum recuperat complementum, formæ necessarium completæ. Idem accidit quoque ochræ, inclusæ vitro, creta, gypso, carbonum pulvere, aliave materia, quæ vasis fusionem impedit, circumdato & vehementi igni diu exposito, in quo casu e caloris materia decomposita luculenter hauritur phlogiston, quo fit attra-

G 4

tilis,

ctilis, ſed ſine addito inflammabili, fuſione appropriando, perfectam reductionem ſperare vix licet.

Si in experimento, nuper deſcripto, oleum plumbo quantum ſatis imbuitur, & exſiccatio coram igne in 6 pedum diſtancia peragitur, totus labor quinque horis abſolvi poteſt *u*).

HINC cogitur, quod phlogiſti quidem certa doſis ferro ſit neceſſaria, ut magneti obtemperet, longe tamen parcior ſufficit, quam qua metallum hocce completum indiget.

CETERUM nullum jam ſupereſſe videtur dubium, quin phænomena magnetica a fluido quodam tenuiſſimo provocentur, cujus motus regulæ ſollicite ſunt indagandæ. Tentamina huc uſque inſtituta miram cum electrico monſtrant analogiam & convenientiam *x*), certe digniſſima, quæ ulteris perſequantur.

E colcothari vitrioli, forti igni expoſito, terram albam, ad magnetem proniſſimam, nec

u) En illam methodum, qua uſus fuit Dr. KNIGHT, ad componendos magnetes artificiales adeo fortes, ut in menſa depoſiti, ſemetipſos ſecundum loci meridianum direxerint, ſed pro æthiope martiali ſubtiliſſimum aciei pulverem, e limatura chalybis, in cylindro ligneo cum aqua quaſſata, ortum adhibuit, labore diutino & cum tædio conjuncto. Proceſſum nuper divulgavit Celeberr. VILSON in *Transactionibus Philoſ.* anni 1779.

x) Cel. ÆPINI Tentamen Theoriæ Electricitatis & Magnetismi.

nec ope acidi vitriolici cum LEMMERIO y),
nec ope nitrosi cum MUSCHENBROEKIO z),
hactenus extrahere potuimus.



Hi nostri sunt huc usque in ferri analyfi
facti progressus, quos, etsi valde imperfe-
ctos, nec in condenda & stabilienda genui-
na theoria, omnino inutiles, nec in illu-
stranda & perficienda magna praxi, pror-
sus steriles fore speramus. Jam, ut nostra
cum aliorum tentaminibus, quæ plerumque
diversa methodo sunt instituta, comparen-
tur restat, sed limites dudum Dissertationis
Academicæ nimium transgressi sumus, adeo
ut heic subsistere cogamur, nonnulla obiter
tantum memoraturi momenta, quæ nostras
luculenter confirmant conclusiones, antea e-
licitas. In pensitandis illustris REAUMURII
numerosis experimentis infatigabilem patient-
iam & felicissimum in-indagando vero inge-
nium, miramur. Differentiam ferri crudi, cha-
lybis & ductilis rite æstimavit a diversa hete-
rogenei copia, quod sulphuris salisque no-
mine distinguit. Sulphureum quoque re
vera inest, quamvis non vitriolicum vulga-
re, sed plumbaginis jam melius cognitum
denominatione. Quod ad salinum attinet a
radicali diversum, illud attingere non po-
tuimus. Ceterum tota ejus theoria & tenta-
mi-

y) Mem. de. l'Ac. de Paris, 1706.

z) Diff. de Magnete.

mina fere omnia nostris egregie congruunt. Cæmentando ferrum crudeum & chalybem in croco martis, superficiem ductilem fieri invenit, quod fusione per totam massam obtineri antea evicimus. Creta, calce viva, salibus fixis alkalinis, pluribusque aliis materiis, in primis ustorum ossium pulvere molitiem similiter, sed minorem, provocavit idem sagacissimus Physicus^{a)}. Quod ossa usta præ ceteris materiis efficacia fuerint in decomponenda plumbagine, cognita eorum compositione, jam luculentissime patet. Acidum nempe phosphori phlogiston tentat, dum calx vidua acidi æerei connubium simul ambit. Eadem facilitate reliquorum phænomenorum pleraque explicantur. D. RINMAN crudeum, phlogisto onustum, post cæmentationem in pulvere calcareo, acido nitroso suscipi sine residuo, vidit, quod de plumbagine, etiam sine fusione, decomponenda testatur, immo, sola 14' nyctemorum continua ignitione, in vasis optime clausis, cuseum Grængense crusta calcinata, malleo tentata facile separanda, ponderis ultra $\frac{32}{100}$ amisisse observavit, majoremque quam antea comparasse fragilitatem: cuseum ductile, salva indole, eodem modo perdidisse ultra $\frac{22}{100}$: chalybem paratum coriatione fere $\frac{21}{100}$, sed cæmentatione ortum fere $\frac{24}{100}$: crudeum bonum $\frac{26}{100}$, simulque in ambitu cusi naturam adquisivisse, idem autem pulve-

a) L'art d'adoucir le fer fondu.

vere ossium ustorum circumdatum similiter in superficie emollitum fuisse, sed ponderis tantum $\frac{15}{100}$ jacturam fecisse *b*). Dolemus magni nostri in ferro tractando Magistri non dum prodiisse hujus metalli Historiam, quæ sine dubio observationum & experimentorum, in eruenda ferri natura maximi momenti, ingentem comprehendet copiam.

NOVISSIME Cl. MEYER varia quoque instituit experimenta, ferri illustrantia naturam *c*).

ALIA, quæ seriem in hocce opusculo contextam & sanam ferri theoriam minus directe tangunt, jam sicco, ut ajunt, pede præterire cogimur.

b) In tractatu suecano, qui inscribitur: Anledning til kunskap om grofvare Järn och Stål-förädling.

c) In Actis N. C. Berolinensibus.

Index Paragraphorum.

- §. I. VARIETATES Ferri, *pag.* 1.
- §. II. DE causis variationum indagandis, *pag.* 5.
- §. III. QUANTITAS phlogisti reducentis, experimentis humidis quæsita, *pag.* 8.
- §. IV. COROLLARIA e præcedentibus experimentis elicta, *pag.* 21.
- §. V.

- §. V. QUANTITAS phlogifti reducentis experimentis ficcis quæfita, *pag.* 26.
- §. VI. Corollaria e ficcis experimentis præcedentibus elicitæ, *pag.* 45.
- §. VII. QUANTITAS materiæ caloris in ferro, *pag.* 56.
- §. VIII. PEREGRINA ferro inhærentia, *pag.* 66.
- §. IX. PRINCIPIA ferri proxima, *pag.* 81
- §. X. DE calce ferri, *pag.* 93.
- §. XI. DE magnetifmo, *pag.* 102



XXVII.

DE

CAUSA FRAGILITATIS
FERRI FRIGIDI *).

*Naturalem causam querimus & assiduam, non raram
& fortuitam.*

SENECA.

§. I.

Introitus.

FERRUM frigidum fragile facillime distinguitur non tantum habitu sub malleo, quo frigidum rumpitur, rubens autem & candens obtemperat, sed etiam interna textura, quæ in ductili bono & calido fragili est fibrosa, fuscescens, in hoc vero nitida, grana præbens angulosa, quasi crystallina, colore metallico albo pauxillum cærulescente.

E mineris pulverulentis lacustribus vel palustribus plerumque excoquitur, interim
ta-

*) Hæc Disquisitio anno 1781 d. 22 Junii Secretario Soc. R. Ups. tradita est & in N. Actis tom IV. impressa occurrit.

tamen non numquam, quamvis rarius, e venis montium ejusdem minera dura & lapidosa hauritur, qualis occurrit in monte a Pleyadibus denominato (Sjöstjerneberget) Paroeciæ Grænge in Dalekarlia. Hæc granis metallicis niter cohærentibus, magneti minime obedientibus, nucleisque facta reperitur e fusco nigrescentibus, spathosis & attractilibus, hac varietate perquam egregia apparens. Granosum solum difficulter fluit & e centenario regulum præbet 66 circiter librarum frigide fragilem, qualis etiam obrinetur, sed 10 libris ponderosiores, e centenario spathosæ partis. Spathosum granoso admixtum fusionem multum juvat. Uterque regulus probe fusus fere semper in superficie crystallinus est.

GENERATIM hujus fragilitatis causa est quærenda aut in ipsa ferri natura, aut in peregrino quodam immixto. Utrumque momentum curatius examinare e re est.

§. II.

Num causa fragilitatis in qualitate ferri inveniatur.

QUUM ferrum constet terra peculiari metallica & phlogisto, posito quod in ipso metallo delitescat vitii origo, hæc erit aut in calce, aut in phlogisto, aut in utroque principio simul.

A) CAL-

A) CALCES ferri non dum ita exploratas esse fateamur oportet, ut interna quædam certo negari possit essentialis differentia, sed non ideo talem ponere licet. Verum quidem est, quod minera ferri frigidi fragilis sit plerumque calciformis, non tamen ideo sequitur, ut in calce martiali origo mali resideat: in ipsa minera pulverulenta plures adsunt peregrinæ particulæ, quæ eodem jure suspectæ esse debent. Majore veritatis specie opinio hæcce fulcitur calce alba peculiari, quæ e ferro frigidus fragili extrahi potest a). Sed, num hæc re vera sit martialis, dedita opera mox examinabitur, immo in antecessum adseverare possum, diversissimam inveniri (§. IV). Hætenus igitur nulla adest ratio, quæ vitium calci ferreæ inesse suadet.

B) Si phlogiston accusatur, aut quantitate, aut qualitate peccet necesse est. Prius a nonnullis cum fiducia venditatur, sed argumentis ducuntur, quæ nihil demonstrant, & pleraque ne quidem probabilitatem adferunt. Experientiam directe consulendo quæstio optime illustratur. Hanc autem sequendo viam magis phlogisti continere reperitur frigidum, quam & ductile bonum & calidum fragile. Centenarius nimirum calidi fragilis copiam fovet relative exprimendam per 48, boni per 48 — 51, sed frigidi fragi-

a) De Analyfi ferri, Exp. 264. 268, pag. 98, 99.

gilis per 50 & 52 *b*). Ex hypothese ferrum, de quo jam quæstio agitur, in suo genere purum esse debet & nullo contaminatum heterogeneo. Hæc igitur explicatio, penuriae materiae inflammabilis innixa, fundamento destituta plane concidit.

Quod ad qualitatem phlogisti attinet, hæc difficulter exploratur, interim tamen aër inflammabilis, qui e frigido fragili ope acidorum acquiritur, illi omnino congruere videtur, qui e ductili bono eadem via prodit *c*).

C) QUUM jam in neutro principio seorsim causæ fragilitatis nulla reperiantur vestigia, admodum quidem tenui verisimilitudinis specie in iisdem conjunctis eadem quæri potest, præsertim dum nulla alia indicia illud innuant.

§. III.

Num in peregrino immixto?

Si non delitescit in ipsis particulis ferreis causa fragilitatis, in peregrino inhærente necessario aderit. Hoc autem peregrinum duplici modo inesse potest, aut mechanice tantum, particulis ferreis interpositum & cohærentiam impediens, aut etiam solutionis more singulis ferri atomis intime adunatum. Hæ hypothèses seorsim ad examen revocentur.

A)

b) Analysis ferri, Exp. 27, 29, 52, 33, 56, 50, 52.

c) Analysis ferri, Exp. 251.

A) MECHANICAM miscelam, non possumus non rejicere. Si enim inest quædam terra, uti urgent nonnulli,

1:0 HÆC ejusdem gravitatis specificæ esse nequit, ac ipsum metallum, ideoque sub fusione enatare conabitur scoricificanda, & repetitis operationibus sine dubio eo usque diminuetur, ut simul evanescat, vel parum notabilis fiat, fragilitas, quod tamen experientiæ contrariatur, saltim duplicem fusionem insufficientem esse videmus.

2:0 MECHANICA distributio numquam per totam massam æqualis esse potest, adeo ut heic portio ductilis, alibi plus minus fragilis, in ferri frustulo occurrere deberent, sed talis non observatur differentia.

3:0 Oculus vel optime armatus nihil detegere valet peregrini, quamvis haud exigua dosis adsit necesse est, si fragilitas ab illo penderet.

B) INTIMA igitur necessaria est miscela chemica, sed nullum metallum in statu completo alii aduniri potest materiæ, nisi perfecte metallicæ, ne quidem propriæ calci. Ergo in metallo peregrino causa fragilitatis est quærenda. Idem etiam manifesto patet, solutionem frigidi fragilis ope alkali phlogisticati præcipitando, nam sedimentum lotum, siccatum & reductum exhibet regulum,

eadem ac antea fragilitatis labe vitiatum *d*). Itaque, quum hac via non nisi metallicum deturbetur, in metallica quoque materie origo mali quærenda necesse est. Celeberrimo, dum in vivis erat, metallurgo D:no BRANDT adeo persuasum fuit de hac veritate, ut cum singulis notis metallis ferrum seorsim conjunxerit, hac synthetica via fragilitatis auctorem investigare sperans *e*). Hoc labore finito nullam frigido fragili magis congruentem miscelam invenit, quam arsenicalem, unde etiam in hac causa adquievit. Sed alibi, tam in mineris, quam in ipso ferro frigido fragili, arsenici ne levissima quidem indagare potuimus vestigia *f*). Quamvis igitur arsenicum fragilitatem efficere queat, non tamen est genuina causa, quæ in omni ferro frigido fragili, proprie sic dicto, adest. Methodus Brandtiana, etsi valde bona, fefellit eo tempore, quo non nisi 14 cognita erant metalla. Postea duo nova sunt detecta, Magnesium & aliud mox describendum. Quod ad prius attinet, hoc, etsi fragile, non tamen suo vitio ferrum inquinat, illud enim, quod e minera alba spathosa elicitur, nullo laborat ductilitatis defectu, quamvis in centenario 30 magnesi libras foveat *g*). In posteriori autem fons mali re vera delitescit, uti jam videbimus.

Sci.

d) *Analys. Ferri, Exp. 249.*

e) *Act. Stockh. 1751.*

f) *Analys. Ferri, Exp. 206, 207 & 208.*

g) *Opusc. Vol. II. pag. 228.*

SCILICET loco dudum citato evicimus *b)*, quod vitriolum ferri frigidi fragilis, uberiore aqua solutum liberoque aëri expositum, calcem albam sensim sponteque demittat, qua sublata ferrum fragilitate liberatur, præsentem autem eadem numquam desideratur hoc vitium. In hac igitur genuinam quærendam esse causam antea conclusimus *i)*. Sed hæc, etsi sub forma terræ e vitriolo secernatur, non tamen ipsi metallo completo talis & mechanice est immista (mom. *A*), sed solutionis more adunata. Hæc igitur terra metallica & reducibilis sit oportet.

MATERIÆ inopia tunc calcis albæ rigorosum examen paullum differre coacti fuimus, quod tamen nova portione acquisita mox continuavimus, nostrorum conaminum heic allaturi eventus.

§. IV.

De calce alba, e ferro frigido fragili separata.

A) Modus, quo separavimus hanc calcem, primum breviter describatur. Lagenæ *A*, quæ 12 circiter pollices cubicos decimales capiebat, 16 lothones ferri crudi Husabyensis pulverati indidimus. Hæc minera ferrum frigidum fragile exhibet & in Dissertatione de Analyfi ferri sæpe memoratur.

H 2

Pul.

b) In nota *a*.

i) Analyfis Ferri, Exp. 264-268.

Pulveri aquæ destillatæ 6 p. c. & acidi vitriolici concentrati $\frac{1}{2}$ adfundeantur. Solutio cum effervescentia mox incepit. Post 4 horas nullus visibilis restavit motus, liquidum filtro colatum in aliam B ejusdem magnitudinis collegi, & in A residuum ferrum aqua addita lavavi, donec colatura impleret lagenam B. Hoc facto dudum solutio initio clara in B turbida albescebat, sed pulvis albus non nisi post plures horas fundum attingebat, & interea alius paululum flavescebat desuper aquam tingere inceperat.

LAGENÆ A denuo aquam & acidum infundebam eadem quantitate, ac in prima operatione, & solutionem in lagena C colatam collegi.

TERTIUM quartumque processum iteravi & solutiones in lagenis D & E collegi. Phænomena fuerunt eadem in singulis, sed quintum solutio in F clara manebat per plura nyctemera, tandem vero nubecula ægre visibilis subsidebat, at sextum in G post duas septimanas nihil deposuit, etsi in A multum restabat ferri non soluti. Itaque metallum, calcem exhibens albam, cum ferro simul suscipitur, immo, uti videtur, lubentius, cum ocus deficiat, quamvis in crudo sine dubio fuerit æqualiter per massam distributum.

HUSABYENSIS ferri minera est pulverulenta ochracea, in globulos irregulares & frustula amorphæ concreta. Globulorum maximi vix

4 linearum diametros habent. E duobus hauritur lacubus, quorum alter *Äsnen*, alter *Sabl* appellatur.

MINERA cruda colorem habet pigmenti, quod vulgo Umbra audit, tantumque fovet materiae extractivæ, ut acido vitrioli diluto immersa tincturam præbeat e rufo fuscam, quæ, vel duplicato colata filtro, eam retinet intensitatem, ut opaca appareat, nisi copiosa diluatur aqua. In hoc quidem casu sponte turbatur, sedimentum albidum secernens, sed hoc in filtro collectum lotumque extractivi colore tinctum reperitur.

EADEM minera per 10 minuta in crucibulo ignita nigrescit, magneti paullum obedit, ponderisque circiter quartam amittit partem. Hæc extractivo liberata, ope acidi vitriolici calcem porrigit albam, puriorem.

MINERA pleyadum dudum memorata (§. I), in pulverem redacta & acido vitriolico diluto immersa, forti digestionis æstu porrigit solutionem e rufo fuscam, quæ sufficienter diluta turbatur, terramque deponit albidam.

QUÆLIBET harum methodorum calcis albæ quidquam, sed parcum exhibet, & fere semper flavedine plus minus inquinatum.

SEDIMENTA hæcce flaventia acido nitri depurare conatus sum, nam illud ad ficcum pluries abstrahendo, ochraceum tandem solutionem respuebat, quo facto liquor ad ficitatem

tatem redactus ignitione acido nitroso pri-
vabatur. Denique ope acidi vitriolici sine
caloris auxilio album solubile separavi, quo
sequentia instituta fuerunt experimenta.

B) PROPRIETATUM albæ calcis, *via bumida*
obviarum, sequentes noravi. Acidis sine ef-
fervescentia suscipitur, sed ægerrime cry-
stallos exhibet cum vitriolico & muriatico,
lubenter in gelatinas abit, præsertim si abun-
dat menstruum.

ALKALIA soluta, tam fixa, quam volatile,
illam adgrediuntur & colore fusco tingun-
tur: e mensruis acidis albam deturbant.

AQUA etiam solvitur, sed ebullientis par-
tes 1500 vix unam recipiunt.

DEPHLOGISTICATIONEM completam tentavi
acido nitri. Calx antea probe depurata &
nivea acido nitri pluries soluta & vaporan-
do ad siccum redacta, tandemque ignita, fere
semper paullum flaver, quod adhuc ferrei
quidquam inesse monstrat. In tali residuo
vix majorem in aqua solubilitatem hætenus
indagare potui, adeo ut incertus sim, num hoc
medio solo acidum nudari queat radicale.

C) VIA sicca ita se habet hæc calx. Igni-
tione albedinem non amittit. In carbone
ope tubi ferruminatorii in globulum dilute
cinerascentem colliquescit.

BORACE solvitur, fuscum impertiens co-
lorem, quod etiam sale microcosmico efficitur.

IN parvo crucibulo, pulvere carbonum strato, regulum præbet, qui vix quartam calcis partem pondere attingit. Majores quantitates quam mihi experiri licuit, quæ viginti libras docimasticas non superaverunt, uberiorem forsan reductionem permittunt.

D) REGULUS e calce alba ortus colore gaudet albido, sed fractura obscura.

GRAVITATE *specifica* respectu aquæ destillatæ vix 6,700 transgreditur.

SUB malleo mox *frangitur*.

COBALTI *duritiem* non attingit.

FRACTURA *granosa*, minime filamentosa, apparet.

FRUSTULA *magnetis* imperium plerumque recusant, sed pulvis attrahitur, quod difficilem evincit depurationem.

MENSTRUIS *acidis* ægre lenteque suscipitur.

HAUD difficulter igne *funditur*, gradu cupro circiter necessario.

OPTIMO *ferro ductili* facile fusione adunatur, fragilitatem frigidam, texturam granosam, colorem albidiorum, nitidiorumque, nec non majorem impertiens fusibilitatem. In certis quoque casibus volatilisationem efficere videtur k).

QUA *phlogisti copiam* ferro ductili prævalere videtur, nam ferrum frigidum fragile,

H 4 no-

k) Analyse ferri, Exp. 102-104.

novi metallo semper contaminatum, plus phlogisti fovet, quam bonum & calidum fragile *l*). Ferrum quoque bonum e frigido fragili separatum, minus exhibere vidimus *m*). At non tantum quantitate, sed etiam arctiori nexu eminet novum metallum, saltim notabilis difficultas, qua acida illud adgrediuntur, hanc suggerit conclusionem.

PLURA experimenta non permisit materiæ exigua quantitas, quæ hucusque colligi potuit ***). Interea quæ allata sunt, etsi manca, portiunculis tantum eruta, metallum fragile, ab antea notis diversum, indicare videntur, cui ob magnam cum ferro adfinitatem, & notabilem in illo mutando efficaciam, nomen SIDERUM haud ineptum judicavi, a græco *Σιδῆρος* formatum, adjuncta terminatione neutrali, metallorum nominibus communi. Fateri tamen oportet, quod stanno valde sit adfines & forsan differentia tota quanta ab inquinamento ferreo pendet. Maiore huius metalli portione acquisita, numre vera novum sit, certo determinari posse spero.

§. V.

l) Analyfis ferri, §. IV, *F*.

m) Ibid. Exp. 32, 61.

***) Dum hæc iterum sub prelo sudabant, e secundo Actorum N. C. Ber. volumine videre mihi licuit, quod Cl. MEYER, eodem tempore, quo mea institui tentamina, easdem detexerit conclusiones. Immo idem fidus & indefessus Naturæ scrutator, uberius instructus materiæ quantitate, ulterius progressus est, connubia Sideri cum plerisque metallis examinans.

§. V.

Siderum immixtum fragilitatem ferri
frigidi efficit.

Qui hætenus allata rite considerat vix dubitabit, quin veram deteximus fragilitatis frigidi ferri causam. Præcipua demonstrationis momenta heic simultaneo conspectui offerre liceat.

1:0 IN omni ferro frigido fragili adest Siderum, nam quotquot hujus labis acido vitriolico solvere licuit, calcem sideri deposuerunt (§. IV, A), quod nostram adsertionem analytice demonstrat.

2:0 NULLUM aliud metallum, quam Siderum, ita ferrum mutat, ut singulas adquirat frigidi fragilis proprietates ⁿ). Hæc igitur synthesis analysi congruens, causam quæsitam extra dubitationis aleam ponit.

Quod ad quantitatem attinet Sideri, ferro frigido fragili inhærentis, hæc sine dubio minorem efficit partem, quæ tamen difficulter cum adcuratione determinari potest. Si e pondere calcis albæ judicare placet, quæ e ferro cuso, methodo antea descripta, feceritur, in centenario vix 2 vel 3 libræ aderunt. Quum autem sine dubio portio restet, quæ modo usurpato colligi nequit, ob intimam forte cum ferro conjunctionem, majorem inhærere quantitatem conjectare licet.

H 5

Ali-

ⁿ) *Analysis Ferri*, §. IX, pag. 93.

Alibi, experimento instituto, e 255 libris ferri frigidi fragilis obtinuimus ferri boni ductilis 167 & frigidi fragilis 52 o). Harum 52 saltim dimidium ferreum fuit, quod tam magnete, quam colore residui, igniti ante reductionem, indicabatur. Præterea observari debet, quod 36 fuerint sub reductionibus scorificatæ, quarum ultra dimidium fuit Siderum. Quum autem in reductione residui, ubi siderum abundabat, ejus sine dubio magis fuerit destructum, huic reductioni tribuamus tres quartas summæ scorificatæ 36, primæ autem $\frac{3}{4} = 9$. Hoc posito erunt $255 : 26 + 13,5 = 39,5 :: 100 : 15,5$, & in hypothese, quod ferrum in 52 non nisi quartam effecerit, $255 : 13 + 13,5 = 26,5 :: 100 : 10,4$. Ad fidem igitur pronum est in centenario vulgaris frigidi fragilis quantitatem sideri inter 10 & 16 vagari. Si interdum $\frac{1}{3}$ efficit, regulus certe instar vitri fragilis erit.

Qui præcedentia pensitat, minerarum calcinatione sideri diminutionem vix sperabit. Additio lapidis calcarei idonei sub fusione finem felicius promovet p), & iteratis fusionibus idem obtineri verisimile videtur, sed utroque medio ita simul minuitur ferrum, ut hæ operationes impensas raro ferant. Quo decrescit magis in massa proportio immisti peregrini metalli ad ferrum, eo debiliores necessario fiunt ejusdem effectus, & tandem

pa.

o) *Analyfis Ferri*, Exp. 267, 268.

p) *Ibid.* pag. 15, nota d.

parum sensibiles, sed perfectam simulque
proficuum separationem expectare
prohibet ipsa rei natura.

Index Paragraphorum.

- §. I. INTROITUS, *pag.* 109.
§. II. NUM causa fragilitatis in qualitate ferri
inveniatur? *pag.* 110.
§. III. NUM in peregrino immixto? *pag.* 112.
§. IV. DE calce alba, *pag.* 115.
§. V. SIDERUM immistum fragilitatem ferri
frigidi efficit, *pag.* 121.



XXVIII.

DE

ACIDIS METALLICIS*).

*Natura pulcherrimo cuique operi proposuit difficultatem.*CICERO.

§. I.

Metallorum Compositio.

IN analyfi & fynthesi fingulorum metallorum duo occurrunt principia: phlogiston & terra. Phlogiston simplex & elementare esse videtur, idemque in omnibus, nam aurum acido solutum, ferri, cupri, plumbi aliusve cujuslibet metalli parti instammabili adunatum, completam & genuinam recipit formam, & reliquorum pleraque similiter diversorum metallorum phlogisto reduci possunt a).

TERRA autem peculiaris & propria cui-libet metallo adsignata videtur. Harum origo hactenus valde fuit obscura. TERRAS minerales esse, materiae inflammabilis conubio quodammodo mutatas, conjectura est non omnino improbabilis, sed varia instituta

*) Hoc schedium anno 1781 in Actis Academiae Stockholmenfis impressum reperitur, jam novo ditatum argumento in §. 4.

a) Conf. Diff. XXIX.

tuta experimenta hanc theoriam huc usque nullo modo stabiliverunt. Arsenicum album, salina sua & quidem acescente natura, rimam diu obtulit, per quam dilatatam unius saltem metalli compagem introspicere spes fuit. Nec hæc eventu caruit, nam æque analysi, ac synthesi jam probe notum est, arsenicum constare acido ab aliis notis diverso, quod certa phlogisti dosi coagulatur in terram vel calcem albam, plene autem satiatum, regulum præbet completum. Calces metallicæ generatim sibi invicem ita congruunt, ut in ortu & compage insignis merito expectetur convenientia. Scilicet omnia metalla dephlogisticando terream induunt indolem, cuilibet tamen peculiarem, nitore metallico destitutam, pulveream, acidis solubilem, igne fusibilem, vitra tingentem, & inflammabili recuperato, iterum pristinum statum metallicum recipientem. Teste tamen experientia specificis differentiis distinguuntur singulæ calces, quibus non tantum non destruitur, sed potius confirmatur hypothesi nostra de metallorum compositione. Ponamus enim tot diversa acida radicalia, quot sunt metalla, illa sine dubio in principium inflammabile varie agent, tam qua quantitates coagulationi & reductioni necessarias, quam qua attractionis intensitates, connubia firmantes & principiorum separationi resistentes. Metalla, quæ notabili pertinacia phlogiston reducens retinent, nobilia vocari solent, quippe quæ ignis temporisque injurias sper-

spernunt: reliqua, in ratione debilioris vis, compagem servantis, tardius ociusve in calces corroduntur ignobilia. Respectu quoque phlogisti coagulantis non potest non discrepantia locum habere. Quæ suum integrum tenacissime figunt calces, nobiles quoque putari possent, quæ vero haud difficulter plus minus laxant portionis, ad acidi vestigia perfecte celenda necessariae, ignobiles.

QUAMVIS hæc omnia amice conspirent, interim tamen unico Arsenici exemplo non esse nimium fidendum suadet naturæ in suis operationibus nota variatio. Si modo in aliis, saltem unico metallo, nudari posset acidum radicale, conjectura mox ingens adquireret probabilitatis robur, & pluribus extra dubitationis aleam fere poneretur.

SED adeo forsan arctus firmusque est phlogisti in reliquis calcibus nexus, ut huc usque cognita dephlogisticationis media illum rumpere nequeant; forsan etiam huic effectui idonea in posterum per sæcula latebunt, interim tamen hanc notitiam despondere non convenit. Quæ experientia dudum innotuerunt jamjam memoranda, spem nostram superant & felices pollicentur progressus.

§. II.

Acidum Molybdænæ.

MOLYBDÆNA (CRONSTEDT Min. §. 154, a) constat terra acescente sulphuri adunata ^{b)}.

Ipsa

^{b)} Acta Stockh. 1778.

Ipsa terra nudatur viginti partibus acidi niri, quarum quinta pars simul adfunditur uni molybdænæ probe pulveratæ, & ope ignis ad ficcum vaporat. Hoc factò, operatio quarter est reperenda eodem modo & tandem restat terra alba, quæ aqua frigida sufficienter lota & siccata dimidium circiter molybdænæ pondus efficit. Hujus proprietates loco citato descripsit D:nus SCHEELE, ego vero illas tantum considerabo, quæ adfiniratem cum Arsenico albo indolemque metallicam evincunt. Huc pertinent

1:o *Gravitas specifica.* Arsenicum album hydrostatice exploratum inveni respectu aquæ destillatæ ut 3,750, terræ autem molybdænæ ut 3,460.

2:o *Indoles pulvereæ acescens & aqua solubilis.* Terra vel calx molybdænæ in lingua saporem acidum & metallicum excitat. Aquæ destillatæ partes 570 in temperatura media i calcis solvunt, &, hoc factò, aqua tincturam Heliotropii rufat, nec non sulphur ex hepatis solutione deturbat, quæ momenta acidam naturam satis luculenter monstrant.

3:o *Solutio hujus calcis aquosa alkali phlogificato*, itemque *tinctura gallarum præcipitatur* e rufo-fusca.

4:o *Cum triplo sulphuris destillata molybdænam regenerat, acidum vitrioli phlogisticatum eructans*, quod sulphuris portionem, de-

destructam, hujusque phlogiston calce fuisse absorptam indicat, antequam connubium cum reliquo sulphure iniri posset.

5:o IN carbone ope tubi ferruminatorii salem microcosmicum viridi eleganter tingit. Borax pauxillo cinerascit radiis visus reflexis, sed refractis obscure violaceus apparet.

6:o HÆC calx *mediante phlogisto in statum metallicum completum reduci potest c).*

HISCE qualitatibus, quæ terram metallicam haud obscure innuunt, eamque luculenter acidam, conjectura mea de acidis metallo-
rum radicalibus, firmatur, primum porrigens exemplum compositionis, illi analogæ, quæ in arsenico locum habet. Perfecta dephlogisticatione non dum acidum purum nudari potuit.

§. III.

Acidum Lapidis ponderosi.

LAPIS *ponderosus* a D:no CRONSTEDT memoratur (Min. §. 210, i), probe distinguendus a *spatho ponderoso*, quod nihil aliud est, quam Terra ponderosa vitriolata. Pondere ingenti conveniunt, sed natura & compage multum discrepant. Principia Lapidis ponderosi anno 1779 indagavi, terramque cal-

c) D:nus HJELM, Discipulus olim dilectissimus, hanc reductionem feliciter tentavit, & sufficientem colligere cœpit quantitatem, ut hujus metalli vera indoles rite determinetur.

carëam acido peculiari novo satiatam inveni. D: nus SCHEELE meorum tentaminum inscius hoc acidum postea descripsit anno 1781 *d*). Hoc acidum terram quoque albam acidamque offert, præcedenti valde adfinem, in variis tamen momentis diversam. Præcipua autem differentia in eo consistit, quod acidum molybdænæ calce saturatum non præbeat genuinum Lapidem ponderosum *e*). Alias discrepantiâs mōx fumus allaturi. En criteria hujus terræ, quibus acidam, simulque metallicam prodit naturam.

1:0 *Gravitate specifica* gaudet circiter 3,600.

2:0 *Pulverea & acida natura*. Aquæ ebullientis 20 partes unam suscipiunt, solutionem præbentes gustui acidam, quæ tincturam heliotropii rufat & hepatis solutionem præcipitat viridem.

3:0 DETURBATIO solutionis *alkali phlogificato*, quo decidit terra nostra, alba & aqua solubilis *f*).

Bergm. Opusc. Vol. III.

I

4:0

d) Acta Stockh.

e) *Lapis ponderosus* est nomen vagum & certe mutandum, sed donec acidum melius fuerit exploratum, retineatur oportet, ut semel & cum pleno successu instituaturs nova denominatio. Hic a spatho ponderoso facile dignoscitur, pulverem in acido salis digerendo, nam prioris distincte flavet, posterioris nullam subit mutationem.

f) Arsenicum album, acido muriatico superfluo solutum, alkali phlogificato fecernitur, album & aqua solubile. Excessus acidi requiritur, nam alias sola aqua deturbat. Arsenicum aqua susceptum alkali memorato vix deiecitur; ob menstrui copiam.

4:0 SULPHURE sub destillatione cinerascit, sed alias parum mutatur.

5:0 SALEM microcosmicum cæruleo tingit puro, qui color radiis refractis visus nulla turbatur rubedine, ut cobaltinus: majori terræ dosi color fufcescit, immo tandem nigrescit. Borax hac terra minus cærulescit.

Est in Svecia Lapis ponderosus rarissimus, adeoque materiæ penuria nec perfecta dephlogisticatio, nec reductio hætenus tentari potuit.

§. IV.

Acidum Sideri.

DE hoc alio loco egimus, ejusque tam acidam, quam metallicam demonstravimus indolem, adeo ut eadem heic repetere superfluum foret g).

QUUM igitur jam, præter arsenicum album, tres innotuerint materiæ, quæ pondere specifico, indole pulverea, fluxus tingendi facultate, præcipitatione ope alkali phlogistici & denique reducibilitate, calces metallicas perfecte referant, simulque solubilitate in aqua, sapore acido & heliotropii tincturam rufandi virtute, acidam prodant naturam, sententia de acidis radicalibus non unico, sed quatuor roboratur exemplis, insignibus verisimilitudinis firmamentis.

Pe-

g) Causa fragilitatis ferri frigidi, §. IV.

PECULIAREM forte meretur attentionem, quod singulæ hæ calces albo gaudeant calore. Quod zinci calx alba dephlogisticantium non penitus eludat efficaciam, illis fuscescens, antea observavimus *b*). Hæc alkalibus suscipitur, æque ac antimonialis, quæ etiam solubilitatis speciem offerre videtur. Qui amplum metallorum penitus dephlogisticantium campum, arduum sine dubio, sed uberrimæ fegetis spe jucundissimum, demerere cupit, in illis forsân calcibus rudimenta deponat, quæ alkalibus facillime suscipiuntur, eoque ipso acidum minus absconditum, prodere videntur.

b) Opusc. Vol. II, pag. 324.

Index Paragraphorum.

- §. I. METALLORUM compositio, pag. 124.
- §. II. ACIDUM molybdænæ, pag. 126.
- §. III. ACIDUM Lapidis ponderosi, pag. 128.
- §. IV. ACIDUM Sideri, pag. 130.



XXIX.

DE

DIVERSA PHLOGISTI
QUANTITATE IN
METALLIS.

*Nec species sua cuique manet: rerumque novatrix
Ex aliis alias reparat natura figuras.*

OVIDIUS.

§. I.

Inflammabilis principii copia.

PHLOGISTON instar elementi per totam naturam corpoream, saltem in tellure, disseminatum reperitur, ita tamen, ut in regnis, quæ organica vocari solent, illud præsertim notabili abundet ubertate. In fossiliis quidem plerumque parcius adest, at nihilo minus vix ullum eo penitus privatum monstrari potest, quod, si vel omnibus aliis reconditum latet criteriis, facile in oculos cadit coloribus, quibus omnia induta sunt, & qui sine dubio phlogisticam agnoscunt originem.

SUBTILISSIMUM hocce principium, quod ea gaudet tenuitate, ut solum omnes nostros effugiat sensus, nullo coërcendum instrumen-

torum apparatu, chemicum ideo examen omnino eluderet, nisi valida attractione aliis adhæreret materiis, inæquali tamen & electiva, adeo ut ex uno connubio in aliud facile transportari queat. Sollicite igitur comparatis proprietatibus ante & post phlogisti unionem, de ejusdem natura & indole quodammodo judicare licet. Stupenda fane efficacia gaudet & pro copię varietate mirum in modum discrepante. Videmus ejus ope ponderosum acidum vitriolicum, odore & colore destitutum, heic in auram expandi acidam; maxime volatilem, elasticam, aëri quæ externum habitum simillimam & vix graviorem, sed penetrantissimo instructam odore suffocante: illic condensari in solidum sulphur, acore, sapore & fere odore privatum. Tales metamorphoses, quæ novis debentur connubiis, vel variatis proportionibus, in scrutandis naturæ operibus, mediantibus experimentis rite institutis, multifarias indagare licet, a fictis probe distingvendas,

PRÆEUNTE BECCHERO magnus STAHLIUS Phlogisti doctrinam quasi creavit, quam sequentes Chemici expoliverunt in scientiæ eximium emolumentum & genuinam dilucidationem, sed hætenus pauci cogitarunt de dimetienda in diversis materiis hujus elementi quantitate. Miramur Astronomorum industriam, qui, in corporum cœlestium magnitudinibus & distantis determinandis, strenue desudantes, licet omnino exactas non

dum invenerint mensuras, continue tamen veros appropinquant valores & interea relativos maximo cum fructu in suis calculis adhibent. Curni partem inflammabilem corporum, planetis ex alchemistarum sententia in tellure respondentium, qua copiam saltem relativam, eruere adlaboremus? Hoc Metallurgiæ fulgentissimam adfunderet lucem. Quantitatem, sulphur vulgare ingredientem, dudum STAHLIUS expiscari tentavit, & post illum nonnulli alii, sed in tota hac ardua palæstra instar omnium nominandus est illustris Divonensis Chemicus, Dominus a MORVEAU, qui variis experimentis Phlogisti naturam & phænomena dilucidare feliciter ausus est.

IN hac Dissertatione mutuam principii inflammabilis in metallis proportionem nova via determinare conabimur. Quæ desunt multiplicatis tentaminibus suppleri possunt & debent.

§. II.

Num metalla ex acidis, aliorum metallorum ope, præcipitentur attractione duplici?

HÆ metallorum deturbationes huc usque consideratæ fuerunt, uti effectus attractionum electivarum simplicium, quum menstruis metalla inhærere completa, crediderint Chemici. Jam autem satis superque patet, nullum acidis suscipi posse sine idonea phlogisti privatione antecedente. Menstruis igitur plus minus calcinata adhærent, &, addito alio me-

metallo, sub completa forma decidere nequeunt, nisi recuperetur amissum phlogiston, heic a nulla alia materie hauriendum, quam e præcipitante, quod etiam eo rite spoliandum est, si solutionem ingredi poterit. Hæc operatio primo certe intuitu duplicis attractionis negotio valde congruere videtur, & sano sensu eo quoque referri potest. Heic tamen, ni fallimur, vis, qua metallum calcinatum suam jacturam resarcire conatur, præsertim efficax est. Indito nempe metallo, quod suum debilius tenet phlogiston, solum suo carens & fortius attrahens, mediante acido, sibi arripit ad saturitatem usque, & eo ipso fit insolubile fundum petens. Quod menstruum hanc exerceat facultatem, calx magnesi nigra luculenter monstrat. Si hæc superfunditur aqua & saccharum additur, nullum tamen, sub diutina digestionem, phlogisti acquiritur incrementum, quod, adhibito acido, intra pauca momenta suum attingit terminum primum, solutioni nempe necessarium. Peculiari igitur virtute acida heic phlogiston transportant, sine generatione fluidi aërisformis, vel saltem mox decompositi, non tamen negari potest, quin in nostris præcipitationibus simul sollicitentur metallo, in locum reducti decidens solvendo. Certe nisi hoc modo menstrui sedetur efficacia, præcipitatum metallicum spongiosum cito iterum evanesceret: dum viduum manet menstruum nihil impedit, quo minus idem metallum recipiat, quod antea solvere potuit & nuper demisit. In-

terea præcipitatio, reductione soluti peragitur modo explicato, non autem aliqua menstrui inter calces metallicas electione, sed quia metallum satis calcinatum facilius suscipitur, quam completum. Hoc aliis phænomenis egregie consentit. Ita aurum, platina & argentum, quæ in igne pertinacissime partem inflammabilem servant, e mensuris quolibet alio metallo dejici videntur, sed vera ratio est, quod additi phlogisto completam recuperent formam. Nobilia igitur metalla phlogiston fortissime attrahunt, & ferrum zincumque omnium debilissime, de quibus amplius differetur in determinandis attractionibus electivis.

CALCES, teste experientia, se invicem non deturbant, saltem non eodem ac metalla ordine. Nonne igitur phlogisti reducentis copia in quovis metallo determinari queat comparatione ponderum præcipitati & præcipitantis? Experimenta sequentia responsionem exhibebunt, sed antea propius, generatim tamen, examinemus illos casus, qui in hoc negotio occurrere possunt.

SIT A metallum præcipitans, m acidii pondus 100 A solvendis necessarium, x phlogisti reducentis copia in 100 A , B præcipitandum, m memorati menstrui pondus 100 B suscipiendis adaptatum & y phlogisti reducentis copia in 100 B . Respectu unitatis n vel æquale, vel majus, vel minus esse potest.

SIT

SIT I) $n = 1$ & erit $m = nm$.

IN hoc casu si $x = y$ nulla occurrit difficultas, nam menstruum utriusque æquale pondus solvere valet, & B ab A tantum materiæ inflammabilis recuperare potest, quanto reductioni opus est.

Si $x > y$ nihil quoque obstare videtur, quo minus præcipitatio perfecte succedat.

Si autem $x < y$ qua partem tantum B deturbari potest, nisi quidquam præcipitantis soluti sensim deponatur, adeo ut nova portio suscipi queat, vel aliud adsit adniculum.

II) SIT jam $n > 1$ & erit $m < nm$. Hæc respectu phlogisti iidem redeunt casus, ac in momento I, sed obstacula omnia sunt minora.

III) SIT $n < 1$ & erit $m > nm$. Jam B omne dejici nequit, nisi $nx = y$ vel $nx > y$, nam præcipitantis tantum portio n 100 A solvitur.

HISCE prælibatis experientiam consulamus, quæ plures exhibebit variationes. Quum autem quindecim cognita sint metalla distincta, quæ singula seorsim considerata ultra centum requirerent tentatas præcipitationes, paucis pagellis non comprehendendas, duo igitur maxime idonea selegimus propius examinanda, argentum nimirum, quod a plerisque, & zincum, quod a nullo dejicitur.

§. III.

Argenti aliis metallis tentatæ
præcipitationes.

ARGENTUM e menstruo nitroso omnibus fere metallis dejici potest, exceptis auro & platina. Ut hæ operationes melius cognoscantur, singulas seorsim examinemus.

A) ARGENTI 100 libræ docimaſticæ ita acido nitroso solutæ fuerunt, ut menstruum hujus metalli majorem copiam vix recipere potuerit. Omnibus quidem salibus metallicis Heliotropii succum rufescendi facultas inest, sed hic excessus tolli nequit sine salis decompositione. In nostris igitur solutionibus operam dedimus, ut excessus esset minimus possibilis, idque ne præcipitantis pondus necessarium justo majus fieret, quod in finem nobis propositum adcurate est cognoscendum. Hac via præcipitatio tardior quidem procedit, peragi tamen potest, paucis exceptis casibus. In omnibus tentaminibus centenarium, h. e. 100 libras docimaſticas metalli præcipitandi adhibuimus & saturationem completæ proximam quæſivimus, nisi expressis verbis aliter moneatur.

ARGENTI centenario ita soluto & aquæ destillatæ duplo diluto, successive inditæ fuerunt hydrargyri portiones, quæ simul sumtæ 490 libras efficiebant. Singulæ generabant arbores, quæ a Diana nomen mutuantur,
sed

sed variis præditas formis, pro diversa argenti soluti & hydrargyri immissi mutua proportionem. Quo immittitur quavis vice liquidum metallum uberius respectu præcipitandi, eo plerumque segnius enascuntur, sed pulchriores, nitidiores & crassiores, nec non interdum crystallinæ & prismatice. Hydrargyrum immissum primo segnitatem contrahit rigescens, superficies dein inæqualitates monstrat, tandemque rami excrescunt, quæ sensim augentur & multiplicantur. Arbusculæ collectæ, lotæ & siccatae 455 libras exhibuerunt, in quibus $455 - 100 = 355$, hydrargyrum illas ingrediens, & $490 - 355 = 135$, quod menstruo acido inhæret, produnt.

Liquor clarus, immisso postea hydrargyro, 10 diebus nihil demisit, quamvis etiam digestionis calor adhiberetur. Itaque 135 hydrargyri suo phlogisto 100 argenti solutas, ideoque calcinatas, in formam metallicam completam reduxerunt, quæ quadruplo fere hydrargyro unitæ amalgama formaverunt crystallifando vegetans.

B) PLUMBUM, 100 argenti soluti libris præcipitandis necessarium, 234 libras efficit. Immissa plumbi lamina mox nigrescit, at intra pauca momenta cortice argenteo circumdata reperitur, e crystallinis aciculis congesto. Ultima vestigia segnius decidunt, nisi heic, uti plerumque alibi, digestionis calor adjuvet. Præcipitatum collectum numquam non 8 vel 10 libris centenarium excedit, quod

quod e visibili plumbi calcinati pulvere derivandum est (§. V, E).

C) CUPRI lamina nitida 375 librarum, solutioni argenti immissa, mox crusta argentea crySTALLINA induebatur. Dum omne decidierat argentum, lamina cuprea probe depurata 31 libras amisisse inventa est. Argentum præcipitatum exacte centenarium porrexit.

D) UT menstruorum diversa exploraretur vis, centenarium argenti, acido vitriolico solutum, cupro etiam dejecimus, sed jam cupri non nisi 30 libris opus erat. Magnam igitur acidi nitrosi aviditatem heic quodammodo dimetiri licet, qua phlogiston præ vitriolico arripit.

E) FERRUM peculiarem monstrat indolem. Lamina polita hujus metalli, malleo egregie obediens, argenti solutioni immersa per plures hebdomadas nullo visibili modo mutabatur, nec quidquam decidebat, licet zinci micula addita mox præcipitaret. Itaque menstrui nitrosi portionem adfudimus, at nulla statim in conspectum venerunt corrosionis phænomena, quamvis etiam caloris adminiculum adhiberetur. Vasculum dein in museo repositum post quosdam dies vegetationes argenteas, in superficie laminæ radicas, monstravit, sed raras paucisque instructas ramis, quæ tamen sensim, at lentissime crescebant pulchræ. Interea subinde aquæ destillatæ tantum additum fuit, quantum evapo-

poratio abstulerat. Color solutionis flavens ferrum susceptum prodidit, non autem laminæ inspectio. Acidi nitrosi mensura illi æqualis, qua argentum solutum erat, præcipitationem non accelerabat. Arbores ortæ cum lamina extractæ & aquæ destillatæ immerse mox nigrescebant, & postea ochra involvebantur. Interea plura tentavimus ferri genera, tam calidum, quam frigidum fragile, malleo egregie cedens, itemque crudum, æque sub fusione carbonibus parce (svetice *bårdsfatt*), ac large iisdem circumdatum (*nöd-fatt*), sed nullum præter crudum fusco cinereum, frigidumque fragile ex ustrina ad Husaby in Smolandia, & colliquatæ micæ, tormenta terebrando deraſæ ad Hællefors, aliam prodidit indolem. Horum prius solutioni fatiatæ & dilutæ immisſum mox deiecit argentum nitidum, sed instar muſivi, exiguis compositi squamis, posterius, horula præterita, similiter deturbare cœpit. Notatu dignum est, quod Husabyense ferrum, in chalybem mutatum, nihil valeret, nec non Hælleforsenses squamæ inertes sint, antequam colliquatæ fuerint in crucibulo. Centenarius argenti 48 libris ferri crudi Husabyensis deiecitur, sed finem versus ferrum solutum, iterumque sub ochræ specie decidens, molestiam parit, præsertim accedente æstu intensiore.

F) ARGENTUM, acido vitriolico solutum, mox & egregie deiecitur ferri lamina polita
Qe-

Oesterbyensis cusi, quamvis in nitroso inertis. Centenario præcipitato lamina paullum ultra 29 libras amisisse inveniebatur (Conf. Anal. Ferri §. III, E).

METALLA, quæ acido vitriolico haud difficulter suscipi possunt, plerumque melius aliis dejiciuntur, quam nitroso soluta, quod in usum Docimasie humidæ notari debet.

G) STANNUM foliatum mox præcipitat argentum, idque crystallinum, sed brevi totus liquor nigrescit & per plura nyctemera talis persistit. Stanni libræ 88 argenti centenarium in calore medio deturbant, sed præcipitatum eo usque lotum, ut aqua filtrum transiret clara libris 215 æquivalerat, ob immixtam stanni calcem, nigra contaminatam materie.

H) VISMUTUM egregie argentum initio præcipitat, sed quantitas huic fini exacte necessaria ægre determinatur. Scilicet solutio vismuti satiata, nec aquam, nec ignem perfert sine depositione pulveris albi, qui præcipitato argento immiscetur, dein haud facile segregandus. Argento spongioso dejecto ita quoque absorbetur liquor, ut finem verus immissa frustula vix humectari possint, nec satis distincte observari. Quum heic ultima vestigia ægerrime fecernantur, inter duas laminas vitreas e sedimento omne liquidum, quantum fieri potest, exprimere tentavimus, dein vismutum aqua, tandemque residuum argentum muria dejecimus. E pondere

dere argenti saliti tum facile colligitur, dato vismuti pondere, quantum antea deciderit. Libras 174 hac via centenario necessarias invenimus, & quidem in temperatura 15 graduum. Aqua tamen, præcipitatum expressum lavans, lactescebat & quidquam vismuti immiscebat. Totum sedimentum metallicum libras 180 attigit.

PRIMA, quæ solutioni immittuntur frustula non initio nigrescunt, sed al bent & mox argenteis crystallis vestiuntur, exiguis, nitidisque. Medulla vero plerumque corroditur, servata textura lamellari, sed facie terrestri canescente, raro metallico instructa nitore. Ultimo injecta frusta primum nigra fiunt.

1) NICCOLO solutioni argenti addito, liquor cito virescit & quidquam dejici videtur, nam maculæ metallicæ crystallinæ in superficie præcipitantis, enascuntur, sed sparsæ & tarde genitæ. Acidi excessu & digestionis æstu, ad siccum usque continuato, operationem accelerare tentavimus, sed parum profecimus. Oportet nimirum metallum fragile addendum in subtilissimum pulverem comminuere, quæ encheiresis nulli metallo necessaria est, nisi niccolo & præsertim arsenico regulino. Reliqua in frustulis vel laminis sine resistantia præcipitant, quod insignem conciliat commoditatem, nam necessaria pulveris quantitas vix, ac ne vix quidem, ita temperari potest, quin justo magis
ad-

addatur, dein nec facile removendum, nec adcurate æstimandum.

Ut omne argentum præceps ruat libræ 64 niccoli requiri videntur. Præcipitatum e parvis crySTALLIS contextum est & pulvere fusco inquinatum. Totius pondus libris 116 æquivalebat.

REGULUM adhibuimus vulgarem, hoc est talem, qualem porrigit prima reductio. Hic varia adhuc fovet heterogenea. Puri sine dubio minor quantitas præcipitationi est necessaria, quod e pulvere peregrino 16 librarum colligere licet.

K) ARSENICUM regulinum omnium difficillime argentum deturbat. Hoc præcipitans in pulverem necessario est redigendum, nam in frustulis tantum extus albescit præterea iners, quamvis & menstrui excessus & plures ad siccum evaporationes adhibeantur. Argenti centenarius 92 circiter libras requirit. Ultima vestigia argenti pulveris portionibus admodum exiguis sunt dejicienda, ne quidquam præcipitantis restet otiosum, verum ponderis quæsitæ valorem augens. Idem valet de præcedente niccolo, itidem sub forma pulveris usurpando.

REGULUS natus in majori massa paullo melius, quam arte paratus, operatur.

PRÆCIPITATUM lotum & ficcatum libras efficit 140, immixto arsenico calcinato auctum.

L)

L) COBALTUM sine pulveratione & calore promte argentum dejicit crystallinum, cujus centenarius præcipitantis libris 37 opus habet. Solutio statim rubescit. Iraque heic quoque notabilis inter niccolum & cobaltum differentia locum habet.

M) ZINCUM solutioni argenti additum mox nigrescit, cortice instar musci cinerei cito involvitur, qui tamen intra pauca momenta argenteum acquirit nitorem. Libræ 55 centenario deturbando sufficiunt & inditæ æstum excitant. Totum præcipitatum libris 137 æquivaler, unde zinci calcinati 37 immixtas patet.

N) ANTIMONIUM regulinum facile dejicit, & quidem sub peculiari forma. Metallum nempe reductum ramenta refert foliorum argenti cortorta. Aquam sustinet solutio, sed vix æstum, & hinc ultima argenti vestigia difficillime fecernuntur. Præcipitans 83 circiter librarum centenario argenti convenit. Præcipitatum 190 librarum fuit. Omne fere antimonium illi calcinatum inerat, nam liquor remanens vix aliquot libras continebat.

O) MAGNESIUM statim crustam argenteam crystallinam induit. Sub ipsa tamen operatione pulveris portio simul prodit, partim nigra, & partim virens, quæ circiter 12 libras efficiebat. Centenarius argenti libras 51 magnesi postulat. Præcipitatum magis solidum reperitur & flavens, quam aliis provocatum metallis.

§. IV.

Metallorum per alia metalla, præsertim zincum, tentatæ præcipitationes.

A) AURI puri centenarius aqua regis solutus, quantum fieri potuit sine excessu acidi, ut perfecte decideret, *zinci* libras 217 exegit.

B) ÆQUALIS auri portio, *stanni* anglicani libris 301 præcipitata dedit auri completi 66 & pulveris e nigro purpurei 160.

LIQUOR residuus purpurascebat, sed in calore medio decompositionem stanno addito respuebat. Hic *zinci* libris 158 deturbabatur, pulverem præbens purpurascentem, qui lotus & ficcatus libris 212 æquivalebat.

C) PLATINÆ vulgaris centenarius, aqua regis ita solutus, ut menstruum hujus metalli nihil magis ebulliendo recipere posset, *zinci* tamen non minus quam 416 libras ad saturitatem devoravit. Color sanguineus mox ab initio turbatur moleculis nigris, quæ sub vehementi effervescentia fecernuntur. Omni motu intestino sedato, subsidet pulvis niger, qui collectus, lotus & exsiccat 77 libras efficiebat, sed liquor clarus restans flavet & sub evaporatione exigua fecernit grana flava crystallina, præsertim si quidquam alkalini vegetabilis additur. Pulvis nigrescens in carbone, ope tubi ferruminatorii, flammæ expositus primo momento fumum albidum eructat & ignitus metallicum recuperat nitorem,

rem, non autem album, sed cinereum, platinæ vulgari similem. Magnete nec ante, nec post ignitionem, sollicitatur.

D) ARGENTUM antea respectu *zinci* exploratum est (§. III, M).

E) HYDRARGYRI partes 100 perfecte e menstruo nitroso præcipitandæ *zinci* 44 requirere videntur. Difficultatem parit zincum hydrargyro reducto solubile.

F) PLUMBI centenarius acido nitri solutus 26 *zinci* libris opus habet. Quod in calore medio decedit, metallica gaudet formâ, simulque crystallina, sed hoc brevi in pulverem album mutatur. Ebullitionis æstu non nisi pulvis calcinatus obtinetur, qui collectus, lotus & siccatus 124 libras efficit, pondere satis indicans *zinci* calcinati immixtionem.

G) CUPRI centenarius, acido nitri susceptus, dejicitur *zinci* libris 164. Solutio initio cærulea cito virescit. Præter cuprum, indole metallica completa dotatum, pulvis decedit partim albidus, partim ex albido virescens. Totum præcipitatum librarum circiter 211 invenitur.

EVENTUS hujus experimenti multum variant, interdum enim non nisi 120 libris opus fuit, ad centenarium cupri deturban- dum, alia autem vice 140 erant adhibendæ. Peculiaris inter calces cupri & *zinci* viget attractio, adeo ut solutio saturata *zinci* ni-

trati, in qua calx cupri decoquitur, pulverem albidum deponat. Similiter flores zinci, decocti in solutione cupri nitrati, colore e viridi cærulefcente inficiuntur. Hæc calcium secretio pro re nata uberior aut parcior perficitur, & hinc forte inæqualis quoque zinci portio consumitur.

H) VITRIOLI cærulei centenarius zinci 38 libris mittit 26 cupri.

I) FERRUM solutum acido nitri non nisi pulverem calcinatum cum zinco exhibet, qui etiam sponte secernitur, adeo ut heic vix quædam præcipitatio vera locum habeat.

K) VITRIOLI viridis centenarius, aqua destillata solutus in lagena plena & clausa, nec non sine calore, ut præcipitati dephlogisticatio evitaretur, octo tamen diebus cum zinco nihil demisit præter paucillum sedimenti ochracei, nec zinci pondus hoc tempore fuit diminutum.

L) STANNI centenarius, aqua regis solutus, zinci libris 68 deturbatur, non tamen sub forma metalli completi, sed instar calcis metallicæ albæ, quæ pondere efficit 149 libras.

M) VISMUTI centenarius zinci libris 49 ex acido nitri dejicitur. In calore medio sub forma metalli, sed majori æstu non nisi calx obtinetur 133 librarum.

N)

N) NICCOLI regulini centenarius acido nitri solutus *zinci* libris 54 materiam nigram demisit 85 librarum, quæ vix aliud erat, quam arsenicum, qua magnam partem regulinum. Diuturniore digestionem cum zinco dein non nisi pulvis e viridi albus fecernebatur, calces *zinci* & niccoli unitas continens. Ceterum solutio saturatam viriditatem retinebat, nullo modo debilitatam. Hac forte via arsenicum, in regulo niccoli præfens, melius quam calcinatione separari potest.

O) ARSENICI regulini centenarius, aqua regis solutus, immisso *zinco* initio nihil fere præter particulas nigras regulinas deposuit, quæ tamen sub digestionem albescebant & novo pulvere albo augebantur. Totius præcipitati pondus 123 libras attingebat & jactura præcipitantis 126.

P) COBALTUM *zinco* addito pulverem tantum demittit in digestionis æstu, qua maximam partem ochraceum, qui collectus libras 31 efficiebat. Interea zincum qua pondus minime diminutum reperiebatur & color solutionis integer mansit, quamvis pluries evaporatio ad ficcum usque fuerit continuata.

Q) ANTIMONII regulini centenarius aqua regis solutus *zinci* libris 70 deturbatur, sub forma pulveris albi, sed difficulter solutio obtinetur clara sine quodam menstrui excessu. Præcipitatum calce *zinci* plus minus oneratur, pro intensitate caloris.

R) MAGNESIUM, uti ferrum, cobaltum & niccolum, non nisi imperfecte, vel rectius, zinco tantum qua heterogenea immixta deturbatur. Scilicet præcipitantis frustulum rubescit pauxillo cupri, quod peregrinum inest, & hac via melius, quam ulla alia, detegitur. Pulvis etiam virens & albidus simul deponitur, quod de cupro antea notavimus (§. IV, G). Cuprum abesse posse salva manente magnesi indole patet exilitate præcipitati, quo omni separato magnesium nihilo minus restat, consuetis dotatum facultatibus.

§. V.

Corollaria.

EXPERIMENTORUM jam allatorum comparatione & pensitatione plura innotescunt utilia momenta. Nimirum

A) *QUOD metalla diversis acidis inhæreant varie déphlogisticata.* Ita argenti 100 partes nitroso susceptæ cupri 31 reducuntur, sed vitriolico nuptæ non nisi 30 egent (§. III, C, D). Similiter cupri 100 e vitriolico zinci libris 146 restituuntur, sed e nitroso 164 opus est (§. IV, G, H). Hydrargyri centenarius e nitroso menstruo dejicitur libris cupri 23, sed e muriatico summum 16 opus est. Itaque nitrosum maxime, vitriolicum minus & adhuc minus metalla dephlogisticat muriaticum.

B) *QUONIAM* solutiones tentaminibus subjecimus, quantum fieri potuit, saturatas, per se

se patet phlogisti mutuas quantitates præcipitantis & præcipitandi ponderibus esse inverse proportionales. Exprimatur igitur copia phlogisti in centenario argenti per 100, & eadem designanda erit per 74 in centenario hydrargyri, per 43 in plumbo, per 323 in cupro, per 342 in ferro, per 114 in stanno, per 57 in vismuto, per 156 in niccolo, per 109 in arsenico, per 270 in cobalto, per 182 in zinco, per 120 in antimonio & per 196 in magnesio (§. III).

C) Ut hi numeri eo melius comparentur cum aliis præcipitationibus, exprimatur phlogisti copia in zinci centenario per 182, uti modo invenimus. Hoc posito sequentes methodo eadem enascuntur: pro centenario nempe auri 394, pro platina 756, pro hydrargyro 80, pro plumbo 47, pro cupro 290, pro vismuto 64 & pro antimonio 127 (§. IV). Hi numeri, quamvis ex experimentis elicit, pluribus tamen tentaminibus sunt stabiliendi vel corrigendi. Horum autem nullus magis nobis dubius videtur, quam ad platinam pertinens. Vix nobis persuademus 77 præcipitati libras totam phlogisti quantitatem, quæ 416 zinci libris inhæret, absorbuisset. Visibilis effervescentia ab initio ad finem illud negat. Interea adcuratiorem nondum invenire potuimus æstimationem. Heic, ut in multis aliis, peculiaris elucet platinæ indoles. Dissensus seriei utriusque, in plerisque numeris parum notabilis, repetitis

experimentis est moderandus. In collisione autem illi præsertim fidendum existimamus, quæ e §. III elicitur, nam argenti solutiones grano muria facile explorantur, utrum perfecte fuerint præcipitatae, nec ne; argentum semel reductum in liquore indolem completam non amittit, & quæ sunt reliquæ prærogativæ.

D) VIDEAMUS jam applicationem eorum, quæ in §. II generatim dicta sunt. Respectu argenti, quod $\tau \approx B$ respondet, nullum A seu præcipitans ita est comparatum, ut $n = 1$ locum habeat. Si vero adhibentur hydrargyrum & plumbum est $n > 1$, at cuprum, ferrum, stannum, vismutum, niccolum, arsenicum, cobaltum, zincum, antimonium & magnesium ad casum pertinent, ubi $n < 1$. Respectu zinci instar præcipitantis primus quoque casus $n = 1$ deficit; secundum, $n > 1$, præbent aurum, platina, ferrum & antimonium; tertium autem, $n < 1$, omnia reliqua.

SIT $n > 1$ & $x =$ vel $> y$, suscipio non sine ratione oritur de uberiore præcipitantis solutione, quam præcipitando reducendo est necessaria, & si res ita peragitur, totum in hisce casibus evertitur æstimationis fundamentum. Sed adcurata phænomenorum consideratio hunc, quem nobis ipsi formavimus gordium, forte laxabit. Scilicet omnis metalli solutio fit cum effervescentia e generato fluido aëriiformi, præcipitatio autem heic in solutione saturata peracta plerumque nullas, vel saltim admodum raras, emittit bul-

bullulas. Ipsum ferrum, quod alias omnibus menstruis acidis facillime suscipitur & modica eorundem quantitate retinetur, per plures hebdomadas in solutionibus nitrosis argenti & plumbi intactum manere potest. Est hæc singularis ferri proprietas, quam magnopere miramur, rationem hætenus ignorantes. De præcipitationibus argenti parum dubitamus, quin rite peractæ totum quantum fervent phlogiston (§. III), sed de omnibus in §. IV, memoratis non æque certi sumus, partim quum sæpius saturatio difficulter adquiratur; partim quum interdum effervescentia observetur, ut in primis cum platina; partim etiam quum nonnulla præcipitata adcrecant præcipitanti; partim denique, quum zincum calcinatum in reliquorum metallorum calces plerasque peculiari agat efficacia. Præter effectus zinci calcinati in antecedentibus obvios, unicum addatur exemplum. Notum est, cobaltum ex acido nitri alkali fixo dejectum, præbere calcem roseam, quæ igne dein torta fit nigra. Si vero solutiones cobalti & zinci commixtæ eodem alkali deturbantur, sedimentum quidem roseum exhibet tinctum, quamvis zinci albedine dilutum, sed expositum igni colorem induit egregie virescentem. Notabilis est hæc mutatio, a D:no RINMAN primum observata. Non tamen hoc processu cobaltum in niccolum abire credatur, nam pulvis viridis solvitur acidis colore rubro & reducendo genuinum exhibet cobaltum.

QUOMODO in casu $n < 1$ & $x < y$ nihilo minus plena obtineatur reductio, e momento *F* colligere licet.

E) PRÆCIPITATA metalla plerumque sub forma completa comparent, & tum semper crystallisata, sed non numquam adeo laxæ adhæret phlogiston, via humida receptum, ut brevi abeat, etiam sine notabili calore, quod plumbo accidit, itemque vismuto, arsenico & antimonio, immo interdum aufugit, antequam fundum attingat, quod de stanno præsertim valet.

F) PONDERIBUS comparatis haud obscure patet, *præcipitantis calcinati portionem haud raro etiam deponi*. Hoc interdum derivandum videtur e phlogisti & menstrui penuria. Plumbum e. g. in centenario materiæ inflammabilis continet 43, ut igitur ejus phlogisto centenarius argenti reducatur, 234 libræ necessariae sunt, at plumbi 234 solvendæ majore acidi nitrosi copia egent, quam 100 argenti. Plumbum itaque dephlogisticatum novo solvendo deturbetur oportet, ut satis prodeat phlogisti.

IN aliis casibus duæ calces metallicæ conjunguntur & intime unitæ decidunt, ut zinci cuprique, stanni & auri.

EXIGUA phlogisti quantitas in plumbo dilucide explicat, cur hujus metalli calx facillime reducatur, & eum materiis, quæ parum continent inflammabilis.

G)

G) METALLORUM præcipitantium pleraque *primum nigrescunt*, dein erinaceorum instar aciculis cinerascentibus tument, mox metallico nitore induendis. Num hæc prima obscuritas crystallorum exilitati, an vero imperfectæ reductioni sit adscribenda? Posterius inde fit probabile, quod vismutum ab initio argentum deturbet album & nitidum, ad finem vero operationis frustula injecta *primum nigrescunt* (§. III, H).

H) SECUNDUM experimenta antea allata phlogisti ditissima erit *platina*, dein *aurum*, *ferrum*, *cuprum*, *cobaltum*, *magnesium*, *zincum*, *niccolum*, *antimonium*, *stannum*, *arsenicum*, *argentum*, *hydrargyrum*, *vismutum* & *plumbum*, ut ordine quodlibet ad primum metallum propius accedit. Numeri autem relativi, copiam in quovis designantes, aliis simul modis sunt quærendi. Examen singulorum metallorum qua attractiones jam quæsitæ, labor fit molestissimus, si experimenta debita adcuratone instituentur, & quantum satis reperentur, sed inter plures divisus longe erit facilius. Si hic hydrargyrum, alius plumbum, tertius cuprum, & sic porro, qua decet cura respectu reliquorum explorandum eligit, tandem plures habebimus tentaminum series, quæ rite comparatæ non tantum proprietates particulares detegent varias, notatu dignas, sed etiam quantitates relativas exacte determinabunt. Hoc facto, si unius tantum valorem absolutum impigre experiendo ex-

pi-

piscari umquam licet, mox ceteri
omnes innotescant.

Index Paragraphorum.

- §. I. INFLAMMABILIS principii copia, *pag.* 132.
- §. II. NUM metalla ex acidis, aliorum metallorum ope, præcipitentur attractione duplici? *pag.* 134.
- §. III. ARGENTI aliis metallis tentatæ præcipitationes, *pag.* 138.
- §. IV. METALLORUM per alia metalla, præsertim zincum, tentatæ præcipitationes, *pag.* 146.
- §. V. COROLLARIA, *pag.* 150.



XXX.

DE

STANNO
SULPHURATO *).

Mibi contuenti sese persuasit rerum Natura, nihil incredibile existimare de ea.

PLINIUS.

§. I.

Stannum sulphuratum artificiale.

QUOD stannum per artem sulphur facile recipiat, probe notum est. Pro varia sulphuris ingredientis dosi tam indoles, quam externa facies differat oportet, duo autem connubia semet in primis distinguunt. Alterum, in centenario 20 circiter sulphuris partes continens, texturam habet fibrosam, coloremque album, nitentem & metallicum instar antimonii vel zinci. Hoc in crucibulo parari potest, stanno fuso sulphur addendo sufficientis copiae & demum fundendo miscelam, quo superfluum deflagrat. Alterum, mediante subtili per hydrargyrum & salem ammoniacum divisione, nec non igne

*) Hæc commentatio in Actis Stockholmensibus anno 1781 lingua suecana impressa reperitur.

idoneo sensimque aucto, in vase retorto, eo perductum fuit, ut in centenario 40 sulphuris libræ & ultra figi potuerint. Hoc, qua externum habitum auri fulget colore & in tenuissimas squamas divisum est, unde Auri musivi, vel ut alii volunt, mosaici nomen obtinuit.

Si operatio rite instituitur, in collo retortæ acquiritur aurum musivum, cui in superficie majores adhærent squamæ, hexagonæ, perlucidæ & aurei coloris dilutioris. Nonnullæ harum squamarum diametrum duarum linearum attingunt, nitidæ, pulcherrimæ. Tales meus in Laboratorio adjutor, D:nus J. AFZELIUS, Chemiæ Adjunctus dextrerrimus, produxit.

§. II.

Stannum sulphurum naturale.

QUUM adeo facilis sit stanni per artem sulphuratio & sulphur in officina naturæ fere ubique obvium, mirari convenit, quod stannum sulphuratum inter mineras stanniferas desideretur. Non tamen mihi persuadere potui, quin alicubi occurrat naturæ manu formatum. Interea in collectionibus, in mineralogiis & fossilium descriptionibus idem diligenter diuque quæsi, sed frustra, donec autumnis proxime præteritis varia e Siberia acciperem, lapides & mineras: inter hæc mineralia frustulum occurrebat nucis avellanæ magnitudine, quod in schedula ad-

jecta

jecta antimonii nomine erat insignitum, sed primo intuitu aurum musivum adeo perfecte referebat, ut arte factum initio crederem. Adcuratiores examine micaceum aureum non nisi crustam esse inveni, quæ nucleum circumcirca involvebat fibrosum, albo metallico colore nitentem & nigro pulvere inquinantem, eamque ob causam ni fallor, antimonii nomine designatum. Hisce visis omnè evanuit dubium de nativa indole, interim tamen probe cognoscens quam sit sæpe fallax externa similitudo, experimentis veram compositionem eruere cœpi. Exilitas materiæ vix alia permisit, quam quæ tubo ferruminatorio institui possunt, illis nihilo minus principia proxima cum certitudine indagata fuerunt, ut mox videbimus.

Locus natalis frustuli examinandi in scheda *Nerchinskoi* appellatur.

QUONIAM crusta & nucleus diversitatem arguunt, peculiare postulat examen utraque materia.

§. III.

Crustæ squamosæ auratæ examen.

A) PORTIUNCULA in carbone sola flammæ apice attacta mox accendebatur & ardebat per aliquot momenta cum flammula cœrulea & odore acidi vitriolici phlogisticati, omnino uti sulphur.

B) SULPHURE deflagrato, exteriori flamma calcinabatur residuum, quod cito in pulverem album resolvebatur. Hic pulvis interiori flamma nulla monstravit fusionis indicia.

C)

C) PULVIS idem albus sale microcosmico ægre solvebatur, globulum vitreum porrigens lacteum, qui sub refrigeratione maculas rubras contrahebat, præsertim in hæmisphærio inferiore, carbonem tangente & ideo calorem diutius servante.

D) COLOR ruber in globulo pro lubitu provocari, iterumque fugari potest. Scilicet interiore flamma, quæ vehementiorem & non calcinantem generat ignem, sphærula torta nullum exhibet ruborem, exteriori vero debiliore & calcinanti exposita colorem denuo contrahit. Hæ vicissitudines quamdiu placet alternare possunt.

E) IDEM valet de colore lacteo, quippe qui interiore flamma penitus deleri potest, adeo ut globulus instar purissimi vitri sine omni tinctu perluceat. Paullo debiliore igne semiperluciditas opalescens oritur. Exteriore flamma opacitas alba, quoties placet, redit.

Quæ allata sunt luculenter indicant sulphur (A), stannum (B, C, E), itemque paucillum cupri (C, D), sed in ulteriorem confirmationem synthetica nonnulla tentamina sunt instituta.

F) STANNUM ex aqua regis ope alkali fixi deturbatum, probe lotum & siccatum, sale microcosmico fundebatur, quod fortem postulabat ignem. Globulus tandem acquirabatur lacteus, qui in omnibus se gessit, uti antea descriptum reperitur (C, E), sed nulla rubri coloris vestigia extricari potuerunt, nam nihil cupri continebat stannum.

G)

G) GLOBULUS in momento *F* comparatus denuo fundebatur, addita minima, quæ forcipe teneri poterat, cupri ex acido nitri, ope alkali fixi, præcipitati portiuncula, & ruboris antea notati omnia phænomena prodierunt (*C*, *D*).

§. IV.

Nuclei fibrosi, albi, metallici examen.

ISDEM nucleus expositus tentaminibus ita se habuit.

A) PORTIUNCULA flammæ attractu fumabat & sulphuris spargebat odorem, sed accendi non potuit.

B) CALCINATIONE albus obtinebatur pulvis & albus nimbus in carbone circumcirca oriebatur. Notum est, quod, dum sulphur stanno in crucibulo fuso adjicitur, flores generentur copiosi, illis haud dissimiles, qui e zinco parantur.

C) CALX alba in momento B acquisita, in omnibus se gessit, ut illa momenti B in §. III: tarde sale microcosmico solvebatur; clarum, opalescentem vel opacum album dabat pro lubitu globulum, similiterque cum vel sine rubore.

D) TENTAMINA jam descripta omne tollunt dubium de convenientia frustuli Siberici cum productis stanni per artem sulphurati. Nativi exilitas non quidem principiorum qua proportionem exactam determi-

nationem permittit, sed quod sulphur uberius in squamosa parte adsit per se patet, quum hæc accendi potuerit, non autem pars fibrosa.

ITAQUE jam certi cognoscimus STANNUM *naturæ ope sulphuratum*, & quidem duas varietates, vel si placet, species, illis congruentes, quæ arte produci possunt (§. I). Inquinamentum cupreum abesse vel adesse potest, nam ad genuinam stanni sulphurati indolem non pertinet. In utraque varietate alias eadem reperiuntur principia, sed sulphuris differt copia, & hinc tanta nascitur in habitu externo dissimilitudo, ut forsan instar duarum specierum haberi queant.

§. V.

Pulvis colori æneo producendo idoneus.

APPENDICIS instar nonnulla adferre liceat, de pulvere, quo statuae, vel alia opera gypsea, fricantur ad inducendum colorem æneum, vulgo *Bronz* appellatum. Aurum mulivum refert, sed magis rubet. Formulæ, quæ ejusdem confectionem describunt, cuprum ope ferri ex acido nitroso præcipitum, auro mulivo admiscendum esse dictitant. Cum illo autem, qui venalis prostat, varia institui tentamina, tam sicca, quam humida via, sed nec sulphuris, nec stanni vestigia indagare potui. Flammæ, ope tubi ferruminatorii, expositus mox fuscescit & odorem spargit, non sulphuris, sed potius ustæ pinguedinis.

In-

Intensiore igne funditur in regulum plumbeum cupro inquinatum, qui malleo aliquam præstat obedientiam. Cum sale microcosmico vitrum obtinetur pro re nata viride, cæruleum vel rubrum. Priores duo colores cum perluciditate sunt conjuncti, sed postremus cum opacitate. Lactei vel opalescentis, qui stanno debentur, nulla prodeunt indicia. Nec acidum nitri aliud, quam plumbum & cuprum indicavit.

PROBABILE igitur est, quod auri musivi quædam variatio e plumbo parari queat, & quidem minoribus impensis, quam e stanno.

Index Paragraphorum.

- §. I. STANNUM sulphuratum artificiale, pag. 157.
§. II. STANNUM sulphuratum naturale, pag. 158.
§. III. CRUSTÆ squamosæ, auratæ examen, pag. 159.
§. IV. NUCLEI fibrosi albi, metallici examen, pag. 161.
§. V. PULVIS colori æneo producendo idoneus, pag. 162.



XXXI.

DE

ANTITMONIALIBUS
SULPHURATIS *).

Medicamentum heroicum in manu imperiti est instar novæ in manu furiosi.

§. I.

Introitus.

ANTIMONIUM per plura retro sæcula commendatum fuit, sed quum remedium sit efficacissimum, non mox veram dosin & genuinam propinandi methodum calluerunt, qui morbis curandis operam impendebant. Minimi errores heic fatales adferunt mutationes, immo non raro ipsam mortem, unde prudentiores antimonii usum penitus damnandum censuerunt ^{a)}, &, ut mortales plerumque ab uno extremo in alterum delabuntur, ita etiam in hoc casu Charybdis evitare cupientes in Schyllam inciderunt. Scilicet ignorantia medici eodem pharmaco ter-

^{a)} Hæc Dissertatio publice ventilata fuit die 10 Julii, anno 1782, Respondente F. W. MANNERCRANTZ.

^{a)} Diff. sistens Chemicæ progr. ab a. 650 ad 1650, pag. 11, 12.

terrebilia creantur mala, quo peritior maxime salutare & insperatos successus provocare novit. Recentioribus igitur temporibus tam in præparando antimonio, quam in exhibendi modo laudabilem collocarunt operam artis machaoniæ magistri. In præsentī dissertatione naturam & indolem quorundam præparatorum, eorum nempe, quæ sulphuris gaudent connubio, propius sumus examinaturi, qua cognita, & conficiendi methodos, & effectuum diversitates, quodammodo dilucidatum iri speramus.

§ II.

Antimonium Crudum.

A) SUB hac forma ipsa natura antimonium plerumque exhibet, in crystallos conflatum prismaticas, magnas, albas, metallico instructas nitore & plerumque inter se in eodem frustulo divergentes ex uno pluribusve punctis.

B) In igne se modo sequenti habet

EXP. 1. IN carbone, ope tubi ferruminatorii, flammæ expositum, liquefcit, diffluit, fumat, penetrat & tandem penitus disparet, præter nimbū album circumcirca depositum.

EXP. 2. IN lamina argillacea igne lentissime incrementi expositum, 18 horis in calcem abit griseam, punctis scintillantibus adhuc interstinctam & leni ignitione in moleculas molles concrefcientem. Ponderis jactura e centenario antimonii crudi $22\frac{1}{2}$ circiter librarum reperitur.

EXP. 3. Hujus calcis 4 centenarii docimastici in crucibulo, carbonibus ignitis rite circumdato, & minutis præter propter duobus folle adflato, funduntur in vitrum egregium, perlucidum hyacinthini coloris. Si autem calx eo usque fuerit ufta, ut omnia disparuerint puncta scintillantia, opaca tantum scoria prodit, quæ tamen pauxillo antimonii crudi vel sulphuris addito, transparentes fieri potest.

EXP. 4. EJUSDEM calcis 100 cum duplo fluxus nigri, in crucibulo per 3 — 4 minuta adflato, regulum 78 — 79 librarum dant, si secundum regulas artis docimasticæ rite tractantur. Fluxus albi centenarium, cum æquali tartari pondere, adhuc melius inservire videtur, quam fluxus niger.

C) MENSTRUUA quoque in antimonium crudum agunt

EXP. 5. ACIDUM nitri vehementer adgreditur, præsertim externo calore adjutum, sed metallicum calcinat & vix quidquam retinet. Miscela valde incalescit, odor fortis aëris nitrosi eructatur, nullus vero hepaticus, & si operatio quantum satis continuatur, sulphuris plus minus decomponitur.

EXP. 6. ACIDUM vitrioli vix corrodit, nisi ebulliando, magisque promere videtur aëris vitriolici, quam hepatici.

EXP. 7. ACIDUM salis etiam sine externo æstu solvit cum odore forti hepatico. Adju-

juvante calore omne metallicum fufcipitur. In apparatu pneumatico e crudi centenario aëris hepatici 11 circiter pollices cubici colliguntur, & quidquam ab aqua sub transitu abforbetur. Pulveris Kermefini portio flumine aëreo in tubum vitreum evehitur. Sine externo æstu centenarius 2 tantum aëris pollices porrigit.

EXP. 3. MIXTURA 3 partium acidi muriatici cum 1 nitrofi celerrime folvit metallicum, & fufficiente copia fulphur folum refat, quod ut perfecte purum fiat ad finem paulisper decoquatur. Ceffantibus folutionis fignis fulphur collectum, lotum & ficcatum 26 porrigit e centenario libras. Sub folutione vehemens eructatur odor hepaticus, fed aër collectus minus occupat volumen, quam qui folo acido muriatico conficitur.

ALIA menftrua acida non dum adhibuimus.

HISCE cognitis nonnulla corollaria elicere oportet. 1:0 Videmus e comparatis Exp. 2 & 8, quod in centenario calcis, vitro generando idoneæ (Exp. 3), fulphuris $4\frac{1}{2}$ circiter refent, nam $77\frac{1}{2} : 3\frac{1}{2} :: 100 : 4\frac{1}{2}$.

2:0 QUUM $100 - 4\frac{1}{2} = 95\frac{1}{2}$ porrigant regulum 79 (Exp. 4), & $95\frac{1}{2} - 79 = 16\frac{1}{2}$, fequitur, ut regulus calcinando adquifiverit augmentum ponderis fere 21 in centenario, nam $79 : 16,5 :: 100 : 20,7$. Hæc autem conclusio fupponit, quod nihil antimonii sub reductione fuerit fcorificatum, hoc tamen vix

umquam locum habet. Itaque 21 extremum tantum limitem indicat, fere numquam attingendum. Quo magis metalli scorix arripiunt, eo etiam magis minuendus est numerus 21. Jam experimento directo D:ni de MORVEAU notum est, quod regulus antimonii calcinatione 4 circiter in centenario augeatur *b*), ergo in nostro exp. 4, regulini 13,3 scorias intraverunt, &, si regulus 100 obtinetur eadem methodo, 16,7 scorificari debuerunt, nam $20,7 - 4 = 16,7$.

§. III.

Vitrum Antimonii.

ANTIMONIUM crudum, uti dudum monstravimus, sulphure constat & metallo, ea fere phlogisti quantitate dorato, quæ in regulo adest completo. Mutuam horum principiorum proportionem veteres mutaverunt, simulque phlogiston metalli varie diminuerunt, partim nitro, partim sale alkalino. Simpliciter calcinando sulphur quoque abigitur & metallicum dephlogisticatur, sed si omne abit sulphur, fundendo massa obtinetur opaca, non autem Vitrum in pharmacopœis præscriptum (Exp. 3). Vitrum igitur re vera est antimonium calcinatum certa sulphuris dosi instructum. Idem aliis elucet phænomenis. Scilicet scoria opaca, addita portiuncula antimonii crudi debita, vel etiam sulphuris solius, in vitrum genuinum mutatur. Sequentia experimenta omne tollunt dubium.

EXP.

b) Digr. Acad. pag. 84.

EXP. 9. ANTIMONIUM diaphoreticum optime lotum nihil continet sulphuris, solam fovens antimonii calcem. Hujus libræ doctissima 200, cum sulphuris 25 tritundo probe commixtæ, in crucibulo, per 7 circiter minuta adflato, colliqueſcunt & verum præbent vitrum 137½ librarum.

EXP. 10. ANTIMONIUM diaphoreticum lotum cum eadem sulphuris proportione (Exp. 9) tritundo commiſceatur optime. Dein acidum muriaticum adfundatur, ſed nullus eructatur odor hepaticus.

EXP. 11. VITRO in Exp. 9. confecto & pulverato adfundatur acidum muriaticum & odor hepaticus ſtatim provocatur. Aër collectus e centenario pollices cubicos circiter 2 efficit.

ITAQUE, quum vitrum antimonii cum acido muriatico aërem hepaticum generet, non autem ſimilis mixtura antimonii diaphoretici & sulphuris unice mechanica (Exp. 10), & aër hepaticus ſulphur re vera contineat c), luculentiffime patet, in vitro ſulphur aſſeſſe ſolutionis more unitum.

JAM alia nonnulla experimenta addemus, vitri illuſtrantia confectionem.

EXP. 12. ANTIMONII diaphoretici partes 2 & ſulphuris 1, fuſioni expoſitæ, æque diu & eodem modo, ac in Exp. 9, nihil fere in crucibulo relinquunt.

L 5

EXP.

c) Opuſc. II, pag. 341-345.

EXP. 13. ANTIMONII diaphoretici partes 4 cum sulphuris 1, similiter tractatæ massam præbuerunt nigram, quodammodo fibrosam.

EXP. 14. ANTIMONII diaphoretici 16 cum sulphuris 1 similiter tractatæ vitrum virens dederunt.

VITRUM methodo conflatum in Exp. 9. descripta, securioris, in praxi medica, usus fore videtur, quam vulgare, quod fere nunquam sibi simile haberi potest. Ceterum, quod ad habitum hujus vitri in acidis attinet, probe notum est, illud ab acidis fere omnibus, valde etiam debilibus, immo ab alkali vegetabili tartarifato suscipi *d*).

§. IV.

Hepar Antimonii.

Hoc hepar ex æqualibus antimonii crudi & nitri ponderibus detonando conficitur. Mixture per vices crucibulo ignito immissa, detonatione usque ad dimidium ponderis amittere potest, sed crucibulo frigido indita, mox claudendo & dein fusionis igni exposita, vix ultra centesimam minuitur.

Quod in hac operatione obtinetur bene fusum, vitriforme, nitidum & rufescens a scoriis facile separatur & hepate constat, quod regulinum suscepit. Continet vero præterea alkali nitri, acido vitrioli phlogistico dotatum, nec non idem alkali acido nitri phlogistico instructum, sub nomine nitri an-

antimonialis notum. Hi sales fusione cum hepate conjuncti deliquescentiam impediunt, quam patitur hepar antimonii cum ana alkali fixi natum.

HEPAR antimonii aqua lotum sales meratos mittit, nec non hepaticum, quod antimonium solutum fovet. E solutione sulphur auratum acidis deturbatur.

ULTERTUS, solubilia ope aquæ auferre pergendo, tandem restat *crocus* sic dictus *metallorum*, qui nihil aliud est, quam species Kermes, cui colore convenit, aërem hepaticum efflans, si acido muriatico immergitur.

SCORIÆ griseæ sunt & aquæ salem præbent crystallisabilem.

EXP. 15. Hic sal scoriarum in carbone, ope tubi ferruminatorii, flammæ expositus, funditur & ignescente carbone tangente expanditur cum susurro, illi haud dissimili, qui sub detonatione observatur, sed nulla flammula distingui potuit. Massa salina ulterius fusa sub refrigeratione flavescit vel rubet, hic autem color cito evanescit. Addita acidi cujuslibet guttula mox fortis cum effervescentia eructatur odor hepaticus. Massa denuo fusa carbone cito absorbetur tota quanta & circulus tantum vix sensibilis albido cinereus restat.

HÆC phænomena indicant quidquam nitrosi phlogistici & alkali fixi vegetabilis vitriolati: prius detonationis vestigia, posterius cum phlogisto carbonis hepar efficit e).

Cir-

Circulus albidus debilia antimonii calcinati signa monstrat.

PRÆTEREA, & ante, & post lotionem, cum acido muriatico aërem eructant hepaticum scoriæ, sed nullum demittunt crocum metallorum.

§. V.

Sulphur Antimonii auratum.

PULVIS hoc nomine notus e scoriis reguli antimonii simplicis præcipitari solet, & quum illud, quod prima secundaque acidi instillatione cadit, saturatiore colore & vehementiori vi emetica gaudeat, sedimentum tertiæ præcipitationis in primis commendari solet. Optimum modum, quo & sicca, & humida via, præparari potest, adeo ut omne sedimentum illi respondeat, quod tertia acidi instillatione obtinetur, dudum docuit Cl. GOETLING f), ideoque præparationem mittimus, ejus tantum naturam consideraturi Antimonium hepate solutum, addito acido, sulphuris conubio non liberatur, ut hepar aurum tenens, quod

- f) Cl. GOETLING tentando invenit, quod antimonii crudi probe pulverati partes 2, cum 3 florum sulphuris, solutæ lixivio alkalino caustico ebulliente, filtro colatæ, aqua quantum satis dilutæ & denique acido vitrioli diluto præcipitatæ, porrigant sulphuris aurati, illi, quod alias tertia præcipitatione acquiritur, congruentis, circiter $4\frac{1}{2}$. Addito sufficiente alkali fixo per fusionem, decoctionem, filtrationem & præcipitationem majori molestia minus præcipitati obtinetur. CRELL, Chem. Entdeck. theil. 2.

quod acido instillato laxat metalli & sulphuris moleculas discretas. Ratio est in promptu: aurum sulphuri non sociatur, nisi ope salis alkalini, &, hoc vinculo rupto, tota ruit compages. Sed pleraque metalla eodem modo se habent, ac heic antimonium.

EXP. 16. SULPHUR auratum, trium præcipitationum commixtarum, in carbone igni expositum liquefcit, fumat & cito absorbetur, sed in cochleari aureo funditur & massam nigram, nitidam, nitore fere metalli dotatam, non tamen striatam.

GOETLINGIANUM similiter tractatum primo accenditur & ardet flamma sulphurea.

EXP. 17. SULPHUR auratum trium præcipitationum, cum nitro ana. crucibulo immisum candenti, debilem monstrat detonationem.

GOETLINGIANUM eodem modo tractatum fortiter detonat.

EXP. 18. ACIDA tria mineralia non aliam provocant effervescentiam cum sulphure aurato trium præcipitationum, quam quæ e genito aëreo provenit. Nonnullæ tamen bulbulæ aëri, inter pulveris particulas hospitanti & in fluido graviore enatanti, debentur. Vitriolicum calorem excitat & aëris hepatici fœtorem: nitrosum majorem æstum, sed minus odoris hepatici: acidum salis nullum calorem, at multum odoris hepatici evolvit.

EXP.

174 *De Antimonialibus Sulphuratis.*

EXP. 19. SULPHUR auratum, trium præcipitationum commixtarum, tantum fere cum acido muriatico porrigit aëris hepatici, ac Kermes, secundum Pharmacopœam suecicam novissimæ editionis confectum.

EXP. 20. SULPHUR primæ præcipitationis aërem hepaticum præbet octava parte majus occupans spatium, quam qui Kermes ejusdem ponderis eructat.

EXP. 21. SULPHUR, secundæ & tertiæ præcipitationum simul sumtarum, idem fere præstant ac Kermes.

EXP. 22. SULPHUR tertiæ præcipitationis aurantii coloris, methodo Gætlingiana paratum, & quidem via humida, ope acidi salis e centenario $4\frac{1}{2}$ pollices cubicos aëris hepatici porrigit.

EXP. 23. SULPHUR auratum tertiæ præcipitationis, methodo Gætlingiana paratum, via sicca e centenario aëris hepatici $5\frac{1}{4}$ poll. cub. præbet.

EXP. 24. PRIUS via præparatum humida (Exp. 22) acido muriatico solutum & dein aqua alkalifata præcipitatum, dedit pulveris antimonialis albi 25 e centenario & genuini sulphuris 75, ope filtri ante præcipitationem separandi.

EXP. 25. POSTERIUS viæ siccæ soboles (Exp. 23) antimonialis quoque pulveris circiter 25 dedit e centenario & sulphuris 75.

§. VI.

Kermes Minerale.

KERMES variis confici solet modis, quorum nonnullos tantum jam considerabimus.

A) Quod ad præscriptum Pharmacopœæ suecicæ acquiritur, colore gaudet e fusco rufescente, sulphuri aurato, cujus omnes præcipitationes sunt commixtæ, haud dissimili.

EXP. 26. Hoc, ope tubi ferruminatorii, in carbone funditur, expanditur & fumans absorbetur: in cochleari aureo funditur fumum album eructans, & massam præbet nigram, nitidam, fere nitore metallico instructam.

EXP. 27. CUM nitro paullum detonat, ut sulphur auratum (Exp. 17).

EXP. 28. ACIDA mineralia cum hoc similiter se habent, ac cum sulphure aurato (Exp. 18). Observandum quoque est, quod vitriolico diluto qua colorem non mutetur Kermes, sed concentratum, e cinereo albidum provocat: nitrosum facit album & rubros eructat vapores: muriaticum calore adjutum e cinereo album efficit: acetum nihil valet.

EXP. 29. CENTENARIUS cum acido muriatico aëris hepatici 15 pollices cubicos porrigit.

EXP. 30. CENTENARIUS cum eodem acido solutus & ope aquæ præcipitatus dedit 52 libras pulveris albi antimonialis, sulphuris autem non nisi 8 colligi potuerunt.

B)

B) TALE Kermes etiam via sicca confici potest. Antimonii crudi 12 centenarii & nitri totidem fundendo dederunt cum suis scoriis. 18,85 cent. Hepar pulveratum per 15 minuta, in octava canthari parte aquæ, decoquebatur. Subsidentia facta liquor duplicatum filtrum transivit & residuum cum dimidio aquæ iterum coctum fuit per 15 minuta, & totum postea cum liquore immissum filtro. Liquor, qui filtrum transiverat, sub refrigeratione Kermes deponebat 36 librarum, & crocus in filtro restans 10,79 cent. pondere æquivalebat.

Hoc Kermes examinatum ita se habuit.

EXP. 31. FLAMMÆ ope tubi ferruminatorii expositum eadem monstravit phænomena, ac via humida paratum (Exp. 26).

EXP. 32. SIMILITER cum nitro (Exp. 27).

EXP. 33. SIMILITER cum acidis mineralibus (Exp. 28).

EXP. 34. ÆQUALEM cum acido muriatico exhibet aëris hepatici copiam (Exp. 29).

EXP. 35. ÆQUALE etiam solvitur antimonialis pondus (Exp. 30).

EXP. 36. Ex antimonio diaphoretico loto cum anatica parte sulphuris probe commixto & in crucibulo ope lenissimi ignis rite colliquescente, Kermes etiam prodit præcedentibus congruens. Major non requiritur æstus, quam massæ probe emolliendæ necessarius.

§. VII.

Corollaria.

Ex allatis experimentis plures elici possunt conclusiones, quarum nonnullæ hæc sunt indicandæ.

A) METALLA pleraque cum sulphure facile uniuntur, in statu fere completo, hoc est, quantitate phlogisti cuique propria parum diminuta, & hinc dubia orta sunt, num etiam amplius calcinata idem inire possent connubium: hoc a multis negatum fuit. Dñus MONNET hæc dubia egregiis experimentis refellere conatus est, & eorum, quæ jam sunt descripta, plura idem luculenter evincunt. Regulus in statu fere completo cum sulphure antimonium efficit, quod crudum appellatur, nam acidum muriaticum hoc facilius, quam regulum adgreditur, quod aliquam innuit inflammabilis privationem g), & solubilitatem, sulphuris connubio minime augeri notum est. Vitrum sine dubio calcem continet & nihilo minus pauxillum sulphuris simul fovet (§. III). Sulphur auratum, kermes & crocus metallorum calce antimonii sulphurata constant (§. §. V, VI, IV), omni nitore metallico albo destituta, inter se tamen differunt non tantum phlogisti, sed etiam sulphuris copia, quæ major dilutiorem aurantium, minor vero obscuriorem e fusco rufescentem generat colorem.

Bergm. Opusc. Vol. III.

M

Dr.

g) *Opusc. Vol. II, pag. 354.*

DIVERSA antimonialium vis e varia quoque phlogisti copia pendere vero est simile. Regulus completus & omni hepatico liberatus vix quidquam efficit *b*). Antimonium crudum vi tantum diuretica & diaphoretica gaudet: kermes lenius agit, quam sulphur auratum, crocus metallorum & vitrum: Antimonium diaphoreticum, omni fere inflammabili spoliatum, iners est. Hinc apparet regulum parum vel nihil valere, quamdiu omne restat phlogiston, sed pauxilla diminutione efficacem fieri, majore privatione violenter alvum laxare vel emesin movere, maxima autem jactura inertiam iterum adquirere. Sulphur nulla in corpus humanum violentia notum est, suo igitur connubio virtutem metalli diluit, sed non hoc tantum modo influit, restituit etiam qua partem phlogisti ingentem jacturam: antimonium diaphoreticum cum sulphure vitrum dat emeticum (Exp. 9), ut alia taceamus, non autem in statum reducere potest, qui in crudo viget.

B) PRÆPARATA in hac Dissertatione considerata singula sulphur sovent, sed nullum, præter hepar, alkali ad suam indiget constitutionem. De antimonio crudo nullum quidem est dubium, nec de vitro, sed de sulphure aurato, & de eo præsertim, quod kermes audit, contrarium adfirmatur. Confitendum quidem est, quod aliquando re vera adfit, sed num necessario requiratur, jam quæ-

quæritur, idque merito negamus. Validum argumentum subministrat pulvis kermesinus, sine omni salis alkalini præsentia genitus, sub solutione antimonii crudi per acidum salis (Exp. 7). Moleculæ antimoniales sub solutione ulterius calcinatæ sine dubio sulphuris justam dosin arripuerunt, nam cum acido salis hoc connubium eructat odorem hepaticum. Præterea, aceto hepaticum facile proderetur, sed kermes rite lotum, cum illo nullum evolvit hujus generis fœtorem. Omnis hepar cum aceto aërem generat hepaticum, sed non vice versa ad aërem hepaticum necessario requiritur hepar alkalinum 1).

Quod antimonii cum sulphure connubia non sint miscelæ mechanicæ, sed veræ solutiones, ex antecedentibus luculenter patet, quum odorem vel aërem hepaticum eructent (Exp. 7, 11, 19-23, 29, 34). Alia autem heic dilucidari debet quæstio: *si nempe & qualis sit differentia quantitatis sulphuris pro diversa antimonii calcinatione?* Respondeant experimenta. Antimonii crudi centenarius metalli continet 74 (Exp. 8), kermes Pharm. Stockh. 52 (Exp. 30) & sulphur auratum GOETLINGII 25 (Exp. 24, 25). Hinc sequitur, ut in iisdem sulphur relative exprimat per 26, 48 & 75. Sulphur auratum GOETLINGIANUM est quasi inversum antimonii crudi, nam numerus, qui in priore sulphur indicat, in hoc antimoniale determinat, &

M 2

vice

1) Opusc. Vol. II, pag. 337-345.

vice versa. Plus igitur sulphuris suscipitur in ratione dephlogisticationis antimonii, si data massa inter particulas inæqualiter dephlogisticatas est dividenda. Hoc autem non impedit, quo minus cujuslibet ordinis moleculæ, sibi relictæ, majori sulphuris quantitate dotari queant.

VIDEAMUS, num ex hisce datis quodammodo possit explicari diversa sulphuris aurati indoles. Quod eadem solutio, æquali præcipitantis portiuncula, primo deturbet efficacissimas particulas, dein paulum mitiores, denique adhuc leniores, idque pluries, ordine quo ferius dejiciuntur, phænomena offert admiratione digna, habemus tamen analogia. Ut metalla subeant acida menstrua, necessario aliqua phlogisti portio est auferenda *k*), si autem hæc spoliatio certos excedit limites, nexus cum menstruo debilitatur, immo interdum omnino tollitur & solutæ particulæ decidunt. Hoc in primis stanno & antimonio accidit. In ferro quoque simile evenit. Clarissima vitrioli martis solutio, aëri libero exposita, sensim sponteque deponit moleculas attactu aëris nimium dephlogisticatas. Si quoque solutioni, quæ particulas fovet ferreas, nonnullas sufficiente phlogisto ditatas, reliquas pauperatas, guttatim instillatur alkali & omnia in quiete relinquuntur, primum cadunt pauperrimæ, & qui-

k) Conf. locus notæ g.

quidem ochraceæ, dein ditiores e cæruleo virescentes.

EODEM modo antimonii solutio ope hepatis se habere videtur. Particulæ, quæ phlogisti maximam fecerunt jacturam, in prima præcipitatione secernuntur, & postea e simili ratione suo ordine sequentes. At dephlogisticatio ad certum limitem efficaciam auget, ergo sedimenta intra hoc stadium, quo superiora, eo quoque erunt mitiora.

QUUM lixivium alkalinum causticum sulphur auratum totum suscipere & eo saturari queat ebulliendo, quæ sub refrigeratione sponte secernitur portio, e fundamento supra memorato, magis dephlogisticatum metallum continere debet, quam in frigida solutione restans. Nova ebullitione phlogisti quidquam iterum fugatur, & maxime pauperatum sub refrigeratione decedit, & sic porro.

ACRIMONIA horum præparatorum a dephlogisticatione orta, mitigatur tamen partim majore sulphuris copia, quasi diluente, partim etiam ejusdem phlogisto, metalli pauperiem quodammodo moderante, adeo ut vera efficacia e temperatura reciproca harum virium sit derivanda, immo justa sulphuris dosi eo usque debilitari potest, ut pauperior præparatio iis mitior fiat, quæ metallum fovent materia inflammabili citius.

C) ULTIMO in usum nostræ Pharmacopœæ nonnulla monenda restant.

VITRUM antimonii commode ex antimonio diaphoretico loto & sulphure, fundendo conficitur (Exp. 9), longa namque & tædiosa evitatur calcinatio. Nullum quoque est dubium, quin facilius sibi que semper simile haberi queat, & ideo quoque in praxi medica securius.

KERMES Pharm. suec. colore, habitu & indole sulphur auratum revera æmulatur. Alkali fixum aëratum sulphur non adgreditur, sub ebullitione tamen cum antimonio crudo causticatur quodammodo. Certe ebullitionis æstus acido aëreo abigendo non sufficit, sed præsentente sulphure, quod ab alkalino attrahitur, discessus acidi aërei fit facilior. Hoc tamen modo solutio longe segnior progreditur, quam alkali caustico mox adhibito. Quin alioquin tale kermes longe minore tam impendio, quam labore, directe confici queat ope fusionis, modo antea indicato (Exp. 36), nulli dubitamus.

CETERUM methodus GOETLINGIANA nobis multum arridet. Mediante hac sulphuris quantitatem moderando, tot præparari possunt variationes, quot opus habet praxis medica, & harum quælibet constantis erit indolis, nisi errores facile evitandi negligentia committantur.

Index Paragraphorum.

- §. I. INTROITUS, *pag.* 164.
- §. II. ANTIMONIUM crudum, *pag.* 165.
- §. III. VITRUM Antimonii, *pag.* 168.
- §. IV. HEPAR Antimonii, *pag.* 170.
- §. V. SULPHUR Antimonii auratum, *pag.* 172.
- §. VI. KERMES Minerale, *pag.* 175.
- §. VII. COROLLARIA, *pag.* 177.



XXXII.

PRODUCTA

IGNIS SUBTERRANEI

CHEMICE CONSIDERATA *).

*Mille miracula movet (Terræ motus), faciemque mutat
locis, & desert montes, subrigit plana, valles extu-
berat novas, in profundo insulas erigit.*

SENECA.

§. I.

Producta Vulcania vere chemica sunt.

Olim, præeuntibus CARTESIO *a)*, LEIBNITZIO *b)*, aliisque primi ordinis Philosophis, persuasum fuit multis, Planetam, quem habitamus, initio totum quantum fuisse sidus lucidum vel igneum, sensim crusta indutum scoriacea opaca, horumque etiamnum quodammodo premit vestigia illustris Comes a BUFFON *c)*: eundem alieno calore tostum colliquatumque credidit WHISTON *d)*. Hinc cum A. KIRCHER habitaculum nostrum in sinu pyrophyllacia fo-

*) Hæc commentatio in tertio Nov. Actorum Upsaliensium tomo impressa fuit anno 1777.

a) Princ. Phil. p. III. & IV.

b) Protogæa.

c) Histor. Natur.

d) New Theory of the Earth.

fovere haud pauci autumant *e*), cujus in superficie varios hic illic effectus cuilibet contemplandos indicant, scaturigines nempe aquarum calidarum; ingentium regionum tremulationes, quæ vulgo terræ motus audiunt; horrendas montium ignivomorum eruptiones, immensas voragines, & quæ sunt reliqua. Sequentibus temporibus, æstus subterranei alias quæsierunt causas naturæ mystæ. Quidam a celeri aquarum motu earundem derivant calorem: alii e calce viva in meatibus non numquam obvia & subito inundata: BLONDEL ab effervescentia acidi sulphuris volatilis cum alkalinis & metallicis materiis *f*): M. LISTER pyriten habuit suspectum *g*), & omnes fere recentiores eundem subterranei ignis fontem esse contendunt. Sed de vera causa in sequentibus plura *b*).

NATURA semper & ubique spagyricam exercet artem. Per totum mundum corporeum continue solvit & coagulat, maxima e minimis procreat, concordia e discordibus, solidissima e fluidis, vicissimque firmissima liquefacit, immo etiam in auras vel fumos resolvit. Fit hoc plerumque lente, clanculum & nobis fere insciis. Sunt tamen pluribus locis quasi officinæ vel Laboratoria, in quibus Natura palam multifarias peragit operationes, calcinationes, fusiones, pulvera-

M 5

tio-

e) Mund. Subt.*f*) De thermis aquisgr.*g*) Tr. de terræ motibus.*b*) §. XVI.

tiones, sublimationes, volatilisationes, solutiones, ceteras, idque ea interdum vehementia, ut non tantum horrendis murmuribus, mugitibus, fragoribusque expavescant spectatores, sed etiam vastissimis flammis ignitisque fluminibus facile peruantur, densissimis fumorum vorticibus suffocentur, vel copiosissimis cinereum lapillorumque imbribus obruantur, quibus etiam ingentes urbes sepultas fuisse monumenta testantur. De hisce omnino valet, quod de cometis canit CLAUDIANUS: *non impune vident populi*, qua tamen decet cura & prudentia adhibitis, tanta feliciter evitabimus discrimina. Obscuros finuososque fugiemus tantisper subterraneos meatus, (quorum alioquin adcurata consideratio est longe utilissima), ubi & imminentibus distracti periculis, & tenebrarum obfuscati incommodis, & denique visu obturbati iusto propiori, distincte parum discernere, parum rite dijudicare possumus, sed vestigia & producta operationum, qua opus est diligentia, quæremus, examinabimus, & horum compositione sollicitè investigata, hinc causas earumque nexus, si non penitus enodare, saltem illustrare conabimur in sequenti commentatione. Aulæ Regiæ Mareschallus Generosissimus Baro C. DE GEER magnum mihi Vulcaniorum productorum thesaurum benigne obtulit, in Italia a Cel. FERBER sollicitè collectum & dein non sine magnis impensis in suæciam translatum, cui insigne complementum e Scotia & Islandia addidit

Re-

Reverendiss. Episcopus A TROIL. Huc varia accesserunt ex aliis Vulcanis. Hisce divitiis Chimiæ ope scrutatis in arcana Vulcani paulum introspicere licuit, & per se patet hanc viam necessario esse diligenter calcandam, quum omnes reliquæ, hac neglecta, mancas & sæpe falsas suggerant conclusiones. Ignis sine dubio in parietes focum amplectentes operatur, secundum diversam eorum indolem, qua ignorata, effectus nequaquam extricari possunt. Eorum autem natura e materiis sub explosionibus evibratis, partim illæsis, partim fusis vel alio modo mutatis, dijudicanda est, idque ope analyse chemicæ. Qui hoc destituitur adjutorio, oculorum unice fidens testimonio, periculi quidem magnitudinem & actionis sphaeræ amplitudinem quodammodo æstimare potest, nec non phænomenorum seriem & comparisonem describere, quæ omnino egregia sunt, sed Vulcanorum genuina theoria solis observationibus non conficitur, adcuratius magisque rigorosum requiritur examen. Eadem operatur Natura in parvis Laboratoriis, ac in magno globi nostri theatro, sed Physicus in sua officina varias materias variis modis naturæ viribus sagaciter exponit, & ita strenue pergendo tandem arcanas, quantum fieri potest, expiscatur causas. Ab incunabulis telluris fulmina & tonitrua observata fuerunt, nemo autem rite explicare valuit, donec parvis experimentis electricis edoctus ignem nubibus feliciter eripuerit nostri ævi PROMETHEUS.

§. II.

Vulcaniæ operationes partim sicca, partim humida peraguntur via.

INTER illas materias, quæ in terræ gremio sine dubio ignis violentiæ fuerunt expositæ, aliæ terrestrem possident indolem, aliæ salinam, phlogisticam aliæ & metallicam denique aliæ. Materiæ igne tortæ pro re nata multum differunt. Ratione magnitudinis & formæ vel in pulverem comminutæ cinerum nomine insigniri solent; vel parva frustula, quæ Lapilli vocantur, efficiunt; vel majora, vi ex ipsa petra diffracta; vel fusæ post refrigerationem formant strata firma & continua, quæ Lavæ audiunt; vel etiam crustas fornacum illitas meatibus. Qua ignis effectum fere illæfæ, calcinatae, exustæ, colliquatæ, volatilifatae vel sublimatæ occurrunt.

VIA humida non minorem procreat varietatum numerum. Calore in antris clausis scaturigines parantur ferventes vel tepidæ, interdum immani vehementia salientes; vapores generantur peculiare, pluriumque generum; materiæ solvuntur, quæ in nostris Laboratoriis omnem eludunt aquæ vim; conubia oriuntur maxime notabilia, emollitiones & effectus plane singulares, uti videbimus, curiosis primum oculis iis perlustratis, quæ ficcus valet operandi modus.

PER *Producta Vulcania* heic singulas intelligo materias, quæ ab igne subterraneo vel procreantur, vel quocumque modo adficiuntur. Horum præcipua jam attente considerabimus, parum quidem qua externam faciem, ejusdemque innumeras fere variationes, quas aliunde notas pono *i)*, sed dedita opera qua principia, qua compagem & internam structuram. Qua in decomponendis hisce corporibus opus sit circumspeditione & commentatione de terra gemmarum, aliisque tentaminibus luculenter patet, quod heic semel indicasse sufficiat.

§. III.

Ejecta, parum vel nihil mutata.

VULCANI plura evomunt lapidum genera, quorum frustra diversæ magnitudinis, e stratis vel venis diffracta, notabilem quamdam mutationem interdum effugerunt. Quæ Vesuvio adscribuntur sunt mihi ad manus sequentia.

A) Calcareæ, spathaceæ, non numquam clara; vel granosa; vel etiam marmorea. Habeo, quæ nucleos continent gypseos, griseos

- i)* Confr. in primis perelegantes Cel. FERBERTI epistolæ de Italia. Dum hanc primum conscriberem commentationem, splendidum suum de Vulcanis ardentibus & extinctis opus non dum ediderat Cel. FAUJAS DE ST. FOND, quod anno demum 1778 prodiit. Jam vero e magno hocce observationum penu nonnulla illustrationis ergo nostræ textui inferere liceat.

feos & lamellares. Cochleæ quoque fuliginosæ Neapoli mihi missæ fuerunt, quæ e faucibus Vesuvii eructatæ perhibentur, quod autem jure non dirimo. Variæ harum species distingui possunt, Murices nempe Lig-niarius, Craticulatus, Aluco & Asper, Trochus Labio, itemque Nerita quædam imperforata, Coronæ similis, sed spinis carens *k*). Singulæ lapide calcareo sunt factæ & plures quoque tali inhærent matrici. Post eruptionem anni 1631 conchas cochleasque marinas in Vesuvio collectas fuisse testantur BRACINI & P. IGNAZIO in suis descriptionibus.

B) Argillacea, plerumque margacea, indurata, ex fusco virescentia, per se fusibilia non raro frustulis albis, amorphis, calcareis impleta.

C) Huc quoque referri possunt frusta quartum mentientia, *lapidibus pretiosis analogis*, alba, interdum non nihil perlucetia; pugnos magnitudine superantia; fragilia, saltem in superficie; crystallis nigris schoerlaceis, partim lamellaribus, partim prismaticis, facta.

MATERIA alba ægerrime funditur; cum alkali sodæ vix effervesceat; borace & sale microcosmico fusis solvitur, sed tarde; analysi chemica centenarius porrigit argillæ 59, terræ siliceæ 39 & 2 calcarei.

D) Schoerlacea crystallisata, vel sub forma acicularum cum particulis talcosis virescenti-

k) Ill. v. LINNÉ Syst. Naturæ.

ribus concreta; vel prismatica, flavescentia, badia, fusca, nigra aut rufescentia, quæ sæpe coacervata reperiuntur in cavernis calcarei granosi, interdum in argillaceo, non numquam in micaeo mox describendo, & frequenter in ipsa acicularum massa.

Quod hæ crystalli Vesuvii igne fuerint generatæ negat erundem compositio, schoerlis vulgaribus congruens, nam filiceum, argillaceum & calcareum continent, præter inquinamentum martiale. Negat præterea indoles, nam sine additamento fusione in scorias amorphas abeunt. Haud raro spatho quoque calcareo claro sunt vel immixtæ vel juxta illud positæ: satis vero notum est, hoc leni igne opacitatem facile induere, immo etiam in calcem vivam mutari. Verum quidem est, quod spathum memoratum undique materia densa & vaporibus impervia involutum, nec aquam, nec acidum aëreum amittere queat, adeoque igne sit immutabile, quamdiu in hoc statu manet, sed frustra, quæ mihi ad manus sunt, in superficie illud monstrant & numquam crusta inclusum.

E) Micacea, nigra, lamellis magnis contortis, vel interdum planis, hexagonis, inordinate positis constantia, quæ, præter crystallos schoerlaceas nuper memoratas, non numquam materiam albam granosam continent, e particulis calcareis nobilibusque momenti *C* mixtis, compositam.

F)

F) *Metallica* parce ejecta reperiuntur, & si sana aliquando occurrunt, fere semper pyritacea sunt, praesertim ferrum continentia, raro cuprum, & si umquam, rarissime antimonium. Exhibent quidem collectores etiam calces cupri virides & caeruleas, ast, posito quod jure fiat, hinc saltim concludatur oportet, easdem ne quidem lenissimo ignis gradui fuisse expositas, quippe quo mox nigrescunt.

§. IV.

Terrestria calcinata & exusta.

MATERIAS jam considerabimus terrestres, quæ igne subterraneo sunt tostæ & sæpe exesæ. Huc praesertim referendi sunt:

A) *Cineres Vulcanorum*, qui sub ipso incendio sparguntur, idque interdum ad ingentes distantias ea copia, ut magnæ urbes totæ quantæ fuerint obrutæ. Tali imbre anno 79 alte sepultæ sunt Herculaneum, Pompeii & Stabiæ. A Puteolanis collibus, ubi copiose prostant & primum forsan distincti fuerunt, vulgo denominari solent 1), a quocumque alioquin Vulcano ejici possunt. Pulvere constant spongioso, colore plus minus nigro, fulco, rufescente, immo cinereo. Variant quo-

1) Quis satis miretur pulverem appellatum in Puteolanis collibus opponi maris fluctibus, mersumque protinus fieri lapidem unum, inexpugnabilem undis, & fortiorum quotidie utique, si Cumano misceatur cemento. PLINIUS H. N. xxxv: 13.

quoque heterogeneorum & indole & quantitate, unde etiam paullum discrepans gravitas specifica, quæ tamen ab una parte 2,500 vix reperitur inferior, ab altera vero 2,800 rarissime excedit.

CRUDI non numquam magneti obediunt, unde illos aliquando igni fuisse expositos, prono, ut ajunt, alveo fluit, si vel alia desiderarentur documenta. Fuit heic ignis gradus mitis, quum non tantum fortiori magis indurescant, sed etiam facile in scorias colliquefiant. Cum borace non semper toti solvuntur, clarum tamen & virescens præbent vitrum. Sac microcosmicus longe minus valet, suscipit tamen partem & hinc opacitatem acquirit.

AQUA nihil extrahit, & ne quidem emollit. Acida mineralia vix manifestam excitant effervescentiam, magnam tamen portionem solvunt. Centenarius *terræ Puteolanæ*, vel ut loqui amant recentiores, *Pozzolanæ*, rufescentis, selectæ, & oculorum judicio homogeneæ, in acido salis pluries coctæ, usque dum omne solubile fuerit separatum, præbuit liquorem flavum, qui, instillato lixivio sanguinis ustri rite præparato, demisit spongiosum sedimentum, sub nomine cærulei Berolinensis notum. Hoc collectum, sufficienter lotum & exsiccatum pondere effecit 120 libras. Jam vero alibi idoneis experimentis evici, ferri purissimi 1 partem solutam acido, & modo descripto præcipipitatam, 6 circiter partes

cærulei Berolinensis porrigere *m*). Hinc itaque in nostro centenario ferri libras 20, adfuisse concludere licet. Liquor supra memoratus, addita dein alkali tartari solutione, dedit terræ albæ, lotæ & ficcatae libras 25, quarum 20 cum acido vitrioli alumen constituebant, reliquæ gypsum. Residuum acido insolubile lotum & ficcatum, qua maximam partem alkali sodæ cum effervescentia solvebatur & stabile efficiebat vitrum, adhibita proportione anatica, quod terram filiceam indicat, erant tamen heterogenea nonnulla immixta, particulæ nempe mineræ ferri & micæ. Summa horum trium fuit 55 librarum. Magnesiæ nihil indagare potui. Ex allatis sequitur 100 partes hujus Pozzolanæ habuisse 55 filicei cum heterogeneis,

20 argillacei,

5 calcarei,

20 ferri.

Non tamen eadem est in omni terra Pozzolana materierum ingredientium proportio, nam ex alio centenario obtinui

60 filicei,

19 argillacei,

6 calcarei,

15 ferri.

CONCLUDIMUS Pozzolanam nihil esse aliud, quam argillam vel margam martialem, igne subterraneo paulum induratum, & vaporum impetu pulveratam dispersamque. Hæc in Architectura est valde proficua. Cum calce

usta

usta & aqua subacta cito lapidescit, uti notum est, & hæc perquam utilis proprietas ex cognita indole & compositione multum illustratur. Scilicet firmitas glutinis muralis, (quod VITRUVIO *mortarium* audit), in genere ab aqua calcis pendet, qua tota massa madet: hæc ex atmosphæra acidum aëreum attrahit, quo ad saturationem hausto, particulae solutæ crySTALLISANDO secernuntur, reliquis adcrescunt, illasque conglutinant, antea tantum juxta se invicem positas parum cohærentes. Talis nexus eo citius acquiritur, quo celerius evanescit aqua emolliens. Vulgari glutini immiscetur arena filicea, cujus grana instar vitri nec aquam suscipiunt, nec glabra superficie aliis facile adhærent, ideoque sero exsiccat & tarde induratur. Ast, si loco arenæ memoratæ pozzolana adhibetur, longe aliter se res habet. Tostæ argillæ moleculæ & aquam calcis avidè absorbent, & spongiosa textura cum reliquis egregie connectuntur. Præterea martiale adest, aliqua adhuc phlogisti portione dotatum, quo, teste experientia, robur multum firmatur, adeo ut, si cum pozzolana usurpatur recens calx viva, (qua aqua non tantum avidissime devoratur, sed etiam ope caloris, sub mixtione geniti, superflua cito in vapores resolvitur), inter manus segnium cæmentariorum massa indurescat & operi fiat inepta.

B) *Tophi* nomine non numquam indicari solent cineres vulcanii, mediante aqua sub

longa annorum serie concreti. Italis *Tufa* audit. Huc etiam sine dubio pertinet, quod nomine Hollandico *Tras*, gluten significante, vulgo insignitur. Qua indolem & compositionem hæc materia terræ pozzolanæ dudum descriptæ omnino congruit, sed plerumque heterogenea immixta sunt numerosiora, saltim in illo, qui ad Andernach effringitur, namque præter micaceas & mineræ ferri particulas, etiam schoerlaceæ, granaticæ, aliæque distingui possunt & lotione quodammodo separari. In igne, eodem fere modo se gerit, ac terra puteolana; & via quoque humida eadem præbet principia proxima, quamvis eorundem mutua proportio plus minus variet, in genere tamen calcareum uberius adesse videtur, unde etiam in acidis luculentior effervescentia.

Piperino Itali vocant concretionem cinerum vulcaniorum, frustulis schoerlaceis, squamosis, nigris, & argillaceis albis (§. III, C). valde oneratam.

C) *Pumex* exesus, fibrosus & eo usque levis, ut aquis innatet, griseo plerumque gaudet colore. Nuper ejectus fuscus vel niger est, sed atmosphæræ expositus vicissitudinibus sensim fit pallidor.

DE origine pumicis dissentiunt naturæ scrutatores. A pyrite scorificato nonnulli, a schistis vel lithanthracibus derivant alii, & ab asbesto demum alii. Analysis chemica hunc

hunc gordium solvit. Sed probe discernatur oportet genuinus & qui proprie pumex audit, fibris gracilibus, parallelis & fragilibus, facile dignoscendus a spuris, qui hisce omnino carent, quamvis præterea sub fusione bullis aëreis ita intumuerint & dein exustæ fuerint, ut in aqua vix submergantur, adeoque instar levissimæ spumæ lavarum considerari debent, quæ numerosis cavitatibus sphaericis magnum possident volumen.

PUMEX fibrosus cum acidis rite tractatus 8 — 10 libras e centenario mittit, quæ alkali præcipitatæ magnesiæ & pauxillum calcis exhibent. Ex hoc sedimento, acidò vitrioli satiato, genuinus prodit Sal Epsomensis, gypso inquinatus. Residuum insolubile silicea plane indole gaudet. Hinc igitur luculenter patet, fibrosa hæcce producta ad Asbestos accedere, quippe qui eadem continent principia, sed solubilia semper alia, & quidem majore proportionem. Qui vero inæqualem ignis vehementiam, qua vel diversis vicibus, vel forsan in diversis locis tostati fuerunt pumices, considerat, eo minore jure mirabitur hanc differentiam, quo certius instituta tentamina indicant, silicei & magnesiæ proportionem multum variare, non tantum in speciminibus diffitarum regionum, sed etiam in illis sæpe, quæ juxta se invicem posita reperiuntur. Pumex e Tanna, maris pacifici insula (una Cycladum BOUGAINVILLII) in centenario non nisi 6 libras magnesiæ exhibuit, quod

N 3

haud

haud difficulter explicatur. Qui namque vaporibus acidi vitriolici, ad incendia subterranea semper præsentis (§. VIII), diutius vel melius exponitur, plus suæ magnesiæ acido cedit, quod salem generans facile solubilem, dein aqua elixatur, unde residui siliceum, respectu alterius ingredientis, increscit. Itaque ex adductis momentis pumices genuinos tamquam asbestos igne mutatos considerare fas est.

D) Terra alba huc quoque pertinet, quæ Solfataram regit, & a lava, hunc constituyente antiquum craterem, fatiscendo oritur. Uti mox videbimus, hæc aliaque quælibet lava argillam continet, sed colliquatione ceteris ita adunatam principiis, ut aqua emolliiri nequeat, quæ tamen quovis acido haud difficulter extrahitur. Solfataræ incendium non dum penitus extinctum esse, plurima monstrant foramina, quæ vel acidum vitrioli phlogisticatum, vel salem ammoniacum, vel alios eructant fumos calidos. Vapores acidi vitriolici phlogistici lavam partim penetrantes, partim externe tantum lambentes, eandem sensim dealbant, argillaceum pristino nexu pedetentim liberant, & verum generant alumen, quod dein vel arte colligitur, vel pluvia elixatum disseminatur. Hinc sensim scabra fit superficies & spongiosa, labentibusque annis tempestatum vicissitudines vim corrodentium vaporum adjuvant, adeo ut magnæ tandem massæ in pulverem

resolvantur album. Hic arenam primo in-
ritu æmulatur, vel cineres antea memora-
tos (*A*). In aqua destillata coctus & sicca-
tus e centenario 8 circiter libras amittit, quæ
aluminosæ indolis aqua susceptæ reperiun-
tur. Solutio succum heliotropii rufat, uti
solet, quæ alumen suspensum tenet. Residuum
cum acido vitrioli rite tractatum 4 præterea
terræ aluminis libras mittit, quæ alkali præ-
cipitari possunt. Hoc factò, quod remanet,
siliceum est. Ast proportio ingredientium
sine dubio pro re nata variat, quum pluvia
alumen enixum dissolvat & auferat, unde
quantitas silicei respectu argillacei continue
increscit, & forsan alicubi eo penitus privatur.

CETERUM hæc terra alba cum aqua sub-
acta nullam acquirit tenacitatem, unde, quod
argillæ continet, humido impenetrabile esse
constat, nec hanc facultatem nisi acidorum
adminiculo recuperat. Est namque ea ar-
gillæ mollis indoles atque natura, ut in igne
multum contrahatur, immo, sufficiente ejus-
dem gradu, dimidio voluminis spoliatur. Ex
tanta particularum compressione magna ori-
atur oportet durities, quæ etiam revera fit
silicea. Quod hinc pori valde coarctentur
per se patet, idque eo usque, ut illos aqua,
ne quidem ebulliens, penetrare nequeat. Quum
præterea materiæ condensatio superficiiei ne-
cessario adferat diminutionem, facile intel-
ligitur, cur argilla satis usta emollitionem
respuat, usque dum acida, potentiora men-
N 4 strua,

strua, solvendo pristinam restituant dilatationem, adeo ut poros ejusdem permeare iterum aquæ liceat. Nullam heic aliam, præter hanc mechanicam mutationem, efficiunt acida, nam eundem præcise effectum, non unicum, sed singula præstant, quæ argillam induratum suscipere possunt. Qui dubitat, num modo descripto lava nigra in album resolvatur pulverem, sulphuris flagrantis halitibus frustulum per tempus sufficiens exponat & operationis, rite peractæ, eventus veritatem monstrabit.

§. V.

Terrestria plus minus fusa.

LAVÆ nomine veniunt flumina illa ignita materierum liquefactarum, quæ a Vulcanis evomuntur. Sunt autem hæc secundum materiæ indolem & varios, quibus expositæ fuerunt æstus subterranei gradus, diversæ faciei, sed in genere ad quadruplicem formam revocari posse videntur.

A) Lavæ spumosa, quæ defectu fluiditatis satis tenuis aërem vel calore expulsum, vel motu irretitum, emittere non potuerunt, adeoque instar spumæ intumuerunt. Harum plura sunt genera, respectu gravitatis specificæ non parum differentia, etenim nonnullæ, quæ levissimæ sunt, aquis innatant & pumices mentiuntur, sed structura nequaquam filamentosa haud difficulter discernuntur. Tales rarius occurrunt. Aliæ, quamvis semper
sphæ-

sphæricis vel irregularibus impletæ cavitatibus, & solidiori, si adest, lavæ innatantes, multum tamen earundem numero & magnitudine variant. Inter notabiliores, quæ densioribus adnumerari potest, illa est, quæ certis ad Rhenum locis effringitur molidinis infervitura.

LAVÆ spumosæ Vivariensi frusta granitæ, felspathi, lapidis arenarii & non numquam laminæ chrysolithicæ inhærere, reperiuntur *n*).

B) Lavas compactas voco, quæ quidem foraminibus non penitus carent, adeo tamen raris instructæ, ut in laminas secari possint, superficie fere integra, & si placet, polienda instar marmoris. Recens fractura vix nitet, sed obscura apparet, & præterea internam contemplanti compagem varia occurrunt heterogenea, diversi sæpe coloris, vel vaga, vel determinata figura prædita. Frustula amorphæ interdum perlucida sunt, flava, viridia, aliterve tincta, quæ claritate duritiæque quodammodo gemmas mentiuntur & Neapoli care divenduntur. CrySTALLI lamellari, prismatica vel sphærica polyedrica forma gaudent. Sed de hisce heterogeneis mox plura (§. VI), heic præcipue substantiam considerabimus, cui illa inhærent. Hæc qua colorem differt, sed plerumque fusca vel nigra est, eamque possidet duritiem, ut chalybi more consueto allisa, scintillas eliciat.

N 5

Ma-

n) D. FAUJAS Recherches sur les Volcans eteints de Vivarais.

Magnete vix attrahitur, sed acum magneti-
cam valide sollicitat.

IN igne per se fluit & cum fluxu idoneo
quolibet centenarius regulum ferri 9-10 libra-
rum exhibet, sed via humida lixivium sangui-
nis 15-20 interdum prodit hujus metalli libras.

ALKALI minerale ægre illam adgreditur &
fine notabili effervescentia, borax etiam tarde
solvit, sed sal microcosmicus parum vel nihil
præstat. Acida, præter martiale, tria extri-
cant principia, terram nempe siliceam, argil-
laceam & calcaream, quarum prima raro di-
midium massæ efficit & ultima ejusdem exi-
guam tantum partem, quod etiam de lava
spumosa præcedentis momenti valet. In ex-
ploratis speciminibus nihil magnesiæ indagavi.

EXIGUA lavæ frustula in Italia *Lapilli del Vesuvio* vocantur, & si hæc arenæ tantum
magnitudine gaudent, *Sabbione* vel *Rena del Vesuvio*. Dum lava igne fluida vaporum vio-
lencia dividitur disseminaturque, in hoc statu
citius solidescit, & pro re nata massulas ge-
nerat majores minoresve, quæ tamen cum
stratosa omnino conveniunt interna indole.

HETEROGENEA, quæ lava Vivariensi mi-
nus spumosa, involuta conspiciuntur, sunt
spathum calcarerum, gypsum, granites tam-
sanus, quam igne mutatus, felspathum, chry-
solithus, alia o).

C)

C) *Lava stalagmitica* non numquam specus & canales subterraneos vestit, inde orta, quod lava liquefacta vel sub dio fluens, vel cava implens loca, in extimo ambitu mediante atmosphæræ temperatura, vel alio contactu frigidiorè, primum consolidetur, si vero interea massæ adhuc intus liquidæ exitus forte aperitur, hæc mox effluit & canales vel jam formatos, vel vetusta antra relinquit incrustata, immo interdum e fornicibus pendent stiriæ stalactiticæ. Quum portio lavæ restantis maxime fluida hæreat in superficie, hæc plerumque glabra & nitida reperitur. Talia antra in Hekla, talesque canales in Vesuvio, aliisque montibus ignivomis occurrunt.

D) *Lava vitrea* ex perfectâ fusionè facièm & naturam vitri nigri obtinuit. Fragmenta satis tenuia perlucet, non tamen viridia, ut merito exspectari posset, nec fulva, sed cinerascencia.

Ad chalybem percussum scintillas elicit hoc vitrum. Plerumque nigrum est & amorphum, perhibetur tamen & viride & cærulescens in Islandia reperiri, & quod mirandum est, etiam forma crystallina instructum, sed tale, licet valde desideraverim, non dum mihi contemplari licuit. Si interdum figura determinata vere gaudeat, hæc lenta refrigeratione sine dubio orta fuit, nam hoc medio etiam per artem vitri crystallos acquirere licet.

PER se igne difficulter liquefcit: borax fusionem paulum juvat, fed fale microcosmico fere nihil proficitur. Cum alkali minerali primo momento levis obfervatur effervescencia, fi experimentum in cochleari argenteo ope tubi ferruminatorii peragitur: granum lavæ immiffum in pulverem cito quidem dividitur, fed dein parum & tarde folvitur.

PRINCIPIA hujus vitri proxima ægre fe-
rantur via humida, nifi prius alkali fixo fatis
fuerit præparatum, ut acida partem extrahere
queant folubilem. Speciminis ex infulis Liparis
centenarius mihi dedit terræ filiceæ 69 libras

argillaceæ 22

martialis - 9

100

CALCAREUM heic omnino defiderabatur,
quod certe exspectare non potui. In ipfo
frustulo examini fubjecto plura puncta alba
obfervavi, qualia interdum in vitro imper-
fecte fufo occurrunt. Tale granum feparavi.
Acida in illud nihil valebant: fal microcosmi-
cus nihil, fed alkali fodæ cum effervescen-
tia fufcipiebat.

VITRUM, *Acbatæ Islandici* nomine notum,
eadem exhibet principia, proportionem parum
diverfa. Et huc forte pertinet *Lapis Obfi-
dianus*, cujus PLINIUS mentioem facit p), &
ille, qui in America meridionali *Piedra de
Gallinago* audit, fi horum frusta tenuia ulla
gau-

p) Hift. Nat. L. xxxvi, c. 26.

gaudeant perluciditate, quod e descriptionibus detegere non potui, si autem omnino opaca sunt, rectius ad basaltas referri videntur.

ITAQUE lava vitrea a reliquis varietatibus paullum differt qua principia, tam ratione eorundem numeri, quam proportionis. Vero tamen est simile fusionis diversos gradus magis deberi inæquali ignis vehementiæ, quam materierum commixtarum mutuæ actioni.

§. VI.

Producta terrestria ambigux originis.

Huc varia sunt referenda.

A) Heterogenea lavis immixta nuper plura memoravimus (§. V, *A*, *B*), sed tantummodo crystallifata, qualia sunt granatica polyedra, & schoerlacea, tam lamellari, quam prismatica forma prædita, talia sunt, ut de illis dubitari possit, utrum in ipsa massa, ubi jam reperiuntur, fuerint genita, an vero ex alia matrice divulsa eidemque inserta?

AB una parte sequentes rationes ortum in ipsa lava credibilem faciunt. 1.º Numerus horum heterogeneorum in antiquissima Vesuvii lava tantus est, ut vix concipi queat, unde ea copia hauriri potuerit, a magnitudine grani ad pollicares diametros varians, fateri tamen oportet, horum generum materias in montibus primævis ita non numquam reperiri congestas, ut crystallis coalitis unice
con-

constare videantur ingentes massæ. 2:o Granati vesuviani albi interdum instar aquæ perlucent, eoque ab aliis notis differre videntur, qui semper tincti occurrunt martiali, aut metallicum colorans quamvis plerumque adsit, non ad essentiam pertinet. 3:o Hæc heterogenea nullas exhibent pristinae matrix reliquias, quod sane difficulter explicatur, nisi hæc matrix fuerit vaporum impetu divisibilis, vel forsan ipsius lavæ corpus fusa intraverit. 4:o Lava islandica nigra granis abundat albis irregularibus, quæ forma licet determinata careant, indolem tamen eandem tubo ferruminario explorata produnt, & solus fluiditatis gradus crySTALLINAM faciem impedivisse videtur, nisi potius granatis pulveratis horum ortum tribuere malimus.

Ab altera parte non minoris momenti argumenta contrariam suadent sententiam. En notabiliora 1:o hæc heterogenea indole & compositione congruunt fere granatis & schoerlis vulgaribus. Granati vesuviani tubo ferruminatorio per se fusibiles sunt in carbone, vehementem tamen requirunt ignem: borace saleque microcosmico tarde solvuntur, & alkali sodæ ægerrime, eodem fere modo ac granati orientales, excepto a marte colore. Analyti chemica 100 partes exhibent circiter 55 filicei, argillacei 39 & 6 calcarei puri. Schoerli vesuviani igne forti in massam spumofam nigram abeunt: borace & sale microcosmico pedetentim suscipiuntur: alkali mi-

minerali in pulverem sub effervescentia subitanea resolvuntur, omnino uti vulgaris, qui via humida genitus est *q*). Schoerlus prismaticus e fusco rufens, insidens frustis e Vesuvio ejectis (§. III, *D*), in centenario continet filicei 48, argillacei 40, calcarei 5, magnesiæ 1 & martialis 5. Alius schoerlus niger crySTALLINUS e monte Albano exhibet filicei 58, argillacei 27, calcarei 4, magnesiæ 1 & martialis 9, quæ compositio schoerlis vulgaribus congruit. 2:0 Ut via sicca crySTALLI oriantur tenuis requiritur massæ fusio, alias enim particulæ in ordine symmetrico quærendo impediuntur. Jam vero ambiens lavæ substantia imperfectam prodat fusionem & mediocri igne longe melius colliquescit, unde colligere licet, granatis & schoerlis crySTALLIFANDIS necessarium defuisse gradum, & forte dubium est, num in ipso speculi caustici foco talem recipere queant fluiditatem, ut sub refrigeratione determinatas suscipiant formas. 3:0 Granati vesuviani parum vel nihil ferri continent, quod difficulter explicatur, quum massa, in & ex qua igne orti ponuntur, hujus metalli sit udmodum dives. 4:0 Plerique granati visuvii opaci reperiuntur, & nonnumquam in pulverem fere dissoluti, quamvis arcte clausi fuerint & ab omni atmosphæræ vi immunes, sed nihilo minus eadem ac perlucidi gaudent figura. Tales mutationes facile intelliguntur de

q) Observetur oportet me ubique per *Schoerlum* intelligere idem, quod Nob. CRONSTEDT *Basalten* vocavit. Hæ materiæ merito distinguendæ sunt.

de crySTALLIS divulsis & massæ ferventi subito immerfis, ægre vero de illis, quæ intra sua claustra fusione formatae sunt.

FRUSTUM possideo lapidis ingentis (1000 circiter pedum cubicorum), qui sub eruptione anni 1779 ad distantiam dimidii milliaris fuecani e voragine Vesuvii ejectus fuit. Hic densus est, nullaque præbet totius massæ indicia fusionis, sed validissima calcinatione quamdam adquisivit fragilitatem. Nucleis parvis fartus reperitur duplicis indolis, quorum albi integri sanique videntur, sed nigri nitidi, perfecte olim fusi, facie gaudent picis montanæ. Nonne hoc frustum e petra primæva fuerit divulsum, cujus pars schoerlacea vel micaea igni resistere non potuit? Nigrum nullam determinatam habet figuram, & sine difficultate fundi potest in vitrum, quod in tenui fragmento perlucet e fusco fulvum, uti martiali exusto tinctum, non vero cinerascens, ut vulgaria vitra vulcania (§. V, D). Plerumque massulæ nigræ compactæ & irregulares sunt, interdum guttas referunt, & tum superficies est obscura, interdum membranas nitidas ita dispositas, ut cellulas forment. Album, fere semper opacum, nitet, figuras exhibet, quales in lava montis Somma existant. Massa, quæ nucleos hosce fovet, est fusca, silicea, bullulis fusionis omnino carens. Sine dubio inferiora corticis telluris strata multas adhuc recondunt petrarum variationes, quæ sub dio non dum visa sunt.

CETERUM ponderatis præcipuis rationibus, quæ sub hoc examine pro utraque sententia mihi in mentem venerunt, posteriorem ad fidem longe proniorem, me quidem iudice, videri fateor, interim tamen, quamdiu non omnis oppositi formido fuerit dissipata, hanc genesin inter ambigua fatius collocandam duco.

B) Basaltes PLINIO dudum audit lapis Æthiopicus niger & perquam durus *r)*, cujus prismatici crassique articuli miranda copia a STRABONE visi fuerunt *s)*. Ex unica columna integram statuam cum sedecim liberis in templo pacis Nilo dicavit VESPASIANUS Imperator. Hæc immania prismata, nostro ævo, uti decet, magnam excitaverunt attentionem, sed hucusque dubium fuit, utrum humida, an sicca via orta sint *t)*.

QUONIAM in Vulcanorum viciniis semper reperiuntur, immo interdum lavæ vel imposita, vel subjecta, vel etiam immixta, haud immerito ab igne subterraneo derivanda videntur, sed duplici hoc fieri potuit modo, aut enim massa vapore humido probe emollita sub exsiccatione, aut fusa sub refrigeratione, in frusta plus minus regularia fuit diffracta.

Bergm. Opusc. Vol. III.

O

Po-

r) Hist. Nat. L. xxxvi, c. 7.

s) Libr. xvii, p. 808 & 818.

t) Hæc quæstio antea mota fuit. D. GUETTARD via humida, at D. DEMAREST sicca, Basaltas formatos esse contendit.

PONAMUS massam igne fluidam eructatamque, in strato quodam horizontali valde crasso expansam, cujus jam successivas examinemus mutationes. Mox luculenter patere arbitror, quod extima primum superficies solidescat, ambiente aëre refrigerata. Quum autem interior materia calorem fluiditati necessarium serius amittat, & hoc sensim abeunte volumen contrahatur, hinc sequitur, ut hæc interior solidescens extimæ crustæ adcreseat, quamdiu diminuta sub refrigeratione extensio permittit, at tandem nexus rumpatur oportet, idque superficiei parallele. Hoc igitur modo cuiusvis in ambitu plano perpendiculari successive plures introrsum oriuntur rimæ parallelæ, & ex horum intersectionibus prismata plus minus regularia. Sed refrigeratio simul a suprema superficie deorsum progreditur, & hinc prismata ad extremum superius plerumque in minora divisa reperiuntur, sed alterum versus extremum integra sæpe manent, eam forte ob causam, quod refrigeratio vel exsiccatio heic lentissime progreditur & interea pondus incumbentium particularum subsidentiam provocet, qua fissuræ alioquin contractione oriundæ evitantur. Ceterum superficiei irregularis circuitus, inæqualis partium fluiditas & diversa materiæ mixtio multifarias procreant variationes. Rimæ horizontales pondere incumbente perpendicularibus angustiores sint oportet, nisi res impediunt circumstantes.

EODEM plane modo massa argillaceo dives vapore humido, quantum satis penetrata & instar pultis emollita, sub exsiccatione voluminis contractione findi debet. Quæritur jam quonam horum mediorum in formando basalte utatur Natura? En præcipuas rationes, quæ mihi, posteriorem magis probabilem fecerunt.

1) BASALTARUM interna structura compacta invenitur, saltem nulla fusionis imperfectæ vestigia, omni licet adhibita attentione, hætenus detegere potis fui: nullas vidi cavitates bullis aëreis adscribendas, nullas massæ tenacis inæqualitates, quibus alias abundant omnia lavarum genera. Itaque, si aliquando igne fusa fuit hæc materies, consummata necessario fluiditate gavisa est. Ast ea jam indole instruitur Basaltes, ut ignis gradu perquam modico in massam abeat nigram, vitream & solidam. Quomodo igitur hæc materia, quæ facillime vitrea evadit, olim perfecte colliquata esse potuit, & jam nihilo minus interne rudem, obsoletam, minimeque nitidam servare compagem? In examinandis prismatibus basalticis non numquam intra corticem, fatifcentia paullo molliorem, sphaericos observari nucleos, sed perquam exiguos, numquam decimam pollicis partem diametro attingentes, admodum raros & sparsos. Hi, sine dubio a portiunculis facillime liquefcentibus orti, ignis quidem præsentiam evincunt, sed simul totam massam fusam fuisse negant.

CETERUM, quamvis etiam frustra lavæ, granitæ, felspathi, spathi calcarei, chrysolithi, aliorumque heterogeneorum, basaltis inclusa reperiantur, hæc fusionem siccam minime demonstrant, quum talia massæ, aqua emollitæ, æque potuerint immisceri.

2) Si tam externum habitum, quam compositionem rimamur, tanta reperitur convenientia inter Basalten & Saxum, quod frustorum ob formas, quas sponte dehiscendo induit, scalæ gradibus quasi adaptatas, suecis *Trapp* audit, (scala enim lingua vernacula *Trappa* vocatur), ut exigua differentia fere evanescat. En comparationem Basaltæ ex Insula Staffa Scotiæ u) & Saxi Trapp e monte Vestrogothiæ Hunneberg.

ARTICULUS basalticus, qui mihi ad manus est, & de quo jam agitur, prismatica gaudet figura, hexangula, cujus tria latera contigua sunt æqualia, reliquorum autem duo majora, quibus interjacet sextum omnium minimum. Supra paullum excavatus est & infra similiter convexus.

Saxum Trapp prismata exhibet plerumque quadrangula, non nihil obliqua, raro triangula.

BAZALTÆ fractura recens e nigro cinerefcit, subsquamosa, punctis nitentibus, sed oculo armato particulas albas, sparsas ostendit. Pulveratus cinereus apparet.

Saxi

u) Hujus insulæ descriptio legatur in Litteris Nob. D. a TROEL, ad me datis impressisque.

Saxi Trapp fractura & pulvis a descriptis non differunt, nisi colore magis diluto.

Ad chalybem ægre scintillat Basaltes: poliendo nitida fit superficies, unde etiam marmoribus olim fuit accensus: gravitate specifica gaudet. 3,000: ætate in superficie fit mollior & parum e cinereo rufescit.

Saxum Trapp similiter se habet, paullo levius.

IGNE per se in vitrum nigrum abit Basaltes: alkali minerale illum adgreditur & quidem cum effervescentia, sed hæc subito transit & dein residuum tarde solvitur: borax illum suscipit & vitrum præbet martiale: sal microcosmicus partem tantum solvit & hinc sub refrigeratione opacitatem acquirit ex albo cinerascens.

Hæc singula momenta de Saxo Trapp itidem valent.

ANALYSI chemica instituta, 100 Basaltæ partes exhibent filicei 52, argillacei 15, calcarei aëratı 8, ferri 25 ope lixivii sanguinis usti, quamvis methodo docimastica vulgari non ultra 10 partium regulum præbeat. Iterata & adcuratori analyfi filiceum duabus circiter partibus minutum reperi, sed etiam totidem magnesiæ indagavi, quam terram in primo experimento quærere neglexi.

Eadem continet principia saxum Trapp & eadem fere proportionem, adeo ut differentia vix unam alteramve centesimam excedat, quæ variatio sæpe in eodem Basaltæ frusto reperitur

Ex allatis satis patere arbitror Basalten inter & saxum Trapp maximam esse convenientiam. Jam vero posterius numquam igni subterraneo fuit expositum, multoque minus fustum, quod variis argumentis mox probare conabor.

INVENITUR hoc saxum in Svecia pluribus locis, sæpeque in montibus primævis, angustas implens venas, adeo subtilis structuræ, ut particulæ sint impalpabiles, &, dum niger est, genuinum efficit Lapidem Lydium, in quo aurum argentumque adfrictu explorantur. In hisce montibus nulla adsunt ignis subterranei vestigia, & ne quidem pronissima suspicio talia indagare valet.

IN montibus quoque stratosis adest, præsertim in Vestrogothicis, qui ob plures rationes brevem merentur descriptionem. Infimum stratum, quod circuitu plura sæpe miliaria suecica comprehendit x), lapide constat arenaceo, cujus grana argilla conglutinata videntur, granitæque impositum est situ horizontali. Intermedium efficitur calcareo, animalculis marinis petrefactis impleto, & supremum saxo Trapp. Hæc tria illorum montium præcipuam massam constituunt, sunt tamen alia tenuiora, quæ secundum tam a primo, quam a tertio separant, rarius margacea, plerumque argillacea, bituminoso sæpissime ita penetrata, ut nigra sint & non numquam accensa ardere queant. Hic schistus

x) $10\frac{1}{2}$ miliaria suecica in gradu numerantur.

flus niger ustulatus rufescit & postea aqua elixatus alumen præbet.

SUPREMUM jam paullo adcuratius consideremus stratum. In montibus Kinnekulle, Billingen & Moesseberg hoc plerumque declive, sed in Hunne & Halleberg pluribus locis instar muri perpendiculare, altitudine 100 pedes excedente, eminet, non raro tam horizontaliter, quam verticaliter fissum, unde prismata oriuntur plerumque quadrangula. Huic strato interdum proxime subiectum reperi schistum nigrum, horizonti parallelum, quousque fodiendo vel ope pulveris pyrii diffringendo progredi licuit *y*). Hæc phænomena attentius pensitata omnis incendi suspicionem exstingvunt. Quomodo enim nostrum Trapp heic igne liquefactum esse potuit, & tamen schistus, illud subitus tangens, in superficie etiam, quam atmosphæra lambit, omnem servare nigrorem, qui alias igne perquam debili evanescit? Unde hujus saxi fractura rudis & obscura est, quæ tamen leni igne colliquescentes fit nitida & vitrea? Fateri quidem oportet, quod amicus perquam ingeniosus & jam mortuus aliquot abhinc annis ex Italia in patriam redux, non obstantibus, quas adduxi, rationibus, montes Vestrogothicos tamquam vulcanos extinctos respexerit. Sed oculus animusque nimis Vulcaniarum operationum contemplationibus ita

O 4

in-

y) In Descriptione Telluris physica montes Vestrogothiæ stratofos fusius delineavi.

interdum insvesieri posse mihi met certus persuadeo, ut in tota superficie telluris vix nisi ignis subterranei vestigia videant. Saltem hoc sagaci accidit amico, nam etiam in lunæ maculis crateres exesos, lavarum strata, aliasque incendii reliquias prostare, serio adseverabat.

3) **CELEBRIS** Consiliarius A BORN mineram ferri lacustrem mihi misit, ad Hoschnitz in Bohemia occurrentem, quæ in parvis frustis constructionem montium columnarum perfecte imitatur. Congeries nempe plurium prismatum, quæ 3, 4, 5 vel 6 angulos habent & ad extremum superius rimas transversales, heic luculenter distinguitur in solum viæ humidæ.

QUUM igitur tanta sit structuræ similitudo in hac minera lacustri, tanta habitus & compositionis convenientia in nostro saxo Trapp, Basaltas eadem humida via formatos credidi, præsertim ob defectum indolis vitreæ, quam fusione facile acquirit, longe debiliore igne provocanda, quam qui tantis massis fuit necessarius, ut in statum liquidum nullis interruptum bullulis, nullis oneratum scoriis, redigerentur. Ponamus materiæ Basalticæ stratum adhuc molle, in terræ gremio reconditum, vel saltem non dum ita induratum, quin vaporibus aquæ fervidæ emolliiri queat, & simul infra illud focum quemdam Vulcani nuper & prima vice accensum, quid hinc eveniet? Calor & æstus initio sine dubio humiditatem & aquam ambientem, quæ,

si non semper, sæpe tamen adsunt, in vapores resolvit, hi vero sursum tendentes penetrant & emolliunt, quæcumque non dum lapidea gaudent duritie. Novimus herbas infectaque diutina exsiccatione magnam induere fragilitatem, adeo ut facillime rumpantur, vaporibus tamen aquæ ebullientis cito flexibilitatem recuperare. Curni igitur massa, qua magnam partem argillacea, emollietur ita, ut tandem cedat expansionibus, quæ sursum pellunt, erumpat & instar pultis tarda effluat? Talis massa aëri exposita sub exsiccatione, modo antea descripto, in prismata plus minus regularia dividitur, turbatur, vel cum aliis productis vulcaniis varie pro re nata & eruptionum sequentium numero, commiscetur. In vulcanis lavæ flumina non semper per summum craterem erumpunt, sed haud raro inferiores montium partes illis exitum præbent. Hinc, posito quod strata basaltica inter vulcania sint antiquissima, facillime explicatur, cur sæpe juniora & vulgaria illis subjecta reperiantur.

Huc opinioni pondus mihi addere videtur, quod montes columnati sint perquam vetusti, saltem nullius, quod sciam, ætatem memorant annales. Ex illo igitur tempore, quo magis humidus & minus induratus erat Telluris cortex, haud improbabili conjectura eorundem originem derivare licet. Lavæ nostrorum temporum longe aliter se habent, nullasque exhibent formas symmetricas, sal-

tim magna harum congeries non dum innotuit. Sed ubi incendium primo incipit, & materiæ non dum igne præcedente exsiccatae fuerunt, ibi hæc operatio locum habere potuit.

SED quid impedit, quominus instar crystallorum respici queant prismata Basaltica? Tales quidem tam humida, quam sicca via quotidie generantur, attamen multa obstant, quo minus hisce eadem adnumeremus. Scilicet 1:o crystallorum formæ variis quidem modis ludunt, cuius tamen harum generi est quædam figura primitiva, quam, nullo impediante obstaculo, semper induunt, & præterea non nisi hujus variationes, a rebus pendentes circumstantibus, eligunt, adeo, ut illa cognita, singulæ aberrationes facile explicentur 2). Si vero Basaltas consideramus, laterum numerum nullo modo determinatum reperimus, alia namque prismata sunt triangula, alia quadrangula, & sic porro, adeo ut occurrant, quæ novem gaudent, & ultra. Præterea, si crystalli prismaticæ pyramide terminali carent, extremum tamen superius planam habet superficiem, sed talis in Basaltis desideratur, quippe quæ plerumque vel concavam vel convexam exhibent. 2:o Crystalli rarissime sibi invicem parallelæ prodeunt, sed vel divergentes, vel in omnes promiscue plagas inclinatae. 3:o In crystallizando particularum requiritur libertas, ut
attra-

2) Nova Acta Upsal. vol. I. Opusc. Vol. II, pag. 1.

attractionibus ordinatim obtemperare queant, qualis in tanta massa ægre concipi potest, & nihilo minus columnæ oriuntur 30, 40, immo plurium pedum longitudine, in quibus formandis stupenda certe vis directrix necessaria fuit. 4:0 denique in tanta argillæ & ferri copia menstruum efficacissimum uberimumque necessarium fuit. Quodnam autem illud fuit? Acidum aëreum non certe sufficere potuit.

FATEOR equidem formas spathaceas, & parallelismi, & contiguitatis crystallorum, exempla porrigere, sed propiore examine hiulca, quæ pro basaltis non militant. Singulæ tesseræ spathacæ sibi similes sunt, & harum quælibet in alias minores ejusdem figuræ dividi potest: hæ iterum adhuc minores præbent, & ita progredi licet usque dum intractabiles fiunt. Neutrum de Basaltis valet. Spathacea textura in minimis orditur particulis, e quibus similiter tota componitur massa, sed nihilo minus parallelismus, etiam in illis, numquam ad 40 pedum longitudinem extenditur.

Ex hætenus dictis prismata basaltica non tantum ambiguam ignis progeniem videri fateor, sed etiam huc usque eorundem ortum ope viæ humidæ, quam siccæ, magis probabilem. Hoc tamen addere debeo, me in primis Basaltas Vesuvii, Islandiæ, Scotiæ, Hiberniæque respicere, quippe quos adcu-
ra-

ratiùs examinavi, quam aliarum regionum: eorum, qui in Alvernia occurrunt non dum ulla vidi specimina. Ast inter Provinciæ Vivariensis vulcanos extinctos æri incisum vidi, ratione originis Basaltarum notatu dignissimum, qui *La Coupe au col d'Aisa* appellatur. Ad summum apicem cratere instruitur conico, & in declivi montis latere, fluvium, radices subluentem, spectante, vestigia etiamnum lavæ conspiciuntur, olim per sinuosos decurrentis anfractus, quæ ad infimum viæ extremum in formas columnares obscure concrevisse videntur, mox vero divisa fuit in duo quasi brachia, in duas basaltarum perpendicularium pulcherrimas congeries, quarum altera dextrorsum, altera sinistrorsum longe extensa, ripam constituit a). Hæc omnia, qualia in tabula exhibentur, de genesi per fusionem testari videntur & memet fere convincunt. In allato tamen exemplo adhuc nonnulla pensitanda restant. Quod scorix omnino desiderentur in primis notatu dignum est. Si parvæ massæ, ex heterogeneis colliquatæ, in adeo homogeneas ægre rediguntur, ut nullæ secernantur scorix, certe de tam immani copia, quæ heic ebullire debuit, illud longe deficiat concipi potest. Nonne etiam obscura prismatica structura, quæ vestigium lavæ decurrentis putatur, e monte subjecto eminentia columnarum extrema sint?

CE-

a) D. FAUJAS DE ST. FOND de Vulcanis Vivariensibus.

CETERUM Dominus HAMILTON, cui tantum debet Vesuvii historia, in descriptione eruptionis anni 1779 se frustra Basaltarum invenisse memorat, e strato forsan antiquo & obruto effracta. Si etiam columnæ deteguntur e lava fusa certo natæ, omne tollitur dubium, quamvis difficultates allatæ nihilo minus pensitari debeant, ut ad liquidum perducantur.

§. VII.

Producta Vulcano immerito tributa.

Non minus Philosophia Naturalis, quam Transcendentalis, suas pro tempore adamas foveat opiniones. Circa medium sæculi nostri pauci de cortice Telluris igne formato cogitarunt, nostris autem diebus terræ, lapides, montes, & totum fere regnum minerale ejusdem virtute procreatum, vel saltem mutatum fuisse, multi certissimi adseverant. Eorum, quæ hujus loci sunt, nonnulla breviter consideremus. A quibusdam perhibetur, omne illud, quod igni subterraneo fuit expositum, ope ignis sine additamento denuo liquefcere, & hac nota Vulcania tuto dignosci posse existimant. Sed, quam sit fallax hæc regula inde mox patet, quod omnis marga per se facile fluat, quamvis nemo ignis soboli illam adnumeret.

A) Arena alba insulæ Adscensionis, granis constat irregularibus, sed rotundatis, glabris & nitidis, quod una cum Vulcani vi-

ci-

cinia sine dubio nonnullis ansam præbuit, eadem tamquam fusione enata considerandi, si vero adcuratiori scrutinio exponuntur, facillime patet hæc nihil esse aliud, quam Conchyliorum fragmenta, undarum motu comminuta & polita. Saltem illa huc pertinet arena, quæ mihi ex hac insula apportata fuit. Quin præterea heic genuini cineres Vulcanii etiam occurrant nullus dubito, sed jam tantum quæstio est de granis calcareis, quæ fusione producta creduntur, quamvis eorundem indoli convenienter, potius calcem vivam, quam vitrum efficere debuerint.

B) Steatites, qua partem perlucens, viridis, qui pro Vesuvii sobole vel rara lavæ specie, in Italia care divendi solet. Hæc re vera nihil est aliud, quam Steatites, cujus subtilissimæ rimæ fumo fuerunt penetratæ, adeo ut in tenui frusto, luci obverso, hæ fuscis maculis obnubilatæ appareant, igni tamen nunquam fuit expositus, etenim illæ, quas possideo, lamellæ secatæ politæque, cultro facillime radi possunt, quamvis sufficiente ignitione filiceam adquirant duritiem, prætereaque albescant & perfectam induant opacitatem.

C) Granites quoque fusionis suspicionem iniit, licet ingentes ejusdem massæ, ramis per totum orbem concatenatæ, Telluris quasi sceleton componant, vel saltem solidam exhibeant crustam, cui excelsa montium juga variæ indolis imposita reperiuntur. Nonnulli ex hoc colliquato basaltica construunt prismata, sed horum longe alia est natura, uti

dudum monstravimus (§. VI). Alii graniten ipsum ignis esse progeniem adseverare non dubitant.

CONSTAT hoc lapidum genus felspatho, mica & quartzo mixtis, quibus non raro hornblende adnumerari debet. Si frustulum granitæ in crucibulo igni exponitur vehementissimo, illud quidem colliquescit, sed non in massam homogeneam. Fracto enim frusto, felspathum in vitrum clarum, hornblende autem & sæpe mica in vitrum nigrum abiisse reperiuntur, quartzum tamen nullam aliam subiit mutationem, quam quod lacteam induerit opacitatem. Singula principia hoc modo mutata facile distinguuntur & sine confusione mixta conspiciuntur. Talia vestigia in montibus graniticis omnino desiderantur, unde eosdem vehementiori æstui subterraneo numquam fuisse obnoxios, tuto colligere licet. Variæ quidem aliæ materiæ granitis non raro immixtæ reperiuntur, sed quum non semper adsint, eas jam sicco, ut ajunt, pede prætereundas existimamus.

D) *Jaspides & Porphyritas* ignis ope prodiiisse recentiorum quibusdam vero simile videtur, quibus etiam, si non totam, insignem tamen siliceæ cohortis partem, addunt, præsertim calcedonios, quamvis summa durities etiam sine igne oriri queat. Quod ad primum nominatas materias attinet, hæ nulla præbent adustionis vel fusionis certa criteria, & sæpissime occurrunt, ubi talia in vicinia
mul-

multorum graduum omnino desiderantur. Ceterum Jaspides vastissimas interdum massas efficiunt, immo ingentia montium juga, &, ut fluant, longe majorem requirere videntur æstum, quam præstare valet Vulcanus.

E) Zeolithorum vulcania origo multis extra dubitationis aleam posita apparet, quum in illis præsertim locis frequentes sint, ubi ignis sævit subterraneus, vel saltim aliquando viguisse creditur, ut in Islandia, in insulis Færoënsibus & alibi.

Sed simul in memoriam revocemus, hosce lapides sæpe in regionibus occurrere, quæ certe numquam igni fuerunt expositæ, nisi primævos montes ejusdem virtute prodiiße asserere audeamus. In Jemtæ cuprifodina, quæ Gustafsberg vocatur, egregiæ colligi possunt zeolithorum crysalli, plurimum variationum: in aurifodina ad Aedelfors in Smolandia peculiaris species, spathocalcareo immixta, reperitur *b)*: in cuprifodina Vestmanniæ ad Riddarhyttan matrici non numquam zeolithos inhærere vidi, & ubique fere per Uplandiam saxorum rimis, unde illustris A LINNÉ totam hanc familiam inter Stalactitas retulit *c)*. Hæc exempla sufficiant.

CE-

b) Hæ variationes in Mineralogia D. CRONSTEDT descriptæ reperiuntur, in §§. II. & III. Occurrunt etiam zeolithi ad chalybem scintillantes, præsertim in Moeßleberg, sed tanta præditi duritie plerisque Mineralogis ignoti sunt.

c) Syst. Nat. tom. III.

CETERUM chemica horum lapidum analysis hanc suspicionem plane destruit. Acida mineralia præter martiale, quod plerisque inest, calcem & argillam extrahunt, proportionem in diversis speciebus paullum variata, tali tamen, ut semper prævaleat posterior. Magnesium sollicitè quæsi, sed non inveni. Quod insolutum remanet, maximam efficit ponderis partem & vere siliceum est. Aquam præterea foveant plus minus copiosam, prout crystallinam vel rudem exhibent faciem. Forma præditi determinata, quales sunt plerique Islandici & Færoenses, usque ad 20 libras & ultra e centenario mittunt destillatione, amorphi vero, uti Uplandici, Aedelforsenses, alique vix 4 præbent. Hæc crystallisationis aqua genesi, via sicca peractæ, nullo modo congruit. Notabile præterea exemplum huc pertinens in sequentibus describetur (§. XI, B).

Ex compositione cognita non tantum discimus zeolithorum terram primitivarum numero esse eximendam, sed etiam eorumdem proprietates facile explicari, quod alias vix, ac ne vix quidem, tentari potest. Præcipuas consideremus.

In igne per se crystallini instar boracis tument, ebulliunt, & qua partem funduntur, raro massam præbent homogeneam, sed plerumque spumofam. Amorphorum nonnulli eodem fere modo se gerunt, sed reliqui certo ignis gradu paullum tantum expandunt

volumen, idque temporis minimo momento, adeo ut etiam adfuetum oculum facile fugiat. Aquam primum abigit ignis sub forma vaporum, qui reliquas particulas, vel liquefcentes distendunt, movent & varie torquent, vel fere immobiles placide deferunt, pro diversa mixtione & aquæ quantitate. Experimentis constat, ad facillimam requiri fusionem, ut, ceteris paribus, siliceum, argillaceum calcareumque aëratum sint circiter in ratione 3, 1 & 1 respectivé mixta *d*), quod in zeolithis rarissime obtinet. Quin etiam martiale, dum adest, suam conferat symbolam, nullum est dubium. Hinc nonnullæ species vix momentaneam monstrant tumiditatem, paucissimæ perfecte fluunt, pleræque massam exhibent spumofam.

ZEOLITHI via sicca ægerrime solvuntur sale microcosmico, facilius borace & facillime alkali minerali, idque cum notabili effervescentia. Ex analysi ratio est in promptu. Siliceum namque maximam efficit compositionis partem, ideoque hujus cum salibus memoratis habitus in primis ex hoc ingrediente est derivandus.

ACIDA argillam una cum calce facile extrahunt, uti dudum memoravimus, quod earum laxiorem cum siliceo nexum indicat, quam in gemmis aliisque materiis, quæ eadem continent principia, sed adeo arcte connexa, ut chemica opus sit divisione, antequam acida men-

d) Mem. de l'Ac. de Paris, 1758.

menstrua admittant, iisdemque a se invicem separari possint.

DEMUM nonnullæ hujus familiæ species, præsertim quæ siliceo abundant, peculiari gaudent facultate acida in gelatinam coagulandi, obscure perlucidam. Zeolithus ruber Aedelforsensis hoc respectu omnibus cognitis palmam præripit. Si enim in cono cavo vitreo, quo vinum in suecia bibi solet, quarta circiter cavitatis altitudo hujus pulvere impletur & dein aqua fortis vulgaris instillatur, ut dimidiam superficies attingat, intra horæ quadrantem menstruum fit gelatinosum, eamque acquirit consistentiam, ut vasculum tuto inverti possit sine ullo massæ effluxu. Ut phænomeni rationem explorarem gelatinæ supremæ clarissimæque portionem, aqua fervida perfecte edulcoratam, siccavi, sub qua operatione insignem miratus sum voluminis contractionem. Pulvis hicce ficcus nec acidis suscipitur, nec igne fluit: sal microcosmicus ægerrime parcissimeque illum adgreditur, borax vero egregie, optimeque & cum vehemente effervescentia alkali minerale. Hinc luculentissime patere confido, ipsam gelatinam nihil esse aliud, quam siliceum extra modum dilatatum, in segni argillæ calcisque solutione suspensum. Particulæ siliceæ perforantur, dilacerantur & maxime fiunt spongiosæ, dum bina reliqua principia acido extrahuntur, adeo ut facile natent in liquore gravi & aliis materiis solutis onusto, cito-

P 2

que

que omnia ope quietis, & forsan exiguæ evaporationis, in massam homogeneam concrescant. Ut tamen certo generetur gelatina, determinatæ requiruntur proportionēs. Justo parcior pulveris zeolithici dosis, vel quod eodem recidit, nimia acidi quantitas, hanc operationem impedit, quum molculæ in magno spatio raræ separentur, adeo ut attractionis vi coalescere nequeant. Ob eandem rationem aqua instillata noxia est, & præterea gravitatem liquoris specificam minuit. Quies quoque est necessaria.

PLERIQUE zeolithi gelatinam adeo egregiam formare nequeunt, sæpe non nisi exiguam & proxime ambientem menstrui partem coagulantes, immo interdum vasi tantummodo adglutinantur. Aliæ species nulla exhibent gelatinæ signa. Hæ differentiæ a diversa pendent principiorum proportionē, quam alibi determinavi. Ceterum notatu dignum est, quod non numquam calcinatio huic operationi ineptas adcommodet, quando nimirum antea nexus fuit nimis laxus. Quartum enim pulveratum & calce mixtum in igne calcinatorio, qui fusioni minime sufficit, ita tamen copulatur, ut dein adfusa acida in gelatinas concrescant. Sed jam ad alia. Quæ de zeolithis fufius exposui, longe plura continent, quam quæ ad eorundem ortum stabilendum necessaria fuerunt. Non tamen pertinaciter negandum puto, quin aliquando igne quidquam colliquescere potest zeolitho

ana-

analogon, nam filiceum, argillaceum & calcareum in regno minerali sæpe mixta reperiuntur & haud difficulter funduntur. Sed hæc massa, quæ numquam sit crystallina, tubo ferruminatorio explorata nullam monstrat intumescentiam, gelatinam tamen generat, si principiorum proportio rite se habet.

§. VIII.

Producta Vulcania salinæ indolis.

PAUCA sunt, quæ sub hoc titulo memoranda occurrunt, etenim Vulcaniorum salinorum pleraque via prodeunt humida, illorum autem, quæ ad siccam referri debent, nonnulla parum mutata reperiuntur, talia fere, qualia immixta fuerunt.

A) Ad acida heic obvia primo *Vitriolicum phlogisticatum* pertinet. In incendiis subterraneis semper sulphurea adsunt, saltim initio, quæ sub deflagratione ita decomponuntur, ut vapor acidus, portione phlogistionustus, cum fumo eructetur. De modo curatius agetur in paragrapho sequenti, heic acidi hujus vires & operationes perlustrabimus.

EXPERIENTIA edocet sufficiente acidi vitriolici phlogistici vapore flammam mox extinguere, unde etiam, dum fuliginosum, in tubis domuum pro fumo extrahendo collectum, accenditur, hæc inflammatio celeriter suffocari potest, si ignis focus sulphuris pulvere statim inspergitur. Itaque, quin in

eruptionibus vulcaniis flammarum turbines sulphureis præsentibus vel penitus supprimuntur, vel saltem pro re nata temperentur, nullus dubito.

NOTA est ejusdem vaporis dealbandi facultas, ideoque ad delendos colores peregrinos, præsertim in serico, adhiberi solet. Quo autem mechanismo heic operetur non dum quidem experimentis, quantum satis, illustratum est, interim tamen plura phænomena haud obscure innuere videntur, negotium ita peragi, ut phlogiston potentiore attractione acido, cui jam laxè adhæret, eripiat, & corpori dealbando uniatur. Præcipua breviter memotabo, quæ hanc firmant sententiam. Colores refractione prismatis vitrei separati, opeque lentis idoneæ iterum coadunati, album generant: calx novi semi-metalli, quod mihi Magnesium audit, omni fere phlogisto spoliata, est nigra, sed tanta ejusdem quantitate dotata, ut perfecte acidis solvatur, alba; calx hæcce nigra fusione boraci hyacinthinum, sali vero microcosmico violaceum impertit colorem, ast uterque majori phlogisti dosi omni spoliatur tinctu *e*): cetera, quibus jam fusius explicandis non inhærebo, quum alibi dedita opera hanc doctrinam exposuerim *f*). Interea sufficienter elucet, acido vitrioli phlogificato, (quod ad Sulfataram pluribus locis etiamnum erumpit, odore facillime dignoscendum), aggeres
lavæ

e) Opusc. Vol. II, pag. 206.

f) Analyse de l'Indigo.

lavæ nigræ, quibus circumquaque includitur, sensim cretæ albedine indutos fuisse, adeo ut dudum circa initium æræ christianæ leucogœi dicerentur. Ast & aliam hoc acidum efficit mutationem, argillaceum nempe solvendo extrahendoque, de qua in antecedentibus egi tamquam causa, lavæ fatifcentiam ibidem provocante (§. IV, D). Particulas separatas in locis depressis pluvia colligit, & hinc strata oriuntur, pro re nata diversis modis sinuosa colorataque.

Acidum vitrioli aquam avidè attrahit, & hac dilutum facile phlogiston amittit, præsertim accedente aëre atmosphærico, cujus portio respirationi idonea illud ingenti vi appetit. Tale in vicinia Viterbii inter lapides parvi collis exstillat, & statò tempore ab incolis colligitur: similiter juxta urbem Senam & alibi g), sed rarissime, quum acre hoc menstruum quidquam saturationi aptum cito attingat.

Acidum quoque aëreum Vulcani opera haud raro elicitum reperitur, sine dubio e lapide calcareo obvio, qui illud magna copia expromere potest, & qua modum, nullum est dubium, quin & igne solo, & acido vitrioli libero, extorqueatur, prout ferunt res circumstantes.

CAVERNA notissima, ubi talis aura exitum per ipsum solum tophaceum quærit, & per-

P 4

quam

g) VANDELLI de Thermis Patavinis.

quam diu quæsit, in regno Neapolitano sita est, nomenque a Canè accepit, quum hoc animal intra pauca minuta mortuum & redivivum curiosis peregrinatoribus heic quotidie monstretur. Quin genuinum adsit acidum aëreum in dubium vocari nequit, quum & aëre atmosphærico gravius occupet infimum locum; & aquæ vulgari saporem imperiat acidum, grateque titillantem; & aquam calcis turbet, calcem præcipitans aëratam; & ignem exstinguat; & pulmonibus haustum animalia interimat, omnem fibrarum muscularium irritabilitatem subito delens *b)*. Acido vitrioli vix inquinatum esse potest, quum syrupum violarum non rufet, sed unde adeo constanter hæc emanet, non dum satis liquet, quod ideo a Physicis in vicinia habitantibus, una cum aliis phænomenis ibidem obviis, magnetismum & electricitatem spectantibus, dilucidatum avide expectant, qui locorum distantia hac investigatione prohibentur. Et acidum vitrioli liberum, ut e præcedente momento patet, & ignis sufficiens gradus, in Laboratorio Vulcani una cum calce adsunt, sed quodnam horum mediorum in Caverna canis adhibeatur, vix certo dijudicari potest, quum causa

fine

b) Opusc. Vol. I, pag. 61-64. Singula experimenta in loco a pluribus peritis observatoribus toties sunt repetita, ut effectus minime dubii putentur, interim tamen Nob. Domini J. ALSTRÖMER cura ampullam, in canis caverna aëre mephitico impletam, accepi, adeo ut Upsaliæ etiam cum acido aëreo convenientiam experiri licuerit.

sine dubio alte sit sepulta, si vero conjectura eandem inquirere liceat, illa quidem mihi probabilior videtur, quæ igni soli hunc adscribit effectum. Est namque hujus auræ flumen, quod per spongiosum fundum tophaceum tranat (§. IV, *B*), adeo constans & continuum, ut potius igni, qua magnam partem suppressio, calcareumque lente perurenti, conveniat, quam acido vitrioli saturanti, quippe quod superficiem primo adgreditur, & hac in gypsum mutata sibi ipsi ad interiores particulas aditum obturat. Cretæ frusto hoc evidenter monstratur, si acido vitrioli immergitur, etenim crusta tantum exterior gypseam acquirit indolem, manente nucleo cretaceo. Via igitur saturationis effluxui continuo impar esse videtur (Cfr. §. XI, *C*). Aër atmosphæricus determinatam acidi aërei portionem suscipit, illa tamen longe inferiorem, quæ vitæ minatur, & hinc ejusdem acidi vestigia tam intra cavernam, quam extra in portæ vicinia, aqua calcis facile deteguntur, quum autem plus emanet, quam cito hoc medio absorberi queat, semper ad fundum stratum remanet, quod mero constat acido aëreo.

CETERUM tales scrobes in Vesuvio, Ætna & alibi reperiuntur: inter rudera Herculanei, Pompejorumque loca occurrunt, eandem exhalantia noxiam auram, quæ in Italia *Mofseta* vocatur, idque interdum æque constanter ac in caverna canis. Nemo ignis deli-

tescentis adeo diutinam operationem impossibilem credat. Magnum vel primum Solfataræ incendium omnes ignorant annales, sed nihilo minus saltem per 1800 annos heic ignis emicuit, nam talis fere a STRABONE sub nomine *Fori Vulcani* describitur *i)*, qualis hodie invenitur. Eruptio tamen anno 1198 accidit. Pabuli indoles, quantitas & situs, aërisque modicus accessus, hunc moderantur effectum.

E vetusta Vesuvii lava, præsertim anni 1631, mephitici vapores similiter non numquam emanant, immo etiam e lavæ cavitatibus, sub ipso sine dubio effluxu irretiti inclusique, etenim heic nulli constantes oriuntur fontes, sed post apertionem cito vacuefacti. Hos quoque aqua captat, ut ex sequentibus patebit (§. XII).

C) Sal marinus in voragine Vesuvii sæpe adfixus reperitur, itemque e lavæ fissuris post aliquot menses efflorescit. Hic præter fusionem vix ullam subiit mutationem. Plurisque sal ammoniacus audit, sed per errorem, nam raro & parce hunc immixtum continet, qui sæpe centesimam tantum ponderis partem efficit, & non numquam omnino desideratur.

NUM ortum debeat muriæ strato, an vero aquæ marinæ subinde penetranti, dum montis

i) Forum Vulcani circumquaque inclusus superciliis ignitis, quæ passim tamquam e caminis incendium magno cum fremitu exspirant: campus sulphure tractili est plenus. Libr. V.

tis radices motu quasi convulsivo quassantur, in medio relinquitur, posterius tamen ad fidem pronius esse videtur.

D) *Sal ammoniacus*, quamvis rarius, in pluribus tamen montibus ignivomis reperitur. E Vesuvii camino egregias glebas habeo, & ad Solfataram quædam foramina eundem salem in vapores resolutum eructant, adeo ut frustis vasorum fictilium superimpositis, quibus adfigitur, facillime colligi queat. Quod alkali volatile contineat mox in sensus cadit, dum portiuncula humectata cum alkali fixo caustico in mortario vitreo teritur, nam penetrantissimus ejusdem vapor nares oculosque ferit. Ut vero penitus hujus salis indolem cognoscerem, quonam nempe acido gaudeat, vitriolico an marino, alia institui tentamina. Vesuvianus albidus est, & fere instar pumicis exesus, odoris jam expers, sapore vero salis ammoniaci vulgaris præditus. Solutioni, aqua destillata factæ, instillavi aquam calce salita onustam, sed hinc claritas non turbata fuit, quod tamen accidit, dum adest alkali volatile vitriolatum, alias salis ammoniaci secreti nomine insignitum, etenim mediante duplici attractione principia commutantur, & gypsum ortum defectu sufficientis aquæ statim secernitur fundumque petit. Hinc itaque concludere licet, salem illum ammoniacalem acido marino dotatum esse, sed ut etiam debilissima vitrioli inquinamenta expiscarer, alii portioni
ali-

aliquot guttas terræ ponderosæ, acido salis solutæ, addidi, quæ initio nullam efficiebant congrumationem, paucis vero minutis præterlapsis, levis nubecula in conspectum venit, miasma indicans *k*). Mirari tamen convenit, quod hoc sit perquam exiguum, quum acidum vitrioli phlogisticatum frequens disseminetur, saltim in quodam incendiæ stadio. Ponamus crustam ammoniacalem eo imbutam, ex attractionis quidem legibus patet, illud nihil valere ad expellendum acidum marinum, quamdiu phlogisto nuptum est, at hoc variis modis facile dissipatur, quo factò vires huic decompositioni necessarias recuperat acidum vitrioli. Novi equidem recentiorum nonnullos contendere salem ammoniacum vulcanium revera vitriolicum esse, & forte alicubi talis est, interim tamen specimina a me explorata hoc denegant, & hisce adquiescam oportet, donec meliora fuerim edoctus, quum experimentis, non nudis ratiociniis, naturæ mysteria detectum iri persuasus sim.

EODEM plane modo se habet, qui ad Solfataram colligitur sal ammoniacus, sed crudus flavescit a pulvere peregrino immixto, & quidem eo saturatius, quo laminæ fictili propius, adeo ut hic initio sublimationis magis abundasse videatur. Hujus salis crudi 100 partes in cucurbita sublimatæ in fundo reliquerunt 4 terræ albæ (§. IV, *D*). Quod in collo sublimatum erat, adhuc flavebat, sed
aqua

k) Opusc. Vol. I, pag. 100.

aqua solutum particulas tingentes demisit, quæ ochracea gaudebant indole, paucis tamen immixtis sulphureis.

UNDE ortum trahat sal modo descriptus alia est quæstio. Quæ mea est mens breviter explicabo. In expellendo acido salis ope argillæ, finem versus operationis quidquam salis ammoniaci surgere notum est. Non jam operosius inquiram de natalibus alkali volatilis: sufficit, quod in argilla adsit, &, five herbis, five animalculis putrefactis, five denique alii adscribatur causæ, heic perinde est. Quum autem ex antecedentibus eluceat, & argillaceum in officina Vulcani abundare (§§. III-V), & salis quoque marini nullam esse penuriam (mom. C), curni æque sal ammoniacus generabitur, ac in vase retorto per artem? Si præterea aqua marina subterraneum hocce Laboratorium intrat, adhuc nova aperitur scaturigo, quæ varias continet materias, in igne alkali volatile porrigentes.

ALII quidem sales, ut neutralis a Glaubero denominatus, gypsum, alumen & vitriolum, sæpe viæ siccæ ortum debent, sed quum etiam humida prodeant iidem, consultius mihi videtur de hisce simul in sequentibus agere (§. XII).

§. IX.

Producta viæ siccæ phlogistica.

A) QUOD Vulcani *petroleo* scateant diu fuit adfirmatum, immo etiam veteres ipsam la-

lavam bituminis nomine insigniverunt, quamvis recentiores, qui accuratius instituerunt scrutinium, in eadem nihil bituminosi detegere potuerint *l*). Lava quælibet pulverata & nitro fuso inspersa nullam exhibet detonationem; nec cocta fere ad siccitatem usque in acido nitri ita diluto, ut minime fumet, finem versus operationis ullos evomit vapores rubros; nec nigrorem amittit. Hinc itaque patet phlogisti in connexione oleosa nulla proflare indicia. Quod lava, crassos funes referens, chartam adfrictam pingui maculet, narrant nonnulli auctores *m*), sed hac facultate dotatam me numquam vidisse fateor, & ignis gradus, cui exposita fuit, tale inquinamentum denegare videtur.

CETERUM ad fidem pronum est, Naphtam, Petroleum, bituminososque liquores, quibus abundat Asia, plures harum materierum exhibens non tantum scaturigines, sed rivulos quoque, quibus etiam, parcius licet distributis, australis Europa non caret, probabile, inquam est, has pinguedines liquidas variis antea terris inhæsisse exsiccatas, & mediante calore subterraneo, si non semper, sæpe tamen fluiditatem recuperasse. Novimus ignem in alto haud raro agere, quamvis in superficie vix obscura ejusdem indicia investigare liceat: novimus præterea e sicco aluminari schisto petroleum extorqueri justo caloris gradu, cui arte exponitur.

QUID

l) Cel. FERBER.

m) D. FOUGEROUX, Mem. de l'Ac. de Paris 1766.

Quid de ligno fossili Islandiæ sentiendum sit, gnaro in loco natali contemplatori decidendum relinquimus. Interea, ut cum Vulcani operationibus nexum credamus, plures suadent rationes, quamvis hucusque modum ignoremus, quo situm, texturamque adquisiverunt hæc strata. Scilicet truncis arborum perquam crassis constant, quales in Islandia nullibi reperiuntur, & ne quidem hoc tempore crescere posse videntur. Hi situ horizontali in stratis multorum pedum crassitie congesti sunt & petroleo plus minus penetrati, non jam molli, sed optime indurato, a quo tam nigrorem, quam flammæ sub deflagratione qualitatem mutantur. Sed, quod in primis attentionem meretur, est truncorum in lamellas planas compressio. Ponamus truncum arboris cujusdam transversim sectum, hinc, uti notum est, figura oritur in orbem rediens circiter circularis, quæ omnia monstrat annotina incrementa, extimo propemodum parallela. Fingamus jam talem sectionem in tenuem laminam compressam, & veram habebimus ligni fossilis, de quo heic agitur, ideam, nam in magnis hujus materiæ frustis, transversim sectis, quemlibet annotinorum orbium visu persequi licet, ita plerumque coactum, ut duas lineas fere parallelas exhibeat, quarum extrema brevi fluxura sunt adunata. Quæ autem immanis requiritur vis, ut truncus cylindricus ita complanetur? Nonne antea particularum nexus putredinis quodam gradu fuerit relaxatus?

Cer.

Certe, nisi compages quodammodo mutetur, quodlibet pondus incumbens huic effectui erit impar. Ceterum idem observatur phænomenon in omni schisto argillaceo. Orthoceratitæ, qui in strato calcareo conicam figuram perfecte servant, in schisto planum fere triangulare compressione efficiunt. Idem valet de piscibus, conchis, insectisque petrefactis. Causa adhuc latet, sed in utroque casu sine dubio eadem est, & digna quæ explanetur. Observatu quoque dignum est, quod idem reperiatur effectus, quamvis stratum calcareum sub schisto collocatum sit & majori ideo pondere comprimente onustum.

LIGNI fossilis Islandici 100 partes post deflagrationem 42 carbonis, & hic calcinatus 2 tantum partes porrigit terræ ferrugineæ, quæ magnete attrahitur, qua partem acidis solvitur, & cum borace, sale microcosmico alkalique sodæ fusa, initio quamdam excitat effervescentiam.

B) In regionibus Vulcaniis *sulphur* occurrit, & non numquam copiose, verisimile tamen est, hoc, igne subterraneo, ab aliis materiis fuisse separatum, præsertim pyritaceis. In Islandia ad Myvatten & Krisevig strata occurrunt, quæ sulphure abundant (granulari crySTALLINO, plerumque infra terræ superficiem, unius alteriusve pedis distantia recondito. Hæc etiamnum calent, & quidquid uno anno alicubi incolarum industria aufertur, sequenti restitutum invenitur.

TER-

TERRAM Solfataræ albam antea consideravimus (§. IV, *D*). Huic haud raro sulphur adhæret, interdum perlucens, immo forma determinata octaëdrica dotatum. In Vesuvii faucibus multum sulphuris adeste narrant peregrinatores, & hæc adfertio nullo sane modo incredibilis est, ast fateri oportet, crustas lutescentes, quæ sub hoc nomine mitti solent, revera nihil aliud esse, quam reliquias lavæ effluentis, parietibus adhærentes, quæ postea acidi vitriolici phlogisticati vaporibus corroduntur & nigrore privantur, saltem tales accepi, quarum plures libræ, examine instituto, ne unicum quidem sulphuris granum præbuerunt.

Ut singula phænomena eo clarius explantur, sulphur investigetur oportet, quale in montibus ignivomis adest ante primum incendium. Pyritas in hisce officinis reperiri dudum observavimus (§. III, *F*), & quod hi caloris subterranei causam principalem contineant, conjectare licet (§. XVI). Ponamus vero jam insignem æstum genitum, hujus necessario in pyritas sanos effectus erit separatio sulphuris e compedibus metallicis, quod dein loca versus frigidiora in meatibus subterraneis propellitur, immo sæpe solum spongiosum penetrat, ut in Islandia, in Solfatara & alibi observatur, vel flores exhibens, vel in grana concreescens, non numquam paullum perlucida & crystallina. Vis sicca, & præsertim sublimando, crystalli o-

riuntur æque regulares, ac humida, quod in sequenti paragrapho fusius explicabitur.

FINGAMUS ulterius sulphur expulsum iterum calore torqueri, ubi primum sedes fixerat, varius prodibit effectus pro diversa ejusdem intensitate. Si gradum $+ 77$ in Thermometro suecano attingit, levissimum fumum edit, odore vix percipiendum, eoque continuato, vel parum aucto, in vapores lente resolvitur: gradu $+ 85$ funditur & $+ 150$ accenditur. Sub deflagratione pars phlogisti divellitur, residuum autem acido laxè adhærens peculiarem volatilitatem, penetrantissimum pungentemque odorem, sed simul qua attractiones miram eidem impertiens debilitatem. Si sulphur fustum denuo refrigeratione solidescit, quod sine dubio eidem massæ pluries accidere potest, hoc ipso momento in spicula formatur crystallina, quæ in superficie præsertim visibilia sunt, quum heic particulæ facilius suum exerceant nifum, onere aliarum incumbentium liberatæ. Dum ita condensatur in lapideis claustris, fortem sponte contrahit electricitatem, præsertim si convulsivis terræ motibus, vel alio quocumque modo, separatur massa a fundo, cui fusione adcrevit. Si igitur aliquando lava effluens electrica reperitur, quid impedit, quominus ex hoc fonte in illum derivata fuerit vis memorata? Si sæviente Vulcano in vicinia fulgura evibrantur, & virgæ ferreæ acuminatæ, vitreisque pedibus rite segregatæ,

tæ, electricæ evadunt, nonne hæc phænomena fumo, sulphuris electricitate onusto, merito adscribantur?

C) TANDEM materias, inflammabili principio plus minus abundantes, consideremus oportet, in *vapores* resolutas, quippe qui ex orificiis caminorum subterraneorum magna copia fereque continue eructantur, hæc Laboratoria e longinquo quasi digito indicantes. Sunt autem plurium generum. Sulphureos nuper memoravimus (mom. *B*), itemque ammoniacales (§. VIII, *D*) & acidos vitriolicos phlogisticatos (§. VIII, *A*), sed hi nec ea ubertate adsunt, nec ea gaudent indole, ut soli densissimis fumorum vorticibus procreandis sufficere videantur. In sequentibus evincere conabor petrolei præsentiam in ipso foco (§. XVI), quamvis ejusdem subdio nulla, vel saltem rarissima occurrant vestigia, & hujus, ni fallor, fumus, illius præcipuum corpus constituit, qui per voragines perpetuo quasi evolvitur. Acidum aëreum in obscuris horum montium mæandris dudum reperimus (§. VIII, *B*), quum autem hoc fumum cupide attrahat & condenset *n*), illa sine dubio fluida simul eructata non possunt non compagem coarctare.

CETERUM aurâ elastica, quæ nostro tempore aëris inflammabilis nomine nota est, calorisque materia, phlogisto adunata, constare videtur, ibidem vix desideratur, & quod

Q 2

hæc

n) Opusc. Vol. I, pag. 64.

hæc interdum sulphuris portiunculam fuscipiat, illaque gignat effluvia, quæ a fœtore vulgo hepatica vocantur, ex ipsa rei natura vero perquam est simile, & in sequentibus magis dilucidatur (§. XIII, B).

IN Vesuvio generatim duplex distinguitur fumus, albus nempe & niger. Prior serenam tempestatem & statum montis quodammodo pacatum comitari solet; ipsa quoque lavæ flumina talis circumdat. Niger instar vehementissimi turbinis e cratere per album ad insignem altitudinem ejicitur, non raro eruptionis præcursor. Color e diversa densitate & particularum radios luminis varios reflectendi facultate pendet. Hinc nocte fumus interdum uti nubes circa solis occasum tinctus apparet, immo qui die niger est, nocturno tempore ignitus conspicitur.

AST, uti vulgari dicitur proverbio, fumo proxima est flamma, quæ igitur causæ efficiunt, ut inflammabilium vaporum immanis quantitas plerumque fumos, raro flammæ constituat? Hoc primo intuitu haud immerito mirum videtur, præsertim, quum illa lux & claritas, quæ voraginum orificia interdum circumdat, nocturno in primis tempore, non semper e flammis oriatur, sed vel lapidibus, pulveri, aliisve discretis materiis, quæ ignitæ ejiciuntur, fontes salientes, arbores, pluvias, aliaque phænomena ignea mentientibus, vel lavæ effluenti candentique sit adscribenda. Adcuratiori tamen examine in-

sti-

stituto rationes facile eruuntur, quarum duæ principales heic sunt proponendæ. Scilicet 1:o flamma quidem in foco vigere potest, quamvis non semper orificium voraginis attingat, eodem modo ac in nostris caminis vulgaribus, ubi numquam flamma extremum tubi, fumum extrahentis, lambit, nisi ex accensa fuligine. 2:o Ignis subsistere nequit sine accessu aëris vitalis, qui raro quartam aëris vulgaris partem excedit, reliquæ tres solæ ignem suffocant, quod etiam valet de acido aëreo & vaporibus acidi vitriolici phlogisticati, in meatibus montium ignivomorum præsentibus. Quod aqua igni impedimenta objiciat cuilibet notum est: meteorica vero vel per apertas voragines descendit, vel per laxum transit solum. Quin marinam intro mittant inferiores mæandri, vel sensim parceque penetrantem occultas rimas, vel copiosius irruentem per canales, quassationibus subito apertos, phænomena vix in dubium vocare sinunt. Pluries & *Ætna*, & *Vesuvius*, & alii *Vulcani*, non tantum pluviam sparserunt, sed etiam ingentia flumina, *Nilo* comparata, eructarunt. Fuit hæc aqua salsa, & ejusdem ejectionem extraordinarii maris adjacentis motus comitati sunt, e quibus haud obscure judicare licet de nexu & exundationis causis o),

Q 3

Co-

- o) In descriptione Telluris physica ipsas observationes fusius exposui. Secundam ubique intelligo editionem, prima longe locupletio rem, præsertim in §. 149, ubi de *Vulcanis* agitur.

COLOR flammæ cæruleus sulphur indicare solet, sed Vulcani plerumque rubram efflant, plus minus albescentem, quæ variatio a particulis ad rubedinem tantum vel ad candescentiam usque ignitis sæpe pendet, ast interdum ipse fumus ardere videtur, quod sententiam de petrolei præsentia in foco quodammodo firmat. Alias aër inflammabilis ardens rubet, & acido aëreo inquinatus cærulescit.

§. X.

Producta viæ siccæ metallica.

Vix ullum metallum, quod sciam, completa dotatum indole, eliquatum præbent Vulcani, calcinata vero, exusta, scorificata vel mineralisata nonnulla porrigunt, quæ jam contemplabimur.

A) Ferrum, quod in telluris cortice ubique fere adest, pleraque Vulcania producta plus minus contaminat, ut in antecedentibus dudum indicavimus, & interdum quoque qua quantitatem determinavimus.

B) Cuprum lavam rarius inquinat, & inter specimina, quæ mihi ad manus sunt, reliquis præstat fructum lavæ spumosæ, a Vesuvio anno 1767 eructatæ, in loco a Celeb. Anatomiae Professore & Collega amicissimo A. MURRAY lectum, mihiq; donatum. Hoc rubedine gaudet, non rubiginosa, qualis a ferro oritur, sed cuprea, quam aduëtus oculus haud difficulter discernit. Plures in eodem con-

conspiciuntur maculae virides, partim colore saturato, partim diluto & albescente. Alkali volatile causticum materia rubente cito caerulefcit, & e centenario pulverato 15 libras extrahit. Viridis pulvis in igne mox nigrescit, ideoque post fusionem & ejectionem sub dio formatus est, alias qua indolem cum calce cupri viridi conveniens.

C) *Arsenicum* mineralifatum, quod rubrum est, vulgo Realgar audit. In voragine Vesuvii, in lava Solfataræ, & sine dubio in pluribus aliis Vulcanis tale sublimatum reperitur, partim amorphum, partim crystallinum, per-lucidum, prismaticum & sæpe utrimque apice terminatum. Apices maxime regulares duobus constant planis pentagonis, in formam cunei conniventibus. Hæ crystalli, quotquot vidi, longitudine prismatis lavæ aliisve adhærent corporibus. Quod via sicca particulae in vapores resolutæ determinatas suscipere queant figuras, dubio caret. Hæc unicum tantum exemplum adferre sufficiat, ex acervis pyritarum arsenicalium desumptum. In harum suprema parte sub ustulatione egregiæ haud raro concrefcunt crystalli, partim tetraëdricæ, partim octaëdricæ, quarum nonnullæ sæpe cavæ sunt. Color flavet vel rubet pro varia ingredientium proportione.

Quod ad Puteolanas attinet crystallos, harum compositionem via humida investigare tentavi. Scilicet aqua, uti dicitur, regis sub diutina digestionem e pulvere arsenicum ex-

trahit, adeo ut tandem in fundo sulphur solum remaneat. Prudenter vero heic agendum est, ne ab una parte quidquam menstruo auferendum, ejusdem vel inertia, vel insufficiente quantitate, intactum relinquatur, nec ab altera minuatur, quod integrum manere debet. Nimio æstu vel coctura, sulphuris quidquam destruitur, præsertim si acidum nitri forte adhibetur, quod adjuvante intensiore calore, phlogiston vitriolico eripere valet, adeo ut tandem posterius liberum prodeat.

Meo tentamini congruenter ratio sulphuris ad arsenicum heic est uti 1 ad 5.

D) FATEOR quoque me ea detentum fuisse opinione, quod etiam *Cobaltum* tribus memoratis metallis heic addere liceret. Mineram, quæ ad Tolfam effringitur & alumen præbet, Romanum vulgo dictum, igni subteraneo aliquando fuisse expositam multi credunt, & non quidem sine probabilitatis specie, sed illud, de quo jam in primis agetur, est color hujus salis roseus, illi omnino similis, qui ex cobalto cum acidis oritur. Quod alumen Brunsvicense mediante Cobalto Romanum mentiatur notum est. Mea autem conjectura multum evasit firmior, dum semel casu ex alumine Romano rubro, boraci indito, & ope tubi ferruminatorii in carbone fuso, vitrum obtinebam cæruleum, qui tamen color fusione pluries repetita tandem penitus evanescebat. Idem experimentum dein vel

vel centius institui, sed sine successu, adeoque solitarius effectus sine dubio a peregrino, fortuito immixto, derivandus videtur. Aliis quoque mediis conatus sum debilissima Cobalti, si adesset, vestigia detegere. Alumen Romanum notabiliori præditum rubedine seligi, quod aqua destillata susceptum & filtro perquam denso colatum, claram exhibuit solutionem roseam. Ex hac ope alkali fixi basin argillaceam tardissime dejeci, sed quamvis inæqualiter, omne tamen præcipitatum tinctum reperiabatur a principio ad finem, adeo ut vix perfecte, hac saltem via, separari queant tingens & tinctum. Sedimenti in igne candescentia cito perit color, qui etiam solis expositus radiis sensim debilitatur & tandem evanescit. Argilla hæcce rosea cum borace & nitro in crucibulo fusa non nisi viriditatem extricavit, sed alia portio cum nitro & arsenico similiter tractata puncta sparsa cærulescentia præbuit, ita vero diluta, ut vix discerni possent.

DEMONSTRAVI alibi luculentis experimentis, quod acidum falis cobaltum validius attrahat, quam vitriolicum *p*). Itaque, ut certius cognoscerem, utrum in alumine rubro quidquam adesset cobalti, nec ne, solutioni filtratæ roseæ falis marini portiunculam addidi, qua semper vitriolum cobalti atramentum præbet sympatheticum, cujus uti notum est, scriptura calore, vel rectius, siccitate

Q 5

per:

p) N. Aët. Upf. Vol. II, p. 245.

perfecta, viridis apparet, refrigeratione vero humectata fit invisibilis. Sed etiam hac via irrita fuit mea opera, adeo ut, si quæ insunt cobalti vestigia, hæc sint inperceptibilia oportet. Interea, si ferrum heic colorat, peculiari modo agat necesse est, etenim iusta phlogistici dosi munitum alioquin cum acido vitrioli virides exhibet crystallos, calcinatum autem ægre suscipitur hoc menstruo, solvitur tamen, licet parcius, & lixivium efficit ferrugineum, quod vix concrescit, nisi paulum alkali vel vegetabilis, vel volatilis accesserit, quo facto crystallos prodeunt albæ, alumini qua saporem haud dissimiles. D. A MORVEAU in gypso rubro ferri præsentiam ope aceti destillati detexit, quod ebulliendo portionem extrahit, cum alkali phlogificato sedimentum cæruleum exhibentem. Terram roseam Romano inhærentem eodem modo tentavi, & re vera cæruleum Berolinense obtinui, quod 1:o indicat colorem a ferro derivandum, & 2:o martiale peculiaris indolis, quod aceto & non aliis suscipitur acidis.

§. XI.

Terrestria vulcania via humida formata.

BREVITER examinatis, quæ Vulcano tribuuntur & sicco operandi modo provocantur, jam ad illa pervenimus producta, quibus formandis non solus sufficit ignis, sed simul necessaria est aqua. A terrestribus nostræ delineationi congruenter fiat initium.

IN

IN antecedentibus rationes allegavi (§. VI, B), quibus suffultus huc referre possem prismata basaltica, sed quum forsan adhuc dubia supersint, novis observationibus & experimentis ponderanda, inter ambigua eadem potius collocanda existimavi, usque dum omnis fuerit exemptus scrupulus.

AQUA haud raro terrestribus particulis adeo onusta reperitur, ut crustas deponat variæ indolis perquam notabiles, quarum præcipuæ calori, in sinu terræ operanti, sine omni dubio debentur. Qua indolem hæc generatim duplicis sunt differentiæ: pleræque calcaream produnt naturam, occurrunt tamen non numquam siliceæ, & has primum considerabimus. Quædam crustæ duas pluresve continent terras, & mixtæ appellari possunt.

A) *Silicea* patera quotidie generatur in Islandia ad Geyser, ubi mirando spectaculo fervidissima erumpit aqua. Aquea columna, quæ heic ejicitur, 19 pedum diametro gaudet, & sæpe ultra 90 pedum altitudinem attingit, adeoque ita obfuscatur omnes vel exquisitissima arte salientes, ut fidem fere excedat q). Lebes heic formatus qua figuram ingenti pateræ similis est, cujus diameter 60 pedes efficit & maxima profunditas 9. In medio fundi hæc canali adhæret aperto, cujus longitudo & anfractus non licet demetiri, diameter vero aperturæ 19 pedibus est æqualis.

HUJUS

q) Conf. D. D. A TROIL Epistolæ de Islandia.

Hujus crustæ albescentis superficies e tuberculis inæqualibus conglomerata videtur, adeo ut flores Brassicæ botrytios clausos quodammodo referat. Fractura perpendicularis plures monstrat lamellas curvas, sed sibi invicem parallelas & coalitas. Frustula tenuia paullum perlucet.

HÆC materia chemico subjecta examini omnibus acidis resistere invenitur, illo excepto, quod e fluoribus mineralibus elici potest. Sola ignis violentiæ minime cedit; addito sale microcosmico ægerrime parcissimeque solvitur, borace autem suscipitur, & adhuc melius alkali fixo, quod cum vehementi effervescencia anaticam proportionem in vitrum stabile commutat. Hæ proprietates terræ siliceæ unice competunt, sed quomodo hæc aquam subire potuit? Solubilitas omnis partim ab indole solventis, partim a menstruo pendet. Utriusque qualitates huc pertinentes examinemus, præsertim salium & aquæ respectu, qui casus propositam proxime elucidabunt quæstionem. Quo major aquam inter & salina corpora viget attractionis vis, eo etiam generatim uberior solutio, sed quum attractio semper sit fortior in ratione contactus, hinc quoque sequitur, ut dissolutionis successus multum debeat materiæ pulveratæ subtilitati. Grandiores igitur massæ haud raro intactæ, vel saltem lentissime corrosæ reperiuntur, quamvis earumdem minutissimus pulvis aquam perfecte subeat, & quæ
me-

mechanice huic operationi superficiem satis amplam acquirere nequeunt, nupera ex alio menstruo præcipitatione eidem non nunquam adaptantur, textura magis tenera & spongiosa. Sed, num in casu præsentis quidquam contribuat divisio incertum est, quid igitur valeat menstruum breviter inquiretur.

MENSTRUORUM solvendi vires calore incrementum notum est, immo aqua, olla Papini inclusa, eo adigi potest igne, ut ejusdem æstu fluat plumbum, quod tamen secundum Thermometrum suecanum ultra $+300$ gradus requirit. Itaque, quamvis in aëre aperto ebulliens, ubi $+180$ tantum gradus recipere potest, silicem vel subtilissime divisum nullo plane modo adgredi videatur, hoc tamen non impedit, quo minus majore calore illum solvat, qui determinata figura, claritate, heterogeneis inclusis, aliisque criteriis haud obscure dignoscitur tamquam crystallisatione olim genitus & salibus analogus. Dum aqua in gremio terræ ignis subterranei vehementia torquetur, & simul crassissimis, densissimisque lapideis stratis coercetur, effectus non potest non ollæ Papinianæ facultatem multum superare. Quem præcise gradum aqua ad Geyser saliens possideat in abyssu, divinari nequit, etenim primo per longos frigidioresque canales propellitur, dein diffuso volumine adscendendo aëreum scindit stratum, 100 fere pedum crassitie, idemque iterum descendendo peragrat. Interea non potest non insignis caloris copia abire, at, hac non obstante jactura, thermometro

explorata primo, quo accessum permittit aqua decedens, momento, adhuc ebullitionis fervore, hoc est + 100 graduum dotata reperitur. Sed ita diminutus æstus solutioni minime sufficit, ideoque hac refrigeratione subito demittitur filiceum antea suspensum, quod confuse coalescendo pateram descriptam cum suo canali finxit, & quotidie auget in solo proxime exitum ambiente. Lamellarum, quæ in fractura facile distinguuntur, forte quælibet vel ditiores aquam, vel insigniorem ejusdem saltationem indicat. In vicinia quoque varia corpora crusta filicea obducta inveniuntur, & folia, dein putrescendo destructa, suas eleganter expressas imagines exhibent. Singulæ particulæ per se filiceam produnt duritiem, earundem tamen nexus ea non gaudet firmitate, ut ad chalybem scintillet crusta, considerata instar talis lapidis arenarii, cujus particulæ fere inpalpabiles sunt & laxè cohærent. Causa hujus texturæ haud difficulter perspicitur, subitanea nempe cujusvis grani coagulatio & horum ideo cum sequentibus imperfecta concresecencia. Hinc etiam figuræ desiderantur crystallinæ & hisce conveniens claritas.

Hoc igitur lebetè perquam notabili egregie confirmatur sententia, quam alibi de salina quarundam terrarum indole proposui ^{r)}, &

r) Dissertation sur les terres geoniques, qui a remporté le prix, au jugement de la Société Roy. des sciences de Montpellier, l'an 1773.

& generatim discimus, non illa omnia, quæ in Laboratoriis nostris aquæ adunari nequeunt, ideo in officina naturæ semper insolubilia esse.

B) Zeolithos via humida formatos esse antea evicimus (§. VII, *E*), & si alicubi instar prolis vulcaniæ considerari debent, huc certe referendi sunt. Eorum in vicinia montium quorundam ignivomorum frequentia hanc suspensionem suggerit, & quod hæc interdum saltem sit fundata, luculento jam demonstrabitur documento. Scilicet aqua, ad Laugarnæs in Islandia saliens, nullam sibi format pateram, defectu sine dubio materiæ, huic scopo aptæ, sed in limo ad fundum rivuli, qui expulsam devehit, crustæ reperiuntur concretæ, quarum superficies nitidis, sed perquam exiguis crySTALLIS est ornata. Tam crustæ, quam crySTALLINA grana eisdem inhærentia, examini subjecta, perfecte zeolithicam produnt naturam. Nonne igitur hinc evidenter pateat, zeolithicam materiem aqua fervidissima fuisse solutam, & hanc in alveola demum ita refrixisse, ut ejusdem retinendi sit impar, unde primum solidiora adglomerantur plana copiosiori depositione, particulis autem residui parciore, quæ tardius separantur, longior mora magis regularem, earumdemque nisui congruentem ordinationem permittit.

C) Calcareæ aëratæ in aquis vulgaribus rarissime desiderantur, unde aheni pro potu theæ

theæ sub decoctione sæpe intus vestiuntur, sed quum hæ exiguam tantum quantitatem vehant, ab acido aëreo, quod omnibus aquis parcius vel uberius inhæret, solutam & a calore subterraneo minime derivandam, illas tamquam huc non pertinentes missas facimus, alias quæsituri, quæ ope ignis majori copia gravidari videntur. Tales in pluribus locis sunt obviæ, sed præcipuis merito adnumeramus *Thermas Carolinas* in *Bohemia* erumpentes, quarum ideo producta lapidea attentius contemplari decet. Ferventissima, quæ heic occurrit scaturigo, *Sprudel* nuncupatur, & varia monstrat phænomena admiratione scrutinioque dignissima. Ejusdem aqua, vase magno suscepta, refrigeratione & quiete album secernit pulvisculum, instar cremoris natantem. Quælibet corpora, fervidæ diutius immersa aquæ, crusta obducuntur lapidea, cujus quotidie augetur crassities, prætereaque in vicinia variæ generantur concretiones, compactæ vel spongiosæ, albæ, flavæ, ferrugineæ, fuscæ, immo etiam nigræ, plerumque variegatæ s). Horum productorum in Museo obvia specimina diligenter examinavi, ut internas cognoscerem qualitates, quæ mihi in primis curæ heic cordique sunt. Experimenta primum memorabo cum frusto denso instituta, quod secatum politumque pulcherrimum refert marmor. Fractura tenuia

s) Hæ variationes fusius descriptæ inveniuntur a D. D. BECHER in opere germanico de *Thermis Carolinis*.

nuia monstrat strata, sibi invicem per omnes flexus parallela, diversaque ex rubro fusci coloris intensitate facile discernenda, quorum tamen nonnulla etiam omnino alba sunt: ubique transversim striata reperiuntur, haud aliter ac filis, respectu stratorum ad perpendiculum erectis, coalita. Hæc materia acidofalis tota solvitur cum vehementi effervescentia, sub qua operatione ponderis $\frac{34}{100}$ amittit, expulso adscribendæ fluido elastico, quod collectum exploratumque singulas prodit acidi ærei qualitates. Menstruum saturatum flavum induebat colorem, cujus origo mox in oculos cadit, instillata unica lixivii sanguinis ulti gutta, quippe qua cæruleum Berolinense procreatur. Ferrum tamen heic parce adest, ejusdem enim quantitas, e pondere sedimenti cærulei æstimata, vix $\frac{2}{100}$ attingit.

ACIDUM sacchari pulverem album mox dejicit, & vitriolicum additum sine mora gypsum provocat. Alkali volatile causticum non nisi terræ martialis levem contrahit nubeculam. Itaque hic lapis præter calcem aëratam non nisi exiguum martiale inquinamentum continet. Idem reliqua confirmant acida. Nitrosum, æque ac muriaticum, violenter illum adgreditur, sed prius portiunculam pulveris ochracei intactam relinquit, suæ naturæ convenienter, notum enim est, ferrum phlogisto spoliatum hoc menstruo vix suscipi: vitriolicum ex eodem gypsum conficit, quod qua maximam partem in fundo

restat, quum aqua parum ultra $\frac{1}{400}$ sui ponderis solvere queat.

QUÆ attuli momenta pro stabilienda hujus materiei indole calcarea sufficere videntur, interim tamen, quæ de hisce agunt thermis descriptiones optimæ, aliam proponunt sententiam, nostri lapidis habitu in igne sine dubio innixam, quem ideo attenti consideremus oportet. Repetita memet docuerunt tentamina, quod lapidea, de qua agitur, crusta, sufficienti tempore candens $\frac{45}{100}$ ponderis circiter amittat, æque ac aliæ terræ calcareæ puriores. Ut conclusio obtineatur certa, prudenter in vase clauso igni exponatur, nam vehementi decrepitatione alias plures disseminari possunt particulæ. Peracta uestione peculiarem plerumque prodit indolem, etenim raro in aqua ullum excitat calorem, quocumque demum modo & gradu instituta fuerit operatio: aquam calcis nihilo minus exhibet, sed tarde & solvitur & fatiscit. Incalescentiam calcis vivæ cum aqua alibi explicavi *t*), sed idem paullo curatius heic repetere juvat. Ponamus itaque cretæ vulgaris frustulum vehementi expositum igni, per aliquot horas continuato, eo sensim dimidium fere ponderis dissipari comperimus, quod, teste experientia, aquæ, in primis autem acido aëreo, expulsi debetur. Calcareum hisce spoliatum nihil aliud in foco reperit, in quod suam exerceat attractionem, quam caloris materiam, illud permeantem, & hac ideo,

ut

*) Opusc. Vol. I, pag. 26.

ut fert occasio, quodammodo suam temperat
famem (sit venia metaphoræ). Refrigeratione
in loco sicco consummata unciae aquæ frigidaë
immergatur cretæ ustæ centenarius docima-
sticus, & quæ modo nullum aliud, nec tactu,
nec thermometro prodebat caloris gradum,
quàm quo gaudebat ambiens atmosphæra,
mox hydrargyrum thermometri per 8 cir-
citer gradus expandet. Scilicet caloris ma-
teria alii corpori mediante attractione adu-
nata, qua specificas proprietates quasi liga-
tur, haud aliter ac acidum alkali saturatum
nec sapore, nec reactione cognoscitur; ast
rupto vinculo in nostro casu ope aquæ, quam
calcareum fortius appetit, illius portio libe-
ratur & pro sua quantitate viciniae tempe-
raturam auget. Hinc facile intelligitur, cur
aqua igne exustam, & defectu dimidii pon-
deris maxime spongiosam, cretam repente
penetret, eodemque fere momento, mediante
calore relaxato in vapores subito resoluta,
ejusdem massam inflat & in minutissimum
diffringat pulverem. Sed aqua sola calcis
attractionem totam quantam pacare nequit,
ideoque non omnis ea expellitur calor liga-
tus, etenim hæc nuper extincta & acido ni-
tri immersa æstum ultra sedecies majorem,
vel adcuratius, gradibus 132 respondentem,
compedibus liberatum promit. Ceterum calx
sibi ipsi relicta aëri exposita ex atmosphæra
sensim recipit & aquam & acidum aëreum,
adeo ut tandem eandem nanciscatur indol-
em, quam ustione amiserat. Hæc momenta,

me quidem iudicē, phænomena calcis cognita simplici & plano modo explicant, quæ alias vix extricari possunt, jam vero novum prodibit, cujus ratio hætenus mihi obscura est. Diu nempe observavi cretam, vel quamlibet calcem aëratam, justo diutius ustam, cum aqua incallescendi facultatem penitus amittere, & hanc, quæ mortua vocari potest, eandem ægre recuperare, quamvis extortas recipiat aquæ acidique aërei quantitates, quas ante primam tenebat ustionem. Parvis frustulis tentamina instituantur oportet, quippe quæ facilius ad incitas rediguntur. Videmus igitur quamlibet calcem aëratam per artem illa indui posse indole, quam Carolina per naturam adquisivit.

SUB ipsa ustione valde contrahitur volumen, sine dubio ex diminuta materia, cujus fere dimidium in auras abigitur. Num igitur pori ita tandem coarctentur, ut aquam tardissime intromittant, unde calor attractione inhærens non simul, sed per insensibiles gradus expellitur? Sed, si ita, non video, curni calx nimium usta, ast dein iusta aquæ acidique aërei dosi restituta, solitam incallescendi facultatem modica ustione adquirat. Elater quidem semel nimis tensus pristina flexibilitate privatur, hoc autem a tali mechanismo pendet, qualis in nostro casu vix locum habere potest. Quod plures molecule calcareæ ignis diutini intensitate, in primis subito adhibita, fusionis fere more in
am-

ambitu coalescere incipiant, ad fidem est pronissimum. Particulæ itaque sanæ partim inclusæ reperiuntur, partim inter concretas raræ dispersæ. Hinc calx quidem mortua in aqua solvitur, itemque fatiscit, sed lente & parce, unde calor adeo tarde nascitur, ut facili distributione fiat insensibilis. Acida mineralia eam quoque suscipiunt, & quod probe notandum est, cum incallescunt, at gradu testudineo: prius caloris portionem re vera ligatam evincit, & posterius ex interna quiete totius massæ pendet. Scilicet omnis solutio motu acceleratur, qui præsentē acido aëreo sub ejusdem expulsiōe & enatatione per omnes particulas extenditur: hinc calx & magnesia rite calcinatæ in acidis jacent immobiles & quasi intactæ per plures horas, quæ aëratæ totidem minutis cum vehemēti effervescentia, sed cum exigua tantum incallescunt, cito & penitus disparent. Aquæ mensura, acido vitriolico forti ejusdem voluminis prudenter & paullatim adfusa, per horas distincta monstrant strata, immo sine quassatione homogēneam miscelam non efficiunt nisi pluribus nyctemeris, quod abunde indicat, quanti sit momenti in solutionibus massæ intestinū motus.

ALLATA valent de crustis calcareæ indolis, antea descriptis, quæ igne subterraneo talem suscepisse videntur condensationem, vel aliam mutationem, ut, etiam post recuperatum acidum aëreum, igne tortæ non nisi

segniter in aqua exstinguantur. Jam ad alias crustas, quæ scaturigini propius deponuntur, & a præcedentibus ferro uberiore plus minus discrepant, cui compositioni etiam proprietates consentiunt.

AQUA erumpens non tantum terram calcaream, sed etiam martialem ope acidi aërei in sinu fovet. Quælibet libra harum connumeratarum circiter $3\frac{1}{2}$ grana continet *u)*, quod saturationi frigidæ etiam fere convenit, invenimus enim eam calcis suscipere sui ponderis

$\frac{1}{1500}$ *v)*, & ferri levissime calcinati $\frac{1}{10500}$ *x)*.

En calculum. Libra Vindebonensis medica

granis constat 5760, sed $\frac{5760}{3\frac{1}{2}} = 1646$, id-

coque $\frac{1}{1646} = \frac{1312}{1312 \times 1646} = \frac{1312}{2159552}$,

& $\frac{1}{1500} + \frac{1}{10500} = \frac{8}{10500} = \frac{1646}{2159552}$.

Minore itaque numero a majori subtracto restat

$1646 - 1312 = 334$
 $\frac{334}{2159552} = \frac{1}{6465}$, quæ perquam

exigua differentia, granum non attingens, merito negligitur, præsertim quum terrestris quantitas, ab eodem separata aquæ pondere, paullum variet, sive hoc eveniat errore in experiendo vix evitabili, sive reali inæqualitate.

QUIN

u) BECHER l. c.

v) Opusc. Vol. I, pag. 26.

x) Ibid. pag. 34.

QUIN acidum adsit aëreum in hisce thermis, quæ, dum e terra erumpunt, calorem fere 60 graduum possident, nullum est dubium, etenim non tantum in singulis fontibus, & latices, & auræ ambientes genuina criteria, sapore, aqua calcis, heliotropio, suffocatione, ceterisque detegenda modis, exhibent, sed etiam in tota late patente vicinia pluribus locis mephitici emanant vapores, qui, ubi aquas penetrant meteoricas, in cavitatibus collectas, easdem acidularum grato sapore inficiunt. Præterea, si aqua aërata frigida in vase aperto subtile suum acidum cito amittit, hoc non potest non longeocius evenire fervidæ thermalis, quæ etiam, teste experientia, sola refrigeratione principali virtute & efficacia spoliatur. Acidi aërei volatilitas insigni calore valde increfcit, arctissimis igitur claustris opus fuit, ut in conubio aquæ permaneret. Hujus menstrui in aëre velox abitus simul martialem calcareamque terras derelictas deturbat, & quidem copiosius ferruginosam ob debiliorem attractionem. Itaque crustæ quotidie genitæ, eo, ceteris paribus, ferri ditiores & saturatius badiæ sunt, quo scaturigini propius depositæ. Pisolithos sicco, ut ajunt, pede prætereo, quum eorundem genesis a dudum explicatis causis, dependeat, at qua formam a mechanismo ab aliis antea feliciter investigato y).

R 4

IN

y) Conf. D. BECHERI laudatum Opus.

IN præcedentibus acidum aëreum, in locis subterraneis liberum, e lapide calcareo usto non numquam derivandum esse suspicatus sum (§. VIII, B), & hæc conjectura jam non parum firmatur phænomenis ad thermas Carolinas obviis. Crustarum nempe calcarearum pleræque, quas examini subjeci, eam omnino indolem exhibent, qua gaudent quævis calcarea semel nimis usta, vel, ut antea vocavimus, mortua, quamvis postea aqua acidoque aëreo fuerint saturata. Tales etiam inter illas occurrunt, quæ ad cataram Tiburtinam depositæ inveniuntur.

§. XII.

Producta viæ humidæ salina.

A) *Acidum aëreum* ut igne expulsum ad viam siccam pertinet, memoravimus tamen antea simul propter nexum humidam, qua, vi validioris attractionis, acidum vitrioli illud, in calcareo & magnesia, nec non alkali minerali contentum expellit vel libertate donat. Restat heic expendendum, annon etiam salium mediorum decompositione oriri queant vapores mephitici, itemque pro re nata non numquam subtiliores acidulæ? Et ne extra cancellos nimium exspatiar, vitriolum ferri nativum præsertim considerandum existimo, quippe quod, si non semper, sæpe tamen cum calore subterraneo gignitur.

VITRIOLI martialis crySTALLINI centenarius continet circiter 38 libras aquæ, acidi vitriolici

olici ficci 39, ferrique 23, & aqua destillata hujus in calore medio suscipit sui ponderis $\frac{1}{6}$, hoc est, 100 libræ solvunt fere 17, quæ 6,63 acidi vitriolici in sinu foveant. Ponamus, jam ita oneratam suo cursu attingere alkali minerale plene aëratum. Quum itaque in alkali minerali aërato 16 acidi aërei saturarent 20 alkalini caustici, & acidi vitriolici 27 in alkali minerali vitriolato, suscipiant ejusdem alkalini 15 z), hinc haud difficulter elicitur, 6,63 acidi vitriolici, quæ in nostro casu adsunt, ad saturitatem requirere 3,68 alkalini mineralis puri. Sed hæc 3,68 non egent nisi 2,94 acidi aërei partibus. Dum igitur 17 vitrioli martis crystallini alkali minerali aërato decomponuntur, acidi aërei 2,94 liberantur, quarum aqua nostra, 100 libris ex hypothese pondere æquivalens, vix ultra $\frac{18}{100}$ retinere potest a), adeo ut $2,94 - 0,18 = 2,76$ supersint, quæ fluidi elastici formam retinent.

SIMILI calculo æstimatur effectus, qui a calcareo lapide provocatur. Scilicet 6,63 acidi vitriolici partes suscipiunt calcarei puri 4,61, simul expellentes 2,85 acidi aërei, eisdem unitas, ideoque $2,85 - 0,18 = 2,67$ vaporum mephiticorum pondus indicant.

TESTE experientia magnesia quoque aërata in terræ gremio occurrit, in quam si offendant aqua nostra vitriolica mox sequenti modo

R 5

de-

z) Opusc. Vol. I, pag. 19, 133

a) Ibid. pag. 261.

decompositio perficitur. Acidi vitriolici 6,63 partes arripiunt magnesiæ puræ 3,80, quæ sub hac operatione acidi aërei 2,11 mittunt. Itaque $2,11 - 0,18 = 1,93$ pondus acidi aërei, post aquæ saturationem superstitis, exprimunt. Plura alibi pensitavi momenta, quæ hanc materiem illustrant *b*).

PONDERA acidi aërei liberi reperta, quæ aquæ, 17 vitrioli viridis libris satiata, debentur, facile qua volumina determinantur, quum generatim hujus acidi elastici pollex cubicus in calore medio dimidium circiter granum pondere efficiat. Hinc patet 2,76 libr. = 21197 poll. cubicis geom., 2,67 libr. = 20506 poll. & $1,93 = 14822$ p. c.

Ex allatis factis constare spero solum martiale vitriolum, quod calore & aqua in abyssoprocreatur, non tantum multis in vicinia scaturiginibus aërandis sufficere, ubi venæ aëratas transeunt materias, sed etiam sæpe insignem superesse vaporum mephiticorum copiam, cui si additur, quod igne solo, quod acido vitrioli libero expellitur, quod denique destructionibus spontaneis expromitur, non mirabimur acidi aërei in terræ visceribus abundantiam. Ceterum hoc sinuosis mæandris longe lateque a prima deduci potest origine, adeo ut exitus non raro fiat, ubi nulla umquam alia innotuerunt subterranei ignis vestigia.

B)

B) *Alkali minerale* in regionibus, quæ Vulcani expositæ fuerunt, furori, aquas sæpe contaminare, fidis observationibus comperitum est, quem vero hoc alkali cum horrendis hisce operationibus habeat nexum, nondum satis explicatum fuit. Muria quidem igne solo in nostris Laboratoriis non decomponitur, sed addita argilla quidquam acidi fugari notum est. Quod argillaceum in foci vulcanii vicinia adsit una cum muria in antecedentibus sufficienter demonstratur (§§. III-V; VIII, C). Præterea in Asia & Africa, ubi copiose occurrit hoc alkali, semper cum muria commixtum reperitur, idque ita, ut in superficie parum vel nihil hujus inquinamenti præbeat, sed quo profundius penetramus, eo etiam fiat uberius. Hinc perquam probabile videtur, salem muriaticum atmosphæræ vicissitudinibus continuis, sub longa annorum serie tortum, tandem suum mittere acidum, quæ tamen operatio eo longius requirit tempus, quo altius materia mutanda est sepulta. Si hæc conjectura veritatis quadam specie sit commendabilis, præsertim quum actio diutina, licet debilior, sæpe efficiat, quod multo fortior, sed cito transiens, non valet, curni ignis nostro longe pertinacior idem præstabit in terræ visceribus? Adcuratæ observationes & idonea experimenta hunc gordium aliquando solvent, jam nonnulla tantum addam momenta, quamvis non plenam scenerent lucem nostro proposito.

NOTAMUS itaque primum, quod alkali nativum interdum imperfectum apparuerit quibusdam auctoribus, nam & ægre in crystallos redigi, & debilius terras deturbare, & cum acidis sales exhibere neutrales, ab iis quodammodo diversos, qui perfecto procreantur, adseverant. Acidum vitrioli cum hoc alkali, mediante aqua destillata soluto filtratoque copulatum, salem exhibet Glauberiano quidem similem, sed non ex asse convenientem, idemque valet de eodem acidis nitri, muriæ & aceti destillati adunato. Hæc differentia ex heterogeneis pertinaciter eidem adhærentibus derivanda videtur, novimus enim tribus pluribusve materiis adeo interdum arctum generari nexum, ut methodis consuetis separationem respuant *c*). Ceterum heic vim ferri memorasse juvabit. Hoc namque metallum solutione muriæ illitum, post aliquod tempus basin alkalinam liberam promit, pruinae instar efflorescentem. Sed hoc factum non dum qua causam mihi perscrutari licuit, interea hinc medium innotescit, quo muria decomponitur, quod sine dubio in Naturæ officina non est solitarium, & alio tempore idoneis experimentis magis illustratum proditurum spero.

C) Alkali minevale vitriolatum Vulcani interdum opera constituitur, idque triplici via, vel enim acidum vitrioli liberum aliquando al-

c) D. GIOANNETTI hoc alkali imperfectum nihil aliud esse urget, quam calcis & muriæ miscelam.

alkali minerale viduum offendit, quod tum ad saturitatem adgreditur; vel idem acidum phlogisticatum muriam adtingens, sensim dissipato, quo debilitatur, phlogisto, tandem muriaticum exterminat, basin arripiens eidem antea unitam; vel denique vitriolum martis, muriæ immixtum igneque adjutum, eam decomponit.

D) *Gypsum* quoque interdum soboli vulcaniæ adnumerari debet, & quidem variis modis. Acidum vitrioli liberum obviam adgreditur calcem, quod etiam vitriolum martiale aqua solutum præstat. Si argilla, acido vitrioli libero saturata, dein calcem attingit, mox secedit acidum novam eligens basin, quod itidem accidit cum magnesiâ vitriolata, sed, quod notatu dignum est, in eo tantum casu, quo calci occurrit ustæ: calx namque aërata magnesiâ vitriolatam nullo modo turbat, quod alibi dudum adnotavi d).

E) *Magnesiâ vitriolata* acido vitrioli libero directe oriri potest, itemque ope magnesiæ, alumen vel vitriolum decomponentis.

F) *Alumen* non tantum acido vitrioli libero, argillacea obvia corrode, in terræ sinu sponte procreatur, uti antea explicavi (§. IV, D), & arte quoque ad Solfataram quotannis adaugetur, sed etiam vitrioli decompositione, etenim licet ferrum parum dephlogisticatum argillæ eripiat acidum ex-

ce-

cedens *e*), hæc tamen attractione prævalet, si metallum inflammabili valde fuerit pauperatum *f*). Præterea pyrites sæpe argillæ quidquam continet, quo sub fatifcentia alumen generatur.

MINERAM, quæ ad Tolfam in Patrimonio Petri, pro excoquendo alumine effringitur, heic quoque considerare decet, quum non sine magna probabilitatis specie igni aliquando exposita credatur. In pulverem comminuta & aqua destillata per coctionem elixata vix aliud præbet, quam acidi vitriolici vestigia, adeo tamen debilia, ut Heliotropio ægre investigentur, terra autem ponderosa evadunt magis conspicua. Et sane multum acidi continere nequit, ponatur enim minera hæcce sui ponderis porrigere $\frac{1}{50}$ aluminis, quod tamen in officina Centumcellensi numquam præstat *g*), erit integri centenarii proventus 2 librarum, a quo præterea generatim subtrahendæ sunt $\frac{5}{100}$, terrestræ nimirum superfluum, quod soli inhæret semel tantum crystallifato. Quum itaque in alumine crystallino $\frac{38}{100}$ sint acidæ, facile invenitur in centenario mineræ, quæ hujus $1\frac{2}{10}$ libr. continet, acidum non nisi $\frac{72}{100}$ libræ efficere. In alkali sodæ sub fusione subito effervescent mineræ mica, in cochleari ope tubi ferruminatorii explorata, non tamen dividitur: globulus rubescit. Cum borace effervescent fere

e) Attract. Elect.

f) Opusc. Vol. I, pag. 330.

g) FOUGEROUX, Mem. de l'Ac. de Paris 1766.

fere uti calx & tandem solvitur. Cum sale microcosmico etiam effervescit initio, sed dein tardius, at ultimo perfecte evanescit: globulus nimio oneratus semel cæruleo tinctus fuit, uti antea memoravi (§. X, D). Habitus jam descriptus satis indicat, hanc mineram constare argilla indurata, filiceo parum contaminata, cui inhæret pauxillum aluminis, adeo tamen arcte aliis particulis involuti, ut prius aqua extrahi nequeat, quam igne paulum intumuerit, & aquæ adfusione effloruerit. Notum est, quod alumen ustione abeat in massam spongiosam, & hæc tam in borace, quam sale microcosmico, ita effervescit sub fusione, ut calcem fere mentiatur, ejus licet nihil contineat.

MINERÆ Tolfensis pulveratæ centenarius sub fornice furni docimastici vehementer ustus sulphur spiravit & 43 circiter ponderis libras amisit. Residuæ 57 continebant 35 argillacei & 22 filicei. Quod volatile, igne dissipatum, sit verum sulphur D. MONNET detexit. Hæc itaque minera aluminis eo differt a vulgaribus, quod heic sulphur insit nudum, in illis autem cum ferro conjunctum, hoc est pyritaceum, at in utroque casu igne idoneo decomponendum, adeo ut acidum argillam adgrediendo alumen formet. Hinc etiam elucet cur Tolfensis alumen porrigat sine immixto vitriolo, quod mineræ vulgares semper immiscent. Aluminis quidem Romani rubor ferro debetur, sed in peculiari statu heic metallicum occurrit.

HISCE perpensis nihil obſtare videtur, quo minus ad Tolſam argillacea maſſa olim fuerit Vulcani opera & imbura ſulphure, ut terra alba Solſataræ (§. IV, D), & indurata ſubterraneo æſtu. Num alia ſuperſint hujus operationis certa indicia, judicent, qui hæc loca, qua decet attentione, perluftrant. Alkali vegetabile vitriolatum, quod alumen Romanum inquinat, cineribus ſub uſtione immixtis adſcribendum videretur, ſed in ipſa quoque minera occurrit: num ab arboribus in hoc tractu forte olim creſcentibus & concrematis, dum ignis heic ſæviebat ſubterraneus, derivandum ſit?

G) *Vitriolum Martis* raro directe generatur menſtruo libero, quum vix occurrat appropriatum metallum in forma ſolutioni apta, ſed e pyrite omne nativum oritur. Scilicet fugatur per ignem ſulphureum, ſed reſte experientia ita, ut fere ſemper quod expellitur phlogiſto abundet, odore facile dignoſcendum, unde etiam, hoc volatili principio toto diſſipato, neceſſario reſtabit quidquam acidi ſicci, æſtui pertinaciter reſiſtentis: hoc, incendio exſtincto, avidiſſime humiditatem ambientem attrahit, tandemque eo uſque diluitur, ut ferrum nudatum adgredi queat. Idem effectus alias provocatur fatiſcentia, ſed tardiſſime. Volatilis namque pars ſulphuris, atmophæaræ viciffitudinibus expoſiti, ſenſim laxatur, præſertim ſi ſubtiliſſimus pulvis aëre libero calido, & non num-

numquam humido circumdatus reperitur. Hinc flores sulphuris vetusti sensibilibus acidi sunt, eademque via grana pyritacea, in petrarum terrarumque superficie globi nostri frequentia, quamvis sæpe visum fugiant subtilitate, resolvuntur, & vitriolum præbent, quod, pedetentim magis magisque pauperatum phlogisto, basin deponit, quæ in locis humilibus ope aquæ collecta, mineras ferri palustres & lacustres constituit. Sed hoc in transcurso, nam illa operatio huc non pertinet.

D) QUIN acidum muriaticum subterraneo igne interdum compedibus liberetur, dubitari vix potest (§. VIII), ideoque pro diversa eidem obvia basi, varii oriuntur sales, *Muria* præsertim, *Calx Magnesiæque salitæ*, & pauci forsan alii. Sub hisce operationibus novæ bases acidum aëreum laxant, hujusque auræ copiam augent.

DE salibus hætenus enumeratis generatim tenendum est, quod plerosque Natura, etiam aliis modis, sine igne provocare queat, adeo ut, quamvis Vulcanus assiduus sit minister, ejusdem tamen opera nec semper, nec ubique indigeat. Videmus tamen quasnam materias salinas aquis impertire possunt Vulcani. Horum ope dein aliæ solvuntur. Ita aqua aërata terram calcaream æque ac magnesiæ obvias aëretasque suscipit. Similiter ferrum in statu idoneo vel e vitriolo præcipitatum, mediante acido aëreo,

intrat & aqua martialis subtilis oritur. Aluminosum quoque ustum, aquæ simplici non nisi post diuturniorem aëri expositionem cedens, aërata facile suscipitur. Accedente calore Thermæ aëratae generantur *b)*, & sic porro.

§. XIII.

Producta viæ humidæ phlogistica.

IN hac paragrapho aquæ sunt considerandæ, scetæ materiis, quæ uberiore gaudent phlogisti quantitate.

A) Petroleum aqua non solvitur, interim tamen cum ea quassatum & dein filtratione separatum, fortem eidem impertit odorem bituminosum. Alkalinis unita olea aquam subeunt, sed tales saponēs naturales nondum innotuerunt.

BITUMINOSI quidquam in oceano, aliisque quibusdam aquis, præsertim in mari mortuo, adesse contendunt nonnulli, & hinc amaritiem derivant, sed, quod sciam, adhuc nemo analysi rite instituta hanc probavit sententiam.

B) Sulphur in Vulcani officinis vulgatissimum est, per se tamen aqua insolubile, sed, quod directe fieri non potest, ope ignis & vel calcis, vel alkalini salis, vel magnesiæ, perficitur: hepar nempe generatur, quod aqua facile suscipitur, ast raræ
et.

b) Opusc. Vol. I, pag. 229.

etiam sunt hæ solutiones. Scaturigines [quidem variis in locis erumpunt calidæ, hepatico fœtentes odore, quæ etiam interdum verum sublimant sulphur, quamvis latex, modo confveto examini expositus, ejusdem ne miculam quidem præbeat. Hujus naturæ sunt thermæ Aquisgranenses, aliæque bene multæ. Gordium huncce varie solve-
re tentarunt Chemici, sed, diversis explanationibus missis, potius experimenta in rei ipsius dilucidationem adferenda existimo. Hanc etiam alibi tentavi viam, &, ni fallor, tam analytice, quam synthetice auram hepaticam sulphur, materiæ caloris, ope phlogisti, adunatum, continere probavi. Itaque, quæ ibidem fusius allata sunt, heic supponere liceat i).

FLUIDUM hocce elasticum, quod hepaticum vocari potest, aqua absorbetur k), uti acidum aëreum, sed parcius, eidemque suum odorem reliquasque impertit facultates, quæ non pendent ex sola forma. Talis quoque aqua acquiritur, si solutio hepatis vel salini, vel terrestris in vase retorto leniter destillatur, donec liquidi tres circiter quartæ in recipiens transiverint.

HISCE prælibatis genesis thermarum [hepaticarum haud difficulter intelligitur. In Vulcani officinis adsunt calx, sulphur & interdum alkali minerale, forte etiam non

S 2

[num.

i) Opusc. Vol. II, pag. 340-345.

k) Opusc. Vol. I, pag. 222.

numquam ferrum idoneæ indolis. Hinc ope ignis sine dubio pluribus in locis hepaticæ procreantur compositiones, quæ dein adveniente vel aqua & calore destillatorio, laticem expromunt hepaticum, vel acido libero, fluidum hepaticum provocante, quod aquæ venas attingens easdem pénétrat & inquinat. Tales aquæ licet sulphur contineant, non tamen consuetis modis exhibent, sed sponte interdum supra suam superficiem crustas deponunt sulphureas. Ex antea allatis ratio est in promptu. Scilicet thermæ simul acidum vitrioli phlogisticatum sæpe ferunt, quod licet in ipsa aqua foetorem nequeat decomponere, extra illam idem præstat; & sine dubio solus quoque aër purus, atmosphærico immixtus, phlogiston avidissime attrahens, illud e nexu cum sulphure & materia caloris segregare valet.

PRÆTER calcem & alkali, magnesia quoque cum sulphure hepatis speciem generat, etiam via humida ¹⁾. Utriusque nempe materiæ portiuncula subtilissime pulverata, simul aqua destillata fervida infundatur & per aliquot horas detineatur in vase clauso, exposita calori ebullitioni proximo, quod optime in balneo maris perficitur. Hæc aqua, refrigeratione peracta, filtrata debilem spargit odorem hepaticum; instillato lixivio alkali fixi sedimentum acidis solubile decedit; argentum nitratum, hydrargyrum nitratum

fri-

¹⁾ Cel. le Roi.

frigide paratum, plumbumque acetatum, nigrescens deturbant præcipitatum; acida vix ullam efficiunt mutationem; evaporatione spontanea ad siccum perducta tandem pellicula obtinetur, multis interstincta aciculis crystallinis, quæ in acidis cum effervescencia solvuntur, relicto pulvisculo griseo, qui in igne odorem spargit sulphureum, nullam vero monstrat flammam, eam sine dubio ob causam, quod sulphur heic salinis sit involutum particulis. Magnesia itaque sub ipsa operatione acidum aëreum mittere videtur, ut mediante calore sulphur adgredi queat. Sed forsan suspicio oriri posset, de inquinamento alkalino, quum magnesiam adquiramus, basin salis anglici ope alkalini fixi præcipitando: tale vero inquinamentum ægerrime lotionem penitus auferatur, & remanens cum sulphure facile hepatici quidquam generat. Ut veritatem explorarem, magnesiam adhibui alkali volatili deturbatam, experimentique idem fuit eventus, adeo ut mihi nullum supersit dubium de efficacia ipsius magnesiæ.

§. XIV.

Producta viæ humidæ matallica.

METALLA per se aquis non suscipiuntur, si vero salini quidquam adest, acidæ præsertim indolis, haud difficulter pleraque solvuntur. Quum autem hac operatione salinam adquirant naturam, quidquid heic fo-

ret dicendum, antea dudum propter nexum attulimus in §. XII, ubi dedita opera de salinis agitur productis.

Non quidem inficiandum est ferrum sola aqua in subtilissimum resolvi pulverem, nomine *Æthiopis martialis Lemmerii* notum, sed hæc operatio hætenus valde est obscura. Dum illa peragitur ex limatura raræ énatant bullulæ, quæ idoneo collectæ apparatu, examinatæque, aëri perfecte congruunt inflammabili, ferri in acido vitriolico solutione genito. Miscela sulphuris & limaturæ martis iners est, donec iusta aquæ dosis immisceatur, immo acidum vitrioli concentratum ferrum adgredi nequit, nisi aqua quantum satis diluatur. Hæc phænomena magnam aquæ in ferrum efficaciam evidenter monstrant, sed ratio & modus etiamnum latent. Ferrum solo igne in vase clauso tortum aërem exhibet inflammabilem. Ut dilucidetur æthiopis martialis genesis ferrum, quod frigidum sub malleo frangitur, tentari deberet, num in pulverem sub aqua similiter resolvatur. Si ita, occultum vitrioli acidum, quod calido tantum fragili inhærere vulgo creditur, suspitione liberatur.

§. XV.

Corollaria.

CONSIDERATIS jam exploratisque præcipuis productis Vulcaniis, simulque pensitatis aliis

aliis phaenomenis notis, ut, quæ jure elici queant confectaria, proponamus superest.

A) PRIMARIA ignis sedes seu focus Vulcanius in strato reperiri videtur, quod argillam, terram siliceam & calcaream continet, nam lavæ, quæ sine dubio igni proximæ, eidemque maxime expositæ fuerunt, hæc foveant principia (§. V.), quæ alias mixta margam constituunt. Quod autem hoc stratum ingentem simul pyritæ quantitatem possideat, martialis in omni lava, & in quolibet incendio sulphuris vel integri, vel plus minus decompositi copia, innuit.

NONNULLI Vulcani flumina fusa non effundunt, cineres tantum lapidesque jaculantes. Tales sunt plures in America meridionali. Quum ejecta hæcce nondum examinare mihi licuerit, num hoc dependeat a defectu materierum fusibilium in foci vicinia, an vero a camini altitudine, incertus sum.

B) Foci situs respectu horizontis plerumque maris adjacentis libellam attingere videtur, & non numquam infra illam descendere. Plura momenta hanc firmant sententiam,

1:0 Accessus aquæ sine conditione necessarius est ad procreandas horrendas illas explosiones, quæ eruptiones comitantur & efficiunt. Nota est fere incredibilis vis aquæ, momento citius in vapores resolutæ. Sed

nonne aqua pluvialis æque ac marina hisce effectibus sufficeret? Vix crediderim. Aqua nemque in nostris officinis pro depurando cupro adfunditur metallo liquido ad refrigerandam superficiem. Certe ingens fremitus e vaporum copia oritur, sed nulli funesti effectus, quum nulla coërceatur resistantia. Ast, si pauxillum ad fundum vel intra massam irrepit, violentissima explosio fustum diffeminat metallum, tectum aufert & quæ sunt reliqua maximæ vehementiæ mala. Accedet igitur necessario aqua e loco inferiore vel saltim laterali, si totam, cujus capax est, exercebit efficaciam. Hic autem introitus non semper pateat, in quo casu focus cito inundaretur, sed sub quassationibus aperiatur mox iterum claudendus.

2:o Talem aquæ admissionem indicant *extraordinarii maris adjacentis motus & libellæ subitaneus recessus*, notabile absorptæ copię signum.

3:o *Muria* (§. VIII, C), *Sal ammoniacus* (§. VIII, D), nec non *Conchæ & cocbleæ marine ejectæ* (§. III, A), maris saltim cum Vesuvio communicationem evincunt.

4:o *Immensa ejectorum moles* focum alte demersum postulat. Obstupescit certe animus adcurata accumulationum vulcaniarum consideratione. Dissita oppida cineribus obruuntur, profundeque sepeliuntur; vicina loca comburuntur effusis lavæ fluminibus, quo-

quorum unicum interdum 20,000,000 pedum cubicorum massam efficit vel superat. Admirationem augent tales eruptiones in eodem loco pluries repetitæ. Ita Vesuvius 1699 annis 30 incendia notabiliora manifestavit; Æna 18, annis 1905; Hekla 23, annis 753; & sic alibi. Hisce pensitatis non mirabimur cavernosos esse tractus, qui tantas evomuerunt moles.

5:o *Ingens Vulcanorum extinctorum numerus*, qui in annalibus ne verbulo quidem memorantur, antiquissimorum incendiorum rudera esse videntur, quæ, recedente mare, pederentim elanguerunt. Americani autem, qui etiamnum per crateres seviunt, ultra lineam perpetuæ nivis elatos, hoc est, ad altitudinem 16000 pedum supra mare, sententiam nostram turbare videntur. Ingenui quoque fatemur, tantam heic focorum demersionem non sine formidine oppositi urgeri, quamdiu alia desiderantur documenta, nisi forsan hinc lavæ defectum derivare liceat. Hi vulcani lapidibus, cineribus & immensis nivis liquefactæ torrentibus nihilo minus crudeliter devastant.

6:o *Quod sub ipso maris fundo* Vulcani erumpere queant, numerosæ novæ insulæ in mari Ægeo, immo etiam in magno Oceano, e productis Vulcaniis ignitis & flammantibus constructæ, demonstrant.

C) *Materiæ per se fusibiles*, quæ tamen parum vel nihil mutatæ ejiciuntur, supra focum

cum ad eam distantiam collocatae fuerunt, ut ignis efficaciam eluserint. Hujus indolis sunt Pozzolana, Tras (§. IV, *A*, *B*), nec non margacea, schœrlacea & micacea ejecta (§. III, *B*, *D*, *E*). Asbestus quoque supra melius, quam intra focum, acido vitriolico phlogisticato in pumicem corrodi posse videtur.

D) Stratum calcareum in foci vicinia adfit oportet, nam acidi aërei ingentem copiam continue laxat ignis subterraneus. Silentio prætereamus omne illud, quod per voraginem cum fumo avolat; quod in caverna canis & ejusmodi scrobibus emanat; quod cum aqua aërata per craterem non numquam effunditur, aliisve viis exitum sibi parat, quum quantitas aestimari nequeat, consideremus tantum illud, quod per fontes aëratos quotidie erumpit, si e calcarei unctione suum unice haurirent penum. Ponamus fontem, qui viginti quatuor horis 10,000 pedes cubicos aquæ plene aëratæ emittit, hic per annum 3,650,000 & per sæculum 365,000,000 pedes cubicos aquæ & totidem acidi aërei dabit. Fontes, qui tantum aquæ promunt & ultra sæculum continuaverunt, noti sunt plures. Quantum jam requiritur calcarei, ut huic aërandæ sufficiat? Quum pollex cubicus spatii clari circiter $21\frac{1}{2}$ centenarios docimasticos pondere efficiat, & hi sufficiente igne 671 pollices cubicos acidi aërei porrigant, facile patet calculo 543,965
pe-

pedes cubicos talis calcarei, ad plenam evacuationem usti, per sæculum quantum satis præbituros, & per duo sæcula, si aëratio tantum dimidia ponitur, qui casus ad veritatem propius accedit, nam acidum aëreum in naturalibus aquis raro dimidium attingit volumen, plerumque infra subsistit. Observandum quoque est, quod calcareus heterogeneis mixtus pro re nata minus aërei porrigat, nec non quod leni ad rubedinem ignitione vix dimidium contentum laxet, fortis nempe ad albedinem requiritur candescencia, ut totum expellatur. Si acido per effervescentiam expulso aëratio perficietur, eandem requiri calcarei quantitatem, per se patet.

E) COMPARATIS vulcaniis productis & phænomenis, quæ diversis locis occurrunt, & ab illis retro temporibus, quo monumenta historica superficiei telluris notabiles mutationes describunt, comparuerunt, tanta elucet materierum & operationum convenientia, ut dubitari nequeat, quin *eadem in omnibus vulcanis agat causa*, cujus pro re nata plus minus temperantur effectus.

Si vero prismata besaltica a lava fusa derivantur, illis certe temporibus, quæ cognitorum annalium limites excedunt, horum genesis peculiari obtemperavit virtuti, nunc sublatae, quæ materias, ratione compositionis ab hodiernis lavis parum differentes, adeo tenuiter liquefecit, ut omnes evanuerint bullæ & sub refrigeratione regulares ortæ fue-

fuerint figuræ, idque sine vitrea indole, quam modico jam igne recipit. Num vitrum ætate internam densitatem, glabritiem & nitorem amittere potest, salva texturæ firmitate?

F) CONICÆ *congestiones vulcaniæ* toto coelo *differunt ab aliis montibus*, tam primævis, quam junioribus stratosis. Qui internas strukturas, materierumque naturam, æque ac externas qualitates, rigrose examinat & comparat, magnam observabit discrepantiam. Verum quidem est, quod atmosphæræ vicissitudines per longam sæculorum seriem vestigia delere conentur, sed ne quidem in superficie penitus obliterari potuisse monstrant extincti Vulcani, quorum nullam omnino mentionem faciunt antiquissima monumenta historica, & sua tamen canitie originem hodie celare nequeunt.

§. XVI.

De ortu & progressu ignis subterranei.

Posito igne centrali, qui hic illic exitum sibi parat, quodammodo intelligitur, cur, accedente aqua, vapores elastici incarcerati, ex una in aliam penetrantes cavernam subterraneam, mugiant, viciniam quatiant, tandem obstacula vincant, materias incumbentes diffringant ejiciantque, vel parum mutatas (§. III), vel varie exustas (§. IV, *A-C*), vel denique fusas & candentes, qui-

quibus multum irretitum invenitur muriæ (§. VIII, C); cur e sulphureis fossilibus laxetur tam sulphur (§. IX, B), quam ejusdem acidum phlogisticatum (§. VIII, A), e calcareis aliisque aëratīs acidum aëreum (§. VIII, B); cur sublimetur arsenicum rubrum (§. X, C) & sal ammoniacus (§. VIII, D); cur post consumptas vel exoneratas materias maxime combustibiles, tandem languescat incendium, vel numquam renasciturum, vel ope pabuli idonei, etiamnum residui, repetitis vicibus sæviturum; cur, quæ in abyſſo vicino quocumque modo colliguntur aquæ, si cito exitum inveniunt, Thermas offerant, efficacibus onustas particulis, vel salinis (§. XII), vel phlogisticis (§. XIII), si vero longius devectæ refrigerescunt, acido tamen aëreo aliisque moleculis salutaribus gravidatæ erumpant, subtiles præbentes acidulas, & quæ sunt reliqua. Sed adeo jam evilit hæc hypothesiſ toties explosa, ut ulteriori non opus sit refutatione. Quod nucleus constantem fere servet temperaturam, æstivali calore minorem & hiemali majorem, dubitari vix potest, sed aliud est determinata temperatura, aliud calor in statu ignis.

Ut explicetur ignis subterraneus duæ dilucidentur oportet quæſtiones, minime confundendæ, *quomodo nempe oriatur ignis? Et quibus mediis sustentetur?* In terræ gremio corpora non nisi anorganica occurrunt. Percurramus igitur totum regnum fossilium, ut videamus, quæ reperiantur hiſce finibus idonea. IN-

INSTITUTO examine, non nisi unicum detegitur corpus, quod in certis circumstantiis ignem sponte accendere potest, pyrites nimirum sulphureus. Fidis constat observationibus, quod lithantraces & schisti aluminares sub dio coacervati, adveniente necessaria aquæ dosi, non raro sponte incalescant, immo eo usque, ut flammæ erumpant violentæ. Si materiæ adcurate examinantur, nucleis pyritaceis diversæ magnitudinis fartæ reperiuntur, qui fatiscendo hæc provocant phænomena. Hæc operatio multum illustratur LEMMERII experimento, quo limatura martis, sulphuris admixta pulveri & rite humectata, post paucas horas non fumum tantum insignemque æstum, sed etiam incendium generat. Ferrum cum aqua copiosa in Æthiopem martialem, cum parca in ferruginem resolvitur: sulphur cum aqua iners est: ferrum & sulphur commixta, quamdiu deest aqua, modicam communicans humiditatem, se invicem nullo modo adgrediuntur. Necessario igitur hæc tria simul requiruntur, & quidem iusta quantitate, alias nullus prodit calor sensibilis.

ÆTIOLOGIA hujus mutationis hæctenus multum habet obscuritatis, sed posito, quod numerosa alia phænomena innuere videntur, materiam nempe caloris nihil esse aliud, quam aërem vitalem determinatæ phlogisti portioni adunatum, eo non parum illustrabitur.

SCILICET, teste experientia, aqua e ferro inflammabilis principii quidquam expellit (§.XIV), quamvis modus hætenus lateat. Ab alia parte sulphur vehementer attrahit ferrum ita modice pauperatum, quod etiam sine dubio segregationem phlogisti egregie promoveret. Utroque nisu in superficie singularum molecularum ferri phlogiston accumulatur, quod ambientis atmosphæræ partem vitalem vel respirationi idoneam allicit & materiam caloris generat, quæ pro sua quantitate calefacit, etiam rite aucta accendit sulphur in massa obvium, & insignis materiæ commixtæ copia sepulta tremulationes efficit, terræ motus mentientes.

IN pyrite & ferrum, & sulphur intime unita adsunt sine aqua, annon igitur hac adveniente, itidem calor orietur? Hæc conjectura, sulphuris & ferri copiosa præsentia in omnibus vulcanis, firmatur.

PONAMUS igitur sulphur accensum in subterraneis cavernis, quo autem modo incendium subsistet, & quantum immensi effectus postulant, augeri potest? Sulphur ignem male nutrit, immo sæpe suffocat. In toto fossilium regno præter petroleum huic scopo adcommodatum nihil hætenus innouit. Qua vehementia olea ardent tam segregata, quam basi terrestri inhærentia, notum est & lithantraces accensi quotidie monstrant. Copiosus fumus hanc deflagrationem semper comitatur & vero videtur
simi-

simile, quod densissimus ille niger, quem crateres Vulcanii interdum & abunde, & vehementer eructant, e petroleo sit derivandus. Non equidem ignoro, quod vapores aquæ etiam densum mentiri possint fumum, sed num heic soli sufficiant, merito dubitatur.

Præterea, quum pluribus locis flumina naphthæ & bituminis liquidi in lucem prodeant, in terræ mæandris hujus materiæ defectum objicere vix licet. Sed alius occurrit gordius solutu longe difficilior. Scilicet ignis sine aëre vitali nec oriri, nec perdurare potest. Quomodo igitur, in profunde demersis focus, hoc sine conditione necessarium nutrimentum, ea, qua requiritur, copia accedet? Quomodo in loca ipsius Oceani fundo subjecta, ad quæ alta & gravis aquæ marinæ columna introitus claudit? In loco quidem clauso nitrosa accensa ardere possunt, quippe quæ sibi ipsi aëris vitalis sufficientem extricant quantitatem. Sed hi sales in abyssu desiderantur & in superficie tantum telluris generantur. Verum quidem est, quod stupendus terræ motus, die 1 Novembris anni 1755 a Capite bonæ spei ad Islandiam, minimum per 108 gradus latitudinis & 40 longitudinis, intra undecim minuta progrediens, excavationes profundas & longissime concarnatas innuere videatur, sed si etiam tales ponantur, non omnis cessat difficultas. Profunda nempe antra non nisi acidum aëreum
vel

vel aëris corrupti varietates, igni alendo minime idoneas, porrigere solent. Hec igitur physicus naturæ miracula, quantum fieri potest, dilucidare cupiens, in angustias redigitur, non tamen tantas, ut peculiarem ignem, a vulgari diversum, fingere opus sit. Magnam enim vitrioli martis, aluminis & gypsi copiam in vulcanis generari demonstravimus (§§. VIII, XI), hi autem singuli sales vehementi igne torti inter alia aëris vitalis multum eructant. Acidum vitrioli semper præfens (§. VIII, A) materias exhaustas iterum adaptat, ut nova aërei flumina promere queant. En fontes, qui ignem, etiam in loco clauso sustentare possunt, & continuata experimenta plures forsan & uberiores investigabunt, observationibus solis nunquam detegendos. Ut totum enodetur mysterium, accuratior requiritur cognitio de interna telluris constructione & qualitate, quam jam sperare licet. Nec minus est necessaria exacta phaenomenorum determinatio, quæ fatiscentiam pyritæ comitantur in diversis casibus, & multiplicia exigit experimenta nondum instituta.

Index Paragraphorum.

- §. I Producta Vulcania vere chemica.
 pag. 184.
§. II. Vulcaniæ operationes partim sicca,
 partim humida peraguntur via, *pag.* 188.
Bergm. Opusc. Vol. III. T §. III.

290 *De Productis Vulcaniis.*

- §. III. Ejecta parum vel nihil mutata, *pag.* 189.
- §. IV. Terrestria calcinata & exusta, *pag.* 192.
- §. V. Terrestria plus minus fusa, *pag.* 200.
- §. VI. Producta terrestria ambiguæ originis *pag.* 205.
- §. VII. Producta Vulcano immerito tributa *pag.* 221.
- §. VIII. Producta Vulcania viæ siccae salina, *pag.* 229.
- §. IX. Producta viæ siccae phlogistica, *pag.* 237.
- §. X. Producta viæ siccae metallica, *pag.* 246.
- §. XI. Terrestria Vulcania via humida formata, *pag.* 250.
- §. XII. Producta viæ humidæ salina, *pag.* 264.
- §. XIII. Producta viæ humidæ phlogistica, *pag.* 274.
- §. XIV. Producta viæ humidæ metallica, *pag.* 277.
- §. XV. Corollaria, *pag.* 278.
- §. XVI. De ortu & progressu ignis subterranei, *pag.* 284.
-

XXXIII.

DE

ATTRACTIONIBUS
ELECTIVIS *)

*Jamne vides igitur, magni primordia rerum
Referre, in quali sint ordine quæque locata,
Et commista quibus dent motus, accipiantque.*

LUCRETIVS

Attractiones longinquæ & propinquæ inter se differre videntur.

§. I.

Inter quaslibet in tota rerum natura materias, sibi relictas & in justis collocatas distantis, ad contactum tendentia vigere comperimus, quæ jam diu attractionis nomine fuit insignita. Causam horum phænomenorum

T 2

rum

*) Hæc Disquisitio in N. Actorum Upf. Vol. III. primum impressa fuit anno 1775, postea tam in germanicam, quam gallicam linguam versa. Tabulæ binæ annexæ, attractiones simplices & duplices exhibentes, Londini 1781 denuo æri incisæ fuerunt, cura Domini SAUNDERS, in gratiam auditorum, prælectiones Chemicas frequentantium, quas una cum Domino KEER habebat. Eodem anno D. MORE, Secretarius societatis, quæ artium incrementa præmiis promovet, tabulam attractionum simplicium anglice, & quidem verbis characteribus substitutis, in plagula maximæ formæ edidit.

rum heic non quæro, quas vero in suis operationibus sequitur leges, e re est cognoscere, adeo ut instar vis determinatæ considerari queat, licet qua mechanismum hactenus incognita.

MAXIMA mundana corpora in ratione massarum directæ & quadratorum distantiarum inversa, hanc mutuo exercere luculenter demonstravit illustris NEWTONUS. Ille vero ad unionem nisus, qui inter quævis in telluris superficie vicina observatur, & attractio propinqua vocari potest, (quum exiguas tantum sollicitet moleculas, idque vix extra contactum, dum longinqua in immenso spatio ingentes cogit moles), aliis omnino regulis adstricta videtur: videtur, inquam, nam res forte circumstantes omnem efficiunt differentiam. Scilicet, respectu immanis distantiae diametri evanescent, adeo ut corpora cælestia plerumque instar punctorum gravium considerari possint. Eorum vero, quæ propinqua sunt, longe alia est ratio, etenim non tantum totius, sed partium quoque figura & situs, attractionum effectus magnopere variant. Hinc quantitates, quæ pro longinquis negligi possunt, legem attractionum propinquarum notabiliter immutant, eamque præterea globi nostri ingens vis ubique cogit & turbat. Fieri itaque potest, ut eadem vis pro re nata mirum in modum variet effectus. Cum vero particularum eruere figuras & positiones, in quovis obvio

casu, minime nobis sit datum, idoneis tantum & multiplicibus experimentis corporum ad alia, respectu attractionis, determinandæ supersunt relationes.

QUUM attractiones propinquæ vix extra contactum agant, per se patet illas in eodem corpore generatim esse eo intensiores, quo hic augetur magis. Hinc in sequentibus plura occurrunt exempla, quæ corpori liquefacto majorem, quam solido, inesse attrahendi virtutem, evincunt, & in vapores resoluti adhuc longe majorem. Conferantur in primis, quæ de acido muriatico dicuntur respectu phlogisti (§. XLVII) & de materia caloris (§. XLVIII).

IN sequentibus attractionum quidem feriem qua intensitatem relativam determinare conabimur, sed cujuslibet adcuratior mensura, numeris exprimenda, adhuc desideratur, quæ tamen huic doctrinæ magnam adfunderet lucem *a*).

Attractionum propinquarum plures distinguere possunt species, quarum præcipuæ

T 3

bre-

- a*) Dom. de MORVEAU primus, quod sciam, hydrargyri cum quibusdam metallis cohæsiōem determinavit & per numeros expressit. Postea Dom. ACHARD amplam exhibuit tabulam, in qua plurimum corporum cohærendi vires tam calculo, quam experiendo, eruuntur. Nuperrime Dom. KIRVAN attractiones sagaciter demetiri cœpit & coarctato per unionem volumine, nam contractionis rationem & quantitatem ab intensitate attractionis derivandam existimat.

breviter heic sunt memorandæ. Si materiæ homogeneæ ad unionem tendunt, hic effectus non nisi majorem procreat massam, ejusdem vero ac utraque antea indolis, & in hoc casu *attractio aggregationis* audit, heterogenea vero commixta, sibi que in connubiis formandis relicta, qualitatis potius, quam quantitatis reguntur diversitate, sub nomine *attractionis compositionis*, quæ, dum inter duo plurave simpliciter exercetur uniendo, vocatur *attractio solutionis* vel *fusionis*, prout via humida vel sicca peragitur; inter tres relative cum unius exclusione, *attractio simplex electiva*; inter duo, composita, quorum quodlibet duobus tantum constat principiis proximis, sub mixtione permittendis, *attractio duplex*. Ultimæ binæ in sequentibus præcipue examinabuntur.

§. II.

Attractiones electivæ simplices.

SIT *A* materies, quam aliæ heterogeneæ *a*, *b*, *c*, &c. appetunt: ponatur ulterius *A* τω *c* unitum ad saturationem, (quod per *Ac* in sequentibus indicamus), addito *b*, ejusdem ambire unionem cum exclusione τξ *c*, *A* dicitur fortius attrahere *b*, quam *c*, vel etiam *b* gaudere attractione electiva fortiori, quam *c*: tandem *Ab*, addito *a*, priora vincula laxet, *b* respuat, & ejus loco *a* eligat, hinc intelligitur *a* τω *b* vi attractiva præpollere, & ratione efficaciz seriem quamdam

dam constituere *a, b & c*. Quas heic vocavimus attractiones, alii adfinitatum nomine insigniunt: utramque denominationem in sequentibus promiscue adhibemus, licet posterior, utpote magis metaphorica, in physicis minus videatur conveniens.

SERIEM attractionum electivarum, per signa chemica certo ordine disposita, in tabula simultaneo conspectui primus exhibuit DUS GEOFFROI 1718, ast egregium hocce inventum laudatur ab his, culpatur ab illis, etenim nonnulli adfinitates certis inniti regulis contendunt, alii easdem vagas esse & rebus circumstantibus unice adscribendas, autumant.

CUM vero chemicae operationes facile omnes vel analyfin, vel synthefin respiciant, & harum utraque attractionum ope perficiatur, hasce componere lites maximi sine dubio erit momenti. Non igitur leviter & ob unam alteramve anomaliam, male fortassis intellectam, totam rejiciamus hancce doctrinam: examinemus sedulo & adcurate, tandemque, si vel maxime reperiuntur attractiones a rebus unice pendere circumstantibus, annon ideo inutilis foret cognitio singularum conditionum, quibus vel provocantur, vel impediuntur, vel turbantur? Minime gentium, sed nihilo minus latissimus earundem erit usus. In tota rerum natura nullum exstat phaenomenon, quod non certis alligatum est conditionibus, quibus

absentibus hoc vel omnino desideratur, vel pro re nata variatum prodit. Interest scientiæ, ut mutationes & causarum nexus in quavis operatione, quo usque pertingere licet, adcurate cognoscantur, & quanti sit emolumenti attractionum rigorosum examen plura in sequentibus exempla luculenter, ut spero, manifestabunt.

PONAMUS vero jam contrarium, certum nempe earundem ordinem re vera locum habere, annon hic experientia semel erutus instar clavis erit, quo interiora naturæ sacraria referare licebit, difficillimaque per totam artem problemata, & analytica, & synthetica, feliciter solvere? Operæ igitur non tantum pretium esse hanc excolere doctrinam, sed totam fere Chemiam huic instar fundamenti solidi inniti contendo, saltem si rationalem volumus, quæ operationum singula momenta perspicue, & vero nexui convenienter, extricat. Qui dubitat, præjudicatis liberatus opinionibus, sequentia consideret, pensitet, experiatur.

§. III.

Num constans attractionum ordo?

Huic quæstioni non nisi ex sequentibus quidquam certi responderi potest, jam vero ab initio obiter consideremus, num constans, qualis in §. præc. proponitur, ordo, sit expectandus? Forte pro re nata reciproce *a*. expellit *b*, & *b* vicissim *a*? Forte etiam

etiam *c* expellit *a*, quamvis $\tau\tilde{a}$ *b* constanter cedat? Consulamus Naturæ oraculum, experientiam, qua decet cura & patientia, tradet sine dubio nobis fidum Ariadnes filum, quo ex hoc labyrintho exitus invenietur.

ILLAS quidem non approbo regulas generales, quæ alkalinis salibus & terras, & metalla, terris vero metalla semper præcipitari dictitant, quippe quæ haud raro fallunt. Habemus vero particularium observationum numerosam catervam, quæ, omnibus rite ordinatis, numquam decipit. Scilicet, novimus alkali fixo & calce pura expelli volatile: hydrargyrum & argentum ex acidis nitri vel vitrioli decidere addito cupro, quod iterum ferro disjungitur. Metalla veteribus in specie alba dicta, argentum, hydrargyrum, & plumbum, ex acido nitroso separantur & vitriolico, & marino. Annon hæc, aliaque satis diu nota, inter materias memoratas constantem valere ordinem testentur? Plura occurrunt bene multa & luculenta documenta in explicatione novæ tabulæ attractionum, suis reservanda locis (§§. XII-LXX). Quæ obstare videntur difficultates, propius examinatæ evanescunt, &, quantum mihi quidem constat, hætenus nulla fuit proposita seriei continuæ re vera contraria. Sint vero heic, uti alibi in Philosophia naturali, phænomena nonnulla, quæ a consveto declinare videntur ordine, hæc instar cometarum ha-

beri debent, non dum satis observatorum, ut eorundem determinentur orbitæ: iteratæ observationes & idonea experimenta aliquando tenebras dispellent.

UT simultaneo intuitu mox appareat effectus trium materierum commixtarum, symbolicam excogitavi exprimendi rationem, quam heic exemplo illustrare juvat.

INSPICIATUR tab. I. schema 20, quod hepatis calcis mediante acido vitriolico decompositionem exhibet. A latere sinistro signis principiorum proximorum unitis indicatum comparet hepar calcis, intra virgulam vero verticalem principia hæcce divulsa, unum supra alterum. A dextro iterum e regione calcis positum est signum acidi vitriolici: medium occupat signum aquæ, in eadem tres, quæ illud circumdant, materias, attractiones libere peragere innuens. Cum jam acidum vitrioli sulphure fortius calcem attrahat, hepatis compositionem dissolvit, sulphur extrusum per se insolubile fundum petit, quod, apice virgulæ horizontalis inferioris deorsum verso, significatur, & cum nova compositio sive calx vitriolata (gypsum) etiam subsidat, nisi magna submersa aquæ copia, apex virgulæ superioris similiter deorsum vertitur. Virgula horizontalis completa novam indicat combinationem, dimidia vero eum solum in finem adhibetur, ut apice significetur, num in liquido maneat materies e qua exit, an vero fundum petat.

Nul-

Nullæ virgulæ horizontales pristinam combinationem intactam innuunt. A dextro latere alia locum sustinere nequit, quam quæ integra manet, si enim hæc itidem decomponitur, alius prodit casus, in sequentibus memorandus (§. V). Ignis in medio positus character operationes distinguit, quæ via peraguntur sicca.

§. IV.

Caloris diversitas attractiones electivas interdum variat.

SOLA extra corpora, tentaminibus subiecta, conditio, quæ eorundem adfinitates vel infringit, vel omnino invertit, est caloris varians intensitas. Hæc verò causa in iis tantum valet casibus, ubi idem gradus nonnullas materias præ aliis notabiliter volatiles efficit.

ATTRAHANT tertiam Aduæ materiæ, fortior in calore medio vi a , debilior vero vi b ; ponatur simul prior igne volatilior, ejusdemque ad abitum nifus exprimatur per V , posterioris autem per u . Tribus hisce commixtis fortius occupat A , idque vi, differentia $a - b$ æquali, intendatur vero successive caloris efficacia, continue quoque infringetur supra memorata potentia, & quum V magis quam u crescat, erit tandem $a - b = V - u$. In hoc igitur statu æquilibrium adest, quod tamen mox tollitur igne vel tantillum aucto, & hoc modo tandem præval-

lebit *b*, quæ antea debilior nihil potuit efficere. Si altera materies omnino fixa est, erit $u=0$, & casus fit simplicior. Exemplæ occurrunt in sequentibus bene multa.

Hinc quidem in genere patere arbitror, illas attractiones esse genuinas, quas materiæ sibi relictæ libere exercent: vehementior caloris gradus est causa externa, quæ earundem veras adfinitates plus vel minus vi infringit, immo etiam interdum penitus immutat. Interim tamen, cum multifariæ operationes non nisi ignis ope perfici queant, ideoque subtilissimi hujus fluidi vis sit notatu dignissima, attractionum electivarum tabulam in duas areas partiendam existimo, quarum superior liberas, quæ humida, ut dici solet, via, exercentur, inferior vero igne coactas, exhibeat. Hoc quoque facile peragi potest, cum hætenus nulla alia externa conditio innotuerit, quæ, ut heic in censum veniat, meretur: internæ vero, si quem dissensum pariunt, vel apparentem tantum præbent, vel etiam realem materierum inferunt mutationem. Non quidem negandum est, quin corpora volatilia connubio materiæ caloris re vera mutantur, sed hæc mutatio raro durat, sub refrigeratione iterum tora evanescens, peracta tamen decompositione desiderata.

Hinc pater, quid sit sentiendum de variis contra adfinitatum constantiam argumentis, petitis e destillatione, sublimatione

ne vel fusione misturarum: immo tanta interdum caloris est efficacia, ut vehemens digestio, vel etiam illa incalescentia, quæ quarumdam materierum unione solet procreari, consueto ordini turbando sufficiant.

§. V.

Anomalix apparentes ex attractione duplici.

Trito fertur proverbio, nullam esse sine exceptione regulam, non tamen ideo spernandas puto regulas, sed singulis exceptionibus rite erutis, ad justum redigendas valorem. Sub incudem vero jam revocandæ ne quidem exceptionum titulo sunt comprehendendæ, nam 4 agunt materiæ, qui longe alius & magis compositus est casus, quam ubi 3 ex hypothese operantur (§. II). Contra adfinitatum seriem per plurima, quæ in medium proferri solent documenta, hujus sunt frugis, iisdemque reciproca componendi virtus indubitata perhibetur, sed propiore examine larvam detrahimus.

TABULA Geoffroiana acidis alkalia fixa calce potentius, adhærere innuit, idque jure meritoque optimo, interim tamen hanc veritatem ludicro more taxant nonnulli. Scilicet, cretam, aqua forti solutam, tartari vitriolati solutioni instillant, quo mox gypsum decidit, luculentem illis indicium, quod heic calcarea præpolleat materia. Sed observetur oportet, cretam, ne quidem ustam,

tar-

tartaro vitriolato aqua soluto additam, ul-
lam efficere decompositionem (sch. 2), sed
contra cretæ solutioni si instillatur acidum
vitrioli, dejici gypsum (sch. 16), hinc ita-
que manifeste patet, cuinam major compe-
tat attractio electiva. Si vero creta alio a-
cido minerali prius fuerit soluta, quatuor
in scenam prodeunt substantiæ, & quod an-
tea efficere non potuit, hoc dein, acido si-
bi unito adjuncta, valet. Ut hæc planiora
fiant, schema 21 considerare juvat, in quo
sinistrorsum sal neutralis, tartari vitriolati
nomine notus, signo alkali fixi vegetabilis,
juxta vitrioli posito, indicatur, quod ita le-
go: alkali vegetabile vitriolatum, (h. e. a-
cido, quo scatet vitriolum, saturatum), qua
denominatione mox simul principia proxi-
ma innotescunt, & hæc quoque suis seor-
sim expressa signis comparent, unum supra
alterum intra vicinam virgulam verticalem.
A dextro latere calx muriata (acido salis sati-
ata) similiter symbolice significatur, ejusdem-
que principia proxima intra suam virgulam.
Dum igitur tartarus vitriolatus & calx aci-
do salis saturata eidem immiscentur aquæ
(quod ejusdem signo in medio schematis ex-
primitur), idem est, ac si alkali fixum ve-
getabile, acidum vitrioli, acidum muriæ &
calcem puram determinatis eidem immisce-
mus portionibus, quæ 4 materiæ suis signis
aquam in figura circumdant, ita ordinan-
dæ, ut numquam bina acida in eadem ho-
rizontali linea collocentur.

HABEMUS igitur materias ante miscelam unitas, verticaliter dispositas, harumque si jam dissolvetur nexus, necessario requiritur major summa attractionum inter ea, quæ horizontaliter, quam quæ verticaliter sunt opposita, & hic est in præsentī exemplo casus, nam licet acidum vitrioli fortius appetat alkali fixum, quam calcem, addito tamen acido muriæ, quod simul alkali sollicitat, ejusque cum acido vitriolico minuit cohærentiam, attractio inter alkali fixum & acidum muriæ, una cum attractione inter acidum vitrioli & calcem, majorem efficiunt summam, quam attractio inter alkali fixum & acidum vitrioli, una cum illa, quæ inter acidum muriæ & calcem locum habet.

VIRGULÆ horizontales novas comprehendunt combinationes, quarum inferior suo deorsum verso apice subsidentiam innuit, altera vero apice sursum verso, quod hæc in liquido maneat, usque dum evaporatione ad certum gradum minuatur. Ita peragitur hæc decompositio. Ut brevius alia percurram exempla, heic semel indicasse sufficiat, me semper exprimere sales duplices (qui duobus gaudent principiis proximis) signo basis a sinistro latere posito juxta signum illius salis, e quo ordinarie acidum expellitur, quod jam eidem junctum reperitur: eodem modo alia quoque designo ex duobus intime unitis composita.

SIMILIA ac in exemplo examinato creta,
ma-

magnesia quoque, variaque metalla præstant. Vide sch. 22. Continet tab. I. schemata 64, quæ oculis exhibent 122 experimentorum eventus, nam n:o 24 e. g. non tantum docet hydrargyrum nitratum fale ammoniaco secreto decomponi, sed etiam nitrum flammans & vitriolum hydrargyri miscelam ferre absque ulla mutatione, & in genere, si, a dextro & sinistro latere designatæ materiæ, mixtæ principia sua invicem commutant, hinc judicare licet, quæ supra & infra indicantur, mixtione nullam pati distractionem. Conf. sch. 21 & 23, quibus constat tartarum vitriolatum & calcem muriatam principia commutare, non vero salem digestivum & gypsum. Numeri 1—20 simplices, 21—40 duplices exhibent attractiones liberas, sequentes ignis peraguntur ope, 41—47, & 55—58 destillando, 48—50 & 59—62 sublimando, tandemque 51—54, 63 & 64, in crucibulo fundendo. Characteres novi in §. XI explicati reperiuntur.

ATTRACTIO duplex in determinandis attractionibus simplicibus electivis sæpe fallit artis magistros. Acidum phosphori re vera majori vi calcem, quam alkali fixum appetit, ut in sequentibus monstrabo (§. XXXIII), sed nihilo minus contrarium adferitur, quum alkali aëratum calcem phosphoratam præcipitet mediante duplici adfinitate. Præcipitat etiam alkali fixum causticum, quod magis probare videtur, at nihilo minus er-

ro-

ronea gignitur conclusio, si hinc unice attractio maxima dijudicatur, nam alkali heic excessum tantum solutioni necessarium tollit, unde calx phosphorata fundum petere cogitur (§. IX). Quanam agant differentia alkalia & terræ absorbentes, dum acido aëreo vel scatent, vel eodem spoliata adhibentur, in commentario de hoc Acido explicavi, adeo ut heic eadem repetere non sit opus *b*). Quod ibidem de alkali volatili disferitur, in schemate 36 symbolice exprimitur, & distincte causam monstrat, ob quam alkali volatile causticum debilius agere videatur, quam mitigatum, quod alias rei naturæ repugnat. In genere tantum jam adnotasse juvat, alkalinas, terrestresque substantias, acido fœtas aëreo, non aliter, ac sales duplices esse considerandas, minime vero uti simplices, nisi causticæ, quas etiam puras vocare soleo. Vide schemata 1 — 8, 32 — 37, 51, 62, & 63.

DUM metalla acidis soluta aliis deturban-
tur metallis, hoc negotium numquam simplici absolvitur adfinitate, sub ipsa enim solutione phlogisti portio avolat, quod alibi extra dubitationis aleam positum spero *c*). Itaque, quum metallicæ solutiones ita sint comparatæ, ut, quidquid solutum tenent, metallico nitore sine accessu novi phlogisti reddere nequeant, per se patet, & experientia

Bergm. Opusc. Vol. III.

U

quo-

b) Opusc. Vol. I, pag. 49.

c) Opusc. Vol. II, pag. 354; III, pag. 134.

quoque confirmat, calcibus additis nihil profici. Si igitur solutioni vitrioli cupri ochra ferri immittitur, nihil tamen cupri dejicitur, ferrum vero inditum mox cuprea pellicula vestiri observatur, nam partem phlogisti reductioni necessariam præbet, & hac privatione ipsum fit solubile, absque emissionem vaporis inflammabilis (vide schem. 39). Argentum, acido nitri solutum, similiter calcinatur, quod vapore rubro, phlogistico odore, variisque aliis luculentis signis percipitur, ideoque non cupro calcinato, sed metallico deturbari potest (sch. 38). Idem valet de auro, reliquisque metallis, quæ singula, quacumque separentur methodo, modo nullum accedat phlogiston, calcinata comparent & ita re vera sunt: sola, quæ eadem intercedit differentia, est privatio inæqualis, quam nobilia fusione sola in vasculis ignitis refarcire possunt, ignobilia vero præterea phlogiston additum necessario requirunt. Sed de hac re in sequentibus plura.

In aliis casibus non raro phlogiston itidem duplicem excitat adfinitatem, ubi non nisi simplicem agere vulgo credimus. In destillando butyro antimonii, e mercurio sublimato corrosivo & regulo mixtis, exemplum petamus. Observamus primo nec mercurium, nec antimonii regulum, acido marino esse solubiles, nisi antea certa inflammabilis dosi spoliatos. Hoc cognito, ope-

rationis nexus facillime explicatur duplici attractione. Scilicet, calx hydrargyri in sublimato corrosivo vivificatur eo phlogisto, quod necessario perdere debet regulus, acido salis solvendus. Vid schem. 58. Sublimati corrosivi basis per se quidem, æque ac nobilium metallorum calces, igne solo metallicam recuperat indolem, per vasa ignita hauriendo, quod deest, hæc vero operatio longe vehementiorem postulat ignis gradum, quam in destillando butyro, ubi mox ab initio leni incalescentia surgit Mercurius vivus. Cum arsenico albo & sublimato corrosivo nulla locum habet decompositio, quum desit phlogiston, hydrargyro reducendo necessarium, sed cum auripigmento, quod phlogisto scatet, operatio succedit.

§. VI.

Anomalix apparentes e mutatione successiva materierum.

Si alterutra materies sensim pristinam mutat indolem, ejusdem sine dubio attractiones vicissitudinibus erunt obnoxix. Plura exempla nexum illustrabunt.

Quod acidum nitrosum e basi alkalina marinum expellat, diu notum fuit, sed quod hoc vicissim illud extrudat Cesebris MARGGRAF primus observavit. Ignorata acidi salis indole, hoc phænomenon omnes eludit explicationes, hac vero cognita, no-

dus haud difficile solvitur. Scilicet, nitrosum expellit marinum vi simplicis adfinitatis (vide schema 42), marinum vero instar principii proximi phlogiston continet, & illud fortiori attractione aliis porrigit, praesertim acido nitri (§. XVII), quod, licet alkali saturatum vegetabili, inflammabilis materiae est avidissimum, etenim nitrum per unam alteramve horam probe ignitum, omnino quidem neutrale reperitur, unde omne acidum restare constat, sed eo usque phlogisticatum & debilitatum, ut aceto concentrato possit expelli (§. XXXVII). Hinc fluit, quod pars acidi marini nitro adfusa, mediante calore suum nitroso exhibeat phlogiston, quo vero onustum mox expellatur acido salis adhuc integro. Vide schema 55. Ita negotium peragi, & ipsa dictitat rei natura, & proportionēs necessariae, & quod in excipulo colligitur, constans acido nitroso phlogistico & marino tam integro, quam dephlogistico.

Ex eodem fundamento arsenicum album in destillatione decomponere valet sales neutrales, qui acido scatent nitroso, non vero illos, qui marinum continent. Est nempe arsenicum album nihil aliud, quam sulphuris species, acido arsenici & determinata phlogisti quantitate composita (vid. §. XX). In nostro igitur casu 4 agunt materiae, (vide schema 56), & quum acidum nitri phlogiston facile attrahat, ejusdemque hac co-
pula

pula cum sua basi multum relaxetur unio, acidum arsenici illud expellere valet. Acidum vero salis, quod dudum principium continet inflammabile, majorem ejusdem quantitatem partinaciter respuit, manet igitur nullo modo mutatum & acidum arsenici nihil valet contra fortius (sch. 57).

Quod metalla, etiam nobilia, quæ via sicca pertinacissime resistunt, solutione in acidis, plus minus calcinentur, dudum observavimus, jam de ferro, quod præ reliquis huic mutationi obnoxium esse videtur, nonnulla addere debemus, præsertim de ejusdem in acido vitrioli solutione. Primum phlogisti portionem sub ipsa solutione in vapore inflammabili avolare notamus. Si dein solutio saturata & filtro trajecta, quæ viridis est, in lagena plena & perfecte clausa servatur, clara manet, in vase vero aperto, libero exposita aëri, sensim, sed continue ochram deponit, quod e duplici derivandum est fundamento. Aër namque vitalis & respirationi idoneus tanta vi phlogiston attrahit, ut illud, quod ferro soluto continetur, pedetentim minuat. Jam vero ita est comparatum acidum vitriolicum, ut quo inflammabili materia pauperius ferrum, eo minorem ejusdem solvat quantitatem, unde fluit, quod acidum ferro parum dephlogisticato sufficiens, successive in eadem ratione fiat insufficiens, qua separatur phlogiston, ideoque decidat oportet terra martis, quæ ta-

men instillato novo acido iterum evanescit. Hæc decompositio calore, præsertim ebullitionis, multum acceleratur, & tandem viridis cum fulco rubro commutatur color, totaque solutio naturam induit lixivii ultimi, crySTALLIFICATIONEM respuentis, uti egregie docuit Cel. D:nus MONNET.

LIXIVIUM hocce ultimum, addito pauxillo alkali vegetabilis, in cryсталlos tamen redigi potest albas, adstringentes & alumina-ribus haud dissimiles, unde etiam nonnulli hinc vitrioli in alumen transmutationem evictam credunt, sed hic sal solutus alkali phlogificato totus quantus in cæruleum abit berolinense, alkalique communi non nisi ochram præbet, & ne miculam quidem terræ aluminis, si nimirum ex ferro soluto confectum est vitriolum, illud vero, quod e pyrite extrahitur, sæpe alumen continet, quum argilla pyritæ compositionem haud raro ingrediarur.

HISCE cognitis facilis est responsio, si quispiam reciprocas demonstrare vellet decompositiones ex alumine, cujus acidum terrestrem basim mittere videtur, ferri limatura addita, metallicam suscipiens, dum contra argilla in lixivio ultimo vitriolico solvitur, ochram dejiciens. In priori nempe casu adest ferrum, sibi propria phlogisti copia onustum, & hoc solutioni aluminis inditum, acido tantum excedente suscipitur, laxius adhærente, quam saturationi inserviens. Ex-

ces.

cessu autem sublato, argilla exacte satiata decidit insolubilis. Alio igitur modo, quam hactenus, considerari debent hæc phænomena, nam argilla exacte satiata ferro non decomponitur.

SIMILITER cuprum acida ferro cedit, croco vero martis eadem eripit. Hinc facile explicatur, a D. MARGGRAF detecta vitrioli martis, mediante cupro, decompositio, quæ nequaquam reciproca est, etenim cuprum non nisi ferrum, ultra justum gradum dephlogisticatum, dejicit.

IN vase aperto inflammabilis materia facile separatur, in primis accedente calore: hinc necessario quovis fere momento indolem mutat solutio vitrioli martis usque ad certum gradum, infra quem hac via progredi non licet. Quod cuprum heic adeo facile solvatur eo mirandum est magis, quod certius constat hoc metallum ab acido vitrioli ægerrime suscipi, nisi antea quodammodo calcinatum. In nostro autem casu, terra martis phlogiston cupri attrahit, quod mox iterum mediante calore amittit. Hæc inde dilucide confirmatur conjectura, quod cuprum calcinatum, eodem ac metallicum modo, in solutione vitrioli martis ebulliente solvatur. Acidum vitrioli concentratum cuprum quidem adgreditur, adjuvante calore sufficiente, sed probe notetur vapores emanantes tum esse acidum vitrioli phlogisticatum, quod inflammabilis portionem sub-

blatam testatur. Quomodo alioquin rite intelligendæ sint metallorum ex acidis per alia metalla deturbationes, in sequentibus fufius explicabitur.

§. VII.

Anomalix apparentes e folubilitate.

Accidit interdum, ut initio nulla decompositionis vestigia appareant, etfi hæc revera locum habet. Alkali fixum minerale acidis unitum ad fatietatem, & aqua solutum, addito alkali vegetabili puro manet in solutione limpida, nulla congruatio, nulla observatur præcipitatio. Hinc magni nominis Chemici concluderunt, alkali vegetabile minerali nequaquam vi attractiva præpollere, sed ponamus tantisper alkali minerale fede extrudi, annon inde solutio turbari debeat? Minime, nam alkali minerale est per se solubile, non igitur ullo modo limpiditatem impedire potest. Itaque ex hoc phænomeno solo nihil sequitur certi, vaporet vero solutio & reperietur tandem alkali minerale liberum seorsim crySTALLISATUM, prætereaque tartarus vitriolatus, si sal Glauberi; nitrum prismaticum, si nitrum quadrangulare; & sal denique digestivus, si muria tentamini fuit subjecta. Vide schema 3.

METALLA nonnulla ex acidis dejecta nimio alkali facile iterum solutione evanescent. Platina & aurum alkali vix ita dejecti
pos-

possunt, quin solutiones tinctæ maneant. Zincum, cuprum, argentum, niccolum & cobaltum alkali volatili superfluo nullum præbent præcipitatum, nisi heterogeneo contaminata.

Est & aliud impedimentum, quod sæpe decompositiones celat. Scilicet, si materies sede extrusa novam solvat combinationem, vel saltim non impediat aquam solutionis. Hoc cum acidis nitri & salis, aliis fortioribus expulsis, haud raro locum habet. Ita e. g. acidum vitrioli marino quidem magnesiæ eripit, sed modo, quod omnem oculorum effugit aciem, nam acidum salis liberatum, aquam solutionis acuens, mox magnesiæ vitriolatam suscipit, quæ alioquin admodum facile solvitur, adeoque nulla ejusdem prodeunt signa, antequam spontanea evaporatione eo usque fuerit diminutum menstruum, ut omni solvendo fiat impar. In sequentibus plura occurrunt hujus generis exempla, & simul docetur, quomodo huic obstaculo sit obviam eundum.

Huc etiam quodammodo pertinent præcipitationes ex subducta solutionis aqua, addita materia, quæ combinationem pristinam non mutat, aquam tamen eidem eripit, si utrique simul non sufficit, unde in parvas crystallos instar fere præcipitati, subito concrescit. Hoc, mediante acido vitrioli probe concentrato evenit, si justa dosis instillatur solutionibus saturatis tartari vitriolati,

aluminis, vitrioli, mercurii sublimati corrosivi, aliorumque salium, quos aqua difficulter suscipit, & quorum principia proxima acidum vitrioli distrahere nequit. Vitriolum hydrargyri vere decomponitur acido salis, quod calcem metallicam arripit, & sibimet unitam, defectu sufficientis aquæ, ad fundum trahit, sed acidum vitrioli concentratum solutioni sublimati corrosivi instillatum vicissim pulverem dejicit album, unde mox de decompositione, quæ reciproca vocari solet, concluderunt nonnulli, posterius autem præcipitatum exploratione nihil aliud esse reperitur, quam verum sublimatum corrosivum, solutionis aqua spoliatum. Alkali fixum vegetabile, in primis causticum ficcum, similia efficit, sub iisdem conditionibus, erit nempe basis æque firmiter vel fortius acido adhærens, quam alkali adhibitum. Tartarus vitriolatus, nitrum, alique nonnulli hoc medio subsidunt.

Hæ præcipitationes jam memoratæ raro sunt perfectæ, nam in liquido plerumque quidquam solutum remanet.

TANDEM heic commemorare liceat phænomena anomala, quæ ex apparente pendunt solubilitate. Liquor filicum, uti notum, filiceum ope alkali fixi aqua solutum continet. Instillato acido filiceum deturbari debet, quod etiam re vera accidit, nisi liquor diluatur aqua, quæ quater & vigesies circiter vel ultra ejus superat pondus, hoc enim

enim factò nulla fit turbatio, quamvis etiam acidum adfundatur ultra quantitatem, sal alkalino saturando necessariam. Hic habitus filicei solutionem mentitur, sed vera ratio est, quod filiceæ moleculæ in copiosa aqua ita dividantur, ut vi amplitudinis respectu ponderis subsidere nequeant. Quum hoc fufius alibi explicaverim *d*), quam brevissime heic rem extricandum existimo. Addam tantum, quod nec sal neutrali orto solvatur filiceum, nam filiceæ moleculæ ebullitione, quæ alioquin solubilitatem auget, decidunt, idque ob auctam liquoris per æstum tenuitatem. Si quis objicit, quod ex eodem fundamento aliæ quoque terræ suspendi deberent, paulo maturiore consideratione facile inveniet, quod 1:mo reliquarum terrarum primitivarum nulla sit alkali solubilis, præter argillaceam, hanc vero simul acidis solvi, adeo ut nullus alkalini vel acidis salis excessus sine solutione locum habere queat. 2:o quod terra calcarea, e mensuris acidis alkali fixo caustico, probeque diluto, sensim eo usque instillato, donec in liquore alkali ita abundet, ut papyrus fernambucata eo cærulescat, non præcipitetur visibilis, si solutio antea diluatur aquæ destillatæ volumine quinquagies majore. Clarus manet liquor, sed in superficie cremorem pedetentim contrahit. Solutio calcarea adhibita adeo dives esse debet, ut aqua calcis

d) Opusc. Vol. II, p. 36.

cis saturatissima ejusdem voluminis, tantum calcis fovere nequeat, alioquin dici potest, quod calcareum in solutione clara alkalifata sit revera solutum & non suspensum. Si solutioni claræ alkalifatæ unica gutta salis alcalini aëratî instillatur sine agitatione, mox nubeculæ albæ in conspectum veniunt, si autem æqualis gutta immiscetur totam quassando massam, hæc nullo modo turbatur, nam motus impedit ne moleculæ separatæ coalescere possint. En igitur calcareum certo suspensum. Jam contradicendi ratiunculas sublatas spero.

§. VIII.

Anomalix ex copula trium materiarum.

NONNULLÆ materiæ ejus sunt indolis, ut coalescant tres sine exclusione ullius. Unio nempe duarum ita determinatam tertiæ, immo interdum plurium quantitatem appetit, ut arctissimo connectantur vinculo, vix ulla dein arte rumpendo. Viam in primis ficcā hoc premit incommodum, terræ namque tam invicem, quam cum salibus mixtæ, colliquefcunt absque exclusione, quod itidem de plerisque valet metallis. Non equidem *A* æquali attrahunt vi *a* & *b*, sed potius *Aa* cum *b*, vel *Ab* cum *a* firmissime copulantur, quod tamen non impedit, quominus *a* attractione electiva per se possit τὼ *b* præpollere, licet unionum particularis natura exclusionem impediat. Alkali volatile, acidum

dum salis & calx hydrargyri; alkali volatile, acidum vitrioli & magnesia; ferrum, acidum vitrioli & magnesia, ut alia taceam exempla, determinatis proportionibus adeo arcte cohærent, ut crySTALLIFICATIONE nequeant divelli, & ægerrime quoque alia ratione. Idem sæpe valet de 4 ingredientibus: de borace cum tartaro, de magnesia vitriolata cum sale communi, de gypso cum sale communi, multisque aliis. Huc pertinet etiam sulphuris hepar via sicca ex tartaro vitriolato & carbonum pulvere ortum: dum heic phlogiston primum concipitur separasse acidum & sulphur generasse, quod dein alkali solutum hepar præbet, vix quidem in tanto calore sine vel sublimatione, vel deflagratione perstituræ videntur novellæ sulphuris moleculæ, sed nova connubia eodem fere momento perficiuntur.

Ex hac quarumdam materierum natura peculiaris sæpe oriuntur phænomena. Si quis magnesiā vitriolatā vel hydrargyrum salitum alkali volatili deturbare conatur, parum habebit præcipitati quæsitī, sed novum nascitur connubium triplex, sal propriæ naturæ. Si saturatæ solutiones calcis nitratæ & magnesiæ nitratæ commiscantur, præcipitatum prodit minime expectatum, constans sale triplici, utraque terra & communi acido composito, difficilior solubili, quam quilibet sal ingrediens, & eam ob causam fundum petens. Novus sal majori aquæ dosi
su.

fufcipitur. Multa talia phænomena fciens præterire cogor.

§. IX.

Anomalix ex determinata alterutrius ingredientis abundantia.

ME quidem non fugit quosdam chemicos contendere vanam eſſe illam doctrinam, quæ ſales neutrales vel medios determinatam acidi abundantiam recipere poſſe adfirmat. Quod vero talis interdum locum habeat, luculentiffime plura monſtrant exempla jam memoranda, hæc tamen, rei naturæ convenienter, longe adhæret laxius, quam quod ſaturationi eſt neceſſarium. Solvatur ad ſaturitatem aqua deſtillata tartarus tartariſatus perfectè neutralis, inſtilletur dein acidum tartari genuinum (§. XXIII), cito materia ſpongioſa alba ſecernitur fundum petens, quæ collecta & examinata verum præbet tartarum. Quæ cauſa hanc ſingularem provocat mutationem? Hoc haud difficile eruitur, ſi naturam materierum conſideramus. Eſt nempe tartarus nihil aliud, quam alkali vegetabile, majori fœtum acidi proprii quantitate, quam ad ſaturationem neceſſaria. Qui tartari ſaporem, cum alkalinis efferveſcentiam, ſuccorum vegetabilium cæruleorum ruſeſcentiam, cetera, novit, de abundantia acidi non poteſt dubitare, immo ad noſtra uſque tempora, tartarus totus in-

ſtar

star salis acidi consideratus fuit. Tollas exacte alkali vegetabili addito, excessum acidum & habebis tartarum tartarificatum, qui Gallis Sal vegetabilis audit. Nihil igitur aliud est tartarus depuratus, quam tartarus tartarificatus, cum determinata acidi abundantia, & hac addita tartaro tartarificato ex illo mox oritur, aquæ solventis inopia qua maximam partem fundum plerumque petens. Differunt igitur tartarus & tartarus tartarificatus, non materiis ingredientibus, sed earundem diversa proportione, & stupenda hinc nihilo minus enascitur discrepantia saporis, aliarumque facultatum, in primis vero solubilitatis. Scilicet, tartarus tartarificatus avide adeo aquam appetit, ut in aëre humido fere deliquescat, contra vero tartarus 150 requirit partes, si 1 in calore medio solvetur, quod eo magis est mirandum, quo certius constat, & ipsum acidum superfluum per se, & alkali vegetabile tartarificatum, facillime aquam subire. Abundantia, quæ differentiam producit, nec crystallisatione, nec filtro humectato, nec alia tolli potest ratione, nisi sola saturatione.

HABEMUS igitur exemplum perspicuum, ex quo certe colligere licet, alkali vegetabile licet saturatum, determinatam tamen abundantiam acidi tartari non modo non respuere, sed etiam facillime recipere. Perspicuum heic elucet exemplum attractionis inter salem neutralem, & acidum ejusdem spe-

speciei, ac compositionem ingrediens. Si aliud acidum quodcunque tartaro tartarificato instillatur, tartarus itidem fecernitur, quod ira explicari solet, quasi acidum adhibitum vi expelleret tartarum. Sed tartarus non est acidum solum, uti diu creditum fuit, cur igitur alkali huic unitum simul expellitur? Si heic præcipitatio vi propioris adfinitatis evenit, cur eandem etiam efficit acidum tartari? Cur acetum, acido tartari re vera debilius (§. XXXVII)? Ut distincte nexum operationis percipiamus, concipiatur tartarus tartarificatus ita bipartitus, ut altera pars *b* tantum contineat acidi, quantum alteri *a* necessarium est, ut fiat tartarus. Addatur jam acidum peregrinum, basin alkaline partis *b* saturans, refluat acidum tartari eidem antea unitum in alteram *a*, quæ tanto ardore illud antea appetit, ut mox arripiat & in tartarum abeat, modo quidquam accedat, quod principiorum cohærentiam in *b* vel tantillum infringere valet.

Sal Saignetti eodem se habet modo. Si alkali volatile aqua solutum acido tartari sensim saturatur, tandem tartari solubilis alia species oritur, quæ superfluo acido innox congruatur, novum exhibens tartarum, ægerime solubilem, ob laxiorem vero principiorum nexum, vulgari magis acidum.

SED non tartarus solus essentialiter abundantiam acidi requirit. Novimus dudum plures sales ejusdem indolis. Sal acetosellæ constat

stat alkali vegetabili & acido peculiari excedente (§. XXIV). Ita quoque acidum arsenici ex affe saturatum alkali vegetabili, in crystallos cogi nequit, si vero quantum satis abundat acidum, egregiæ haud difficulter concresecunt (§. XX). Hinc patet cur sal arsenicalis Dom. MACQUERI in crucibulo hucusque præparari non potuit, nam necessaria abundantia ignis vehementia fuit expulsa.

DOMINI DU HAMEL & GROSSE per terras quoque absorbentes tartarum fieri solubilem observarunt, sed ignorato vero hujus operationis nexu. Scilicet, addito alkali abundans futuratur acidum & tota massa fit solubilis, creta vero eundem absorbens excessum mox salem difficillime solubilem generat, qui ideo fundum petit (§. XXIII), at, abundantia illa acidi a tartaro separata, non nisi tartarus tartarifatus restat, qui facillimæ est solubilitatis.

ANNO 1760 attentione dignissimum divulgavit experimentum D:nus BAUMÉ, quo patere existimat, tartarum vitriolatum totum quantum acido nitri posse decomponi via humida. Hoc quoque exemplo reciprocas adfinitates extra omnem dubitationis aleam positas credunt recentiorum nonnulli, sed propius examen omnem dissipat ambiguitatem. Observandum igitur est, r:ò quod tartarus vitriolatus aqua solutus, instillato acido vitrioli concentrato, tertiæ salis parti respondente, vaporando abeat in crystallos, quæ $\frac{1}{3}$ pon-

deris auctæ, siccæ manent, quamvis acidæ. Plus acidi salem deliquescentem generat. Excessus acidus destillando in retorta ægre totus abigitur, in crucibulo melius fundendo finis obtinetur. Iteratæ crySTALLIFICATIONES non valent. Plures cum spiritu vini rectificatissimo lotiones optimum præbent edulcorandi medium. 2:do Acidum vitrioli iusta dosi nitrum plene decomponere novimus, etiam via humida, unde major ejusdem, quam acidi nitri attractionis vis, elucet. Non igitur heic opus est distinctione inter viam humidam & siccam. 3:do Tartarum vitriolatum acido nitri forti & calido solutum, qua tertiam tantum partem, vel parum ultra, decomponi, quæcumque demum adhibeatur acidi copia. 4:do Nec opus esse calore, nec acido nitri concentrato, etenim porcioni cuidam aqua ita dilutæ, ut nullum ederet fumum, addidi copiose tartarum vitriolatum pulveratum, in loco frigido reposui per 36 horas, quibus elapsis liquidum decanthavi, spirituque vini rectificatissimo adfuso præcipitavi pulverem album, qui collectus & siccatus verum fuit nitrum, & notatu est dignum, quod tartarus vitriolatus non decompositus mediante superfluo acido ita fuerit solubilis, ut spiritu vini ægre secerneretur. 5:do Tartarum vitriolatum, iusta acidi abundantia præditum, ut in momento primo, nullo modo ab acido nitri concentratissimo mutari. Vix sufficit tartari vitriolati pulverem acido vitrioli imbuere,

mediante aqua fervente simul solvatur oportet. 6:o Præter acidum nitri, etiam salis & tartari, multaque forte alia, similiter tartarum vitriolatum decomponere. Sal Glauberi vel Alkali minerale vitriolatum acido muriatico totum etiam solvitur, sed præter propter tertia tantum pars decomponitur, uti observavit D. KIRVAN. 7:o Duas tertias tartari vitriolati, quæ restant infractæ, cum abundantia acidi vitriolici in crystallos abire, & qua indolem illis convenire, quæ in primo momento comparantur.

HiscE perpensis facile patet heic eodem modo negotium peragi ac cum tartaro tartarificato. Sit *b* pars tartari vitriolari tanta, ut ejus acidum determinatam illam abundantiam, quam altera *a* recipere potest, contineat. Additum acidum nitrosum per se & solum basi vitriolicum privare nequit, ast *a* illud simul attrahens, resistantiam eo usque minuit, ut nitrosum basin alkalina $\tau\delta$ *b* arripiat, subsistit vero intra limites determinatos. Sit tartarus vitriolatus in duas divisus partes, quarum altera suam acido nitri præbet basin, altera quæ non decomponitur. Heic igitur 3 vires agunt. Apelletur vis, qua tartari vitriolati pars decompositionem respuens attrahit determinatam acidi abundantiam *A*, *B* illa, qua pars componenda suam retinere conatur basin, & tandem vis acidi nitri in eandem basin *C*, patet nullam fieri posse decompositionem, si

$A + C < B$, nec si $A + C = B$, si vero $A + C > B$, hæc mox perficitur.

QUÆ de tartaro vitriolato in acido nitri soluto diximus, de sale Glauberi, & ammoniaco secreto, multisque forte aliis, itidem valent, adeo ut e phlogisto, in sale alkalino præsentē, derivari nequeant hæ decompositiones. Nitri & salis digestivi solutiones concentratæ, acido tartari instillato, cito verum tartarum ex antea explicata ratione demittunt: nitrum vero quadrangulare & sal marinus, quorum basis alkali minerale cum acido tartari longe aliter se habet, nullam in similibus experimentis porrigunt præcipitationem.

PLURES anomalix spurix e sublato vel diminuto excessu acido oriuntur. Scilicet variæ materiæ quibusdam menstruis sales gignunt adeo difficulter solubiles, ut sine abundantia suspensi teneri nequeant. Ita calx acido arsenici copioso solvitur, sed alkali volatile causticum, magnesia, calx ipsa & in genere omne, quod excessum acidum absorbere valet, mox præcipitationem procreat. Si quis hinc calcem alkali volatili caustico & magnesia extrudi concludat, certe fallit & eodem jure idem per calcem ipsam fieri contendere debet. Præcipitatum examinatum non calcem solam exhibet, sed acido arsenici satiatam, quod operationis indolem satis prodit. Cum calce, acido phosphori solvenda, eadem recurrunt phænomena, & cum multis aliis, ægre solubilibus.

OMNES fere sales metallici heliotropium rufant & hic excessus vix tolli potest sine salis destructione.

SED non acida tantum saturitatis limites interdum transgrediuntur, idem quoque valet non numquam de basi & salina, & terrestri, & metallica. Borax optime depurata haud ambigua prodit signa alkali abundantis, & salis sedativi æquali fere pondere adhuc opus habet, ut plene saturetur. Cur acidum arsenici, alkali vegetabili perfecte licet saturatum, nihilo minus acidum e nitro destillando expellat, antea explicavi (§. VI), sed heic addi potest, quod acidum arsenici etiam alkalini salis excessum, dum res circumstantes permittunt, appetat, & hic nifus sine dubio separationem quoque juvat. Ex eodem fundamento alkali vegetabili accurate satiatum acidum arsenici hepar sulphuris & saponem decomponit, uti D:nus SCHEELE detexit. Aluminis acidum paullum excedit, adeo ut heliotropium possit rufare, & adhuc majorem abundantiam recipere valet, sed etiam vicissim propria basi ultra saturationis limites onerari. Calx plumbi saturno corneo & saccharo saturni in abundantia quoque adunari potest. Turpethum minerale & pulvis Algerotti basi abundant & post exactissimas loriones destillando acidi portiunculam porrigunt. Alia prætereo exempla. Itaque ex omnibus allatis patere opinor, illam de determinata alterutrius in-

X 3

gre-

gredientis abundantia doctrinam, non modo non absurdam esse, sed re vera in multis casibus locum habere. Hæc quidem abundantia laxius plerumque adhæret, quam quod saturationi necessarium est, ideoque haud raro facile abigitur, sed hoc non impedit, quin sit realis. Est heic, ut antea monui, attractio inter salem saturatum & acidi vel baseos determinatum excessum. For-
san talis in omnibus salibus compositis locum habet, prævalente jam vi, quæ acidum, alia vero vice, quæ basin appetit, quamvis hætenus non nisi pauca exempla innotuerint. Ad fidem quoque pronum est, quod moleculæ salinæ solutæ majorem recipiant excessum, quam concretæ, hoc saltem modo se gerunt eadem respectu materiæ caloris longe subtilioris, liberæ namque concresecendo plerumque secernunt certam portionem, quam sub solutione arripiunt. Aperitur heic novus campus, non dum aratus & satis quidem difficilis, quum debiliores sint attractiones compositorum & interdum vix observari possint, interea notabilia phænomena ex illis non numquam unice sunt derivanda. En exemplum. Digeratur hydrargyrum æstu, crySTALLISATIONEM impediēte, in æquali acidi nitrosi pondere: initio metallum cum effervescentia modo consveto suscipitur, tandem vero bullarum generatio cessat, nullusque oritur aër nitrosus, interim tamen hydrargyrum sensim minuitur qua maximam partem. Heic primo hydrargyrum nitratum
vul.

vulgare, basin calcinatam tenens, formatur, & hoc dein hydrargyro satiatur, cujus phlogiston manet. Si solutioni hujus salis adfunditur muria soluta, pulvis albus decedit, qui genuinus est Mercurius dulcis & in novissima Pharmacopoea suecica hac methodo paratus præscribitur *e*). Acidum nempe salis sub mixtione hydrargyrum calcinatum arripit, abiens in Mercurium sublimatum corrosivum, qui mox hydrargyrum completum ad plenam mitigationem sibi appropriat, & nihil aliud accidit, dum via sicca præparatur Mercurius dulcis.

§. X.

Quomodo determinandæ attractiones electivæ simplices.

PENSITATIS & consideratis, quæ ob stare possunt, difficultatibus, ad propositum properemus. Sint *a, b, c, d*, &c. diversæ materiæ, quarum attrahendi vires respectu *A* sunt eruendæ.

A) Solvatur *Ad* (h. e. *A* τὸ *d* ad saturitatem unitum,) aqua destillata & dein *c* parva dosi addatur, quod vel per se aqua solubile esse potest, vel etiam insolubile. Sit primum *c* solubile, hujus adhiberi debet solutio concentrata, quæ instillata solutioni τὸ *Ad* interdum mox congruat & præcipi-

X 4

pi-

e) Conf. SCHEELE in Actis Stockh. 1778.

pitatum præbet, quod collectum lotumque, aut qualitatibus $\tau\tilde{a}$ *Ac* propriis, novum connubium prodit, aut d extrusum, aut interdum utrumque. Jam ulterius restat explorandum, num omne d sufficiente c possit unione pristina extrudi. Probe heic in genere notetur oportet, decomponentis c duplo, triplo, immo interdum sextuplo majore opus esse quantitate, quam quæ $\tau\tilde{a}$ *A* libero saturando sufficit. Si c nullam efficit separationem, ne quidem post plures horas, ad crySTALLIFICATIONEM sponte vaporet liquidum, vel ad siccum, calorem eminentioris gradus evitandò, ne adfinitates quodammodo turbet (§. IV). Heic cognitio materierum, qua figuram, saporem, solubilitatem, fatiscientiam, reliquasque proprietates, eas etiam, quæ alioquin nullius momenti esse videntur, multum juvat, ut tuto facileque dijudicetur, num & qualis locum habet decompositio. Interdum materia libera, vel addita, vel extrusa, examinanti multum negotii facessit, proprietates alterius genuinas celando, ideoque, si fieri potest, aqua, vel spiritu vini, pro re nata prudenter est auferenda.

PONATUR jam c insolubile, e. g. metallum, ejusdem lamina nitida & probe depurata solutioni $\tau\tilde{s}$ *Ad* immittatur, & num in eadem quidquam deponatur observetur. Pluribus successive immixtis laminis tandem innotescit, num pars tantum $\tau\tilde{s}$ d , an omne, vincula laxet. Non numquam nulla exer-

tur decompositio, etsi superficies metalli additi sit nuper limata, nisi acidum paulum abundet, & quantum hucusque colligere potui, non semper refert, num acidum superfluum sit ejusdem indolis, ac illud, quod *Ad* continet, an vero alius.

Si alterutra tantum ex combinationibus *Ad* & *Ac* spiritum vini rectificatissimum subit, evaporatione vix opus est, nam miscela facta & per aliquot horas in quiete relicta, spiritu vini addito, secernit, quod eo solvi nequit.

ODOR præterea sæpe quid peragatur prodit. Acetum, acidum formicarum, salis, nitri, alkali volatile, &c. liberata haud difficile eo dignoscuntur. Sapor adfvetam quoque interdum instruit linguam.

b) *Ad* dein seorsim cum *b* & *a*, &c. eodem, ac jam dictum est, modo, tractetur.

c) SIMILITER postea *Ac*, *Ab*, *Aa*, &c. suo ordine explorentur.

TALI examine, qua decet attentione peracto, attractionum series tandem proditur. Omnem interea chemici exercet hic labor & patientiam, & diligentiam, & adcuracionem, & scientiam, & habitum. Ponamus tantum seriem 5 terminorum *a*, *b*, *c*, *d* & *e* respectu *A* esse eruendam, 20 requiruntur diversa experimenta, quorum tamen quodlibet plurima alia involvit: series 10 terminorum requirit 90, & in genere, si *n* est

X 5

est numerus terminorum seriei, erit $n . n - 1$
 numerus experimentorum.

d) SIMILITER via sicca singula connubia cum *a, b, c, &c.* seorsim explorentur, sed in crucibulo, vel, si fieri potest, ut volatili simul colligatur, in vase retorto, ad candescentiam usque sufficienter ignito.

HÆC in genere illa est via, quam secutus sum: hic labor continuatus varias fortasse inveniet semitas breviores, saltem in certis casibus proficuas. Ceterum probe cavendæ sunt fallaciæ ab anomaliis apparentibus antea descriptis facile oriundæ.

§. XI.

Nova attractionum tabula condenda.

QUÆ hætenus existant tabulæ exiguum tantum materierum exhibent numerum, & harum quamlibet non nisi cum paucis aliis comparatam. Hoc minime est eorum exprobrandum laudatis auctoribus, nam herculeus hic est labor multorumque annorum. Licet igitur perquam diu huic operi, quantum alia negotia peragenda bene multa permiserunt, qua potui vigilantia fuerim intentus, ea tamen tanto minus me capere potuit temeritas, ut jam perfectam porrigi credam, quanto certius mihimet notum est, levem illam & jam propositam adumbrationem ultra 30000 exquisita requirere experimenta,

fi

si perfectionem quamdam attinget. Ast dum hoc mecum reputavi, vitæ præterea breve esse curriculum, prosperamque valetudinem incertam, hætenus a me factas observationes, quamvis incompletas & mancas, in medium proferre decrevi, ne in schedis perirent, fiet autem quam brevissime. In se parum refert per quem scientia ditetur, per me an per alium veritates huc pertinentes eruantur. Interea laborem inchoatum, si Deus vitam, vires & otia necessaria concesserit, continuare decrevi. Metam mihi propositam & instituti rationem jam explicabo, quæ si artis magistris non displicent, haud paucos mihimet auxiliares porrecturos manus spero, nam facilius est unam alteramve columnam perficere, quam singulas ad umbilicum perducere. Magnum numerum produco simpliciorum, quæ in Chemia occurrunt substantiarum. Harum quidem plures non modo compositæ sunt, sed etiam facile in principia distrahuntur proxima: huc accensendæ sunt hepar, sulphur, metalla imperfecta, ceteræ; sed heic eædem in censum non veniunt, nisi quatenus integræ exercent attractiones & decompositiones, dum vero earum partes constitutivæ proximæ divelluntur, adfinitates prodeunt duplices, quæ in hac tabula non considerantur.

I

PRÆTEREA varias adduxi, quæ nuper innotuerunt, incertæ adhuc geneseos & compositionis, quales sunt acida fluoris, arsenici,
tar-

tartari, sacchari & acetosellæ, inter terras magnesia & terra ponderosa, nec non inter metalla platina, niccolum, magnesium & siderum, de quibus sigillatim plura suis locis. Sint hæ materiæ obscuræ originis, in eo cum aliis diutissime notis consentiunt: sint ab aliis derivandæ, hinc tamen idoneam excludendi rationem non obtineo, etenim jam diversæ sunt, constantes servant proprietates, attractiones exercent absque decompositione, & quoties lubet easdem sibi perfecte similes habere possumus: earum ideo vires e re est cognoscere & perquirere. Singula, quæ tractamus, probabiliter composita sunt, & licet hodie principia ignoremus, alio eadem detegi possunt tempore.

SUPREMUM tabulæ stratum, ut ita dicam, continens 59 rectangula horiyontaliter disposita, exhibentia 59 diversas substantias, signis indicatas vel antea cognitis, vel etiam novis, quæ jam ideo secundum ordinem appositorum numerorum recensebo, ut ulteriori signorum explicatione non sit opus, nam in reliquis vix ulla adest, quæ non in prima comparet. Sunt autem 1 *acidum vitrioli*, 2 *acidum vitrioli phlogisticatum*, 3 *acidum nitri*, 4 *acidum nitri phlogisticatum*, 5 *acidum muriæ*, 6 *acidum muriæ dephlogosticatum*, 7 *aqua regis*, 8 *acidum fluoris mineralis*, 9 *acidum arsenici*, 10 *acidum boracis*, 11 *acidum sacchari*, 12 *acidum tartari*, 13 *acidum acetosellæ*, 14 *acidum citri*, 15 *acidum Benzoës*, 16 *aci-*

16 acidum succini, 17 sacchari lactis, 18 acetum destillatum, 19 acidum lactis, 20 acidum fornicarum, 21 acidum sebi, 22 acidum phosphori, 23 acidum perlati, 24 acidum cærulei Berolinensis, 25 acidum æereum, 26 alkali fixum vegetabile purum, 27 alkali fixum minerale purum, 28 alkali volatile purum, 29 terra ponderosa pura, 30 calx pura, 31 magnesia pura, 32 argilla pura, 33 terra silicea pura, 34 aqua, 35 aer vitalis, 36 phlogiston, 37 materia caloris, 38 sulphur, 39 hepar sulphuris salinum, 40 alcohol vini, 41 æther, 42 oleum essentiale, 43 oleum unguinosum, 44 aurum, 45 platina, 46 argentum, 47 hydrargyrus, 48 plumbum, 49 cuprum, 50 ferrum, 51 stannum, 52 vismutum, 53 niccolum, 54 arsenicum, 55 cobaltum, 56 zincum, 57 antimonium, 58 magnesium & 59 siderum.

Et hæc quidem substantiæ sunt quasi capita, quæque suæ, cui præest columnæ verticali, ad quas singulæ inferiores, ita referuntur, ut quo propiores, eo etiam adfinitate vel attractione validiores intelligantur. Quævis itaque columna non tantum singulas, quæ ex 59 memoratis cum capite vel principali substantia suprema uniri possunt, monstrare debet, sed etiam ordinem, quem hæc connubia sequuntur. Margo duplicatus stratum 30 a reliquis distinguit, & est hoc primum quoque ad viam pertinens siccam. Quæ in hisce occurrunt ad suprema itidem columnarum capita sunt referenda.

TANDEM tam strata horizontalia, quam columnas verticales, numeris utrimque distin-

stinxi, ut facilius quodlibet rectangulum & inveniri & memorari possit. Ob novas introductas materias, tabulam attractionum simplicium jam bipartiri cogor, & aliquando, dum experimenta multiplicata majorem admittere possunt substantiarum numerum, adeo ut binæ easdem capere nequeant, hæc in 4 commodè disparti possunt, prima pro acidis, secunda pro salibus alkalinis & ter-
ris, tertia pro phlogisticis & quarta denique pro metallis.

§. XII.

Columna I, acidi vitriolici.

1) DE hujus columnæ capite, tamquam notissimo, non nisi pauca præfari opus est. Adeo firma est ejusdem compages, ut nondum principia proxima eruere licuerit. Nuper quidem egregia experimenta analysin & synthésin hujus acoris patefacere visa sunt *f*), sed, ni fallor, aliter intelligenda. Scilicet sulphur in vase, aëre atmosphærico impleto & ope hydrargyri clauso, accensum aëris vitalis portionem absorbet & acidum porrigit duplo vel triplo pondere gaudens respectu sulphuris consumti. In sulphure igitur acidum longe levius & aëre spoliatum adfuisse creditur. Idem confirmatur pyrite sulphureo fatiscente, qui in ferrum vitriolatum abit, sed non nisi simul absorbendo ju-

f) D. LAVOISIER Mem. de l'Acad. de Paris, 1777.

justam aëris vitalis portionem. Ut aër huic acido inhærens iterum provocetur, hydrargyrum vitriolatum in apparatu pneumatico ope ignis in formam metallicam reducitur. Sub hac operatione aëris vitalis insignis copia colligitur, quæ antea acidi compagem intrasse perhibetur. Hæc omnia sequenti modo explicanda existimo. Experimentis jam evictum est, cuivis corpori determinatum competere calorem specificum, qui tamen in uno eodemque plus minus variat pro diverso statu soliditatis, liquiditatis & fluiditatis (§. XLVIII). Jam acidum vitrioli in sulphure solidum adest, sub deflagratione autem deliquescit, ideoque calorem liquiditati proprium recuperat. Calores autem specifici sulphuris & acidi concentrati vitriolici se habent respective, ut 0,183 & 0,758, h. e. circiter at 1 & 4. At acidum in hoc experimento nudatum minimum continet aquæ, portionem nempe fluiditati sine conditione necessariam, & ex aëre vel hydrargyro, fere semper humiditate inquinatis, arreptam. Quo autem minus aquæ acido adhæret, eo etiam magis decrescit calor specificus, adeo ut heic sine dubio descenderit infra 0,758, ponamus ad 0,549 & ratio nuper memorata mutatur in 1 : 3. Ex allatis igitur sequitur, ut aër vitalis calorem specificum intret. Quod autem connubio formam aëream simul amittat, non sine decompositione recuperandam, patet, nam alias sub eadem ex acido expelli posset per alkalia, alia-

aliave saturantia, eodem modo ac acidum aëreum e creta, sed non nisi calor laxatur, nullus vero aër vitalis. Qui hydrargyrum vitriolatum reducendo prodit, e calore decomposito forte oritur, ut in sequentibus clarius videbimus (XLVIII). Non dum igitur principia acidi vitriolici certo sunt nudata, nam, quod ad caloris materiam attinet, hæc in nullo hæctenus noto corpore penitus desideratur.

INTER materias huc usque adhibitas, præ reliquis acidum vitrioli adhæret

2) *TERRÆ ponderosæ causticæ*, quæ solutioni tartari vitriolati immissa spathum generat ponderosum, in fundo restans insolubile, liquor vero supernatans continet alkali vegetabile causticum (Sch. 1). Alkali vegetabile causticum vel purum, spathum ponderosum decomponere nequit.

3) *HANC excipit alkali vegetabile causticum*, quod, solutioni salis Glauberi sufficiente copia immissum, iusta evaporatione præbet tartarum vitriolatum & alkali minerale liberum. Hoc ultimum vicissim acidum vitriolicum alkali vegetabili eripere non valet.

4) *ALKALI minerale causticum* calcaream gyphi basin dejicit, sed experimentum inversum non succedit.

5) *CALX caustica* magnesiæ præpollet, etenim Magnesia vitriolata (Sal Epshamensis) in aqua calcis mox distrahitur, suum calci por-

rigens acidum. Præterea alkali volatile, omniaque metalla, ab acido vitrioli divellit calx caustica.

6) *MAGNESIA caustica* solutioni salis ammoniaci secreti addita, nullum odore sensibilem mutationem efficere videtur, ast si miscela in lagena per aliquot nyctemera probe clausa servatur, ea dein aperta, distinctus prodit alkali volatilis odor. Admodum tamen parva est hæc virium differentia, adeo ut minimum prioris decrementum, vel posterioris incrementum, attractiones invertat. Hinc sæpe oritur præcipitatio magnesiæ vitriolatæ mediante alkali volatili caustico, nam alkali hocce perfecte purum ægre comparatur, aut enim ab una parte acidi aërei pauxillo contaminatur, aut ab altera calce pura, & utrumque inquinamentum præcipitationem efficit, prius vi duplicis adfinitatis (§. V), & posterius vi simplicis (mom. 5 præc.). Præcipua autem & semper efficax deturbationis causa est salis triplicis, solutu difficilioris, ortus, quod antea explicavimus (§. VIII).

7) *ALKALI volatile causticum* argillam ex acido vitriolico deturbat, item zincum, nisi adeo copiosum adfundatur, ut iterum omne solvi queat præcipitatum (§. VII): de reliquis idem valet, sed effectus nulla laborat ambiguitate, si metallum præcipitante suscipi nequit. Conferantur præterea, quæ in §§. XVI & XXXIX de alkali volatili sunt allata.

8) ARGILLA *pura*, h. e. terra aluminis in aqua alkalina probe digesta & optime dein lota. De præcipitatione aluminis per zincum, ferrum & nonnulla alia metalla sufficienter antea egi (§. VI). Ceterum calces metallicæ eodem adfinitatis gradu ac argilla a menstruis acidis suscipi videntur, saltem vitriolum cupri ope argillæ decomponere frustra tentavi, & cupro calcinato vicissim solutio quidem aluminis tingitur & sedimentum album deponitur, sed effectus soli debetur excessui acido, ut antea explicavi.

9 - 23) CALX *metallica* hunc forte locum tuetur. In omnibus attractionum tabulis, quæ hætenus editæ fuerunt, immo in nova illa, a me ipso anno 1775 divulgata, metalla in columnis acidorum comparuerunt, sed hac re melius pensitata, eadem jam excludere cogor. Quin hæc corpora ab acidis attrahantur & solvantur, ne tirones quidem scientiæ fugit, sed, quod probe est observandum, non integra & completa menstruis suscipiuntur, uti creditum fuit. Aliæ namque acidi particulæ superfluum auferunt phlogiston, aliæ calcinatum solvunt. Dum igitur mutilata & qua magnam partem altero principio spoliata menstruo inhærent, conditio evanescit, sub qua attractionibus simplicibus operatio adnumerari potest. Præcipitationes metallorum per metalla hucusque male fuerunt intellectæ. Dum pluribus abhinc annis primum observarem ordinem metallorum pro
omni-

omnibus acidis esse eundem, magnopere hanc miratus sum convenientiam, etsi qua alkalia & terras in variis differrent momentis. Hanc ob causam suspensionem fovere coepi, quod præcipitationum metallicarum series non ab acidi electione, sed ab alio dependeret fundamento. Hoc jam certus novi esse calcium solutarum vim, qua fortius debiliusve phlogiston præcipitantis arripiunt. De eo alibi dictum est g) & plura in sequentibus dicentur (§. XLVII). Jure igitur excluduntur metallâ completa, sed num ideo etiam calces rejiciendæ? Hæ re vera solvuntur, & rei naturæ congruere videtur, quod idem acidum inter 16 diversas aliquam reperiât discrepantiam, mediante qua nonnullas aliis præferat lubentiusque suscipiat. Sed, quum ratiocinatio sine experientiæ testimonio sit fallax, tentamina institui cum calcibus, præsertim argenti & cupri. Primo argenti in acido nitroso solutionem paravi, quantum fieri potest, saturatam. Eo quidem perducere non potui, quin heliotropium rufaret, sed talis excessus sine salis metallici destructione vix tolli potest. Huic solutioni cuprum igne calcinatum, addidi & digestionis æstui exposui per plura nyctemera, sed quamvis lente tantum solveretur, ut liquor cærulesceret, nulla tamen præcipitationis signa in conspectum prodierunt. Alia argenti solutio similiter saturata

Y 2

mer-

g) Diff. de Phlogisti copia in metallis, §. II.

mercurium calcinatum, qui vulgo per se præcipitatus vocatur, copiose fuscipiebat sine claritatis dispendio. Postea cupro acidum nitri satiavi, argentumque alkali fixo caustico præcipitatum immiscui, sed admodum parca heic locum habuit solutio, nulla autem præcipitatio. Itaque acidum metalla calcinata sine electione promiscue fuscipere videtur, modo justam amiserint phlogistidosis, nam magis minusve in quibusdam casibus notabilem efficit differentiam. Adhibito acido nitroso præterea interdum accidit, ut calx idonea sensim ultra genuinum terminum phlogisto spolietur & hoc facto mox rejiciatur. Talia momenta, e peculiari quarundum rerum natura pendentia, sollicite sunt observanda, ne erroneæ eliciantur conclusiones. Quod calces se mutuo attrahant, dudum alibi notavimus, præsertim respectu cupreæ & zincinæ *b*). Hæc connubia eodem soluta acido sales triplices sine dubio procreant, ulteriore dignos examine.

CALCES inferui metallicas ordine, quo præcipitari solent, quum illum scire non sit inutile, lineas autem horizontales oblitteravi, ut constet, respectu acidi nullum hactenus indagatam fuisse eligendi virtutem.

24) AQUAM heic colloco, quum pleraque vitriola solvat & iterum crySTALLISATIONE non mutata reddat. Me quidem non fugit, quod
hy-

b) Ibidem §. V, D.

hydrargyrum, stannum, vismutum & antimonium instillata aqua ab acido vitriolico divellantur, sed simul observetur oportet, copiosam requiri, quæ primum acidum abundans, hisce præ ceteris necessarium & laxius adhærens, aufert, dein mediante plerumque calore maximam quoque reliqui partem adgrediens, iusta vero dosis solutiones non turbat. Novimus acidum vitrioli superflua aqua ebulliendo perfecte spoliari non posse, sed ultra $\frac{1}{2}$ sui ponderis retinere, quæ ideo in solutionibus metallicis minimum aquæ possibile efficit. Ceterum copiosa aqua & sufficiente mora forte omnia destrui possunt vitriola, quo in casu alius eidem assignandus est locus, nisi alia causa tunc simul agat.

25) PHLOGISTON tandem agmen claudit, cui tamen recentiorum plerique primum tribuunt locum, ast hætenus mihi nullum innotuit experimentum, ex quo tuto colligatur phlogiston via humida & attractione acidi decomponere posse vel sales neutrales, vel medios terrestres, vel denique metallicos. Fortiter quidem attrahitur ab acido vitrioli, uti fuscus color monstrat, quem vel minima oleosi portione contrahit, sive hæc sit segregata, sive aliis corporibus intime connexa, interim tamen sufficiens aqua & hoc inquinamentum impedit, & dudum immixtum separat. Præterea acidum hocce, licet concentratissimum, carbonum phlogiston non attingit, nisi medi-

ante idoneo caloris gradu. Metalla acido vitrioli immissa phlogisti quidem certam dosin mittunt, sed hoc calore adjuvante peragitur, eo saltem, qui solutione excitatur, & dudum observavimus hanc privationem solutioni esse necessariam (§. V), quod mox ulterius confirmabitur (§. XIII).

31) VIA *sicca phlogiston* primum occupat locum, etenim tartarus vitriolatus, sal Glauberi, spathum ponderosum & gypsum, mediante carbonum materia inflammabili & sufficiente igne, acidum perdunt.

32) TERRAM *ponderosam* hac etiam via tartarum vitriolatum decomponere probabile est, restat tamen experimento confirmandum.

33) ALKALI *vegetabile* expellit volatile.

34) ALKALI *minerale* idem præstat, sed num alkali vegetabili cedat, non dum est exploratum.

35) CALX *caustica*, æque ac

36) MAGNESIA *caustica*, salem ammoniacum secretum acido spoliant.

37) METALLA probabiliter omnia, vel potius eorum calces, alkali volatile similiter expellunt, idque causticum. Cum plumbo, stanno, cupro, ferro, aliisque tentamina sunt instituta.

38) ALKALI *volatile*.

39) ARGILLA *pura* salibus ammoniacis acidum eripere non valet.

§. XIII.

Columna 2, acidi vitriolici phlogisticati.

PHLOGISTON acido vitrioli alas impertire emphatice & vere dixerunt veteres, ejusdem enim unione, quod antea intensum requirit ignem, si sublimiora petet, postea etiam sponte vaporat. Effectus vero mirum in modum variant pro diversa proportionem. Scilicet, acidum vitrioli inflammabili plene saturatum sulphur præbet vulgare: si minori oneratur quantitate, acidum vitrioli aëri-forme, alias aëris vitriolici nomine notum, prodit, quod in hydrargyro collectum frigore nequaquam in liquorem condensatur, admodum leve, gravitate specifica 0,00246 non superans. Camphoram mox fundit & flammam exstinguit. Aquæ destillatæ grana 100 vix 5 acidi nostri aëriiformis suscipiunt & hunc liquorem distinctionis ergo *Acidum vitrioli phlogisticatum* voco. Hoc acidum eodem fere frigoris gradu, ac aqua pura, gelascit, restante in glacie, quod mirari convenit, aura acida, quæ alias in vase aperto aquam deferit. Igni in tubo hermetice clauso per 20 dies expositum sulphuris secerne-re portiunculam i), notatu est dignissimum. Num caloris decompositio heic quidquam efficiat?

ACIDUM vitrioli mediante igne cum ple-risque materiis, inflammabili fœtis, rite tra-

Y 4

cta-

i) D. PRIESTLEY, Experim. vol. I.

statum phlogisticari potest, ope acidi aërei in hunc statum nequaquam redigendum. Phlogiston heic notabiles efficit mutationes, liquidum namque valde fixum, grave, inodorum, acerrimum, fit elasticum, leve, eo usque volatile, ut odore penetrantissimo fere suffocet, & præterea adeo debilitatum, ut alkali eidem eripiat acidum vegetabile. Num attractiones electivæ hinc variant, non dum mihi experiri licuit. Quod alkalina solvat, quod alkali fixum causticum & calx pura alkali volatile expellant, itemque aqua calcis magnesiæ deturbet, scio, interea usque dum ordo fuerit inter reliqua exploratus, eundem ac in præc. col. adhibeo. Sales neutrales & medii terrestres cum hoc acido geniti tam qua figuram, quam saporem, aliasque proprietates paullum discrepant ab illis, qui acidum vitrioli purum continent, differentia tamen ætate evanescit, nam sensim avolat phlogiston.

Quum vero metalla facile omnia, ut solvantur, determinata, sed pro diversis inæquali phlogisti dosi, sint privanda, (etenim nullum in statu regulino acidum subit vitrioli, nisi vel aër inflammabilis, vel acidum separetur aëriforme, dum singula vicissim iusta inflammabilis portione spoliata, non tantum facilius solvuntur, idque sine ulteriori phlogisti jactura, sed etiam omnino similia ac in præcedenti casu exhibent vitriola), hinc necessario sequitur, ut acidum vi-

tri-

trioli phlogisticatum eadem respuere debeat, & ita quoque fieri nonnulla testantur tentamina. Zincum, quod alioquin acido vitrioli diluto cito solvitur, rite phlogistico sensim mutatur in pulverem album, qui nec acido vitriolico, nec marino suscipi videtur. Singulæ menstrui particulæ phlogisto inquinatæ sint oportet, alias quæ eodem liberatæ immixtæ reperiuntur, modo consuetum primum agunt, sed iis saturatis solutio cessat. Adjuvante tamen igne zincum tentari & aëris inflammabilis copia prodire narratur, sed non dum vidi. Flores zinci acidum phlogisticatum subeunt. Similiter se habet ferrum, præterquam quod nimis calcinatum vix solvatur. Cuprum in hocce menstruo nullo visibili modo mutatur. Præcipitata metallica, salibus alkalinis adquisita, instar regulorum subtilissime divisorum minime considerari debent, sunt enim re vera phlogisto plus minus spoliata, & hoc facile patet partim ex antea dictis, partim ex comparatione cum sedimento, metallo quodam præcipitante deturbatis, quippe quæ & nitore, & indole ab illis distincta. Quin igitur metalla iuste calcinata suscipiat acidum vitrioli phlogisticatum nullus dubito, singula tamen phænomena, qua decet cura, non dum satis examinata fateor. Experimenta viæ siccæ non sustinet volatile hocce menstruum.

§. XIV.

Columna 3, acidi nitrosi.

1) Hoc etiam acidum ea gaudere videtur compagis firmitate, ut non dum certo ejusdem principia potuerint indagari *k*). Cum variis quidem materiis igni expositum aëris vitalis magnam porrigit copiam, sed adhuc dubium restat, utrum hic in acido nudus dilituerit, an vero ex illo fatis phlogistica-to coaluerit. In sequentibus hæc ventilatur quæstio (§. XLVI). Eodem fere ordine ac vitriolicum attractiones electivas exercet.

2) TERRA *ponderosa caustica* acido nitri unita alkali vegetabili caustico separari nequit: adveniente acido aëreo, duplici adfinitate subsidet, sed nimio iterum solvitur.

3) ALKALI *vegetabile causticum* nitrum quadrangulare decomponit, prismaticum præbens.

4) ALKALI *minerale causticum*, calcem nitrata deijcit.

5) CALX *caustica* magnesiâ nitrata derurbat.

6) MAGNESIA *caustica* alkali volatile e nitro flammante expellit.

AL.

k) Comes de SALUCES suam quidem de genesi nitri epistolam mihi benevole misit, sed proportionēs non dum divulgavit, adeoque proprios oculos hoc spectaculo delectare non licuit. Nuperime autem D. THOUVENEL, præmio ab academia Parisiensi honoratus, acidum nitri ope vaporis putridi & aëris atmosphærici procreavit.

7) ALKALI volatile causticum argillam, zincum, aliaque metalla præcipitat.

8) ARGILLÆ puræ, æque ac sequentium loca, non dum satis sunt explorata.

9-24) METALLA quantum satis calcinata.

25) AQUA inflammabilis ingressum quodammodo impedire videtur. Acidum, e nitro, ope acidi vitriolici, nuper expulsum circiter quæ duas tertias ponderis partes, aqua constat.

26) PHLOGISTON, solutionem impediens, metallis facillime eripit acidum nitri, & adjuvante calore, ultra justos limites interdum progreditur, adeo ut nimium calcinata retineri nequeant. Ita stannum & antimonium cum vehementia suscipiuntur, sed cito iterum laxantur fundum potentia.

VIA sicca idem valet ordo, ac in col. 1, quantum huc usque cognoscere potui. Phlogiston primum occupat rectangulum, nam in detonatione acidum deserit terram ponderosam, itemque alkali vegetabile, & phlogisto adunatur. Num in aërem vitalem abeat heic non disquiritur, sed deflagratio, etiam in vacuo, ejusdemque intensitas, de aëris hujus præsentia luculenter testatur, qui in calorem totus mutari videtur, nam nitrum cum carbonibus in vasis clausis detonans præter acidum aëreum & aërem depravatum, vix quidquam exhibet igni & respirationi idoneum.

§. XV.

Columna 4, acidi nitri phlogistici.

ACIDUM nitri, in primis concentratum, materiæ inflammabilis est avidissimum, & hac contaminatum rubros evomit vapores, ipsumque liquidum rufescentem contrahit colorem, qui tamen lenta destillatione irafugari potest, ut instar aquæ omni privatae tinctu appareat, & tale acidum merito purum audit. Sed, qui evanuit color, levissimo inflammabilis inquinamento facillime reddit, immo radii solares, ut cito flavescat & rufescentem fumum emittat, efficiunt, uti observavit D:nus SCHEELÉ. Acidum nitri fumans alias egregium præbet documentum, quo colores distinctos a diversa phlogistidensitate oriri constat. Scilicet, hoc rufescens & bene concentratum, aquæ circiter quarta parte respectu voluminis dilutum, pulcherrime viret, adhuc tamen rubrum evomit fumum: anatica vero vel paulum major aquæ portio cæruleum efficit, sed dupla vel tripla omnem delet colorem. Fumus ruber vel sponte emanans, vel adjuvante calore ex acido hocce expulsus, in vase clauso suam servat elasticitatem, frigore in liquorem non redigendus, ideoque jure *acidum nitri aëriforme* appello. Hoc aqua absorbetur, quæ certa dosi cærulescit, majore pulchre viret, satiata flavescit & tertia voluminis parte reperitur aucta. En *acidi nitrosi phlogistici* variationes. Cæruleum
spon-

sponte aërem efflat, sed *nitrosum*, vix viride, non autem flavum. Notatu dignissimum est, quod aër nitrosus interdum decies acidum phlogisticatum, e quo expulsus est, volumine superet, quamvis aqua non nisi $\frac{1}{10}$ recipere queat 1).

ACIDUM nitri flavens, in tubo hermetice sigillato, igni expositum intensius coloratur: viride vel cæruleum fit flavum, sed sub refrigeratione pristinus redit tinctus: diuturniore igne color etiam in refrigerato persistens acquiritur: potest quoque materia tingens sub forma vaporis rubri expelli, restante acido sine colore, sed sub refrigeratione iterum intrat vapor, nisi diuturno igne mutatus m).

ACIDUM phlogisticatum alkalina & metalla solvit, sed laxissime adhæret (§. XXXVII). Sufficiens acidi copia in vase aperto parum phlogisto impeditur, (nisi plene satiati) quin metalla solvat, nam particulæ hac volatili materia vel contaminatæ, vel eandem arripientes, avolant, & præterea hoc menstruum eadem præsertim ob partem inflammabilem adgreditur, ultra certos limites calcinata neutiquam suscipiens. Calx magnesi, alias magnesiæ nigræ nota nomine, egregie monstrat quid certa phlogisti dosis valeat, etenim hæc perquam exiguum continet inflammabilis quantitatem, unde acido
nitri

1) Dr. PRIESTLEY vol. III.

nitri puro portiuncula tantum vix sensibilis solvitur, nisi addito saccharo, melle, aliave materia inflammabili ejus naturæ, ut hinc necessarium complementum attrahi possit: acidum vero phlogisticatum perfecte solvit. Hæ solutiones alkali præcipitatae pulverem exhibent album, qui acida facile subit, sed in igne nigrescens & magnesiæ nigræ proprietates recuperans, album igitur sedimentum nihil est aliud, quam ipsa calx tanto phlogisti maritata, quanto solutioni in acidis puris opus est: regulus vero superfluum continet, nam dum illum nitri suscipit acidum, vapores surgunt rubri. Hydrargyrum acido nitri frigide solutum crystallos sponte deponit, alkali volatili caustico nigrescens præcipitatur, multisque aliis modis ab illo differt, qui adjuvante calore majorem phlogisti jacturam fecit. Eadem fere de ferro, aliisque nonnullis metallis valent: singula quidem inflammabilis portione sunt privanda, sed si hoc certos ultra limites fit, vel nulla locum habet solutio, vel a genuina multum discrepans prodit. Adfinitatum ordo præcedentibus est adaptatus, non dum idoneis experimentis satis exploratus.

§. XVI.

Columna 5, acidi muriatici.

1) Acidum muriæ vel salis marini nihil est aliud, quam aqua, aëre muriatico plus minus onerata. Hic aër jure *acidum*

mu-

muriatricum aëriforme appellatur, cujus aqua destillata dimidium fere proprii ponderis absorbere valet, *acidum muriæ phlogisticatum* exhibens. Acidum e muriæ, ope acidi vitriolici, nuper expulsum, $\frac{3}{4}$ aquæ plerumque continet. Eodem ordine attractiones exercere videtur hoc acidum, ac præcedentia, in quibusdam tamen casibus obscurius.

2) TERRA *ponderosa* acido salis soluta alkali vegetabili puro dejici nequit.

3) ALKALI *vegetabile purum* expellit minerale (Conf. schem. 3 & 32).

4) ALKALI *minerale purum* calcem extrudit (sch. 4).

5) CALX *pura* magnesiæ, alkali volatile & metalla separat.

6) MAGNESIA *pura* alkali volatili præponenda est ex eodem fundamento, quod antea memoravimus. Acidum, magnesiæ & alkali volatile iusta quantitate intime ununtur, salem formantes triplicem, & hinc, ut veræ proportioni locus sit, instillato alkali volatili, etiam purissimo, quidquam magnesiæ semper secernitur, sed non nisi huic fini necessaria portio.

7) ALKALI *volatile purum* nihil contra calcem valet (schem. 5), aëratum vero duplici adfinitate deturbat (schem. 36). Metalla dejicit.

8) ARGILLA.

9 - 24) CALX *metallica*.

25) A.

25) AQUA (conf. §. XII).

26) PHLOGISTON, quomodo cum acido salis se habeat, in §. XVII mox videbimus. Materierum in præcedentibus columnis adductarum nonnullæ in sequentibus desiderantur, quum singulis menstruis omnes solvi nequeant, rectangula tamen iis alias destinata, vacua relinquo, ut differentia eo melius in oculos incurrat.

VIA sicca eundem ac in 1 & 3 ordinem valere conjectare liceat, donec experimenta alium evincant. Quin metalla volatilia inter se & reliqua fixa aliter agant, quam via humida, nullus dubito. Mercurius sublimatus corrosivus ab omnibus aliis decomponitur metallis mediante duplici adfinitate, uti respectu antimonii dudum explicatum est in §. V, & eodem fine dubio res redit cum plumbo, argento, aliisque acido salis saturatis, quæ cum antimonio destillata butyrum præbent antimonii. Hac causa ignorata, tenebris involvuntur vera experimenta D. POTT, quæ mercurium sublimatum corrosivum cum arsenici regulo butyrum exhibere monstrant, & vicissim ne miculam quidem obtineri cum arsenico albo, eadem vero cognita, hæc phænomena nihil obscuritatis habent.

§. XVII.

Columna 6, acidi muriatici dephlogisticati.

Illustris STAHLIUS inter principia acidi
ni-

nitri proxima phlogiston refert. Omnia, quæ dein facta sunt experimenta, hoc acidum inflammabilis quidem materiæ avidissimum esse monstrant, sed hinc de compositione nihil concludere licet, nisi fides habenda axiomati plerumque falso & phænomenis contrario, quod nempe inter illas materias, quæ nonnulla possident principia ejusdem indolis communia, majorem vigere attractionem autumat, quam ea inter, quæ omnibus diversis scatent. Vitriolum martis spiritu vini non solvitur, bene vero ejusdem lixivium dephlogisticatum, ut alia exempla numerosissima taceam. In acido salis, inflammabile pertinaciter respiciente, nemo ex eodem saltem fundamento hoc volatile principium suspicatus est, ast vere illud inesse jam ingeniosissimi Dom. SCHEELLE invento constat *m*). Scilicet, magnesia nigra, quam dudum consideravimus tamquam omni fere phlogisto privatam, tanta tamen vi illud attrahit, ut acidum salis, adjuvante digestionis calore, decompomat, eo enim perfecte solvitur & dein alkali præcipitatur alba, quod phlogiston adquisitionem evincit (§. XV). Acidum vero hoc modo dephlogisticatum auram præbet leviter rufescentem, si major consideratur massa, ejusdem fere odoris ac aqua regis calida, quæ aquam ægre subit transeundo & vix acidam facit, sed supra illam inclusa 12 horis qua-

Bergm. Opusc. Vol. III.

Z

$\frac{4}{5}$ ab-

m) Acta Acad. R. Scient. Stockh. 1774.

$\frac{4}{5}$ absorbetur & residuum aëre vulgari constat: quod nuper aquam transivit adhuc solvendi facultate gaudet, sed efficacissime agit illotum. Colligatur igitur in vitris cylindricis retortæ rostro successive adaptatis, quæ vapore desiderato impleta obturaculis vitreis claudenda sunt. Pauxillum aquæ vitris ab initio immititur ad absorbendum aërem muriaticum. Illi exponenda cum obturaculis intrudantur. Phlogistica corpora vehementer adgreditur, omnes vegetabilium colores albescit; vitriolum viride rufat; omnia metalla directe solvit, tales præbens sales, quales cum acido salis integro prodeunt; idemque valet de terris & alkalibus; arsenicum album in acidum liquidum mutat (§. XX); semper refarcito damno pristinam induens formam, adeo ut & analytice & synthetice sufficienter probata sit hæc veritas. Probe notetur oportet, quod fluidum elasticum rufescens, acidum muriæ dephlogisticatum proprie audiat, non autem liquor recipientis, qui, etsi fluidi elastici portunculam receperit, qua maximam tamen partem acido muriatico vulgari constat. Acido nitroso etiam marinum dephlogisticari potest (§. XVIII).

Quod acidum dephlogisticatum cum alkalinis generet sales eis omnino similes, qui integrum continent acidum salis, iisdem inflammabilis quidquam inesse evincit, quo defectus suppletur. Quæ antea pluries dixi de

de phlogisti determinata portione metallis auferenda, antequam acidis suscipi possunt, eo egregie confirmatur, quod nostrum acidum dephlogisticatum omnia solvat. Fieri hoc videtur eo ordine, quo laxius phlogiston tenent, sed num hic cum præcedentibus consentiat, idonea experimenta decident. Volatilitas prohibet quo minus via sicca agere possit.

Quum phlogisto dudum sit sufficienter maritatum acidum salis, majorem in statu liquido respuit dosin, sed in formâ aërea, & ampliore dotatum superficie, & aqueo liberatum involucro, plus recipere, immo vehementer appetere videtur, eoque satis gravidatum inflammabile fieri. Forte cuiuspiam suspicio oriri posset, quod acidum muriæ dephlogisticatum nihil aliud sit, quam idem acidum aërisforme, sed comparando notabilem inveni descrepantiam, nam prius non momento, sed lente aqua suscipitur; phosphorum non paulatim spoliando fit inflammabile, sed mox adgreditur, in vapores albos resolvit & acidum muriæ aërisforme regenerat; nec glaciem, nec camphoram liquefacit; nec nitrum, nec alumen mutat; cetera, quorum præcipua antea sunt memorata. Quod initio, dum odor aquæ regis distincte nares ferit, colligitur e miscela acidum muriatici cum dimidio magnesiæ nigræ, eademque leviter ebulliente, aëris vulgaris circiter $\frac{2}{10}$ continet, quod vero finem versus opera-

Z 2

tio-

tionis obtinetur vix $\frac{1}{8}$ fovet. Aër corruptus, qui vaporì dephlogisticato fuit admixtus, cum aëre nitroso vix diminuitur sensibilibiter.

§. XVIII.

Columna 7, aquæ regis.

CUR acidum nitri & salis mixta aurum solvant, dum neutrum solum illud adgrediatur, haud difficulter jam explanari potest. Scilicet, nobilissimum hocce metallum phlogisti portione primo est spoliandum, quo factò plura subit menstrua. Jam vero acidum nitrosum, phlogisti avidissimum, facile marinum decomponit, sive hoc sit liberum, sive basi adunatum, quod & odore aquæ regis calidæ, illi, quem acidum salis dephlogisticatum præbet, simillimo, & effectù patet, etenim hoc menstruum dephlogisticatum ex omni metallo damnum resarcire valet, quo ipso etiam solubile fit aurum, acido in primis marino (§. XVII). Hinc crysalli auri, muriæ acido nitri soluta comparatæ, (nam acidum bina vidua vix ullas porrigunt), & inquinamento externo probe liberatæ, non nisi acidum salis continere reperiuntur. Itaque acidum nitrosum in hoc negotio nihil aliud efficit, quam dephlogisticationem necessariam genuini menstrui, interim tamen acidum quoque nitri solum & coctione diutina concentratum, aurum subtilissime divisum, quale occurrit in separatione argenti, qua partem primum inflammabilem directe ad-

adgreditur, calcem dein solvens, sed adeo laxè tenens, ut hæc non raro sponte vel sola quassatione secedat. Et hæc vera est ratio experimenti Cel. BRANDT, qui aurum acido nitri solubile invenit *n*). Ut reliquas aquæ regis solutiones figillatim consideremus non opus est, observamus tantummodo hoc menstruum compositum non semper triplices efficere sales, in eis namque casibus, ubi acida nitri & salis seorsim solvere possunt, hæ combinationes distinctæ plerumque crystallifantur, saltem qua partem.

ATTRACTIONES electivæ ordine in antecedentibus descripto heic quoque procedunt.

§. XIX.

Columna 8, acidi fluoris mineralis.

QUOMODO hoc acidum e fluore minerali mediante vitriolico expellatur dudum notum est *o*). Liberatum semper aërifforme prodit & tale restat, donec aquam attingat, quæ illud absorbet, uti alia acida aëriiformia, *acidumque fluoris phlogisticatum* exhibet, vitrum sensim corrodens, siliceum præsertim extrahendo. Idem acor sub forma tamen aërea, vitrum longe efficacius destruit, in primis si calidi sunt vapores, qui silice onusti nihilo minus perlucidum præbent fluidum elasticum. Hoc aqua susceptum partem si-

Z 3

licei

n) Acta Stockh. 1748.

o) Acta Stockh. 1771. Opusc. vol. II.

licei deponit, sub forma pulveris albi, reliquum autem in liquore solutum restat. Num hoc acidum ab alijs sit diversum, an merum acidum salis, basi quadam terrestri modificatum, breviter disquiratur. Proprietates peculiare ab omni alio acido illud distinguunt, a vitriolico & marino quoque, de quibus quæstio est mota, etenim cum portiuncula calcis argenti digestum, & leni destillatione dein depuratum, cum alkali fixo nec tartarum vitriolatum, nec salem Glauberi, nec digestivum, nec marinum præbet, cum calce fluorem mineralem regenerat, cum magnesia salem efficit crystallisabilem, cum terra ponderosa pulverulentum & cum argilla dulcem, instar gelatinæ glutinosum: ipsum quoque silicem solvit, alia acida omnino respuentem (§. XLIV).

VERUM quidem est, quod pauxillo acido salis plerumque contaminetur, & odoris hinc sine dubio similitudo, sed annon acidum nitrosus a marino ideo est derivandum, quod utrumque in aqua regis adsit? Quam sit exigua acidi salis portiuncula immixta, præparca argenti & hydrargyri ex acido nitri præcipitatione facile colligitur. Quantum mihi met haftenus experiri licuit, nec marino, nec vitriolico, hoc acidum suas debet natales, saltem perspicere nequeo, qua ratione intima basis terrestris unio tantam procreet differentiam. Novimus acida tali maritata plus minus mitigari & acrimoniam ex-

exuere, cur igitur fluoris, in vapores resolutum, ipsum vitrum corrodit, immo interdum perforat, quæ vis nulli alii hætenus noto competit, cuicumque demum basi unia-
tur? Si quispiam argento nitrato (lapide infernali), sublimato corrosivo, aliisque salibus metallicis, acidorum, certæ basi unitorum, acrimoniam naturalem valde auctam probare adnitatur, ejus cito corruet sententia, re propius examinata. Centena namque exempla acidorum acrimoniam in ratione saturationis minui luculentissime evincunt, & rei naturæ augmentum repugnat: præterea salibus memoratis corrosivis ideo extraordinaria vehementia adscribitur, quod corpora animalium tangentes eadem adgrediantur. Ratio autem corrosionis latet in metallicis basibus dephlogisticatis (§§. XV, XVII), quæ inflammabile irretitum, quod magna vi appetunt, divellere possunt, eoque fortem suam attractionem quodammodo temperant, nam acida illis sedandis non sufficiunt. Notæ sunt variæ hypotheser de ortu acidorum nitri & salis ex vitriolico, sed in hunc usque diem nullo idoneo suffultæ argumento, & idem ni fallor in posterum de acido fluoris constabit.

PRÆCEDENTIA acida præ terris alkalia appetunt, heic vero alius incipit ordo. Acidum fluoris alkali vegetabili saturatum, aqua calcis decomponitur, fluorem præbens minerali & alkali liberum. Acida phlogisto

abundantia plerumque calcem alkalino sali præferre videntur. Terra ponderosa acido fluoris ad saturitatem unita multa fervidaque aqua solvitur, & adfusa aqua calcis suum quoque calci porrigit menstruum, quod haud difficulter innotescit, nam & liquor turbatur & calx fluorata deponitur. Magnesium acido vitrioli eripere videtur acidum fluoris, quod non valet de calce, hinc igitur magnesiæ primus tribui posset locus, sed omni adhibita adcuracione, experimentum alio tempore repetitum nullam monstravit præcipitationem. Sedimentum igitur prima vice obvium forte filiceum fuit, ab acido, ope solutionis diluto, secedens.

VIA sicca similiter se habet, ac præcedentia, quamvis experimentis confirmandus restet ordo. Certo tamen constat fluorem mineralem alkali fixo caustico non decomponi (sch. 51), etsi alkali aëratum, sed duplici adfinitate, illud præstet (sch. 63).

§. XX.

Columna 9, acidi arsenici.

EGREGIUM illud inventum, quod acidi salis compositionem patefacit, methodum simul monstrat, qua acidum arsenici purum acquirere licet. Sales quidem arsenicales Celebris MACQUERI acidam arsenici albi indolem non obscure produnt, interim tamen acidum purum non potuit separari ante de-

te-

rectam acidi salis dephlogisticationem. Duplex jam innotuit via. Altera adhibet partem 1 magnesiæ nigræ pulveratæ cum 3 acidi salis, (ejus circiter gravitatis specificæ, ut sit ad aquam in ratione 5 ad 4), quæ in retorta vitrea tubulata (cujus bulbus 4-plam capere potest massam), misceantur, & excipulum adaptetur continens $\frac{1}{4}$ arsenici albi pulverati una cum $\frac{1}{8}$ aquæ destillatæ. Vas retortum in balneo arenæ incalescat & magnesia nigra cito dephlogisticabit acidum salis, quod iterum suum complementum ex arsenico albo haurit: acidum salis hoc modo regeneratum aquæ portioni unitur, partem arsenici solvens, reliquam arripit acidum arsenici sensim liberatum, adeo ut liquor recipientis in 2 dividatur strata, & post aliquot horas arsenicum inditum omne evanescat, quo factò hi liquores ad ficcum destillentur in retorta. Quod in excipulo colligitur constat butyro arsenici & acido salis distinctis, residuum vero album in retorta igniendum, ut omni acido salis plene liberetur, verum præbet acidum arsenici ficcum (sch. 17), aqua facile solvendum.

EN alteram methodum. Arsenici albi pulverati partes 2 in retorta tubulata vitrea solvantur acidi salis 7, leviter ebullientibus. Quod in excipulo adglutinato colligitur retortæ refundatur, simulque $3\frac{1}{2}$ acidi nitrosi, ejusdem gravitatis specificæ, ac supra memoratum marinum, excipulum adaptetur,

sed sine glutine. Adjuvante calore acidum nitri phlogiston arsenici arripit rubrosque edit fumos, destillatio vero continuetur, donec fumus rufescens cessat. Jam pulveris arsenici albi pars 1 additur, leni coctione itidem solvenda, & hoc facto $1\frac{1}{2}$ acidi nitri, quod arsenicum solutum cum effervescentia & rubro fumo dephlogisticat. Tandem destilletur ad siccum & residuum leviter ignitur præbet merum arsenici acidum, quod in igne fixum est, in aëre libero humidum attrahit & duplo aquæ solvitur, si sufficienter inflammabili spoliatum, filtro probe loto liberandum pulvere siliceo, qui e vitro sub ignitione corroso immiscetur.

ALKALI vegetabile arsenicatum aqua calcis mox decomponitur & alkali liberum evadit. Quin terra ponderosa & magnesia salibus alkalinis itidem præpolleant vix dubito, interim tamen fateri oportet hanc conjecturam non dum experimento corroboratam esse.

METALLA solvit acidum arsenici, si non completa, saltem rite calcinata. Notandum est præterea, sub ferri solutione nullum generari aërem inflammabilem, quum phlogiston, ab ipso acido absorptum, arsenicum album provocet.

§. XXI.

Columna 10, acidi boracis.

Qui vulgo sedativus vocatur sal, acidis
in-

indole propius accedit, quam alii cuilibet substantiæ: heliotropium rufat, alkalia & terras solubiles saturat, varia quoque solvit metalla, cetera, quibus acidam monstrat naturam, acidique boracis potius, quam salis sedativi nomen, promereri videtur.

BORAX depurata cum calce viva cocta decomponitur: acidum, deferens alkali minerale causticum, calcem arripit & salem ægre solubilem efficit. Quod idem accidat cum alkali vegetabili, acido boracis saturato, hactenus tantum probabilis est conjectura, æque ac terræ ponderosæ & magnesiæ positura.

METALLA difficulter adgreditur acidum boracis. Facillima methodus adfinitate duplici peragitur, sed, ne errori locus sit, borax saturetur oportet sale sedativo, cujus paululum ultra æquale pondus requiritur, antequam reactiones alkalinae penitus cessant. Solutionem talis boracis instillavi solutionibus metallicis, quantum fieri potest acido superfluo liberatis. Aurum, platina, argentum, vismutum & magnesium suis menstruis soluta immota manserunt, ast hydrargyrum, plumbum, cuprum, ferrum, stannum, niccolum, cobaltum & zincum mox turbantur & sales metallicos præbebant, sed difficillimæ solutionis (vid. sch. 28).

§. XXII.

Columna II, acidi sacchari.

PLERAQUE vegetabilia in fructu vel succo
haud

haud obscura produnt acidi vestigia, & quum pauca illa vegetabilium acida, quæ hætenus paullo adcuratius cognoscimus, diversis gaudeant proprietatibus, talium sine dubio numerosam catervam in lucem protrahet longioris ævi diligentia. Præcipuum obstaculum, quod eorumdem retardat cognitionem, est magna depurandi difficultas, sunt enim aliis ita involutæ materiis, ut ægerrime extricentur. Non nisi pauca heic in scenam produco, quorum pleraque ea laborant imperfectione, ut igne facile destruantur. Num hæc singula, qua prima stamina conveniant? Num inter se invicem transmutari possint? quæstiones sunt idoneis adcuratisque dijudicandæ experimentis. De acidis tartari, citri & lactis certo constat, illa, additis aqua & spiritu vini, sub digestionem plurium hebdomadum naturam induere aceti. Heic tamquam diversa considerentur oportet, quum semper sibi similia haberi queant, facultatesque possideant distinctissimas, constantes & maximi in arte spagyrica momenti.

Quod saccharo inest acidum, oleoso ita adunatum reperitur, ut hætenus non nisi acido nitri, pingue destruyente, liberari potuerit. Scilicet, acidi nitri fortis 6-8 partes, sacchari albi pulverati 1, in retorta vitrea adfundantur leniterque coquantur. Interea acidum nitri phlogiston sacchari arripiens vapores eructat rubros, quibus tandem

dem cessantibus liquidum retortæ restans in amplum vas effusum sub refrigeratione crystallos exhibet prismaticas, acidissimas. Lixivium dein acido nitri 2-4 partibus iterum dephlogisticatum denuo crystallos ponit, sed impuriore, solutione & iterata crystallificatione depurandas. Idem hoc acidum e melle, gummi arabico & spiritu vini mediante acido nitri obtinetur, sed minori quantitate. Singulis gaudet acidorum proprietatibus, & præter eas pluribus, quibus ab omnibus aliis luculentissime differt. Ab indole acidi nitri toto cælo distat, immo in multis plane contrariam possidet naturam, adeo ut hoc ab illo nulla probabilitatis specie deriveretur. Sed de hisce alibi fusius & data opera differitur *p*), quum attractiones heic in primis sint considerandæ.

CALCEM primo loco appetit, salinam efficiens combinationem, aqua non solvendam, unde facile necessitas aquæ calcis in depurando saccharo intelligitur. Arundinis nempe sacchariferae succus acido laborat abundante, quod sacchari impedit concretionem. Ipsa namque sacchari perfecti solutio, addito hoc acido, nulla exhibet grana crystallina, sed massam glutinosam. Nihil igitur aqua calcis addi potest utilius, quæ non tantum acidum absorbet liberum, sed etiam sallem efficit insolubilem, vel fundum petentem, vel spumæ inhærentem. Alkalia quidem

dem hoc itidem domant acidum, sed ob solubilitatem vix separandos procreant sales.

TERRA ponderosa calci hoc cedit acidum, itemque magnesia & alkalia. Omnia fere metalla adgreditur. Qua vi agat respectu aliorum acidorum ex columnis alkalium, terrarum & metallorum mox patebit. In detegenda calce, aquis quocumque modo soluta vel suspensa, nostrum acidum est eximium, minima enim ejusdem soluti gutta mox calcem præsentem arripit, cum illa pulverem album insolubilem formans, qui fundum petit. Cognita quantitate calcis puræ in dato salini hujus pulveris pondere, simul in casu quovis obvio facile innotescit calcis puræ copia ex sedimento, mediante nostro acido ex determinata mole plene præcipitato, sollicito collecto, loto & ponderato.

VIAE siccae experimenta non sustinet. In retorta vitrea crysalli solæ igni expositæ, qua partem quidem vix mutatæ sublimantur, sed maxima portio in liquorem acidum resolvitur, qui crysallisationem respuit, quod etiam cum sublimato, eidem operationi denuo subjecto, accidit. Sub hac destructione ingens prodit & aëris inflammabilis & acidi aërei copia. Pingui sine dubio scater acidum sacchari, subtilissimo tamen, nam in igne nulla præbet carbonis vel nigredinis vestigia.

§. XXIII.

Columna 12, acidi tartari.

* NATURAM tartari antea explicavi (§. IX), jam, quomodo purum separari queat ejusdem acidum, breviter memorabo. Cremonis tartari 100 partibus, aqua ebulliente solutis in aheno stanneo, addantur per vices portiunculæ cretæ lotæ siccæ, & pulveratæ, idque continuandum est, donec nulla ex pulvere immisso oritur effervescentia, quod circiter 28 requirit. Hac saturatione obtenta liquidum decanthur, quod ad ficcum vaporans alkali vegetabilis tartarifati 50 porrigit. Pulvis in fundo restans est calx, acido tartari abundante saturata, quæ lota & exsiccata ultra triplum certæ adhibitæ pondus præbet, nempe 103. Huic aqua loto & phialæ immisso sensim suffundantur 300 acidi vitrioli, continentis acidi fortissimi 30 & aquæ 270. Mixtura per 12 horas digeratur sæpiusque spatula lignea subigatur. Tandem liquor clarus supernatans decanthur, residuum aqua lavetur usque dum saporem perdit acidum: hæc aqua filtro colata liquori primo immisceatur. En acidi tartari solutionem, quæ ad ficcum vaporans exhibet massæ crystallinæ præter propter 34. Ut exploretur, num quidquam contineat vitriolici, una alterave guttula soluti sacchari saturni solutioni dilutæ instilletur, mox album cadit sedimentum, cui adfundatur acetum concentratum, & cito evanescet, si totum plum.

plumbo, tartari acido saturato, constat, vitriolum vero plumbi non solvitur. Pone hujus vitrioli quidquam prodire, inquinatum hoc indicat acidum tartari, sed exigua calce tartarifatae dosi addita sub digestionem facile depurandum. Vicissim acido vitrioli nimis parco quidquam acidi tartari in residuo restat, quod facile in pruna exploratur, nam gipsum purum nec in igne nigrescit, nec odorem spargit spiritus tartari, quod tamen accidit, si calce tartarifata sit contaminatum. Solutio acidi tartari percolata ad consistentiam syrupi tenuioris vaporans postea in loco frigido crystallos sensim deponit, quæ plerumque lamellas inter se devaricatas referunt.

CALCE nuper usta loco cretæ adhibita, tartari duplum pondus totum quantum decomponitur, ideoque in liquore supernatante alkali vegetabile liberum continetur, sed calx aërata non nisi abundans absorbere valet acidum, adeo ut tartarus tartarifatus restet. Centenarius tartari depurati continet circiter 23 libras alkali vegetabilis puri, acidi saturantis 43 & excedentis 34. Aliqua sine dubio locum habet differentia pro varietate vinorum & processuum depurantium, sed limites non dum determinare potui.

Ex allatis patet calcem alkali vegetabili, respectu acidi tartari, præpollere, quod etiam de terra ponderosa & magnesia valere tentamina instituta monstrarunt, nam hæ, acido aëreo spoliatae & solutioni alkali vegetabi-

tabilis tartarifati, exacte neutralis, inditæ, in digestionis calore intra pauca minuta acidum tartari adsciscunt, adeo ut liquor alkali liberum reagentibus distincte prodatur. Alkali minerale & volatile tartarifata similiter se habent. Ut præterea innotesceret utrum calx, an terra ponderosa prævaleat, solutioni terræ ponderosæ tartarifatæ aquam calcis instillavi, qua cito turbabatur, adeo ut de calcis majore attractione omne sublatum sit dubium:

ACIDUM tartari crySTALLISATUM igne expositum mox nigrescit, spongiosum præbens carbonem, qui tamen candescencia cito albescit & mole multum contrahitur. Ope retortæ vitreæ destillatum, in excipulo phlegma vix acidum porrigit una cum oleo: residuum carbonaceum terræ portiuncula constat, quæ nulla nec acidæ, nec alkali vestigia prodat. Hinc itaque patet olei quidquam nostro acido inesse, quod igne destruitur, minime tamen in alkali fixum mutabile: Acido nitri, modo antea descripto tractatum (§. XXII), acidum sacchari mihi non exhibuit, & ne quidem oleoso ita privari potuit, quin postea in igne nigrescat. Alicui tamen hac via tartarei acidæ in saccharinum mutationem successisse perhibetur, quod non dum iterato tentamine confirmare licuit. Acidum Tamarindorum, & forte Berberum, tartareo omnino congruere videntur.

§. XXIV.

Columna 13, acidi acetosellæ.

SAL acetosellæ est alkali vegetabile peculiari acido abundanter saturato, adeoque ejusdem indolis ac tartarus. Ut hoc acidum nudum obtineatur, hoc opus, hic labor. Acidum quidem vitrioli, nitri & muriæ alkalinam arripiunt basin, sed laxatus acetosellæ acor ægerrime omni liberatur inquinamento. Cretæ partes 137 hujus salis 100 perfecte decomponunt, acidum tam excedens, quam saturans fuscipientes. Liquor clarus 32 alkali vegetabilis aëratî porrigit: tantum circiter, quantum igne obtinetur. Sedimentum calcem acetosellatam continet, quæ post lotionem & exsiccationem pondere 175 efficit. Hujus autem principia methodo, quæ tartaro convenit, divelli nequeunt, nam acidum acetosellæ calcem vitriolico eripit, non contra. Aliam invenit viam D. SCHEELÉ. Abundans nempe salis acetosellæ acidum, alkali volatili saturatum, terræ ponderosæ nitratæ solutioni immiscuit, mediante duplici adfinitate mox principia permutabantur & terra ponderosa acido acetosellæ unita, difficulter solubilis fundum petebat (sch. 25). Hoc sedimentum acido vitrioli, terram ponderosam præ omni hætenus nota materia eligente, decomponitur & acidum quæsitum decanthari potest, sed nuper denudatum parum huc usque fuit exploratum. Interea sacchari acido magis quam tartari

tari convenire videtur, differt tamen ab utroque, nam acidum acetosellæ abundans cum alkali vegetabili efficit salem acetosellæ, tartaro analogum, sed in igne crepitantem, fusibilem, parum nigrescentem, calce aërara totum quantum decomponendum, quæ de tartaro non valent. Alkali autem vegetabile saccharatum nec tartaro, nec sali acetosellæ congruit.

Quod acidum acetosellæ alkalinis salibus calcem & terram ponderosam præferat certus novi, sed num idem valeat de magnetia hætenus ambiguum est.

IGNE hoc acidum itidem destruitur, sed minus & tumet, & nigrescit, quam acidum tartari: destillando phlegma colligitur, illo ex tartaro hac via separato, multo acidius, sed oleosi nihil. Qua principiorum proportionem non parum discrepant sales acetosellæ genuini in Pharmacopoliis obvii. Nonnulli comburendo & elixando e 100 partibus non nisi 31 alkali vegetabilis porrigunt, sed ad acidi excessum saturandum 112½ alkali vegetabilis opus habent: alii per ignem ultra 37 promunt, ad saturationem 87 tantum requirentes. Per se patet in priori casu acidum saturatum esse ad excedens circiter uti 1 ad 3½, in posteriori autem uti 1 ad 2⅓. Excedens semper copia superat portionem saturatam, & hujus salis majorem, quam tartari, aciditatem explicat, sed differentia e solo forsan, in quo crescit oxa-

lis acetosella, est derivanda, vel etiam e methodo, qua extrahitur.

ACIDUM acetosellæ (vel forte rectius *oxalinum*), destillatione elicatum, e nitroso argentum, hydrargyrum & plumbum deturbat, cum alkalibus crystallina exhibens connubia, immo merum vaporando tandem in crystallos abit acidas.

§. XXV.

Columna 14, acidi citri.

CITRI acidum, licet quam diutissime cognitum, parum tamen fuit examinatum. Succus expressus diutina subsidentia mucilaginoso fæculisque est liberandum, & dein mediante gelu, aquosum coagulante, concentrandum. Paullum alkali vegetabilis fovere videtur, nam instillato tartari acido post aliquot dies tartari portiuncula in fundo reperitur. Oculis cancrorum saturatum acidum citri, addito spiritus vini pauxillo, in lagenâ leviter obturata, aceti naturam pedetentim induere adseverat STAHLIUS.

ÆQUALIS ejusdem succi citri quantitas saturanda, quæ alkali vegetabilis puri 69 indiget, mineralis puri 51 requirit & volatilis 25. Ægre in crystallos coguntur hæc connubia.

NUM acidum citri calcem, terram ponderosam & magnesiâ præ alkalibus certo eligat, adhuc pluribus experimentis decidendum restat.

ACI-

ACIDA fluoris, arsenici, boracis, sacchari, tartari, acetosellæ & phosphori in eo conveniunt, ut terris saturata ægerrime aqua fuscipiantur, adeoque si parvæ terrarum portiones adduntur, claræ manent solutiones ope acidi abundantia, sed saturitate appropinquante paulum turbantur, &, hac completa, omne solutum momento secernitur, vix iterum solvendum nisi acido excedente. Idem forte valet de aliis quibusdam acidis, non vero de omnibus.

§. XXVI.

Columna 15, acidi Benzoës.

RESINA, quæ in Pharmacopoliis *Benzot* vel *Assa dulcis* audit, salem continet acidum, qui sublimando separari potest, in filamenta vel spicula crySTALLINA concreescens. Via humida oleoso minus onustus acquiritur, salem aqua calcis extrahendo & connubium dein ope acidi muriatici divellendo *q*). Acidum Benzoës tum sede extrusum fundum petit, viduum & solutu difficilior, quam calci adunatum.

AQUA fervida $\frac{1}{24}$ sui ponderis fuscipit, in temperatura media vix ultra $\frac{1}{500}$. Sapor fere saccharinus paulum acrimoniæ in lingua prodit, nihil vero acidi. Heliotropii tamen tincturam rufat.

SPIRITUS vini facile & in frigore solvit.

A a 3

IGNE

q) D. SCHEELLE in Actis Stockh. 1775.

IGNE in vapores albidos totum resolvitur, subitaneo tamen & sufficiente funditur fumans, sed vix sine contactu igneo inflammatur.

SALIBUS alkalinis facile adunatur & connubia in crystallos quidem cogi possunt, sed deliquescentia, excepto, quod minerale fovet.

AQUA calcis solutionibus instillata alkalinas bases, nec non magnesiā & argillam acido benzoino maritatas præcipitat: calx igitur attractione illis prævalet, sed terram ponderosam divellere nequit, neque hæc ulla & aqua soluta calcem benzoino adunatam acido, dejicit, adeo ut heic triplex oriri videatur connubium.

SALES terrestres cum benzoino orti acido difficulter aqua suscipiuntur, præsertim illi, qui terram ponderosam & calcaream foveant.

§. XXVII.

Columna 16, acidi succinei.

E succino destillando obtinetur una cum liquore acetoso & oleo, acidum volatile crystallisatum, quod solvendo, iterumque crystallizando, quodammodo depurari potest. Tale in sequentibus tentaminibus adhibui, acidi proprietates luculenter monstrans.

ALKALIA illi adunata in crystallos quidem cogi possunt, sed attracto humido cito lique-

liquefcentes, excepto alkali minerali succinato. Calx & terra ponderosa sales porrigunt difficulter solubiles, argilla crystallos format, sed magnesia connubium gummosum. Metalla rite dephlogisticata solvuntur & pleraque crystallos exhibent persistentes.

Terra ponderosa, calcarea & magnesia alkalibus acidum eripiunt. Ponderosa quoque calcem magnesiãque succinatas deturbat, aqua autem calcis in solutione ponderosæ succinatæ nihil dejicit, magnesiæ tamen distincte prævalet.

§. XXVIII.

Columna 17, acidi Sacchari lactis.

SACCHARUM lactis a BARTOLETO primum memoratur anno 1619 *r*), sed nemo ante D. SCHEELE ejusdem analyfin perfecit *s*). Centenarius hujus salis, acidi sacchari præbet $15\frac{1}{2}$ libras, & alius acidi, hætenus in solo lactis saccharo inventi, heic considerandi, circiter $23\frac{1}{2}$.

Hoc acidum instar pulveris albi concretum obtinetur, aquam difficulter subit, nam ferventis partes 60 non nisi 1 suscipiunt. Solutio heliotropium rufat.

ALKALINIS nuptum salibus connubia format longe solubiliora, sed nihilo minus aquæ fervidæ pondus requirunt, pluries sol-

A a 4

ven.

r) Encyclopedia Hermetico-dogmatica.

s) Acta Ac. Stockh. 1780.

vendum superans. Terris adunatum hoc acidum aqua vix solvi potest.

QUA attractiones inter alkalia consvetus ordo locum habet. Terra ponderosa, calcaria & magnesiaca alkalibus prævalent. Inter illas principatus ægre determinari potest, quum aquam vix subeant.

§. XXIX.

Columna 18, aceti destillati.

Hoc acidum sub fermentatione productum a præcedentibus, quæ quodammodo cruda vocari possunt, differt vi attractiva respectu terrarum & metallorum longe minori, sed eadem vicissim subtilitate superat, adeo ut destillatione non mutetur. Phlogiston quoque continet acetum, sed intimius unitum, vel saltim magis occultatum. Quod acidum tartari, cum aqua & spiritu vini digestum, acetum præbeat, antea memoravimus, & in aceto crystallos tartari non numquam concreescere BLAISE DE VIGENERE dudum observavit *t*). Destillatione quoque e lignis guajaci & betulæ, e cera, saccharo & succino, acidum elicetur aceto simillimum, non confundendum cum acido sacchari vel sale succini.

ALKALI fixo calx pura acetum eripere non valet, ideoque acidis vitrioli, nitri & falis

*) Du feu & du sel, cap. 35. 1608.

salis attractionibus accedere videtur, & has eodem ordine posui, quamvis terræ ponderosæ primatus non dum experimentis fuerit stabilitus.

VIA sicca feriem columnæ quintæ valere conjicio, ut otia permittunt experimentis vel corroborandam, vel corrigendam.

§. XXX.

Columna 19, acidi lactis.

Ut acidum lactis, spontanea acescentia coagulati, obtineatur, serum colligatur & vaporando diminuatur donec $\frac{1}{8}$ tantum remaneat. Hoc residuum calce saturandum est, ut calx phosphorata fecernatur, dein acido sacchari præcipitetur calcareum solutum, tandemque ope spiritus vini rectificatissimi ipsum acidum lactis acquiritur calce phosphorata, saccharo lactis, alkali vegetabili & mucilaginoso, quæ lacti inhærent, liberatum acquiritur *u*).

Hoc acidum inter acetum & acidum formicarum quasi medium esse videtur, attractionis tamen virtute acetum superat. Addito spiritu vini & per mensem digerendo in acetum re vera mutatur.

Cum alkalibus sales efficit deliquescentes, itidemque cum terris, quarum tamen magnesia præter expectationem reliquis ma-

A a 5

gis

u) D. SCHEELE in Actis Stockh. 1780.

gis stabile procreat connubium. Præter zincum vix ullum metallum cum hoc acido in crystallos abit, ne quidem plumbum, quod dulcem præbet solutionem & plumbi vitriolati quidquam deponit.

QUA alkalia & terras idem valet attractionum ordo ac pro aceto.

§. XXXI.

Columna 20, acidi formicarum.

Hoc acidum indole aceto proxime accedit, in variis tamen differunt. Prius cum magnesia, ferro & zinco crystallisabiles præbet sales, posterius non nisi deliquescentes. Magnesia formicata in primis notatu digna est x).

ATTRACTIONES ejusdem hætenus perquam imperfecte sunt exploratæ, interea, quantum huc usque videre licuit, eodem hoc acidum ordine agit, ac acetum, quod tamen vi intensiore superat, ut columnæ sequentes monstrant.

OMNIA vegetabilium acida, æque ac illud, quod formicis inhæret, in auram tota quanta resolvi possunt, partim acido aëreo, partim aëre inflammabili constantem.

§. XXXII.

Columna 21, acidi febi.

CELEBERRIMUS CRELL sebum pluries destil-

x) Opusc. vol. II, pag. 389.

Stillando e 2 libris, olei uncias $14\frac{1}{8}$, carbonis uncias $10\frac{1}{2}\frac{9}{4}$ & acidi uncias $7\frac{1}{4}$ obtinuit y).

SALES cum hoc acido, alkalibus vel terris saturato, orti, illis valde congruunt, quos acetum cum iisdem generat basibus. Num alkalia hoc acidum terris cedant, non dum certo experiri licuit, sed si conjectare licet, contrarium crederem. Respectu aliorum acidorum in sequentibus comparatio occurrit.

§. XXXIII.

Columna 22, acidi phosphori.

ALIUD, in omnibus naturæ regnis obvium, acidum ex urina humana præsertim obtinetur, salem colligendo, qui microsmicus vocari solet, eumque in igne fundendo. Sed observetur oportet, hunc salem esse triplicem semperque continere cum alkali volatili duplex acidum, phosphoreum nempe & perlatum, mox ulterius describendum. Illud iterum, quod ex phosphoro, in aëre tarde combusto, in aqua colligi potest, phlogisto scatet, quod tamen in vase aperto pedetentim dissipatur, &, hoc facto, attractionibus explorandis longe aptius adhibetur, quam prius acido perlato contaminatum, quippe quod diversas provocare potest decompositiones.

CALCEM alkalibus præfert acidum phosphori, ideoque alkalia eidem unita aqua cal-

calcis mox turbantur, & pulvis salinus difficillime aqua solubilis sensim deponitur, qui calce, acido phosphori saturata, constat. Quum alkali vegetabile phosphoratum acidi excessum adsumat, suspicio mihi orta fuit, annon hic excessus solus cum aqua calcis præcipitationem efficeret, salvo connubio neutrali, sed sufficiente aquæ calcis copia totum decomposui, & liquor tantum alkalinus remansit. Calx quidem phosphorata alkali dejicitur, sed nequaquam vi fortioris attractionis electivæ. Scilicet hic sal sine acidi excessu aquam non subit, & quidquid hoc solutionis medium tollit, uti heic alkali causticum saturando, calcem phosphoratum turbat, alkali tamen aëratum re vera vi duplicis attractionis decomponit & calx aërata demittitur (§. IX). In casibus ejusmodi ambiguis, decompositioni salis, solubilitate eminentis, fidendum est. Ita heic alkali phosphoratum, aqua calcis deturbatum, nondum solvit, non calx phosphorata alkali præcipitata. Magnesiæ & terræ ponderosæ prærogativa non dum eadem gaudet certitudine.

VIA sicca calcem terræ ponderosæ & magnesiæ præpono, cum illa indubie alkalia fixa laxet, quod de hisce non dum extra dubitationis aleam est positum.

§. XXXIV.

Columna 23, acidi perlati.

ANNO 1740 in urina humana D. HAUPT
fa-

salem invenit descripsitque sub nomine salis mirabilis perlari, qui idem est, cujus mentionem fecit D. MARGGRAF, quemque cum pulvere carbonum phosphoro generando omnino ineptum adseverat. Nihilo minus hunc salem, cum microcosmico in urina obvium, acidum phosphori fovere multi crediderunt, & e fortiori alkali mineralis attractione explicaverunt, quod phlogisto decompositionem respueret. Sed haud ita pridem D. PROUST illam extricavit materiem, quæ sola in sale perlato acidi fungitur vices, in microcosmico autem acido phosphori est adunata. Salem perlatum in aceto destillato probe digessit, ad crystallisationem perduxit & lixivio ultimo ope alcoholis vini præcipitavit spissum liquorem, qui spiritu vini probe lotus & dein aqua destillata solutus acidum præbuit 2), quod perlatum voco, donec adcuratiore examine melius inveniat. Alkali minerale, ni fallor, acidam celat indolem: crystallisatio, nec non sapor, reactio & fatiscencia excedens prædunt alkali. Forte etiam ex hoc excessu derivandum est, quod spiritus vini partem acidam extrahere impotens sit, nam hic alias nullum recusat acidum. Cum ebullitione funditur perlucidum, sed refrigeratione fit opacum, acidis suscipitur spiritu vini iterum segregandum, in ossibus æque ac sale microcosmico cum acido phosphoreo adest.

CAL-

2) ROZIERII Diarium Physicum.

CALCEM certo alkalibus præfert; item terram ponderosam & magnesiâ. Cum alkali minerali salem perlatus regenerat.

§. XXXV.

Columna 24, acidi cærulei Berolinensis.

Quod acida gaudeat indole materia tingens in cæruleo Berolinensi diu non sine ratione conjectavi, quippe quæ alkalinis tam salibus, quam terris & metallis in connubia mediæ naturæ adunari potest. Nuper etiam hoc acidum merum segregare docuit Dom. SCHEEL *a)*. Quod alkali phlogisticatum vocari solet est sal triplex, acidum tingens continens, partim alkali, partim ferro saturatum. Hic sal cum acido vitrioli diluto in retorta coctus acidum tingens efflat sub forma aërea inflammabili, quæ aqua, recipienti indita, absorberi potest. Quum autem acidi vitriolici simul quidquam in excipulum transeat, liquor addito pauxillo cretæ iterum destilletur usque dum $\frac{1}{4}$ in recipiente collecta fuerit, quæ tum acidum nostrum aqua solutum porrigit. Sequens methodus minus molesta ad eandem ducit metam. Cærulei Berol. partes 16 cum 8 mercurii, ope acidi nitrosi, calcinati, & 48 aquæ, in cucurbita per aliquot minuta sub continua agitatione decoquantur. Miscella e flavo cinerascit, filtro coletur & residuum aqua fervida elixetur. Liquori in lagena addantur 12 limaturæ martis puræ &

a) Acta Stockh. 1782.

& 3 acidi vitriolici concentrati. Post aliquot minutorum quassationem e reducto mercurio tota massa nigrescit. Pulvere per quietem deposito, liquor clarus in retortam decanthatus qua $\frac{1}{4}$ abstrahitur.

ACIDUM hocce, quodammodo perlato analogum, peculiari ingratoque odore & sapore distinguitur, constat acido aëreo, alkali volatili & phlogisto. In aperto vase facile avolat. Alkalia terris præferre videtur. Metalla notabili vi appetit, quæ in sequentibus propius considerabitur.

§. XXXVI.

Columna 25, acidi aërei.

DE hoc acido, omnibus Naturæ regnis communi, fuscè egi in alio commentario, & attractiones speciatim examinavi in §. XX *b*). Jam brevem tantum cum acido vitrioli phlogificato addere lubet comparisonem, quum hæcce misere confundantur a quibusdam, qui fictis hypothesebus Philosophiam naturalem onerare, facilius inveniunt, quam adcuratis experimentis eandem locupletare. Dixi antea phlogiston, acido vitrioli diversa unitum dosi, aut aërem, a vitriolo nomen mutuantem, procreare, qui aqua absorptus acidum vitrioli phlogificatum audit, aut etiam sulphur (§. XIII).

ACIDUM vitrioli phlogificatum penetrantissimo gaudet odore (aëreum nullo); alkali

ve-

b) Opusc. Vol. I, pag. 43.

vegetabili saturatum generat (salem Stahlī sulphuratum (aëreum, alkali vegetabile aëratum), cujus crysalli spicula exhibent obscure sex-angula (prismata 4-angula), cum nitro detonant (ne scintillam quidem excitant), igne prudenter adhibito totæ sublimabiles (fixæ), in aliis acidis non effervescentes (usque ad completam saturitatem innumeras emittunt bullulas, etiam in acido vitrioli phlogificato, cui attractione cedit aëreum), phlogiston sensim amittentes, tandemque in genuinum tartarum vitriolatum sponte abeunt (immutabiles permanent, nisi ignis vel fortius acidum expellat debilissimum aëreum). Judicent hinc chemiæ periti, quibus curæ cordique est veritas. Si quis præter memorata acidi vitriolici cum phlogisto connubia alia fingit, quo illa modo prodeant, experimentis, non opinionibus, demonstraret oportet.

Quod acidum aëreum ab aëre atmosphærico attrahatur facili patet experimento, si enim lagena illo impleta in loco aperta ponatur, ubi nullæ agitationes ambiens fluidum turbant, post aliquot dies eadem non nisi aërem atmosphæricum continere reperitur. Immo aqua aërata volatile acidum atmosphærae cedit.

§. XXXVII.

Columna 26, alkali vegetabilis caustici.

ACIDIS qua attractiones examinatis, jam
ad

ad alkalina pervenimus, quæ plerumque acido aëreo sunt contaminata, hoc vero liberata caustica, vel etiam pura vocantur, & in hoc unice statu scopo heic proposito inserviunt, aërata enim duplices excitant adfinitates, Conf. sch. 1-8, 32-36, 46, 51, 62 & 63. Quæ proprie salina salutantur, quantum hætenus constat, triplicis sunt differentiae. Primum alkali vegetabile audit, quum ex hoc regno omne fere hauriatur, & de hoc tantum sermo erit in explicatione col. 26.

ALKALI vegetabili fortissime adhæret acidum vitrioli, quippe quod non tantum a nullo alio expellitur, sed etiam hoc alkali aliis unitum iisdem eripit. Quo modo acidum nitri & muriæ qua partem tartarum vitriolatum decomponunt, acidumque tartari similiter nitrum & salem digestivum, antea explicavi (§. IX), & in sch. 9, 10 & 11 symbolice partitionem basis sagittis significavi.

Acido nitroso secundus competit locus (§. VI), & marino tertius. Num acidum muriæ aëriforme nitrum decomponere valeat, non dum satis exploratum est. Ut appareat ratio ordinis reliquorum acidorum præcipua memorare debeo experimenta.

QUOD *acidum Sebi* nec fluorato, nec phosphoreo, expellatur Cel. CRELL egregie monstravit. *Fluoratum* solutioni instillatum alkali veget. phosphorati mox præcipitat salem triplicem, constantem acido fluoris, al-

kali vegetabili & filice c). Solutioni alkali vegetabilis phosphorati instillavi acidum arsenici: nyctemero præterito spiritus vini præcipitavit, salem phosphoreum nullo modo mutatum & arsenicale in spiritu reperi. Prævalet ideo *phosphoreum*. Acidum tartari omnes decomponit sales, qui alkali vegetabile foveant, quotquot tentavi, ut connubia hujus basis cum acidis vitrioli, nitri, muriæ, sacchari, phosphori & arsenici, sed nonnulla tantum qua partem (§. IX). Ut igitur genuina attractio nudetur, alkali minerali, variis satiatis acidis, tartareum instilletur. Hoc namque alkali acida eodem, ac vegetabile, ordine attrahit & nullum appetit excessum, quo observator facile seduci potest. *Acidum sacchari* tartareo præponendum videtur, at *acetosellæ*, *citri* & *succini* postponenda, quorum loca inter se non dum satis firmata sunt. Dein sequuntur acida *formicarum*, *lactis* & *benzoës*, aceto fortiora. Aceto expellitur acidum boracis, perlatum, acidaque vitrioli & nitri plene phlogisticata. Aëreum fere omnibus cedit, interim tamen filicem, sulphur & oleum soluta præcipitat, immo acidum cærulei Berolinensis expellit. Cuprum & stannum quoque alkali vegetabile suscipit, sed eorundem loca sunt incerta.

VIA sicca acida phosphori, boracis, arsenici & perlata tamquam fixa reliquis pal-

mam

nam præripiunt (§. IV), sed præterea, exclusis, quæ forti igne destruuntur, ordo viæ humidæ valet. Terræ simplices singulæ cum alkali in igne coalescunt, sed quo ordine incertum est, neque hic facile eruitur, quum una, cum alkali mediante fusione conjuncta, non præcipitetur alia addita, sed coadunentur binæ eidem menstruo in massam homogeneam. De sulphure eadem fere valent.

§. XXXVIII.

Columna 27, alkali mineralis caustici.

MINERALE hoc audit alkali fixum, quod ingenti occurrat copia in regno minerali, abunde tamen etiam in quibusdam vegetabilibus reperitur, quæ in mari vel solo falso crescunt. Hoc a præcedente differt, quod fit debilius (§§. XII, XIV, XVI), & cum iisdem basibus diversos generet sales. Acidum tartari salem marinum nullo modo mutat (sch. 12), quod salibus digestivo & marino facile distinguendis egregie infervit. Acidum namque tartari optimum est medium hætenus cognitum, quo alkali vegetabile in solutione quadam præsens, detegi potest, omnes decomponens sales hac basi instructos, nonnullos totos quantos, vi fortioris attractionis, alios qua partem tantum (§. IX). Hæc decompositio innotescit tartari depositione, quæ, si salis alkalini dosis sit paullo uberior & solutio concentrata, primo momento fit conspicua, parciora autem vestigia,

gia, præsertim in solutione diluta, unius alteriusve diei spatium requirit.

QUA ordinem attractionum, in hac columna significatarum, nullam hæctenus inveni-differentiam ab illo, qui in §. XXXVII explicatur. Respectu acidi tartari hoc alkali tutius verum ostendit ordinem, & in quibusdam casibus melius, quum connubia difficiliter solvantur, quam alkali vegetabili genita. In determinandis attractionibus hoc sæpe proficuum est. Boracis decompositionem mediante acido nitri sch. 13, salis marini acido nitri sch. 42, & acido arsenici sch. 43, exhibet.

§. XXXIX.

Columna 28, alkali volatilis cæustici.

QUA acida ordo attractionum heic idem esse videtur, ac alkalium fixorum, sed volatile plura suscipit metalla, quæ a fixis intacta relinquuntur. Quod zincum reliqua metalla, alkali volatili soluta, præcipitet, indubium est (schem. 18), & quidem ob eandem rationem, ac acidis soluta, antea dudum memoratam & mox ulterius illustrandam (§. XLVII), ideoque simili ordine eadem collocavi, ac in columnis acidorum, donec experimenta meliorem doceant.

QUANTUM valeat phlogiston, dum menstruis acidis solvuntur metalla, variis antea monstravi exemplis (§§. V, XIII, XV, XVII),
jam

jam nonnulla confiderentur alkali volatilis connubia. Alkali volatili caustico impleatur lagenula & dein limaturæ cupri quidquam huic immittatur. Si hæc omnino plena est & mox perfecte obturatur, nulla locum habet solutio, si vero exiguum spatium aëri relinquatur supra liquidum, vel etiam lagena aperta servatur per horulæ quadrantem, post aliquot nyctemera solutio obtinetur, sed instar aquæ omnis expers coloris, quæ tamen obturaculo sublato in superficie cito cærulescit, qui dein tinctus per massam serpit, usque dum tota eo similiter fuerit imbuta. Talis tinctura ab initio brevi acquiritur tempore in vase aperto. Hæc solutio colorem iterum amittit, si recens limatura additur & lagena mox clausa per 24 horas servatur. Notabiles hæ variationes a phlogisto pendent. Scilicet, cuprum in forma metallica non solvitur, bene vero, si vel tantillum materiæ inflammabilis aufertur. Hæc privatio in vase aperto, vel qua partem tantum impleto, mediante aëre, inflammabile fortiter attrahente, ut in sequentibus demonstrabitur (§. XLVII), peragitur, & pro inæquali quantitate effectum præstat diversum. Si nimirum præter propter tantum aufertur, quantum ut cuprum solvi queat, est necessarium, solutio prodit sine colore, si vero ulterius spoliatur, cuprum calcinatum cæruleam præbet, quod ad oculum patet, nam prior illa & aquæ similis aëri exposita magis cito pauperatur, ideoque mox incipit

cærulescere, & quidem primum in pleno contactu aëris. Vicissim cærulea colorem amittit modo supra memorato, quum alkali lubentius cuprum parce dephlogisticatum, quam valde calcinatum solvat. Aëris effectum juvat alkali volatilis vis, qua cuprum dephlogisticatum appetit.

ALKALI volatile cum nitro detonat, unde phlogiston eidem inesse constat, idque instar principii proximi, quod calce magnesi, hydrargyri, auri, variisque aliis materiis, fortioris attractionis ope, separatur, & hoc facto aura elastica peculiaris naturæ prodit, alterum probabiliter constituens principium: dico probabiliter, nam hactenus addito phlogisto hæc in alkali volatile iterum redigi non potuit. Præterea in hac destructione maximam meretur attentionem, quod nulla omnino alkali vegetabilis signa occurrant, cum tamen multi ex hoc, intime phlogisto adunato, volatile oriri contendunt.

VIA sicca alkali volatilis attractiones in eo a proxime præcedentibus discedere videntur, quod fixis quibusdam materiis unitum igne solo expelli queat, adeoque has excludendas putavi.

§. XL.

Columna 29, terræ ponderosæ causticæ.

CELEBRIS MARGGRAF basin spathi ponderosi calcaream esse adseverat, & re vera
va-

variis proprietatibus eidem accedere experimenta monstrant, sed Dom. GAHN & SCHEELE propiore examine magnam quoque has inter differentiam detexerunt, quam propriis tentaminibus auctam inveni. In eo conveniunt ambæ, quod in acidis effervescent; quod igne acidum mittant aëreum, & hoc spoliatae aqua solvantur, nec non in aëre libero cremorem ponant; quod alkalibus similiter causticitatem impertiant; quod sulphur solvant, & quæ sunt reliqua. Ast simul valde differunt, etenim gypsum est levius & totum aqua solubile, terra vero ponderosa, acido vitrioli unita, spathum ponderosum exhibet, cujus gravitas specifica 4,500 attingit, & aqua solvi fere nequit; calx cum acidis nitri & salis deliquescentes tantum præbet sales, sed terra ponderosa crystallisabiles & ægre solubiles; calx aceto saturata crystallos exhibet, terra vero ponderosa salem fere deliquescentem; attractionibus denique multum differunt, quod dudum ex præcedentibus constat & jam ulterius monstrabitur.

Hæc terra in superficie telluris parce distributa reperitur & hætenus non nisi acido vitriolico unita, idque arctissime, adeo ut sola materia inflammabili, oleorum vel carbonum, in igne ægre queat sulphurando liberari. Hoc facto, ut depurata obtineatur, acido nitri solvatur & alkali fixo aërato, ope duplicis adfinitatis, præcipitetur, nam caustico non cedit (§. XIV).

TERRA ponderosa, acidis plerisque adunata, sales format ægre solubiles. E quolibet acidi vitriolici minima guttula mox spathum deturbat ponderosum, quod pulveris forma fundum petit, adeoque ad detegenda acidi vitriolici debilissima vestigia nihil hac terra, aceto vel acido salis soluta, novi præstantius, quippe quæ eadem omni alii basi eripit.

VITRIOLICO proximum locum occupat acidum sacchari, quod terræ ponderosæ, acidis nitri vel salis ad saturitatem solutæ, instillatum, intra pauca temporis minuta pel-lucas fecernit crystallos, terram nostram acido addito unitam continentes. Idem acidum deturbat quoque connubia terræ ponderosæ cum acidis succini, fluoris, acetosellæ, phosphori, perlari, nec non sacchari lactis, muriatico fortioribus.

ACIDUM succini tertium servat locum, quartum autem acidum fluoris, quod solutiones, acidis acetosellæ, phosphori, perlari, nitri vel salis factas, dejicit, & ne quis hoc inquinamento vitriolico adscribat, observe-tur hoc sedimentum collectum, adfuso acido vitrioli, mox eructare acidum fluoris.

ACIDUM acetosellæ acida phosphori, perlari, sacchari lactis, nitri & salis expellit, sales formans ægre solubiles.

DEIN sequuntur acida phosphori, perlatum, sacchari lactis, nitri & salis. Vires acidi sebi non dum sunt determinatæ, illud
in-

interea post muriaticum collocavi. Reliqua hanc formant seriem: acidum citri, tartari, arsenici, formicarum, lactis, benzoës, acetii, boracis, vitrioli nitrique phlogisticata, aëreum & cærulei Berolinensis. Primorum tamen articulorum inter se situs confirmatione eget. Acidum arsenici ponderosam acetatam non deturbat visibiliter, sed conubium triplex formare videtur, benzoinum tamen luculenter extrudit.

VIA sicca terram nostram alkalibus fixis proxime accedere conjicio, excludo tamen reliquas terras, quoniam cum illis vix colliquescit ponderosa. Præterea alkali fixum & plumbum calcinatum apposui, quum hisce mediante igne fundatur.

§. XLI.

Columna 30, calcis causticæ.

CALX strictissime pura appellatur omni heterogeneo liberata, sæpe vero hac denominatione indico acidi, præsertim aërei, absentiam. Ejusdem attractiones electivæ longe aliter se habent, ac terræ ponderosæ. Primus heic locus competit acido sacchari, quod calcem omni alii eripit (schem. 14). Huic accedit acidum acetosellæ, quod etiam gypsum decomponit, basin sibi uniendo. Acidum vitrioli nitroso ceterisque præpollet (sch. 16). Acidum tartari calcem succineo, phosphoreo, perlato & sequentibus eripit,

similiterque acidum phosphori, perlatum & sacchari lactis, acidis nitri, salis, fluoris, arsenici, formicarum, lactis, citri & aceto: acidum fluoris acido formicarum & aceto fortius calcem attrahit, vix autem acidis nitri salisque, nisi ope aquosi & duplicis adfinitatis. Acida citri & benzoës aceto præpollent. Acidum arsenici calcem formicatam & acetatam non turbat, nisi solutio probe fuerit concentrata. Sebacei locus etiamnum est incertus. Ultimi articuli ordinem servant præcedentis columnæ.

DE attractionibus via sicca calcis, magnesiæ & argillæ eadem valent, quæ in §. præc. dicta sunt, excepto, quod ultima vix sulphur adgrediatur.

§. XLII.

Columna 31, magnesiæ causticæ.

HÆC terra in officinis pharmaceuticis magnesiæ albæ nomine insignita, multiplici modo a calce differt, ut in peculiari dissertatione demonstravi. Hanc acidum fluoris vehementissime appetere existimavi, eademque omnia alia expelli (sch. 15), sed repetita experimenta memet sedimento filiceo seductum fuisse, innuunt. Primum igitur locum tribuo acido sacchari, & ita porro secundum seriem in columna exhibitam, cujus plurimi articuli in memorata de magnesiæ alba dissertatione experimentis stabiliti sunt. Sunt tamen nonnulla loca hæc-

nus

nus ambigua, inter quæ præcipue nominanda sunt, quæ acida acetosellæ & citri occupant. Magnesia usta aqua non solvitur, ut terræ præcedentes, quod magnum in determinandis attractionibus efficit impedimentum.

§. XLIII.

Columna 32, argillæ puræ.

HAC denominatione terram aluminis optime depuratam intelligo, vulgaris namque numquam non pulvere filiceo plus minus mixta reperitur, interim tamen genuinam aluminis basin continet, indeque specificam mutuatur indolem.

ARGILLAM ceteris fortius appetit acidum vitrioli, dein acidum nitri, tum acidum falis. Reliqua qua ordinem non dum satis adcurate determinata sunt, de acidis tamen fluoris, arsenici, sacchari, tartari & phosphori certo constat, quod aceto argillam eripiant. Certa attractionum determinatio non tantum defectu solubilitatis argillæ puræ heic impeditur, quod de magnesia quoque valet, sed etiam connubiorum obscura crySTALLIFICATIONE vel deliquescencia, decompositiones plurumque celantibus.

§. XLIV.

Columna 33, terræ filicæ.

DUM vitriolico e fluore minerali acidum expellitur & excipulum aquæ portionem conti-

tinet, ejusdem superficies, etiam lenissimo ignis gradu, pulvere albo tegitur, qui cito crustam efficit: hac fracta & subsidente mox alia generatur, & ita porro, quamdiu acidi fluoris quidquam transit. Hæc materia collecta & lota omnes possidet proprietates siliceæ terræ, & portiunculam a me confectam Domino MACQUER misi, qui eandem in foco speculi caustici filici quoque perfecte congruere me certiore fecit. Quæritur jam unde hic pulvis? Num fluori minerali insit, mediante calore & acido volatilifatus? Utrum e vitro extractus? An vero ex suis heic compositus principiis?

Non equidem nego fluorem mineralem interdum siliceas continere particulas, hæc tamen accidentales sunt, nam Garpenbergensis, quo plerumque usus sum in hac operatione, interdum ne micula quidem gaudet. Aqua regis sufficiente talis subtilissime comminutus totus quantus solvitur sub digestionem diutinam, quod numquam præstari potest, si filicis quidquam inest. Hinc igitur luculenter patet, silicem accidentaliter compositionem ingredi, & pulverem in excipulo collectum illi neutiquam esse adscribendum, dum talis in compage desideratur. Sed alia forsan specimina e Garpenberga siliceo plus minus sunt inquinata. Vitrum quidem silice scatet & sub operatione quoque corroditur, sed quoniam in vasibus metallicis pulverem memoratum itidem prodire vidit Dom.

SCHEE-

LE, diu novam filicei generationem heic locum habere existimavi. Phialæ nempe ferreæ vel cupreæ, quam acidum vitrioli concentratum intactam relinquit, immissus fuit fluor mineralis, pulveratus, cum æquali acidi vitrioli fortis pondere, operculo dein clauso, cui plura diversaque corpora subtrus erant adfixa, partim sicca, partim humectata. Leni digestionis calori per aliquot horas phiala exponebatur, & eadem dein aperta reperiebantur omnia corpora humectata pulvere adsperfa, sicca vero omnino nuda. Sed fluor heic adhibitus sine dubio filiceum tenuit, nam Cl. MEYER postea adcuratis egregiisque indagavit tentaminibus, sine vitro, in vasibus metallicis, nullum oriri pulverem filiceum: fluor cum acido vitriolico nihil dedit, sed similis & æqualis miscela cui vitrum additum fuit, in vase quoque metallico facta, valde intumuit & pulverem filiceum volatilifavit. Acidum igitur fluoris in vapores resolutum filiceum vehementer appetit, extrahit & retinet, donec aquam attingat illaque absorbeatur, tum enim novo connubio partem filicei deponere cogitur, reliquum liquor acidus solutum servat, quod salibus alkalinis dejici potest *d*). Sed nullum aliud acidum suscipere valet filiceum, ne quidem tenerrimum e liquore filicum nuper præcipitatum *e*).

AL-

d) Opusc. Vol. II, pag. 34.*e*) Ibidem pag. 36. & Vol. III, pag. 314.

ALKALIA fixa, præsertim causticum, subtilissimum pulverem siliceum solvunt via humida, at multo uberius via sicca. Omnia acida, ne quidem aëreo excepto, solutionem divellunt.

LIQUOR filicum etiam acido fluoris præcipitatur, sed pulvis decidens siliceo puro non constat, alkali namque fluoratum simul continet, salem triplicem formans.

AQUA filicem omnino respuit in temperatura media. In aqua fontium Upsaliensium pluries filtrata pulveris filicei portiunculam semper obtineo facta evaporatione, sed hic sine dubio tanta gaudet subtilitate, ut aquæ semel immixtus frictione retineatur, divisione namque augetur superficies & cum hac frictio, quæ tandem superpondio ex gravitate specifica æquivalebit.

VIA sicca terra filicea ope boracis, minii, aliarumque materierum idonearum, in primis vero facillimeque alkali funditur fixo.

NONNULLI recentiorum *eboris* quoque *terram* simplicibus adnumerant, sed irritò, nam hæc sine dubio est composita, calcem fovens tam aëratam, quam phosphoratam, terræ cornu cervi congruentem.

§. XLV.

Columna 34, aquæ.

QUUM arena minutissima volatilis libellam ferver, adeo ut in illa submergi queant anima.

nimalia: quum gypsum pulveratum in ahe-
no super igne appareat liquidum, alia ut jam
taceam exempla, quid impedit, quo minus
liquida in genere concipiantur instar mole-
cularum solidarum, quæ tanta gaudent sub-
tilitate, ut oculos etiam optime armatos fu-
giant, suaque levitate, mole, figura, aliove
fluido graciliori interposito, facillime inter
se moveantur & superficiem toti acervo ho-
rizontalem adfectent. Hinc aqua nihil aliud
esse videtur, quam terra calore liquida. Cer-
te, calore ad statum gradum diminuto, illa
in corpus solidum concrefcit, eodem vero
ultra fixum terminum aucto in vapores re-
solvitur elasticos. Scilicet, calorem vel ejus
materiam vi determinata attrahit quævis par-
ticula, & exiguam quasi atmosphæram sibi
format. Quamdiu hæ atmosphæræ conta-
ctum molecularum impediunt, tota massa li-
quida manet, illis autem crescentibus distan-
tiæ augentur, & volumen intumescit, sed
mutuæ attractiones diminuuntur, idque eo us-
que, ut tandem particulæ in superficie aquæ,
caloris necessaria copia, dilatentur in vapo-
res elasticos. Hoc perfectissime & per to-
tam massam efficitur 100 gradibus. Vapo-
res tum uberrime nati exeunt & ebullitionis
motum producant. Hi volumen aquæ qua-
tuor decies millies superant, quorum ideo
ingens superficies longe majorem absorbere
valet caloris quantitatem, quam antea, & non-
ne hinc frigus efficiat omnis evaporatio? Vi-
cissim calore abundante, ope aëris frigidioris,
vel

vel cujuscumque alius modi, sensim diminuto, vaporum contrahitur volumen tandemque hi in guttas aqueas concidunt. Si ulterius continue decrescit materia caloris, particulæ ad contactum properantes, tardiores & semet invicem tangentes, mobilitatem amittunt respectivam & in glaciem concrescunt. Quæ in sequentibus de calore specifico dicenda sunt, hæc omnia melius dilucidabunt (§. XLVIII).

MATERIÆ, aqua solubiles, sunt in primis salinæ, gummosæ & spirituosæ. Quo ordine sales suscipiuntur parum hætenus examinatum fuit, nec facile examinari potest. Acidum vitrioli concentratum aquam solutionis alkali vegetabili vitriolato, alumini, vitriolo, sublimato corrosivo, aliisque, quæ hoc acido non decomponuntur, eripit, adeo ut momento fere crystallisentur. Alia acida vix sensibilibus hanc exferunt vim.

ALKALIA caustica aquam quoque notabiliter attrahunt, & varios sales, qui illis non decomponuntur, deturbant.

SPIRITUM vini aqua fortius appetit, quam sales illum non subeuntes, qui ideo spiritu vini secerni possunt. Ita se habet alkali volatile aëratum, quod hac præcipitatum via *Sapo Helmontii* vocari solet.

CETERUM aquæ vires electivas respectu salium neutralium & mediorum huc usque incognitæ sunt & omnino neglectæ. Ad fi-
dem

dem tamen pronum est, quod hi singuli inæquali attrahantur vi & quod alter alteri cedat.

ÆTHER ope aquæ a spiritu vini quodammodo separari potest.

§. XLVI.

Columna 35, aëris vitalis.

A) ATMOSPHERA, quæ undiquaque globum nostrum ambit, fluido constat perlucido & elastico, ad sensum homogeneo, quod *aëris vulgaris* vel *atmosphærici* indicamus nomine. Hoc propius examinatum præter vapores, pro diversitate locorum & ventorum mirum in modum variantes, ubique triplicem continet auram commixtam, qua indolem inter se multum differentes. Maxima pars, & quæ, saltem in confiniis superficiei, bis, ter vel ultra reliquas volumine superat, nec igni alendo, nec animalium pulmonibus convenit, probabiliter e vitali, mutatione nondum certo cognita, forte phlogisto, addito vel demto, orta, quæ ideo *aër corruptus* vocari potest. Aliter se habet, quem in Anglia *dephlogisticatum* appellant, quemque antea nudum, purum vel bonum vocavi, jam verum celebri R. Scientiarum Academiæ Parisinæ Historico *vitalis* nomine insigniendum puto, quum non tantum igni & respirationi sit unicus idoneus: sed etiam sine conditione necessarius: omnis alius aër mephiticus est. Minimam atmosphærae portionem efficit acidum aëreum, vix umquam $\frac{1}{16}$ attingens.

B) *Aër vitalis* in atmosphæra reperitur parce immixtus, $\frac{1}{4}$ circiter voluminis efficiens, rarissime $\frac{1}{3}$ superans, ut nuper indicavimus, hic tamen arte variis modis extricari potest. Nitrum fusioni expositum in apparatu pneumatico ex uncia 5 - 600 pollices cubicos exhibet vulgari aëre longe meliores, præsertim initio. Acidum nitri terris & variis metallis adfusum, abstractione ad siccum facta, post aërem nitrosum (si phlogisti quidquam adest), aëris vitalis plus minus porrigere solet. Vitriola quoque ferri, cupri & zinci, variæque terræ vitriolatae, immo lapis calaminaris, magnesia nigra, nec non calces nobilium metallorum præcipitatione acquisitæ, idoneo ignis gradui expositæ, portionem aëris vitalis sub reductione promunt. Hinc jure concluditur hunc aërem sine acido nitri obtineri quidem posse, ejus autem auxilio longe majorem prodire quantitatem, adeo ut vix dubitari queat, quin aut compagem acidi, instar principii intret, aut hoc illius. Si prius, quidquam est removendum, quod aëri vitali iusta dosi iterum adunatum, præter alias proprietates, fortem procreare debet aciditatem. Cujusnam hoc sit naturæ ignoratur: saltim aër nitrosus solus non sufficit, nisi phlogisti rejiciatur existentia, quod tamen evidentiâ experimenta non permittunt: nec phlogisticum esse videtur, quo alias omnia debilitantur acida, immo saturando omnino quasi ligantur. Meminisse tamen juvat, quod
in

in compositis non numquam proprietates reperiuntur, quæ nulli ingredienti principio competunt. Sed in nostro casu hæc nuda possibilitas non dum ullo fulcitur experimento, quo distinctam aciditatem phlogisti connubio ortam luculenter evincitur. Posterior adsertio sequentibus se commendat argumentis. Scilicet, teste experientia, acidum nitrosum phlogiston perquam avide arripit, eo multum debilitatur, tandemque, adjuvante certa materiæ caloris portione, æream acquirit formam, acidum nitri æri-forme exhibens: majori phlogisti dosi prodit ær nitrosus, acidum continens saturatum, nonne igitur uberiore vel inflammabili, vel calore specifico, quod augmentum ponderis svadet, vel utroque simul, nova oriri queat variatio, æri vitali congruens? Difficultates tamen hanc quoque premunt opinionem, in sequentibus memorandæ. Interea, hisce positis una cum hypothesi Scheeliana de compositione caloris, haud inepte explicari possunt phænomena ortus. Notum est, quod acidum in nitro fusione phlogisticari queat. In ratione phlogisti aucti cohærentia diminuitur & debita copia omnino cessat, adeo ut in ærem vitalem mutatus æstu propelli queat. Phlogiston ad-crescens, heic e calore penetrante & decomposito est haustum, secedente autem altero principio, alterum liberatum ex hypothesi est ær vitalis, cujus igitur copia e duplici fonte, & componendo, & decomponendo

erumpit. Si hæc vera sunt, facile intelligitur, cur ex acido nitri cuilibet fere materiæ adfuso, idem acquiritur, immo nova portio, si emaciatae acidum nitri denuo additur. Acidum solum tanta gaudet volatilitate, ut effugiat, antequam phlogisto recipiendo idoneam adquisiverit concentrationem. Basis adhibita acidum figit, & inflammabili foeta initio aërem generat nitrosum modico æstu.

MATERIÆ, quæ sine omni nitroso, aërem promunt vitalem, plerumque metallici quidquam continent, quod, vehementi tortum igne, calorem decomponit, vel specificum inhærentem, vel per vasa immissum. Calces nobiles hoc modo in formam metallicam reduci videntur sine phlogisto addito, etiam illæ, quæ nec acidum aëreum sub præcipitatione recipiunt, nec quidquam recondunt aëris nitrosi, ut aurum acido muriæ dephlogisticato solutum & postea deturbatum. Calces ignobiles plumbi, ferri, zinci, magnesi & forte plurium, calorem quoque decomponere valent, sed tantum retinere nequeunt, quantum reductioni opus est. Magnesia nigra ne quidem albescit solo igne, sed adjuvante acido vitrioli solubilitati necessariam figit quantitatem. Via humida interdum, raro tamen, talia occurrunt phænomena. Minio diutina emaciato calcinatione, paullo majus acidi vitriolici concentrati volumen adfundatur, in exigua re-

tor-

torta, miscela cito incalescit & nigrum acquirit colorem, quod solo etiam æstu accidere solet, modica oritur effervescencia, qua plus minus acidi æerei erumpit, sed post unum alterumve minutum calor ita increfcit, ut digiti vitrum tenere nequeant, simulque albescit massa & aura instar fumi albi vehementer extruditur, quæ purum porrigit ærem vitalem, pulvisculo volatilifato fumi speciem initio habentem. Minium, immixto vitro pulverato, acido vitriolico redatur citius penetrabile, alias supremum massæ stratum albescit, dum inferiora nigrescunt, vel non dum acido attracta sunt, & in tali casu acidum æereum sub tota productione ærea immixtum reperitur. Minium cum acido muriatico similiter tractavi, sed igne heic juvanda operatio, ut ebulliat menstruum. Prodit tum acidum æereum, nec non acidum muriæ dephlogisticatum & vix pars quarta est ær vitalis. Quod acidum æereum minio inhæserit non dubito, sed, num recenti infit, explorandum restat. Ipse facere non possum, quum in Svecia minium non conficiatur. Ad fidem pronum est, quod sub diutina calcinatione non potuerit intrare, sed postea ex atmosphæra hauriri, ut calci ustæ accidit. Unde autem ær vitalis, merito quæritur? Hunc nonnulli ab acido æereo dephlogistico derivant, SCHEELIUS e decomposito calore. Omne minium hætenus exploratum magnesiæ nigræ portiunculam continet, quæ caloris principia

divellere potest, & forte plumbum probe emaciatum idem valet. Acidum salis facilius decomponitur, ideoque cum hoc menstruo aër vitalis admodum parce prodit. Plumbum aëratum, eodem ac minium modo tractatum, non nisi acidum aëreum promit, sed mercurius nitratus ad rubedinem calcinatus & ferri vitriolati sedimentum spontaneum, cum acido vitriolico similiter fere, ac minium, se habent. Ferrum vix umquam magnesio caret & ipsum quoque calorem decomponere posse videtur, nam quod magnetem recusat, solo igne & sine phlogisto addito attractile fit in crucibulo.

INGENS in aëre vitali calor specificus, qui experimentis idoneis demonstrari potest, genesis ex acido nitri, ope phlogisti excessu, haud immerito suspectam facit, & nova forte experimenta aliquando falsam ostendent.

C) *Aëris vitalis ad alia corpora relatio* jam consideretur oportet. Nulla hactenus nota est materia, in quam promptius efficaciusque agit aër vitalis, quam quæ *aër nitrosus* audit. Primo namque, quo se invicem tangunt momento, tota massa quasi fremit, rufescit, incalescit & volumen miscelæ contrahitur. De causa horum phænomenorum non dum conveniunt naturæ scrutatores. Duæ tamen prævalent opiniones, quarum alterutra probabiliter vera erit. Celeb. KIRVAN ita explicavit *f*). Aëre vitali phlo-

phlogiston fortius attrahitur, quam acido nitroso, aer ideo nitrosus dephlogisticatur, indolem amittit suam & acidi nitri vapor rufus prodit, aqua celeriter absorbendus. Aer autem vitalis phlogisto satiatus acidum gignit aereum, vel adhuc majori inflammabilis dosi in corruptum abit. Volumen diminuitur interdum eo usque, ut $\frac{3}{100}$ tantum restent, idque ob destructum aerem nitrosus & genitum acidum aereum, quod, & vitali ponderosius, & parciore dotatum calore specifico, qua ambitum necessario contrahi debet, praetereaque totum aqua suscipi potest. Incalescentia ab aere nitroso destructo derivatur, qui, aequae ac aer vitalis phlogisticatus, caloris specifici portionem laxat. Haec eximia sunt, sed ut plenam convincendi vim obtineant, tanta acidi aerei copia magis rigorose demonstranda videtur. Ni fallor productio acidi aerei e praecipitatione aquae calcis & copia e diminuto volumine dijudicatur. Quod ad prius attinet probe notum est, admodum exigua acidi aerei portione, forte aeri vitali immixta, sensibiliter turbare aquam calcis, diminutio autem, repetito per recentem aquam calcis transitu, provocata, aliam agnoscere potest causam. Aeris namque vitalis absorbet aqua sui voluminis $\frac{1}{4}$, si igitur haec quantum satis adhibetur, effectum totum quantum hac via procreare licet. In hypothesi SCHEELIANA habitus aeris vitalis cum nitroso e prioris phlogisticatione etiam derivatur, sed hoc connubio materiam caloris ori-

riri perhibetur, quæ in præsentī casu, a nullo ambiente corpore absorbetur, nam nitrosus e fluiditate in liquiditatem migrans caloris specifici portionem laxare debet, inter objecta vicina distribuendam & vitrum sensim penetrantem. Quo jure talis caloris ortus statuitur, in sequentibus examinabitur (§. XLVIII).

Aër inflammabilis e metallis phlogiston fere purum putum in forma aërea continet, vitalem tamen nec mutat, nec hic illo mutatur, ne quidem contactu per peregrinum calorem aucto, quod nuper allatis de aëre nitroso parum congruere videtur. Sed observetur oportet, quod aëris nitrosi decompositio duplici perficiatur attractione: ejusdem pars phlogistica sollicitatur aëre vitali, simulque acida mediante aqua. Hæc ideo miscela, hydrargyro sicco clausa, successu caret. Contactus vero flammæ vel corporis candentis mirandam provocat scenam in miscela aëris inflammabilis cum vitali, ille enim accenditur tantoque ardet impetu, ut æstu & efficacia vulgarem ignem longe superet, lucisque fulgore oculos obfuscet. Si hoc incendium in spatio ope hydrargyri clauso peragitur, quod prudenter procedendo fieri potest, igne extincto. & apparatu refrigerato, aëreum volumen qua maximam partem evanuisse reperitur. Residuum exploratum aërem continet corruptum, fere numquam acidi aërei portiuncula inquinatum.

tum. Hæc diminutio duplici, ut antea, explicatur modo. Non equidem negandum est, quod volumen contrahi debeat, si vitalis connubio phlogisti in acidum aëreum mutetur, & gravius, & longe minore dotatum calore specifico, sed ulterius acidum aëreum uberiore phlogisto in aërem corruptum abiens leviolem & ideo ampliandum, exiguae post finitam deflagrationem portioni restanti, parum convenire videtur, quamvis etiam aër inflammabilis totus quantus in statum ligatum concreseat.

POSITA puritate perfecta utriusque aëris, hæc inflammatio omnium simplicissima videtur, nullum enim superfluum principium adest, quod sub operatione vel aëreum promittit peregrinum, vel residuum porrigit strenue absorbens miscelæ portionem.

Huc proxime accedere videntur scintillæ electricæ, quæ instar flammularum considerari possunt, quæ aërem vitalem, in medio ambiente obvium, phlogisto mutant vel in acidum aëreum, vel in calorem, quod nova decident experimenta. Aër alkalinus talibus scintillis in inflammabilem tripli voluminis abit, quod satis innuit hæc flammulas phlogiston laxare liberum & elasticum.

PHOSPHORUS cum aëre vitali sine auxilio externi caloris admodum lente consumitur, & parum vel nihil, nisi adsit aqua, duplici attractione decompositionem juvans. Defla-

grare tamen potest in vitro ope hydrargyri clauso, si prudenter instituitur operatio. Methodus mihi optime succedens fuit introductio exigui frustuli, quod flamma candelæ vitro applicata, ubi intus illud adhærebat, accendebatur. Dein successive eadem encheiresis repetita fuit, donec ultimum frustulum inflammationem recusaret. Apparatui tandem refrigerato numquam aërei ultra $\frac{1}{4}$ restavit, sæpe autem non nisi $\frac{1}{10}$, & interdum etiam minus. Residuum aëre constabat corrupto, rarissime acido aëreo contaminato. Heic hypothesis de ortu acidi aërei & aëris corrupti e vitali phlogificato ægre admittenda videtur. Nullum heic adest phlogiston liberum, cujus concrefcentia volumen diminui queat. Difficultatem tamen hanc minuit, quod acidum phosphori denudatum notabilem exerceat absorptionem, de qua in sequentibus prolixius disse- retur. Sulphur eodem modo comburi potest & eadem fere monstrat phænomena.

MAXIME composita illa est inflammatio, quæ corpus consumit, sub operatione e propria compage acidum aëreum promens, simulque residuum offerens absorbens. Huc pertinet pyrophori, candelæ, aliarumque materierum e vegetabilium vel animalium regnis combustio. Nulla sine aëre vitali locum habere potest inflammatio, unde hic instar pabuli ignis respici solet, phænomena tamen plus minus variant pro diversa

cor-

corporum consumendorum indole. In loco ope hydrargyri clauso, candela ad extinctionem flagrans aëreum ambiens parum vel nihil diminui adseveratur, & certe volumen plerumque post refrigerationem idem reperitur, nam combustum sebum tantum circiter laxat acidi aërei, quantum aëris vitalis flamma consumitur. Quod olea, igne decomposita in vasis clausis, acidum aëreum porrigat notum est.

Aër *hepaticus* vitali dephlogisticatus sulphur deponit, sed hoc lente peragitur, dum nitrosus primo contactu decompōnit.

METALLA phlogisto gravidata non possunt non aviditati aëris vitalis esse exposita. Quæ ignobilia audiunt, pro re nata tardius ociusve dephlogisticantur, nobilia pertinaciter resistunt, interim tamen purissimum aurum, in foco vitri caustici fusum sufficienterque rarefactum, suum etiam mittere cogitur inflammabile g). Hydrargyrum, quasi medium inter nobilia & ignobilia, in aëre vitali quantum satis calefactum egregie & cito calcinatur, sed in aëre corrupto nequaquam mutatur, ut Celebris invenit D. PRIESTLEY. Miscela plumbi, stanni & vismuti, quæ ebullientis aquæ æstu funditur, idem expertus sum. Effectus iterum duplici modo, genesi acidi aërei vel materiæ caloris, explicatur. In priori hypothese difficultatem

pa-

g) D. MACQUER Dict. de Chymie.

parit, quod variæ calces metallicæ acidî aërei connubium recusent: quod aurum acidofalis dephlogistico solutum & alkali præcipitatum, sine additamento phlogisti reduci queat, etsi calx nec aëre nitroso, nec acido aëreo sit contaminata. In Systemate SCHEELIANO hi quidem scopuli feliciter præternavigari possunt, restant tamen alii, qui caloris decompositione haud facile evitantur. Calcinatio plumbi per hydrargyrum in aëre vulgari, qui qua $\frac{1}{4}$ diminuitur, & calcem aëratam præbet, huc pertinet *b*), nam in aëre vulgari numquam quartam partem acido aëreo constare inveni, nec, quod sciam, ullus alius: restat tamen explorandum, num expulsum acidî aërei volumen diminutioni memoratæ respondeat. Ponderis augmentum acido aëreo, ubi adest, non sine probabilitate adscribitur, sed quin calore specifico generatim increcente quidquam efficiatur, vix dubito. Nec humiditas a massa spongiosa absorpta semper est innocua.

PRÆTER allata corpora sine dubio longe plura aëris vitalis actione plus minus mutantur, præsertim phlogistica, sed modo adhuc magis abscondito.

§. XLVII.

Columna 36, Phlogisti.

Hæc subtilissima materia, ut acidum aëreum,

b) D. KIRVÂN.

reum, *duplicem admittit statum*, ligatum & liberum. In priori corporum intrat compagem, omnes nostros fugit sensus, ex effectibus unice dijudicandus, quam etiam ob causam nonnulli fictam crediderunt substantiam, nullo modo palpabilem, sed irrito. Celeberrimi Physici, PRIESTLEY & KIRVAN, phlogisti existentiam & duplicem statum evidentissime, tam analytice, quam synthetice demonstrarunt, adeo ut, me quidem iudice, omnis ulterius dubitandi ansa sublata sit. Ligatum, quod proprie *phlogiston* audit, variis liberari potest modis, sed tum semper idoneo caloris specifici augmento elasticitatem, formamque aëream recipit sub nomine *aëris inflammabilis*. In sequenti paragrapho ex analysi carbonis fundamenta patent, quibus pondus phlogisti in aëre inflammabile quodammodo aestimare licet. Scilicet pollex cubicus decimalis aëris inflammabilis pondere æquivaleret $\frac{11}{100}$ libræ docimasticæ, at talis pollex tantum continet phlogisti, quantum foveant 2 libræ ferri-cusi, h. e. $\frac{5}{100}$ i). Ergo $\frac{11-5}{100} = \frac{6}{100}$, pondus caloris specifici indicant, ad induendam formam aëream necessarium, de quo mox plura sunt differenda (§. XLVIII, C, E). De aëre inflammabili e metallis separato heic unice agitur: qui ex organicis elicitur corporibus impurior & in primis acidi aërei portioni intime adunatus videtur.

PHLO-

i) Analysis ferri, pag. 24.

PHLOGISTON in omnibus forte corporibus reperitur, quamvis in plerisque exilitate la-
reat. Notabiliora tantum connubia heic qua
attractiones examinari possunt, qui labor ha-
ud spernenda offendit obstacula. Magnesia
nigra e. g. tanta vehementia principium in-
flammabile appetit, ut acidum salis decom-
ponat. Omnibus quoque metallis illud eri-
pit, sed, quod probe notandum, non nisi
acido quodam adjuvante. Eadem vero effi-
cacia non agit usque ad completam saturi-
tatem, sed tantummodo donec solubilitati
in acidis necessariam dosin hauserit. Hoc
facto complementum ad perfectam reductio-
nem debilius, quam ab ulla alia calce me-
tallica attrahitur. Talis ad certum tantum
gradum progrediens notabilior nifus in mul-
tis aliis sine dubio locum habet, quamvis
hactenus parum examinatus. Ita ferrum, &
forte alia metalla ignobilia calcinata, solo
igne tortum, phlogisti re vera adsciscit quan-
tum satis, ut magneti obedientiam præsta-
re queat, sed portionem reductiioni sufficien-
tem hoc modo suscipere nequit. Generatim
phlogiston reducens multo debilius, quam
coagulans inhæret. Hæ attractiones illis
quodammodo similes sunt, quas excercet a-
cidum tartari in sales, qui alkali vegetabile
fovent (§. XXXVII). Adfinitatum doctri-
na ad perfectionis culmen evecta, necessa-
rium fore prævideo, bis sæpe vel pluries
eamdem adferre substantiam, pro re nata
plus minus variatam. Heic etiam seorsim in-
tro-

troducti possent calx magnesia nigra & alba, sed prior simplici vi non agit, acido quodam juvanda. Quæ igitur in hac columna memoratur est alba.

Aëri vitali vix locum adsignare licet, quum ægre agat, nisi duplici adfinitate vel insigni caloris gradu suffultus. De concursu cum aëre nitroso antea diximus: ad decompositionem phosphori completam requiritur ignis externus vel humidum ambiens.

HYDRARGYRUM calcinatum sub digestionem in acido salis reducitur, sed causa non dum satis explorata est. Quum acidum salis dephlogisticatum ipsum metallum adgrediatur, vix calx dephlogisticationem acidi perficere valet. Examinandum igitur restat, num sub digestionem acidum dephlogisticatum prodeat. In hypothese Scheeliana decompositio caloris sufficit.

ALKALI volatile magnesia nigra dephlogisticatur quidem, sed causa composita est, acido nitri fulcienda.

ITAQUE allata phaenomena in determinandis attractionibus electivis non dum profunt. Sequentia autem simpliciora & idonea videntur.

ACIDUM nitri sulphur revera decomponit, lentissime tamen sine ebullitione, sed acidi muriatici principia etiam in temperatura media divellit.

ACIDUM *muriae dephlogisticatum* sulphur mutare non valet, sed arsenicum album sensim emaciat & phosphorum in album fumum ex tempore mutat.

QUAMVIS metallicarum solutionum præcipitatio metallis completis re vera ope duplicis attractionis peragatur, simplex tamen sufficit, modo phlogiston in idoneo porrigi queat statu. Scilicet principium inflammabile calces diversa appetit vi & illas ad saturationem usque intrat, qua obtenta decidunt metalla completa non iterum solvenda, nisi ablato excessu impediante. Dum solutioni auri immittitur quodlibet aliud metallum cito aurum deturbatur, non minori acidi attractione, ut omnes hæcenus explicaverunt, sed quoniam phlogiston calcem auri lubentius recipit, quam calcem metalli additi. Quod hæc vera sit ratio via tam humida, quam sicca demonstrari potest. Quam viam humidam egregium quidem Domini SAGE inventum rem illustrat. Solutioni nempe metallicæ dilutæ frustulum phosphori injicit, quod suum calci metallicæ cedit phlogiston, eamque in nonnullis casibus plene reducit. Calces nobiles, nec non cupri hac methodo statum metallicum recuperant *i*). Quamvis autem heic nulla principiorum reciproca permutatio exerceatur, duplex nihilo minus vis decompositionem perficit. Aqua nimirum sola phosphori partem acidam sen-

i) ROZIER Jour. de Physique 1781.

fenfim, at testitudineo gressu, extrahit, eo-
que ipso calcis metallicæ cum phlogisto con-
nubium reddit facilius. Non tamen defunt
experimenta, quæ magis directe probant.
Acidum nempe arsenici aqua solutum aëris
inflammabilis flumine transeunte formam
nanciscitur regulinam, ut D. PELLETIER te-
statur 1). Idem cum quibusdam aliis me-
tallis solutis succedit. Vicissim calces me-
talicæ flamma purissimi aëris inflammabilis
feliciter reducuntur, quod etiam accidit, si
hoc aëre in vase clauso circumdatæ foco vi-
tri caustici exponantur, ut D. PRIESTLEY ex-
pertus est. Aër diminuitur hac operatione,
sed residuus pristinam omnino indolem ser-
vat, reductioni æque idoneus ac antea. Ce-
terum probe notum est, quod nonnullæ me-
talicæ calces fundendo reduci queant addi-
to ferro vel alio metallo conveniente.

ITAQUE phænomena singula huc pertinen-
tia, e genuino derivata fundamento, ordi-
nem metallicarum calcium in serie attractio-
num antea positum, omnino invertunt. Ita
aurum ex ultimo loco in primum vel se-
cundum emergit, & zincum ad infimum al-
terius extremi deturbatur. Idem de ceteris
valet, ut e columna phlogisti apparet.

QUOD *acidum arsenici phosphoreo fortius in-*
flammabile principium appetat, luculenter pa-
tet phosphoro, acido arsenicali immisso, nam
regulino reducto cito nigrescit superficies.

Bergm. Opusc. Vol. III.

D d

VIA

k) ROZIER Journ. de Physique 1782.

VIA *sicca* metallicas calces ordine nuper stabilito collocavi. Acidum arsenici calci argenteæ præposui, nam illud siccum, cum argento igne tortum, hujus portionem solvit, quod sine dephlogisticatione fieri nequit. Portio nempe dephlogisticans in arsenicum album sublimatur, alia mox calcem suscipit.

Positro, quod materia caloris phlogisto & aëre vitali componatur, aëri vitali locus competit inter hydrargyri calcem, quæ uti nobiles reducitur, & reliquas ignobiles, non tamen inficias eundem est, quin hæ etiam partem caloris decomponente possint, non tamen ad plenam reductionem valent.

§. XLVIII.

Columna 37, materiæ caloris.

A) AB antiquissimis retro temporibus natura ignis Philosophorum torfit ingenia, & ne quidem nostris, opinionum de illa divortia adhuc componi potuerunt. Immo quæstio mota fuit, *utrum phænomena, quæ igni adscribuntur, a peculiari materia sint derivanda? An vero e solo particularum in corporibus motu pendeant?* Quum autem omnis in nostro globo excitatus motus resistantiam patiat, ideoque sibi relictus, teste quotidiana experientia, decrescendo progrediat, concipi haud facile potest, quomodo motus in scintilla provocanda adhibitus, impedimentis continue retardandus, nihilo minus

nus tanta interdum acquirere possit augmenta, ut domum, immo totam consumere valeat urbem. Heic certe causam mirum quantum superat effectus. Sed nostro ævo fere omnes de propria ignis materia consentiunt, idque jure, nam materia sine dubio est, quæ pondere gaudet, quæ attractiones exercet, aliasque qualitates, in variis casibus valde conspicuas & accurate determinandas. Huic igitur thesi demonstrandæ ulterius immorari superfluum duco. Qualis autem sit hæc materia, gordius est solutu longe-difficilior. Heic Rhodus, heic salta. Num rectius caloris, quam ignis materia appelletur, me quidem judice, non est ambiguum. Ignis nempe est actus caloris, ad certum gradum aucti, ideoque cito transiens pabulo consumto, sed calor manet quamvis rarescens inter alia distribuatur corpora. In igne semper est calor, sed non omnis calor igni excitando sufficit: determinata requiritur in quovis casu obvio accumulatio. Nisi igitur consuetum loquendi modum invertere lubeat, magis rei naturæ convenire videtur denominatio, quam in paragraphi inscriptione elegi.

B) PRÆCIPUÆ, quæ jam vigent, de materia caloris sententiæ, ad *tria systemata* referri posse videntur.

I:MUM. Nonnulli lucem ipsam uti ignem elementarem respiciunt, quæ in statu libertatis nostrum circumquaque involvit plane-

tam, idoneo motu lucens & inæquali densitate temperaturæ provocans diversitates, maxime elasticum, leve, subtile & penetrans. Non obstante mira tenuitate & mobilitate in corporibus tamen figi potest & eorum compositionem instar principii ingredi, in quo statu phlogiston vocatur. Magna se commendat simplicitate hæc hypothesis, sed vix subsistere potest, demonstrato, quod phlogiston liberatum nihil sit aliud, quam aër inflammabilis (§. XLVII). Lux præterea tenuitate calori postponenda videtur.

II:UM. ALII ignem elementarem, qui in statu libertatis calefacit, a phlogisto non tantum distinctum urgent, sed adeo quoque contrarium, ut unum ubique alterum expellat, saltem qua partem. Aër phlogificatione multum laxat caloris specifici, qui liberatus & quantum satis accumulatus candescit, calcinat, accendit, & qui sunt reliqui ignis effectus. Subtilissimam caloris materiam non æqualiter & in ratione voluminum distribui, ut BOERHAVIUS statuit, sed quodlibet corpus peculiari attractione vi suæ naturæ plus minus arripere offenditur. Si calor thermometro sensibilis in loco, ubi plura diversa adsunt corpora ejusdem ponderis, augeatur vel diminuitur, hic inter illa distribuitur in ratione virium, similiterque, in restituendo per decrementum æquilibrio, singula, in ratione virium semet exonerant. Corpus liquefcendum, plus absorbet caloris, quam
so.

solidum, & adhuc dosi opus est longe uberiori in induendo statu vaporoso. Animalia respirando incalescunt, cetera quæ in sequentibus passim exponenda sunt.

PARS systematis, quæ de caloris ligati augmentis, dum solidum liquefcit & liquidum formam vaporosam nanciscitur, Illustri BLACKORTUM debet. Tanto autem successu hæc doctrina postea fuit exulta, tam in Anglia, quam in Svecia, ut jam certis indubiisque fundamentis tota niti videatur *l*). Respirationis negotium Domini PRIESTLEY & CRAWFORD in primis illustraverunt.

III:UM denique sagaci amico, Dom. SCHEELLE debetur, qui caloris materiam non simplicem, sed compositam esse putat, & e phlogisto, aëri vitali intime adunato, quotidie nasci. Lucem e caloris materia cum excessu phlogisti oriri existimat. Qua via ad has pervenit conclusiones, ejusdem de Aëre & Igne libellus optime instruit. Hæc hypothesis suis non caret difficultatibus, quas passim memoro, interim tamen institutis experimentis melius congruere hætenus mihi visa fuit, quam ulla alia, ideoque explicationes illi sæpe adaptavi. Quod contractio voluminis aërei semper calori per vitrum abeunti adscribatur, in hac hypothesis non

Dd 3 est

l) Conferantur in primis libellus D. D. CRAWFORD de calore animali, D. MAGELLAN de Igne elementari & D. WILCKE in Actis Stockh. 1773, 1781.

est necessarium. Nihil impedit quo minus pro re nata etiam absorberi queat.

C) NOVAM de caloris distributione doctrinam in plerisque momentis probe stabilitam agnosco, sed, quum attractiones spectet, quomodo intelligam, paullo curatius exponendum iudico.

CALOR, quem thermometro emetiri possumus, *sensibilis* audiat, ille autem, quem quodlibet corpus vi attractionis ita ligat, ut thermometro prodi nequeat, *specificus*. Ut comparatio habeatur, aquæ calor specificus unitate exprimitur, ad quem postea calores specifici aliorum corporum ejusdem ponderis ejusdemque temperaturæ sensibilis, referuntur & numeris designantur m), qui mutuas rationes, non vero quantitates absolutas, indicant. Ponamus duo corpora ejusdem ponderis A & B , quorum calores specifici sint ut a ad b : increseat calor sensibilis in vicinia corporum, quantitate m , inter A & B dividenda, prius accipere reperietur augmentum $\frac{a}{a+b}m$ & posterius $\frac{b}{a+b}m$, adeo ut $\frac{a}{a+b}m : \frac{b}{a+b}m :: a : b :: a + \frac{a}{a+b}m : b +$

m) Conf. D. MAGELLAN, qui huic theoriæ formam concinnam dedit & mathematicam. Methodus determinandi calorem specificum a Wilkiana differt, sed eventus nihilo minus concordant, quod ipsius doctrinæ veritatem haud parum firmat.

$b + \frac{b}{a+b} m$. Similiter se res habet si m ponatur negativum vel decrementum, nam distributio in utroque casu ita fit, ut rationes caloris ligati maneant eadem vel constantes.

CETERUM calores specifici nec rationes sequuntur gravitatum specificarum, nec voluminum, sed, ni fallor, rationem compositionis peculiaris attractionis & superficierum. Non equidem solam externam intelligo, simul internam additam pono. Scilicet probe notum est, quod nullum corpus sit perfecte solidum, immo aurum inter cognita gravissimum, qua dimidium volumen meatibus invisibilibus excavatum, haud immerito conjectavit NEWTONUS. Hinc de vacuitatibus aliorum corporum judicare licet, quippe quæ gravitatibus specificis saltem relative determinari possunt, sed hoc adminiculum in nostro casu non prodest. Etsi omnis alia figura majorem præbeat superficiem, ponamus tamen simplicitatis causa poros sphaericos & corporis cujuslibet vacuitatem in sphaeram reductam diametri 10, erit superficies interna ut quadratum, h. e. ut $10 \times 10 = 100$. Sit jam eadem vacuitas in 10 sphaerulas æquales partita, quarum quælibet diametro m gaudet (ad evitandas fractiones) & superficies interna erit, ut $10 m^2$. Si in 100 dividatur, erit ut $100 n^2$, & ita, quousque lubet, progredi licet. Hac ratione crescunt superficies internæ decrecentibus pororum magnitudi-

nibus, &, ni fallor, secundum fere eamdem calores specifici. Quoniam pori longe ultra dimidium volumen semper efficiunt, & in plerisque anorganicis exilitate oculos vel optime armatos plane fugiunt, externa superficies respectu internæ uti infinite parva negligi potest, & forte idem de peculiari vi attractionis valet. Textura corporum interna re vera spongiæ est comparanda, quamvis aperturæ & meatus plerumque percipi nequeant. Jam calor omnia penetrat corporum foramina & ligatus minimos atomos instar atmosphæræ circumdat, illisque adhæret, suo nexu calefaciendi virtute privatus. Crassities hujus strati pro re nata augetur vel diminuitur. En aliquot exempla, quæ meam corroborare videntur conjecturam, nam rigidam demonstrationem vix unquam esse expectandam, natura rei prohibet. Aquæ moleculæ in statu congelationis se mutuo pluribus punctis tangentes attractione cohærent. Si autem sufficiens caloris copia glaciem penetrat, particulae sensim separantur, atmosphærule cinguntur & mobilitatem recuperant. Uberiore æstu aquæ massa intumescit amplioribus atmosphæris molecularum, illisque tenuitas non potest non augeri. Tandem ebullitionis æstu quævis particula ita calore extenditur, ut volumen 14000-ies majus occupet, & posita figura sphaerica, quæ quodammodo oculis observari potest, superficiem acquirit 600 circiter ampliorem. Hac expansione aërea

con-

contactus, & hinc pendens attractio, mirum in modum crescit, adeo ut, e collecta & ligata saturationi necessaria caloris quantitate, in vicinia notabile oriatur frigus.

SEQUENTIA quoque sententiæ illustrandæ inserviunt. Sub campana antliæ pnevmaticæ thermometrum superne vacuum clausumque suspendatur & motu emboli rarefcat aër, mox thermometri liquor subsidet, quod primus observavit D. CULLEN. Hic autem descensus vitro, cessante externa pressione, dilatato debetur, nam si apex frangitur ante suspensionem, in rarefacto aëre liquoris situs non mutatur. Vacuum igitur per se non refrigerat. Si autem globus thermometri aperti humectatur, sub rarefactione aëris descendit hydrargyrum. Causa in fluido ambiente quæri debet, hujus enim particulæ expansæ ampliorem præbent ambitum, calori hauriendo aptiorem, præsertim ex aqua humectati globi, quæ etiam suum defectum e vitro reparat, in vapores abiens, & hoc denique ex hydrargyro, quod ideo contrahitur, donec æquilibrium e corporibus vicinis sensim restituatur. Habemus igitur tres articulos columnæ, cujus caput est materia caloris, primum nempe aër constituit, secundum vitrum & tertium liquor metallicus. Quod vapores ad aërem rarefactum calorem transportent, colligitur e collapsu eorumdem subitanea in guttulas. Evaporationis negotium hic ra-

refractione aëris multum juvari in aprico est. Humidum calore effluente solvitur, eoque in vapores expanditur sæpe visibiles, &, uti notum est, refrigerantes. Interea aër, vix sine expansione vaporosa aquæ, vitrum suo calore spoliare valet, nam rarefactus in globum thermometri ficcum lentissime agit; uberior humiditas efficacius, quam parca operatur; immo generatim, quo volatiliori liquore illitus fuit globus, eo quoque major descensus hydrargyri observatur. In serie igitur infra aërem æther vitriolicus, spiritus vini rectificatissimus, alkali volatile causticum, aqua & olea essentialia ponenda videntur.

CETERUM antea indicavimus salium solutione, longe majorem adquirentium superficiem, calorem absorberi, subita vero crystallisatione laxari *n*). Aër muriaticus ob eandem causam phlogiston avide recipit (§. XVI), & quæ sunt reliqua documenta efficaciae in ampliata superficie. Extra contactum nulla fere exercetur attractio, ideoque heic plus valet area, quam densitas, nam si densæ, sed parvæ, superficie tantum adfigetur, ac raræ & amplæ, elasticitas materiæ figendæ plus minus coërcebitur infra æquilibrium in vicinia dominans, talem autem compressionem vis attractiva vix sustinere potest.

CUIVIS igitur corpori determinatus competit

n) Opusc. Vol. I.

petit calor specificus, qui tamen experimentis congruenter variat pro diversitate status. Solidum minimo gaudet, liquidum majori & fluidum, cohærentiæ minimum offerens, maximo. Intra limites status soliditatis nondum variationes observatæ sunt, quamvis sine dubio paullatim crescere debeat, calor specificus in ratione appropinquantis liquiditatis, & vice versa. In statu fluiditatis quin tales palpabiles sint vix dubitare licet.

Hoc autem caloris specifici stratum, quod corporis omnes minimas particulas quasi involvit, num totius pondus quodammodo adficiat? Sine dubio subtilis hæcce materia gravis est, & quum attractione corpori ita alligetur, ut thermometro dignosci nequeat, cum suo toto ponderare debet. Verum quidem est, quod in solidis infinite parvum efficiat augmentum, adeo ut ægerrime sit observandum pondus, sed in fluidis, ubi & uberius inest, & majorem ad totius pondus habet rationem, instrumentorum nostrorum adcuratorem fallere non debet. Quod etiam caloris specifici gravitas re vera determinari possit, nonnulla experimenta D. LAVOISIER pollicentur o). Adcuratissimus hic Chemicus tam sulphur, quam phosphorum, in aëre vulgari ope hydrargyri clauso, combussit, & apparatu refrigerato invenit, acida denudata bis vel fere ter materias combustas pondere superare. Unde autem tale incre-

o) Mem. de l' Ac. de Paris 1777.

mentum? Consulamus tabulam ad calcem hujus momenti & reperiemus calores específicos sulphuris & acidi vitriolici concentrati uti 0, 183 ad 0, 758, hoc est, circiter ut 1 ad 4. Si autem perpendimus calorem specificum acidi vitriolici crescere cum aqua inhærente, nostrasque consvetas concentrationes aquæ superfluæ satis notabilem portionem relinquere, acidi vitriolici, omni spoliati aqua peregrina, calorem specificum in ratione supra memorata ad 3, & probabiliter adhuc magis jure deprimi posse, fateri oportet. Jam vero D. LAVOISIER incrementa acidorum residuorum exacte respondisse autumat ponderi aëris vitalis sub operatione ablati, adeo ut hunc illo absorptum fuisse jure statuatur. Quum calor specificus phosphori non dum sit determinatus similem deductionem instituere non licet. Interea hæc experimenta, in longe alium finem instituta, hypothesi Scheelianæ haud parum favere videntur. Acidum namque vitriolicum sulphuris combustionem nudando, illius calor specificus augeri debet respectu sulphuris in ratione circiter 3 ad 1: tale incrementum experiendo reperitur: simul æquale aëris vitalis pondus desideratur & celeriter absorbetur una cum illa phlogisti portione, quæ sub combustionem aërem vitriolicum alias generare solet, nam inventum acidum nullo gaudebat odore: similia phænomena occurrunt in comburendo pyrophoro, a D. LAVOISIER etiam indagata: nonne igitur heic

ma-

materia caloris cum connubio aëris vitalis & phlogisti coincidat? Acido vitriolico inhærere acidum aëreum instar principii, non dum evictum & ne quidem ad fidem pronum est: nec alkalibus adunatum puris aërem vitalem eructat, nisi forte caloris decompositione, at caloris liberati haud exigua prodit quantitas. Ceterum hoc experimentum summa adcuratione repetendum existimo, non tantum hydrargyro, sed etiam aëre probe exsiccato, ut appareat num acidum vitrioli obtineri queat siccum. Liquiditas inventa num humido peregrino nihil debeat, adhuc dubium est. Residuum quoque, peregrinis destitutum augmentis, accuratissime ponderatum caloris ponderi absoluto determinando forte inservire potest, quod multas pollicetur illustrationes. Tandem hinc discimus, quam præpostere hætenus quæsitæ sit gravitas caloris: corpora adhibita fuerunt omnium maxime inepta, metalla corporum notorum gravissima.

ULTIMUM decennium inter alia celebre est plurium corporum in formas aëreas mutatione. Et certe, si quæ alia, *genesis hæc aërea* digna est, quæ exploretur. Hucusque instituta experimenta innuere videntur

1:0, quod *materia, huic obnoxia metamorphosi, sint simpliciores*, in primis salinæ, tam acidæ, quam alkalinæ. Novimus dudum quomodo acida vitrioli, nitri, muriæ, fluoris, acetum, omniaque vegetabilium & ani-
ma-

malium, nec non alkali vegetabile & volatile, aëream suscipere possunt speciem. Hæ acidam vel alkalinam servant naturam, aqua facillime absorbendæ, in hydrargyro colligi debent. Acidum aëreum adhuc obscuræ est originis. Ceterum sulphur quoque in aërem hepaticum resolvi potest *p*), immo ipsum fixum siliceum *q*). Longe plures sine dubio in posterum eo redigentur. Ipsum aurum in vaporosam formam ope ignis resolvi potest, num aëream suscipere queat, a priori dijudicare nequit.

2:0 PRINCIPALEM hujus *mutationis causam* in materia caloris esse quærendam, quæ solvendo subtilizat & elasticitatem impertit. Nullum fluidum elasticum sine calore specifico uberiore reperitur, immo ipsum phlogiston illo mediante auram præbet elasticam. Hæc caloris materia vel ex ipso igne accedit, dum e. g. acidum aëreum e creta, aër inflammabilis e ferro, solo æstu extorquetur, vel dum acido vitriolico vi majoris attractionis expelluntur, nam in novo connubio tantum caloris specifici servare nequit acidum, superfluum igitur laxatur & aëre generando absorbetur, totum, vel qua partem. Hoc egregie illustratur, si æqualibus aquæ portionibus additur primæ alkali vegetabile causticum, secundæ alkali vegetabile aëratum & tertiæ alkali volatilis aëрати idem pondus, ad.

p) Opusc. Vol. II. p. 340-345.

q) Ibid. Vol. III, pag. 397.

adfuſo enim acido nitri, in prima miſcela ingens oritur incaleſcentia, in ſecunda exigua & in tertia minor, immo ſæpe frigus pro diverſitate doſium. Ratio eſt, quod acidum conjungendum cum alkali cauſtico ſuperfluum ſui caloris effundat ſine diminutione, acidum aëreum in ſecundo caſu prodiens magnam effuſi abſorbeat partem, & uberius in tertio plus arripiat, immo interdum laxatum non ſufficit, adeo ut ex ipſa ſolutionis aqua defectus ſuppleatur & frigus ſenſibile generetur. Viciffim, ſi acidum aëreum ligatur alkali cauſtico, totus formæ aëreæ neceſſarius penus laxatur & copię reſpondentem calorem procreat. Alia fluida elatiſtica idem monſtrant: ſub geneſi refrigerant viciniam, ſed dum ligantur calefaciunt.

3:0 PHLOGISTON quoque neceſſarium eſſe videtur. Ita acida, ut vitriolicum & nitroſum, quæ pura nullum in ſinu ſovent inflammabile, calore quidem in vapores elatiſticos reſolvuntur, ſed ſola refrigeratione in liquidas guttas concidunt, addito vero phlogiſto aëres generant ſtabiles, quod ideo inſtar vinculi conſiderandum eſt, neceſſariam caloris copiam acidis alligantis. Idem valet de aëre hepatico, qui ſine additamento phlogiſti & ſulphure non obtinetur. Acida vero, quæ phlogiſton ſemper continent, ut muriaticum, fluoratum, e regnis vegetabilium vel animalium eliciſta, non niſi calore egent ad induendam formam aëream.

4:0 IMMO *phlogisti diversa quantitas magnam adfert mutationem.* Aër nitrosus paullum variat e diversis genitus metallis, & limaturam ferri in vase clauso circumstans, eo usque sensim corrigitur, ut tandem flammam non tantum non exstinguat, sed etiam dilaret. In hoc statu *dephlogisticatus* nonnullis audit, quo autem jure haud facile intelligo, quum limatura interea calcinetur, quod phlogisti abitum facit indubium. Alias hoc phænomenon illi congruere hypothefi videtur, quæ aërem vitalem ex acido nitroso satis phlogificato derivat. Scintillæ electricæ in aëre alkalino explodentes inflammabilem provocant, aut transmutando partem, aut phlogiston irretitum, uti videtur, liberando & debitum calorem specificum procurando, nam volumen multum augetur. Alia exempla variationis e phlogisto diminuto oriuntur. Talis est aura, quæ *acidum salis dephlogisticatum* vocatur. Huc etiam referendus videtur aër ex alkali volatili nitrato cum magnesia nigra sub digestionem ortus & aëri corrupto similis: magnesiæ nigræ dephlogisticandi virtus probe nota est. Ejusdem indolis est, qui sub explosione auri fulminantis nascitur, ubi dephlogisticatio certo locum habet r).

CETERUM, quamvis in variis corporibus decreseat phlogisti, quantitas, crescente calore specifico, absit tamen, quod hinc aliqua

quâ statuatur mutua repulsio. Augmenta & decrementa comparata hanc conclusionem non firmant, & spiritus vini phlogisto onustus majore gaudet calore specifico, quam aqua, ut alia taceam argumenta.

ANTEQUAM genealogiam fluidorum aëriiformium mittam, quid per *formam aëream* intellectum velim, explicandum restat. Talem nempe corporis cujusdam subtilisationem indicatam volo, qua sit elasticum, per-lucidum, invisibile, leve & in frigore omnino stabile, vitri tamen poros permeare impotens. Refrigeratione concidunt *vapores*, qui aëreum quasi immaturum constituunt. Ab alia vero parte occurrunt fluida elastica, quæ *æthereæ* haud immerito vocantur, quibus nec vitri, nec ullius cogniti corporis meatus interni sunt invii. Huc pertinet materia caloris & fluidum magneticum: electricum quoque facile permeat corpora, exceptis ideo-electricis. Lux præterea inter aëreum & æthereum medium quoddam efficere videtur, nam vitri, non autem metallorum penetrat poros.

Ex allatis facile elucet, quam sit necessarium in analysi fluidorum aëriiformium, ut simul caloris specifici pondus determinetur. Quia aërem inflammabilem rudimentum antea posui. Dominum KIRVAN, qui hanc palæstram tanto cum successu ingressus est, hoc momentum eo minus neglecturum confidimus, quo certius alioquin manca erit analysis, &

illa cognita, ipsa indoles & genesis mirum in modum illustretur.

EN tabulam calorum specificorum, qui hætenus indagati fuerunt. Secundum tres status, soliditatis, liquiditatis & fluiditatis ordinandam existimavi. Calor specificus aquæ instar unitatis inservit. Aqua, quæ 72 caloris gradus habet, æquale nivis pondus fundit, sed aqua liquida congelationis gradum monstrat.

CORPORA SOLIDA.

		<i>Gr. spec.</i>	<i>Cal. spec.</i>
Alkali vol. aëratum	—	—	1,851.
Vitrum svecanum	—	2.386	— 0,187.
- - anglicum (flint glass)	—	—	0,174.
Achates	—	2.648	— 0,195.
Glacies	—	—	— 0,900.
Sulphur	—	—	— 0,183.
Aurum	—	19.040	— 0,050.
Argentum	—	10.001	— 0,082.
Hydrargyrum	—	13.300	— 0,033.
Plumbum	—	11.456	— 0,042.
Cuprum	—	8.784	— 0,114.
Ferrum	—	7,876	— 0,126.
Stannum	—	7,380	— 0,060.
Vismutum	—	9,861	— 0,043.
Antimonium	—	6,107	— 0,063.
Aurichalcum	—	8,356	— 0,116.
Plumbum calcinatum	—	—	— 0,068.
Ferrum calcinatum	—	—	— 0,320.
Stannum calcinatum	—	—	— 0,096.
			Plum-

Gr. spec. : Cal. spec.

Plumbum stannumque mixta & calcinata	—	—	—	0,102.
Antimonium diaphor. lotum	—	—	—	0,220.

LIQUIDA.

Aqua pura	—	1,000	—	1,000.
Acidum vitrioli clarum	—	1,885	—	0,758.
— fuscum	—	1,872	—	0,429.
Acidum nitri pallidum	—	—	—	0,844.
— rufescens, fumans	—	1,355	—	0,576.
Acidum muriatic. fumans	—	1,122	—	0,680.
Acetum e vino rubro	—	—	—	0,387.
Acetum concentr. destill.	—	—	—	0,103.
Alkali tartari deliquescentia solutum	—	1,346	—	0,759.
Alkali volatile causticum	—	0,997	—	0,708.
Alk. min. vitriol. pars I in aquæ p.	2,9	—	—	0,728.
— veg. nitrati p.	8	—	—	0,646.
— min. muriati p.	8	—	—	0,832.
— vol. muriati p.	1,5	—	—	0,798.
Tartari depurati p.	237,3	—	—	0,765.
Magnesiæ vitriol. p.	2	—	—	0,844.
Argillæ vitriolatae p.	4,45	—	—	0,649.
Ferri vitriolati p.	2,5	—	—	0,734.
Saccharum fuscum solutum	—	—	—	1,086.
Oleum olivarum	—	—	—	0,710.
— lini	—	—	—	0,528.
— balænæ (Sperma ceti)	—	—	—	0,399.
— therebinthinæ	—	—	—	0,472.
Spiritus vini rectificatus	0,783	—	—	1,086.
Hepar sulphuris volatile	0,818	—	—	0,994.

FLUIDA ELASTICA.

	Gr. spec.	Cal. spec.
Aër vitalis	0,00132	— 87,000.
— atmosphæricus	0,00125	— 18,000.
Acidum aëreum	0,00181	— 0,270.

D. KIRVAN in litteris mihi narravit, quod D. CRAWFORD æqualem invenerit calorem specificum in æqualibus aëris inflammabilis & atmosphærici voluminibus. Hoc posito, si in tabula Kirvaniana a D. MAGELLAN divulgata, etiam aëris species pondere æstimantur, erit calor specificus inflammabilis 281, h. e. plus quam triplo major calore specifico aëris vitalis.

D) JAM distributionis theoria quodammodo evoluta, *Ignis* ortum in anorganicis, propagationem & consecutaria contemplari decet.

IGNIS est accumulatio caloris tanta, ut corpora illi exposita igniantur vel inflammantur. Media hujus excitandi præcipua sunt 1:o percussio filicis vel pyritæ ad chalybem, qua globuli derafi igniuntur, funduntur at calcinantur.

2:o CUSIO ferri, quod iteratis mallei ictibus ad ignitionem perducitur.

3:o MISTURA sulphuris & limaturæ martis, quæ quantum satis humectata incalescit & in flammam erumpit.

4:o ACIDUM nitri fumans oleis scite instillatum inflammatur.

5:0 PYROPHORUS in aëre atmosphærico
ignitur, in vitali flammam concipit s).

IN omnibus hisce casibus nullus oritur
ignis sine aëre vitali, qui etiam pro re na-
ta plus minus diminuitur: in omnibus quo-
que phlogiston adest. Recentiores Physici
Angli phlogiston liberatum aëri vitali adu-
nari urgent, formarique acidum aëreum vel
majori dosi aërem corruptum, qua mutatio-
ne magna caloris specifici copia necessa-
rio mittitur, accumulatur, ignitionem, &,
si aër inflammabilis adest, flammam provo-
cans. SCHEELIUS aërem vitalem phlogisto
totum quantum in materiam caloris abire
contendit. Utraque sententia argumenta por-
rigit egregia. Magni igitur interest, ut de-
monstretur natura connubii aëris vitalis cum
phlogisto. Dominus KIRVAN acidum aëreum
oriri existimat, idque pro ea, qua pollet sa-
gacitate, valde probabile reddit, dubiis ta-
men quibusdam adhuc locus est, hisce au-
tem remotis systema Scheelianum vix subsi-
stere potest. In casibus duobus primis, per-
cussione & cussione caloris specifici partem
pororum compressione primis momentis ex-
primi atque accumulari ad fidem pronum
est, æstumque dephlogisticantem incipere,
qui dein aëre ambiente augetur.

E e 3 COR-

s) D. KIRVAN nuper in litteris memorat terram
quamdam, quæ ad Darbyshire reperitur, addito-
que oleo lini post breve tempus sponte accendi-
tur, sed illam non dum vidi.

CORPORUM anorganicorum ignis vel flamma ad alia idonea contactu vel vicinia propagatur. Omnia igniri possunt, pauca tantum inflammari, ut sulphur, phosphorus, aër inflammabilis, arsenicum, zincum & nonnulla alia.

CONSECTARIA ignitionis vel deflagrationis sunt varia pro diversitate corporum & graduum ignis. Accumulatio caloris expandit, exsiccat, liquefacit, candefacit, volatilia fugat, indurat, accendit, volatilifat, calcinat, vitrificat, reducit. Residua sibi convenientem caloris quantitatem absorbent, quod pyrophorus luculentissime monstrat, qui sub ignitione aëris atmosphærici fere $\frac{3}{4}$ tollit, dum alia media vix $\frac{1}{2}$ auferunt; in aëre vitali accenditur & $\frac{1}{4}\frac{3}{4}$ quasi evanescunt *t*). Ratio latet in hepatico, quod pyrophoro inest & qua sulphureum decomponitur, adeo ut acidum vitrioli denudetur, necessario caloris specifici dosi instruendum (Conf. mom. C). Nonnulla residua sunt acidæ naturæ & deliquescentia, alia in calces, cineres, conubia salina vel resiniformia abiisse reperiuntur.

E) ORGANICA *vegetabilia*, quamvis combustibilis maximam in nostro globo porrigant massam, & ignem accensum facillime propagent, tarde tamen ipsa generant. Ut *frictione* oriatur ligna requiruntur densa, sicca, copiosoque inflammabili penetrata, & nihilo minus

nus patientiam exercet operatio. Quod gramina accumulando non satis exsiccata, sponte ignis oriatur, sæpius accidisse narratur, sed nemini hætenus, quod sciam, contigit hæc phænomena qua decet adcuratone examinare.

LIGNUM ficcum igni expositum incalescit & expanditur, aquosum plerumque acidum in vapores resolvitur, phlogiston ad abitum præparatur, posteaque partim aëre vitali ambiente divellitur, partim necessario calore specifico instructum sub forma aëris inflammabilis liberatur, eodemque momento accenditur & flammam procreat. Hoc modo tota compages ligni successive destruitur & interea fumi eructatur plus minus, qui fuliginem deponit. Ignis accensus sine aëre vitali subsistere nequit. Hinc ubi oritur, adfluxus simul & continuum flumen aëreum formatur, quod phlogisto oneratum & calefactione rarefactum mox superiora petit, secum rapiens particulas non dum satis exustas carbonaceas, alkalino sæpe tam fixo vegetabili, quam volatili, nec non terrestri, immo sale ammoniacali inquinatas. Dixi particulas non satis exustas fuliginem generare, nam caminus, qui ἀκαπνος dicitur, fumum per focum ductum omnino destruit.

DEFICIENTE aëre inflammabili, & cum illo flamma, incendium diminuitur & non nisi carbonem cineresque remanent. In vase clauso carbo $\frac{1}{4}$, raro $\frac{1}{3}$ ponderis ligni efficit,

sed in aperto aëre carbonis magna pars in cineres resolvitur. Hoc duplici sit attractione: aër vitalis phlogiston sollicitat, dum alkali & terra alkalina acidum aëreum tentant. In vase clauso carbo solus vehementissimo resistit igni. Est namque carbo nihil aliud, quam connubium phlogisti & acidi aërei, sulphuris species, quæ alkali & terræ alkalinae causticis intime adunata reperitur, indeque indolem quodammodo hepaticam appropinquat. Centenarius carbonis combustionem in aëre libero præbet circiter 6 cineris, cujus $\frac{1}{200}$ est alkali, reliquum terra, qua magnam partem alkalina. Carbones e Pino sylvestri Linn. bene uistas in primis examinavi. Horum pars 1 detonando alkalifat 3 nitri, adeoque phlogisti copia respectu ferri cusi est in ratione 3 ad $\frac{1}{2}$ u). Centenario pulverato adfudi acidum vitrioli concentratum, ad ficcitatem destillavi & in apparatu pneumatico collegi acidi aërei circiter 82 pollices cubicos, quorum quilibet libræ docimaesticæ pondere æquivalet. Si igitur adduntur 3, quæ cineris aërati 6 præter propter respondent, restant 15, pondus phlogisti indicantes. Aëris vitalis nulla apparent vestigia. Proportio principiorum variat pro diversitate ligni, ætatis, exsiccationis & combustionis. Interea ex allatis patet, quod 1 phlogisti $5\frac{1}{2}$ fere acidi aërei ligare valeat. Ligni calor specificus paul-

u) Analyse ferri p. 51-52.

paullo major est calore specifico carbonis ejusdem ponderis.

CETERUM carbones peculiari fluida elastica attrahendi vi gaudent. Carbo nimirum ignitus sub refrigeratione absorbet cujuslibet aëris, circiter sui sextuplum volumen. Si pruna intra hydrargyrum vel in vacuo refrigeratur, hanc hauriendi facultatem nihilominus retinet & dein aëri immersa momento citius exercet, ut celebris FONTANA observavit. Hoc aëreum aqua quovisve alio liquido iterum expellitur.

PARTES animales itidem igne consumuntur & in carbones rediguntur, qui tamen phlogisti ditiores esse videntur, illudque pertinacius retinere. Analysin non dum tentavi. Fuligo e combustis animalibus alkali volatili & ammoniacali plerumque magis abundat, quam e vegetabilibus collecta. Fumus ingratiſſimo odore molestus est.

F) IN animalibus, calido præditiſ sanguine, calor invenitur sensibilis atmospherico superior, qui etiam servatur, etsi frigidius ambiens medium differentiam absorbere deberet, ut aliis accidit corporibus. Hoc phænomenon causam indicat continue operantem, quam nostro ævo plures quæſiverunt, felicissime autem indagasse videtur D. CRAWFORD. In pulmonibus calorem animale generari plura innuunt momenta. Quo ampliores sunt pulmones, eo calidiora

sunt animalia. Hinc aves quadrupedibus calidiores. Motu vehementiori respiratio acceleratur & simul crescit calor, in corpore humorum pleno vix frictioni, sed copiae aëris respirati adscribendus. Pulmonibus destituta animalia temperaturam loci comitantur, tactu nobis frigida sentiuntur, & quæ sunt reliqua aëris efficaciam monstrantia. Quo autem modo effectus provocetur nostra in primis refert. D. PRIESTLEY aërem vulgarem in pulmonibus superfluo corporis phlogisto auferendo inservire contendit, hanc sententiam D. CRAWFORD postea amplexus est & totum negotium egregie illustravit. Ejus libellum non dum mihi videre licuit, ideo ideam systematis mutuatus sum ex opusculo Domini MAGELLAN. Scilicet aëris vulgaris & acidi aërei calores specifici sunt ut 69 : 1, adeo ut si calore peregrino bina hæc fluida unico gradu sensibili incalescerent, prius 69-ies plus figere debet, quam posterius. Jam vero observationibus Petropolitanis innotuit, hydrargyrum descendere posse saltem 111 gr. svec. infra temperaturam mediam. Itaque si aër vulgaris in acidum aëreum mutandus esset, $69 \times 111 = 7659$ gradus caloris liberandi sunt, h. e. 13-ies plus, quam opus est ferro ad rubedinem igniando. Quum autem aër vulgaris in pulmonibus phlogisticatus abeat in acidum aëreum, hinc judicari potest de copia caloris, quæ sub respiratione laxatur, & corpori calefaciendo inservire potest. Quum præ-

te-

terea calor specificus sanguinis arterialis fit ad calorem venosi, ut 100 ad 89, patere existimat auctor, quod in venis phlogiston sensim accumuletur, in pulmonibus tandem exonerandum, adeo ut debitum sanguis recipere queat calorem specificum.

HÆC omnia satis bene sibi congruunt & maxime ingeniosa sunt, ut autem singula hujus theoriæ momenta, haud certe improbabilia, ulterius illustrentur novis experimentis, observationes quasdam addere liceat.

§:O EXPLORANDUM restat, *utrum animalia, an vero vegetabilia, plus foveant phlogisti.* Nulla novi experimenta, quæ hanc decidunt quæstionem, quæ etiam solutu videtur valde difficilis. Non enim de hac vel illa parte agitur, sed de toto animalis corpore cum vegetabili ejusdem ponderis comparando. Si respicimus nostra alimenta, e corporibus organicis omnia desumpta, reperiemus hæc antequam in mensis nostris compareant, per aliquod tempus fuisse emortua, sæpe perquam diu, sub quo sine dubio phlogisti plus minus laxatur. In culina dein coquendo, frizando, aliisque operationibus, multum perit & incertum est num jusculis omne resarciatur. Quæ denique per alvum exonerantur crepitus sunt inflammabiles, & solida excreta, uti notum est, phlogisto abundant. Interea in oeconomia animali quotidie & ubique magna requiri videtur phlogisti copia, & num illa, quæ per ingesta hau-

hauritur, sufficiat, memet ignorare fateor. Multo minus de superfluo auferendo certitudinem adquirere potui.

2.º UBERIOR quidem calor specificus per experimenta evincitur in sanguine arteriali, quam in venoso: concedamus etiam, quod phlogisti introitus calorem sæpe minuat specificum, inde tamen non sequitur, ut in præsentī casu phlogiston agat. Habemus alia media, quæ similem præstant diminutionem. Ita acidum vitrioli purissimum aquæ instillatum ingentem excirat æstum. Aqua nempe acido adunata pristinum calorem specificum totum servare nequit, superfluous igitur liberatur, & quidem sine auxilio phlogisti. Dum sanguis suum peragit circulum multifariæ mutationes calorem specificum diminuerē possunt, quod necessarium videtur, ut continue caloris quidquam accipiant longius a corde remotæ partes.

3.º NULO, quod sciam, experimento directe demonstrari potest, quod sanguis aëri phlogiston impertiat. Aër corrumpitur hoc verum est, sed quod unice phlogisto hoc fieri possit, ponitur. E contrario sanguinis contactu aër nitrosus dephlogisticatur, & atmosphæricus fit salubrior x).

4.º AËREM expiratum acidī aërei portiunculam fovere extra dubitationis aleam est positum, sed quantum exactius determi-

nan-

nandum puto. Si rota pars bona in aëreum mutatur, 1000 pollices cubici aëris atmosphærici, cujus $\frac{1}{3}$ est vitalis, secundum analysin D. KIRVAN in volumen 926 circiter pollicum coarctari debent, h. e. $\frac{1}{4}$ quasi evanescere: Vitalis autem 1000 in 863 respiratione redigi, h. e. fere $\frac{1}{8}$ diminui, si nimirum ad plenam corruptionem pulmonibus hauriri possunt. Posito, quod acidum aëreum ulterius in corruptum abeat, minor exspectanda videtur coarctatio.

CETERUM hæc de ortu caloris animalis doctrina ad quæstionem quoque fundamentalem reducitur, de mutatione aëris vitalis in acidum aëreum & hujus in aërem corruptum, quæ indies firmari videtur. Nuperime enim D. KIRVAN mecum communicavit experimentum novum Priestleyanum magni momenti. Mercurius nempe calcinatus, qui vulgo per se præcipitatus vocatur & solus in apparatu pneumatico igni expositus purum aërem vitalem porrigere solet, addita limatura martis non nisi $\frac{1}{8}$ vitalis dedit, at acidi aërei $\frac{5}{6}$. Si limatura nullo modo fuit calcinata, hic eventus quæstionem ventilatam dirimere videtur. Gaudemus interea eo redactam fuisse, ut certitudo diu desiderari nequeat.

§. XLIX.

Columna 38, sulphuris.

SULPHUR alkali fixo potius adhæret, quam ter-

terris, ideoque hepar calcis aqua solutum destruitur alkali addito & salinum hepar prodit. Inter alkali vegetabile & minerale non dum hoc respecta ulla innotuit discrepantia. Vis quoque terræ ponderosæ hactenus est indeterminata, sed probabiliter alkali fixo cedit, nam alkali volatile, tam causticum, quam aëratum, hepar calcis, modica aquæ portione solutum, calcareum destruat. Magnesia alba cum floribus sulphuris & aqua destillata lagenæ immissa, dein in balneo mariæ probe clausa per aliquot horas posita, post refrigerationem debilem præbet solutionem, quæ hepar olet, & argenti nitrati plumbique acetati solutionibus turbatur nigrescens.

HEPAR volatile, ex sulphure cum sale ammoniaco & calce usta destillatione adquisitum, facillime in aëre libero destruitur, quum acidum aëreum magis, quam sulphur attrahat alkali volatile purum. Quod terris præpolleat hoc alkali, e nuper allatis colligitur. Hydrargyrum tamen & arsenicum sulphur eidem eripere notum est, nam addita hæc metalla, etiam calcinata, via mineralisantur humida, prius cinnabarin præbens & posterus arsenicum rubrum. Idem de aliis metallis calcinatis valere, probabile est. Hinc constat calces metallorum sulphuri posse uniri, quod ferri ochra luculenter quoque & directe monstrat, quippe quæ cum sulphure commixta tandem vitriolum exhibet efflores-

rescentem: humectatio operationem accelerat. Quod calx antimonii sulphur suscipiat, alibi evictum est γ). Immo calces plumbi, stanni & argenti, sulphur alkali vegetabili eripere videntur, hepati salino immixtæ.

UBI in columnis 26 & 27 collocanda sunt olea jam haud ambiguum esse videtur. Etenim observavi, quod olei gutta hepati instillata vel salino, vel terrestri, mox coaguletur albida instar saponis. Hæc etiam massa spiritu vini solvitur, quo facto, aqua adfusa oleum separat. Sed quo ordine sulphur olea appetat huc usque obscurum est.

VIA sicca alkali primus competit locus, quod dein sequuntur metalla, quorum loca præcipitationibus mutuis sunt determinata, quum vero distincti raro hac methodo obtineantur reguli, hæ operationes sæpius sunt iterandæ, ut veritas plene denudetur, in primis hætenus incerta sunt loca niccoli & cobalti. Aurum, platina, zincum, & forte magnesium, sulphur respuunt, nisi additamento jungantur idoneo.

§. L.

Columna 39, hepatis salini.

HEPAR sulphuris salinum heic locum non sustinet, nisi quatenus suam conservat compositionem & integrum manet. Metalla fe-

re

re omnia solvit & retinet, solo zinco excepto, sed qua vi illa appetat, & num a se invicem via humida præcipitari queant, nemo exploravit. Primum connubium raro sine fusione obtinetur, dein verò hoc modo semel unita aquam subeunt. Hydrargyrum tamen, arsenicum & antimonium via humida, adjuvante calore, dissolvuntur, quod de nullo alio hætenus constat.

CARBONES vegetabilium via tam humida, quam sicca solvit hepar colore viridi.

VIA sicca metalla heic se invicem præcipitant distinctius, quam sulphuri unita, interim tamen operationes sæpius repetantur oportet, ut conclusiones omnino certæ evadant, & licet hæc pluries instituti experimenta non dum optatam adquisivi certitudinem. Interea ordinem ex tentaminibus elicited adhibeo, in posterum novis vel confirmandum, vel corrigendum. Magnesium pari fere passu cum ferro ambulare videtur, saltem hætenus mediante hepate eadem separare non potui. Dein sequuntur ferrum, cuprum, stannum, plumbum, argentum, aurum, antimonium, cobaltum, niccolum, vismutum, hydrargyrum & arsenicum. Ultima bina loca præsertim dubia sunt, nec auri & antimonii omni scrupulo exempta.

§. LI.

Columna 40, spiritus vini.

SPIRITUM heic pono aqua superflua, (quæ ipsam

ipsam compositionem non ingreditur), quantum fieri potest spoliatum. Aquam valde appetit, qua æther solutus etiam separatur, saltim qua maximam partem. Olea essentialia eidem æthere laxius adhærere videntur. Alkalia pura suscipit & hepar, sed ordo huc usque est ambiguus. Quomodo spiritus vini sulphuris solvat vapores docuit Comes de LAURAGUAIS:

§. LII.

Columna 41, ætheris.

Hæc inter spiritum vini & olea essentialia quasi media substantia, spiritum vini, olea essentialia & unguinosa avide attrahit, de primatu tamen inter priores duas materias non dum certi quid statuere possum. Subtilissimus resinam elasticam solvit, aqua, æque ac sulphur solutum, deturbandum.

§. LIII.

Columna 42, olei essentialis.

ÆTHEREM, spiritum vini & sulphur suscipiunt hæc olea, ordine non dum satis explorato, nec facile explorando, quum se invicem non præcipitent, sed connubia formant triplicia.

§. LIV.

Columna 43, olei unguinosi.

QUINQUE heic occurrunt materiæ, sed excepta ultima, locis imperfecte determinatis.

ACIDA nonnulla vegetabilium olea empyreumatica suscipiunt. Spiritus tartari nomine cognitum haud exiguam absorbet olei tartari portionem, ideoque finita destillatione mox separanda sunt, alias acido sensibilibiter diminuitur oleum. Tali etiam virtute gaudet acetum.

§. LV.

Columna 44, auri.

QUÆ inter metalla nobilia & ignobilia intercedat differentia dudum pluries observavimus. Regem eorundem, ut cum veteribus loquar, directe adgreditur acidum salis dephlogisticatum (§. XVII), aqua regis (§. XVIII) & acidum nitri (§. XIV), alia vero acida non nisi ex quopiam trium memoratorum alkali præcipitatum suscipiunt, quum ipsa vi careant sufficientem auferendi phlogisti quantitatem. Quod calcem auri vere præbeat præcipitatum alkali factum, color minime nitidus; solubilitas in aqua regis absque rubro fumo; color qui vitro communicari potest, cetera, evincunt: eam solvunt acida vitrioli, arsenici, fluoris, tartari, phosphori, sebi & præ reliquis acidum salis integrum, quo autem ordine hætenus explorandum restat. Acidum formicarum non solvit, saltem non flavescit, sed calx cito nigrescit, non tamen reducta invenitur, acidum enim salis facile subit: idem de aceto valet, ast color oritur obscure purpureus lo-

lōcō nigri. Acidum cærulei Berolinensis; fariatum terra calcarea; aurum ex aqua regis instar pulveris albi præcipitat, sed nimis instillatum sedimentum solvit. Pulvis aureus alkali præcipitatus in acido cærulei Berol. itidem albescit.

OMNIBUS acidis aurum eripit æther, solvit quoque directe calcem, ipsum aurum minutissime licet divisum omnino intactum relinquens.

AURUM calcinatum alkali præterea fuscipi videtur, quum solutioni auri ultra saturitatem additum, tantum nihilo minus metalli remaneat in liquore, ut distincte flaveat.

VIA sicca aurum cum omnibus metallis colliquescit, qua autem serie sunt collocanda vix erui potest, quum tria pluraque haud difficulter coeant absque ulla exclusione (§. VIII). Posui tamen superne ea, quibus lubentissime, inferne vero quibus tardius adunari videtur. Idem valet de plerisque metallis, quod jam semel indicasse sufficiat.

HEPATE salino solvitur aurum, licet sulphur respuat.

§. LVI.

Columna 45, platinæ.

QUÆ de auro nuper dicta sunt pleraque etiam de platina valent, hæc tamen in for-

ma præcipitati plura subit menstrua acida, nempe sacchari, acetosellæ, citri, formicarum & acetum. Acidum cærulei Berolinensis nihil valere videtur, nec præcipitando, nec solvendo.

Quod ferro sit contaminata, idque semper, me quidem iudice nihil aliud indicat, quam utriusque metalli præsentiam in loco natali. Qui præterea maximam pensitat difficultatem, qua funditur platina, non mirabitur inquinamentum, eadem defensum, vix posse separari. Luculentissime hoc confirmatur platina ex aqua regis ope salis ammoniaci deturbata, quippe quæ in sale microcosmico probe fusa ne minima quidem ferri monstrat vestigia 2). Ferri inhærentis magnetica vis tritura adquiri in mola ferrea, dum amalgamatione aurum aufertur, vero videtur simillimum, saltim hac via hydrargyro contaminatur. Vix ulla platina Europam attingit, quæ non prius molam transivit amalgamatoriam. Aurum ea ferro immixtum proportionem, ut gravitate specifica platinam imitetur, toto cælo ab eadem differt.

Quod hepar sulphuris platinam quodammodo adgrediatur, experimenta celeberrimi D. LEWIS innuere videntur.

§. LVII.

Columna 46, argenti.

Acidum salis argentum fortissime attrahit

2) Opusc. Vol. II, pag. 179 - 181.

hit, omnibusque aliis eripit. Pari tamen passu cum illo ambulare videtur acidum sebi. Ad fidem pronum est, cærulei Berolinensis acidum non nisi aëreo præpollere. Eo, calce satiato, argentum instar pulveris albi præcipitatur, ex acidis vitrioli & nitri, nimio tamen iterum solvitur. Sebaceo vi proxime accedit acidum sacchari, quippe quod vitriolum lunæ decomponit, basin ejusdem metallicam sibi appropriando: vitriolico dejicitur argentum nitratum, item acido sacchari lactis, quod quidem etiam arsenici præstat, sed adeo imperfecte, ut illud tamen acido nitri postponendum videatur. Sequentium acidorum loca sunt magis indeterminata. Argentum alkali deturbatum crySTALLISATO, aëreum suscipit acidum, quod igne iterum expelli potest, ipsum tamen argentum aëratum, vix & ne vix quidem aquam subit. Argentum vitriolatum acido aëreo non præcipitatur, nisi inquinamentum acidi muriatici insit.

ALKALI volatile purum solvit argentum calcinatum, & cum hoc menstruo in crySTALLOS concrefcit. Est nova salium classis metallis constans, quæ alkalibus sunt soluta, notatu dignissima, quamvis hæctenus parum vel nihil fuerint examinata.

§. LVIII.

Columna 47, hydrargyri.

HYDRARGYRUM inter metalla respectu fusibilitatis alterum constituit extremum, platina alterum. Prius nempe adeo exiguum

requirit caloris gradum, ut tali raro atmosphæra nostra careat, arte tamen aucto frigore usque ad 40 gr. infra congelationis punctum svecani thermometri, hoc quoque concreescere incipit metallum, eoque continuante totum rigescit. Aliquoties in Siberia naturali frigore congelatum fuisse memorat Cel. PALLAS. Qualis igitur vulgo habetur, instar metalli fusi consideretur oportet, ideoque quum concretus propemodum uti plumbum malleo obediat, semimetallis minine adnumerari debet, alioquin omnia fragilia fient, nullum enim ope ignis liquefactum est malleabile.

ACIDUM sebi primatum tenet, quippe quod alia & ipsum muriaticum divellit, cui secundus competit locus. Acida sacchari, acetosellæ, succini, arsenici & phosphori vitriolicum & nitrosum promte expellunt, calcique hydrargyri unita fundum petunt, inter se tamen vires eorundem non dum satis comparatæ sunt: acidum sacchari lactis hydrargyrum deturbat, muriatico cedit, sed num etiam vitriolico fortioribusque, hætenus ignoratur: acidum citri hydrargyrum, frigide nitroso solutum, copiose præcipitat, illud vero parce, quod adjuvante calore menstruum subiit, & similiter se habet acidum tartari, de quo præterea constat, quod heic vitriolico cedat: acidum fluoris nitroso debilius esse videtur: acidum formicarum teste Cel. MARGGRAF calcem non solvit, sed
re-

reducit: loca aceti, acidi vitrioli phlogistica-
ti & boracis adcuratius sunt determinanda:
acidum aëreum quoque suscipit hydrargyri
calx, alkali miri præcipitata, sed hic sal me-
tallicus aquam respuit: acidum cærulei Be-
rolinensis hydrargyrum aëratum decomponit
& in crystallos abit. Hydrargyrum frigide
nitratum instar pulveris nigri derurbat idem
acidum: num vitriolico & fortioribus præ-
valeat simplici attractione, non dum experi-
entia erutum est.

§. LIX.

Columna 48, plumbi.

ACIDUM vitrioli quovis alio fortius attra-
hit plumbum, quod iisdem promte eripit.
Acidum cærulei Berolinensis viduum nihil va-
let, sed ope duplicis attractionis pulvis albus
dejicitur, qui nimio non iterum suscipitur.
Acida sebi, sacchari lactis, sacchari, arse-
nici, tartari, phosphori & acetosellæ inter
se quidem, qua ordinem ulteriori egent ex-
amine, certo tamen expellunt marinum, ni-
trosumque, & simul nova connubia ægre
solubilia fundum petunt: acidum fluoris a-
ceto prævalet, itemque probabiliter acida ci-
tri & formicarum. De reliquis eadem va-
lent, quæ in §. LVIII dicta sunt: aëreum
acidum calx plumbi, eo penitus spoliata,
tanta vi attrahere videtur, ac alkali fixum,
nam hoc illa qua partem causticatur, quod
vicissim calci huic aëratæ accidit, lixivio cau-
stico immixtæ.

ALKALI fixum purum, itidemque oleum unguinosum, calcem plumbi solvunt.

§. LX.

Columna 49, cupri.

ACIDUM sacchari supremum occupat retangulum, quum, cupro salito vel vitriolato instillatum, metallum arripiat, & in fundo cito ex viridi cyaneum exhibeat pulverem. Acidum tartari similiter eosdem præcipitat sales, sed paullum tardius, cryсталlos reddens cæruleas. Acidum salis vitriolico præpollet, etenim vitriolum cæruleum eidem immissum facile solvitur, menstruum mox virescit & attramentum sympatheticum flavum exhibet, quod sine cupro salito non prodit, ne autem solo colore deciperer, acido muriatico, vitriolo ad saturitatem onusto, spiritum vini rectificatissimum admiscui, nulla tamen evenit separatio, quæ necessario accidit, ubicumque cuprum vitriolico est unitum. Simul vero probe observetur, quod calor perquam exiguus, immo radii solares, in vase aperto iterum vitriolico prærogativam concilient, adeo ut cryсталli vitriolicæ tandem prodeant, vel etiam antea spiritu vini secerni queant. En notabile exemplum efficaciae caloris (§. IV). Acidum salis, cupri nitrati solutioni instillatum, album præcipitat pulverem salinum, constantem acido marino & calce cupri excedente, aqua insolubilem. Vitriolico expellitur acidum sibi, sacchari lactis, nitrosumque, & arsenicali-

li acetum, reliquorum vero inter se vires non dum satis sunt exploratae. Acidum Berolinense viduum decompōnit cuprum aëratum, vix autem aliud connubium: alkalino adunatum vi duplicis adfinitatis omnia migrare cogit, & præcipitata nimio addito solvuntur. Eadem sedimenta aliis acidis non nisi qua partem suscipiuntur: quod restat album est. Alkali volatile tota quanta solvit, colore e viridi cæruleſcente, sed aqua iterum dejiciuntur.

CUPRUM adgrediuntur alkalia & olea, quo autem ordine latet.

§. LXI.

Columna 50, ferri.

ACIDUM sacchari vitrioli martis solutionem mox flavescentem efficit, sensimque pulverem flavum fecernit, acido addito & ferri calce constantem. Acidum tartari itidem decompōnit, sed tardius novus sal in conspectum venit & magis crystallinus. Vitriolum viride, acido salis solutum, spiritu vini adfuso iterum separatur, adeoque vitriolicum est præponendum. Acidum sacchari lactis vitriolicum sejungere nequit, & sebaeum etiam nitroso cedit. Cæruleum Berolinense proprio acido solvitur flavescent, sed aliis intactum manet, quod maximam indicare videtur acidi Berolinensis adfinitatem cum ferro: præcipitat quoque re vera ex acido aëreo, sed, quod sciam, e nullo alio, nisi alkalino saturatum, hoc est ope

duplicis adfinitatis. Sequentia loca pluribus experimentis sunt confirmanda vel corrigenda, quod acetum tamen acido cedat arsenici evictum est.

§. LXII.

Columna 51, stanni.

IN tota fere hac columna ordo est dubius, & detectu perquam difficilis, quum stannum, ut suspensum teneatur, abundans requirat acidum. Acidum arsenici & sacchari lactis heic vitriolico & marino cedere, aceto autem prævalere certum est. Sebaceum quoque marino præpollet.

ALKALI & fixum & volatile stanni appetit calcem.

§. LXIII.

Columna 52, vismuti.

VISMUTUM facillime solvit acidum nitri, unione tamen facta hanc basin sibi appropriant, si instillantur, acida sacchari, sebi, acetosellæ, tartari, phosphori & arsenici, inter se qua ordinem indeterminata: nova connubia ægre solubilia mox fundum petunt, pulverum subtilissimorum forma, excepto vismutio tartarifato, quod tamen intra 10-15 minuta grana præbet crySTALLINA & perlucida. Quum sola aqua præcipitet, aut tanta aciditate abundantem solutionem adhibui, ut æqualis guttarum numerus, qui ex præ-

præcipitantibus instillatur, nullam efficeret congrumationem, constantem, aut etiam acidâ, quæ concreta haberi possunt, uti pleraque memoratorum, addidi. Similiter vismutum vitriolico solutum, (calcem menstruum dilutum adgreditur, regulo autem necessarium est concentratum, idque ad siccum ope ignis vaporandum, ut phlogiston separetur), decomponunt eadem acida.

ACETUM destillatum cum calce vismuti coctum per dimidiam horam vere quidquam solvit, quod & sapore, & alkali phlogisticato, & acidis supra memoratis proditur, non vero aqua præcipitandum, nisi forsan valde copiosa & diutina mora. Regulus eodem modo solvitur, sed adeo parce, ut vix dignosci queat. Quæ dicta sunt de aceto itidem de acido valent formicarum. Reliqua loca sunt ambigua, & ne quidem inter acida vitrioli, nitri & salis hætenus determinata.

§. LXIV.

Columna 53, niccoli.

NICCOLUM non dum omnes tamquam distinctum agnoscunt metallum, ast quum constantibus criteriis ab omnibus queat discerni, qualia in primis sunt viridissimo colore in singulis, quæ illud suscipiunt, acidis solvi, cyaneo vero in alkali volatile; alkali tam vulgari, quam phlogificato ex albo virefcens præcipitari; hyacinthinum vitro com-

mu.

municare tinctum; quæ simul sumta nulli alii comperunt: quum præterea rite depuratum plurimis dein pertinacissime tortum modis, & via humida, & sicca, in alia non potuerit resolvi: quum denique per synthefin ex cupro, arsenico, cobalto depurato, ferro, aliisque metallis colliquatis nemo talem produxerit misturam, quæ proprietatibus supra memoratis niccolo congruit: quum, inquam, hæc ita sint, non possum non niccolum instar distincti metalli respicere, donec nova experimenta meliora doceant. Quod plerosque seduxit est maxima depurandi difficultas. Scilicet, hoc metallum numquam non arsenico, cobalto & ferro inquinatum occurrit, interdum quoque cupro, aliisque. Cuprum facile separatur, arsenicum vero omne ægerrime, ultima cobalti vestigia adhuc difficilius, at ferrum nullo modo, huc usque cognito, separari potuit, ut in peculiari de niccolo dissertatione fusius descriptum est. Non igitur miror, niccolum, si cobalto adeo parce est contaminatum, ut niccolinæ ex omni parte cobaltinas circumdant particulas, nullum methodo vulgari exhibere vitrum cæruleum, addito tamen arsenico albo, tale præbere, etenim hoc additamentum non tantum niccoli, cobaltique cohæSIONem minuit, sed massam magis fluidam reddit, & cobaltum phlogisto impediendo spoliatur. Cobaltum non nisi calcinatum vitra tingit: mirandas continet calx hæc coloris divitias, sed ultra modum de-

phlo-

phlogisticata ægerrime & fundenda & reducenda. Niccolum solo ferro, quod nulla arte potui auferre, inquinatum, malleo obedit, perquam tenax, adeo ut dubius harem, num metallis fragilibus adnumerari debeat: magnetica interdum vi gaudet, difficillime igne funditur, additoque arsenico albo nullum præbet vitrum cæruleum, sed acidis tamen menstruis viridissimum impertit colorem, ceteraque antea memorata criteria exhibet.

Niccolum nullum acidum saccharino præfert, quod illud omni alii sub pulveris ex albo virescentis forma eripit, aqua insolubilis: acido acetosellæ similiter dejicitur: sebaceum nitroso cedit, cetera loca ulteriore examine certitudinem expectant, quod tamen arsenici acidum sit aceto postponendum, tentamina instituta innuunt.

§. LXV.

Columna 54, arsenici.

ARSENICI solutiones quodammodo imperfectæ sunt, quod non miramur, quum ejusdem calx nihil aliud sit, quam verum acidum phlogisto coagulatum (§. XX). Respectu vero attractionum electivarum hætenus parum fuit exploratum. Quod acidum vitriolicum heic marino cedat inde patet, quod arsenicum priore solutum, addito posteriore, dein lenissimo expositum calori, butyrum præbeat arsenici. Acido sacchari

vi-

vitriolicum quoque extruditur & sebaceum nitroso. Reliqua ambigua sunt.

§. LXVI.

Columna 55, cobalti.

COBALTUM a niccolo differt, quod omnibus acidis & alkali volatili solvatur colore rubro; quod alkali tam vulgari, quam phlogisticato præcipitetur ex cinereo rufescens; quod vitro colorem impertiat cæruleum; quod via sicca hepar salinum niccolo eripiat; quod argento, vismuto & plumbo fusionem adunari nequeat, quæ tamen niccolum non respuunt, nisi cobalto nimis inquinata; quod coobaltum coloris sit longe ditius, ideoque licet minori quantitate in eadem massa, ac niccolum præsens, tamen præpolleat, regulus namque ex utroque ita commixtus, ut niccolum notabiliter præponderet, colore nihilo minus rubro in acidis solvitur, omni extincto virore, & adhuc leviora inquinamenta via sicca cæruleum exhibent vitrum.

COBALTUM fortissime attrahitur ab acido sacchari, quod illud ex aliis deiecit acidis instar pulveris dilute rosei, & quum ægerime, nisi acido multum excedente, aquam subeat, attractionis vis cum ea, qua gaudet acidum acetosellæ, cobaltum itidem ex acido salis aliisque deturbans, non dum comparari potuit. Acido salis vitriolicum expellitur, quod pluribus confirmari potest

mo-

modis. Vitriolum cobalti spiritus vini re-
ctificatissimus respuit, non vero cobaltum
salitum. Quum igitur acido marino vitrio-
lum hocce solutum, adfuso dein spiritu vi-
ni nullam monstret præcipationem, hinc
luculenter patet vitriolum additum esse de-
structum. Præterea cobaltum salitum, (neu-
tiquam vitriolatum,) atramentum præbet
sympatheticum, jam vero vitrioli solutio,
addito acido salis, (vel sale marino illud
continente, duplicique decomponendo adfi-
nitate), mox eam acquirit proprietatem, ut
in aëre sicco scriptura fiat visibilis viridi
colore. Dico in aëre sicco, etenim talis
scriptura invisibilis posita super calcem vi-
vam recentem, vel super acidum vitrioli
valde concentratum, in lagenis probe clausis,
cito in conspectum prodit. Ignis igitur vel
calor tantummodo exsiccando agunt, quod
explicationi Hellotianæ congruit. Cobaltum
alkali, quod phlogisticatum vocatur, detur-
batum, nec alkali phlogificato, nec acidis
solvitur.

Acero cobaltum eripere non valet arse-
nici acidum, saltem non præcipitat. Cete-
ra loca ulterius sunt examinanda.

§. LXVII.

Columna 56, zinci.

Acidum sacchari zincum omnibus aliis
eripit acidis, statimque eidem unitum instar
pulveris albi fundum petit, sed vitriolico

cedit acidum sacchari lactis, nitroso seba-
ceum. Zincum alkali phlogificato dejectum,
nimio intractum manet, at acidis suscipitur.
Acida vitrioli, nitri & salis prævalent arse-
nicali, eidem vero cedit acetum. Acidum
vitrioli marino est præponendum, vitriolum
namque acido salis solutum spiritu vini ite-
rum dejicitur. Acidum acetosellæ non est ex-
ploratum, sed, ni fallor, vitriolicum expellit.

§. LXVIII.

Columna 57, antimonii.

ANTIMONII attractiones parum hætenus
sunt examinatae, quod etiam difficulter fieri
potest, quum solutiones abundans requirant
acidum. Primus locus acido sebi competit
& sequens muriatico: saccharino vitriolicum
expellitur: acida vitrioli, nitri & salis arse-
nicali præpollent, cui tamen cedit acetum.
Plura non dum certo determinare potui.

§. LXIX.

Columna 58, magnesi.

Quod magnesiæ nigræ peculiare insit me-
tallum ex ejusdem gravitate specifica, vitra
tingendi facultate & in primis præcipitato
albescente, in solutionibus, acido quodam
factis, alkali phlogificato prodeunte, haud
obscurè ante plures annos intellexi. Regu-
lum vero primus eliquavit D. GAHN, disci-
pulus olim dilectissimus. Proprietatibus hic
gau-

gaudet distinctissimis, & quum huc usque nec analysi in alia potuit resolvi, nec synthesi similis ex aliis metallis componi, distinguatur oportet. Est autem magnesium (ita voco, ne cum magnesia confundatur) durum; fragile; fractura granulari, alba & nitida; tantæque in igne pertinaciæ, ut ferro difficilius fluat, unde initio cum platina convenientiam conjectavi; sulphur respuere videtur; vitriolum præbet perlucidum omni spoliatum colore, forma parallelepipedo gaudens; calx, omni fere phlogisto privata, est nigra, tanto autem instructa, quanto solutioni in acidis perfectæ opus est, alba; adhuc majori dotata portione regulinam acquirit indolem; calx nigra in igne colorem hyacinthinum boraci & purpureum sali microcosmico impertit, sed sufficiente phlogisto adveniente evanescit uterque. Omne ferrum ægerrime mittit hoc metallum, & quis ignorat, qua difficultate ultima separantur heterogenei vestigia, aliis undiquaque circumdata particulis, eadem fortiter attrahentibus, in primis si difficulter funditur miscela.

CALX nigra acida quidem vitrioli & salis subire potest, sed solutiones sunt coloratæ, & numquam sine tinctu, nisi addito saccharo, aliave materia phlogiston necessarium porrigente, at acidis, vel arte phlogisticatis, ut vitrioli & nitri, vel natura pingue continentibus, ut citri & tartari, perfecte solvitur, eadem simul decomponens.

ACIDUM sacchari, tartari, acetosellæ, citri, phosphori & fluoris mineralis vitriolicum, nitrosum & marinum extrudunt: vitriolico præpollet marinum, nam magnesi vitriolo in hoc soluto minores mox in conspectum prodeunt crytalli, spiritu vini facile solubiles, vitriolum omnino respuente, & præterea solutio, grana crytallina superflans, decanthata, instillato spiritu nihil demisit: acidum nitri, sebaceum & arsenici acetum expellunt: cetera sunt dubia.

VIA sicca cuprum, ferrum, aurum, argentum, stannum & siderum magnesio adunantur: reliqua metalla tentanda restant. Hepar sulphuris ferrum immixtum vix separat, sed utrumque solvit simul.

§. LXX.

Columna 59, sideri.

Hoc metallum, quod in ferro fragilitatem frigidam provocat, ab aliis nobis distinctum esse videtur. Pauca, quæ de illo hætenus detegere mihi licuit in hoc volumine reperiuntur & suis locis consuli possunt. Multa tamen adhuc restant examinanda, quæ materiæ penuria differre coactus sum. Acida tria mineralia vulgaria solvunt, sed ægre. Reliqua, qua decet cura, non dum sunt tentata. In præcipitationum, per metalla faciendarum, serie plumbo præponendum videtur Siderum, quod æque

æque ac stannum, non dum alio in forma metallica deturbari potuit, sed calcinatum decidit.



EN vastissimum campum, numerosis adhuc novis demetendum, observationibus & experimentis. Certa a dubiis distinxī, ut quid restet faciendum ei pateat, qui heic ingenii vires & patientiam periclitari cupit. Ambigua vel dubia non ideo sine omni collocata sunt ratione, insufficiente tamen, quæ certam pariat convictionem. Si præterea alicubi titubaverim hoc conditioni humanæ est condonandum, non tamen dubito multas adsertiones, quæ obscuræ & forte falsæ quibusdam videbuntur, illi planas fore & evidentissimas, qui operi huic manus serio admover.

Index Paragraphorum.

- §. I. Attractiones longinquæ & propinquæ inter se differre videntur, *pag.* 291.
- §. II. Attractiones electivæ simplices, *pag.* 294.
- §. III. Num constans attractionum ordo, *pag.* 296.
- §. IV. Caloris diversitas interdum attractiones electivas variat, *pag.* 299.
- §. V. Anomalix apparentes ex attractione duplici, *pag.* 301.
- §. VI. Anomalix apparentes ex mutatione successiva materierum, *pag.* 307.

- §. VII. Anomalix apparentes e solubilitate, *pag.* 312.
- §. VIII. Anomalix e copula trium materierum, *pag.* 316.
- §. IX. Anomalix e determinata alterius ingredientis abundantia, *pag.* 318.
- §. X. Quomodo determinandæ attractiones electivæ simplices, *pag.* 327.
- §. XI. Nova attractionum tabula condenda, *pag.* 330.
- §. XII. Columna 1, acidi vitriolici, *pag.* 334.
- §. XIII. Columna 2, acidi vitriolici phlogificati, *pag.* 343.
- §. XIV. Columna 3, acidi nitrosi, *pag.* 346.
- §. XV. Columna 4, acidi nitrosi phlogificati, *pag.* 348.
- §. XVI. Columna 5, acidi muriatici, *pag.* 350.
- §. XVII. Columna 6, acidi muriatici dephlogificati, *pag.* 352.
- §. XVIII. Columna 7, aquæ regis, *pag.* 356.
- §. XIX. Columna 8, acidi fluoris mineralis, *pag.* 357.
- §. XX. Columna 9, acidi arsenici, *pag.* 360.
- §. XXI. Columna 10, acidi boracis, *pag.* 362.
- §. XXII. Columna 11, acidi sacchari, *pag.* 363.
- §. XXIII. Columna 12, acidi tartari, *pag.* 367.
- §. XXIV. Columna 13, acidi acetosellæ, *pag.* 370.
- §. XXV. Columna 14, acidi citri, *pag.* 372.
- §. XXVI. Columna 15, acidi Benzoës, *pag.* 373.
- §. XXVII. Columna 16, acidi succinei, *pag.* 374.
- §. XXVIII.

- §. XXVIII. Columna 17, acidi sacchari lactis,
pag. 375.
- §. XXIX. Columna 18, aceti destillati, *pag.*
376.
- §. XXX. Columna 19, acidi lactis, *pag. 377.*
- §. XXXI. Columna 20, acidi formicarum,
pag. 378.
- §. XXXII. Columna 21, acidi Sebi, *pag. 378.*
- §. XXXIII. Columna 22, acidi phosphori,
pag. 379.
- §. XXXIV. Columna 23, acidi perlati, *pag.*
380.
- §. XXXV. Columna 24, acidi cærulei Berol.
pag. 382.
- §. XXXVI. Columna 25, acidi aërei, *pag.*
383.
- §. XXXVII. Columna 26, alkali veget. cau-
stici, *pag. 384.*
- §. XXXVIII. Columna 27, alkali min. cau-
stici, *pag. 387.*
- §. XXXIX. Columna 28, alkali volatilis cau-
stici, *pag. 388.*
- §. XL. Columna 29, terræ ponderosæ cau-
sticæ, *pag. 390.*
- §. XLI. Columna 30, calcis causticæ, *pag. 393.*
- §. XLII. Columna 31, magnesiæ causticæ,
pag. 394.
- §. XLIII. Columna 32, argillæ puræ, *pag.*
395.
- §. XLIV. Columna 33, terræ filicæ, *pag.*
395.
- §. XLV. Columna 34, aquæ, *pag. 398.*
- §. XLVI. Columna 35, aëris vitalis, *pag. 401.*
- §. XLVII.

- §. XLVII. Columna 36, phlogisti, pag. 412.
§. XLVIII. Columna 37, materiæ caloris, pag. 418.
§. XLIX. Columna 38, sulphuris, pag. 445.
§. L. Columna 39, hepatis salini, pag. 447.
§. LI. Columna 40, spiritus vini, pag. 448.
§. LII. Columna 41, ætheris, pag. 449.
§. LIII. Columna 42, olei essentialis, pag. 449.
§. LIV. Columna 43, olei unguinosi, pag. 449.
§. LV. Columna 44, auri, pag. 450.
§. LVI. Columna 45, platinae, pag. 451.
§. LVII. Columna 46, argenti, pag. 452.
§. LVIII. Columna 47, hydrargyri, pag. 453.
§. LIX. Columna 48, plumbi, pag. 455.
§. LX. Columna 49, cupri, pag. 456.
§. LXI. Columna 50, ferri, pag. 457.
§. LXII. Columna 51, stanni, pag. 458.
§. LXIII. Columna 52, vismuri, pag. 458.
§. LXIV. Columna 53, niccoli, pag. 459.
§. LXV. Columna 54, arsenici, pag. 461.
§. LXVI. Columna 55, cobalti, pag. 462.
§. LXVII. Columna 56, zinci, pag. 463.
§. LXVIII. Columna 57, antimonii, pag. 464.
§. LXIX. Columna 58, magnesiæ, pag. 464.
§. LXX. Columna 59, sideri, pag. 466.



XXXIV.

DE

FERRO ET STANNO
IGNE COMMIXTIS *).

In contemplatione naturæ nihil potest videri supervacuum.

PLINIUS.

§. I.

Qualitates stanni, ferro plus minus onerati.

IN commentatione de causa fragilitatis ferri frigidi §. IV, D, magnam esse convenientiam sideri cum stanno, cui major minorve ferri dosis inest, dixi, & hanc jam curatius describendam necessarium judico, ut dein differentia pensitetur, & demum, si adhuc fieri potest, certa eliciatur conclusio.

A) FERRUM cum stanno, variatis multiplici modo proportionibus, commiscui. Singula adferre tentamina superfluum duco, quum differentias ad generalem quamdam normam revocare licuerit. Monere sufficiat,

G g 4

quod

*) Hæc disquisitio instar additamenti primi considerata est, causæ fragilitatis ferri frigidi illustrandæ destinati, in volumine IV. Novorum Actorum Upsalienfium impressa.

472 *De Ferro & Stanno igne commixtis.*

quod ferrum cufum in scobem radaetum, stanno fuerit impositum, in crucibulo pulvere carbonum, more consveto & alibi descritto, strato. Vacuum dein carbonum pulvere implevi, adglutino operculo, foco commisi & per semihoram igni, flatu sufficienter aucto, exposui. Hac via fere semper regulos obtinui ponderibus summæ commixtorum metallorum æquales. Idem stanni ferrique frustum omnibus infervivit experimentis. Ut, qua fieri potest brevitate, omnes eventuum discrepantias comprehendam, formulas quasdam adhibebo. Scilicet haud raro reguli adquisiti duas continent miscelas externe coalitas, utramque tam stanno, quam ferro dotatam, ita tamen, ut in altera abundet stannum, ferrum in altera. Sint pondera stanni ferrique commiscendorum respective f & f . Sit quoque pondus stanni in prima miscela $f - x$ & ferrum inveni $\frac{f - x}{22}$: in altera vero stannum ex-

primitur per x & ferrum per $f - \frac{f - x}{22}$.

Hæ formulæ, substituto valore $\tau \tilde{8} x = \frac{22f - f}{43}$,

facile determinantur, adeo ut, si, confusione facta, nihil desideratur ponderis, reperiatur una

miscela constare $f - \frac{22f - f}{43} + \left(\frac{f - \frac{22f - f}{43}}{22} \right)$ &

$$\& \text{ altera } \frac{22f - f}{43} + f - \left(\frac{f - \frac{22f - f}{43}}{22} \right).$$

PRÆCIPUI casus, qui e consideratione formularum in oculos mox incurrunt & experientia quoque confirmantur, huc redeunt.

SI $f = 22f$ erit $x = 0$ & non nisi unica homogenea miscela obtinetur, constans stanno, portiuncula ferri saturato. Hanc portiunculam formula indicat $= \frac{f}{22}$.

SI adhibetur $f > 22f$, erit x negativum, quod heic indicat stannum non dum esse ferro saturatum.

SI vero $f < 22f$, massa utriusque metalli ita dividitur, ut duo oriantur connubia saturata, alterum in quo stannum dominatur, in altero ferrum.

SIMILITER, si $f = 2f$, erit $x = f$ & $f - f = 0$, h. e. non nisi unica homogenea adquiritur miscela, in qua ferrum stanno saturatum occurrit.

SI $f > 2f$ ferrum prodit, quod plus stanni solvere potest.

SI autem $f < 2f$ duplex iterum miscela obtinetur, ejusdem indolis, ac in casu tertio.

ITAQUE $f = 22f$ & $f = 2f$ sunt ultima puncta æquilibrii vel saturationis, & simul limites, intra quos f decrescendo, respectu f ,
G g 5 vel

vel *f* decrescendo respectu *f*, semper connubia duplicia, eademque satiata generantur, si autem augmenta vel decrementa extra eosdem in infinitum progrediuntur, non nisi homogenea obtinentur. Hi limites non tamen instar punctorum mathematicorum sunt considerandi, debita illis fervetur oportet latitudo. Ceterum vix dubito, quin talis divisio in commiscendo ferro cum plumbo, & forsan nonnullis aliis metallis, locum habeat.

B) PER se patet miscelas duplices qualitatum participes esse principiorum in ratione proportionum. Stannum $\frac{1}{22}$ ferri saturatum malleo egregie obedit, cultro secari potest, hydrargyro solvi, fusione album spargit fumum, & quæ sunt reliqua, sed ingrediens ferrum colorem obscurat; duritiem auget; cum sale microcosmico vitra efficit, initio viridia perlucida, dein sensim opaca, fuscescentia; fusibilitatem minuit, adeo ut ignitione opus sit; magneti obedientiam provocat; calcem, non sine ignitione obtinendam fuscatur; connubia cum plumbo & stanno retardat, quæ tamen idoneo igne succedunt. Via humida acidum vitrioli dilutum vix adgreditur, non solvit, nisi igne concentratum; nitrosum nigricat, solvit partem, sed restat pulvis fuscus insolutus, qui etiam adhibito calore non mutatur, solutio autem cito pulverem album deponebat, uti stannum solum, eidem acido expositum; muriaticum melius solvit.

ALKALI phlogisticatum cæruleum sedimentum præbet, quod etiam valet de stanno anglicano optimo.

CETERUM, quo magis abundat stannum, eo etiam minus comparent ferro acquisitæ facultates, miscela tamen, quæ ferri tantum $\frac{2\frac{1}{2}}{100}$ fovet, magnetem appetit & calcinata nigrescit.

C) FERRUM dimidio stanni satiatum, ferri in primis proprietates monstrat, non parum tamen temperatas ope ingredientis stanni, adeo ut malleo pauxillum cedat, sectionem tamen & amalgamationem vix permittat. Ægre funditur, facilius tamen addito sale microcosmico: in utroque casu nullus fumus albus, sed numerosæ scintillæ stellatæ, quales e ferro sine stanno numquam obtinui. Aucto ferro debilitantur necessario qualitates e stanno pendentes, quæ tamen, dum in centenario non nisi 11 libræ adsunt, etiamnum sensibiles sunt scintillis stellatis, pulcherrimis, evibratis sub fusione in sale microcosmico. Immo miscela, $\frac{11}{100}$ stanni continens, in solutione auri diluta sedimentum fuscum, æque ac ditiores, præcipitat.

ACIDUM vitrioli dilutum, etiam frigidum adgreditur, sed lente solvit sine auxilio ignis. Semper quidquam remanet spongiosum nigrum, plumbagineum. Solutio saturata aqua turbatur, stanni deponens sedimentum album.

NITROSUM vehementius corrodit, sed cito calcinatum iterum mittit.

MURIATICUM optime fuscipit, sed solutio clara manet, etiam post additam copiosam aquam, nisi solutio sit saturata, in quo casu turbatio locum habet & sedimentum feceritur albidum.

§. II.

Convenientia & discrepantia Sideri, cum miscelis stanni & ferri comparati.

A) SIDERI *color* illum imitatur, quem monstrat stannum ferro saturatum: eadem circiter ab utroque *magneti* præstatur *obedientia*: utrumque acidum vitrioli dilutum recusat, concentrato ebulliente fuscipitur, aqua præcipitandum: utrumque acidis solutum *a nullo alio metallo in forma metallica præcipitari* potest: utrumque *ab alkali phlogificato de-jicitur dilute cærulescens*: utrumque igni calcinatorio expositum, *non fatiscit in pulverem*, sed in scorias fuscas exsiccat.

B) FERRUM stanno saturatum cum Sidero, præter fragilitatem, nullam peculiarem monstrat convenientiam.

C) NON obstante hac notabili stanni, ferro satiati, cum Sidero convenientia, longe tamen major locum habet discrepantia.

I:O SIDERI gravitas specifica 6,7 vix excedit, licet ab omni ferro hæctenus liberari non

non potuerit, adeoque a ferri gravitate multum distat, immo ne quidem stanno propriam attingit, quæ minimum 7,3 efficit.

2:0 SIDERUM nec malleo extendi, nec cultro secari potest.

3:0 SIDERUM acidis frigidis, quæ vulgo mineralia audiunt, non adficitur, sed stannum ferro onustum singula rodunt, immo iusta dosi solvunt, etsi tardius, quam igne adjuta.

4:0 SIDERUM acido nitri ebulliente totum solvitur & claram exhibet solutionem, stannum autem tam purum, quam ferro imbutum, adgreditur quidem idem acidum, sed solutio eodem diluto & in frigore lentissimeque est facienda, si per horulam claritas servari possit, at minima incalescentia stannum solutum deturbat, in calcem albam redactum.

5:0 SIDERUM, auri solutioni dilutæ immixtum, quidquam auri in forma completa secernit, nulla autem prodit purpuræ mineralis vestigia, ne quidem levissima, quod tamen libra docimastica miscelæ, 11 stanni, 89 ferri partibus involutas continentis, extempore efficit.

6:0 E borace, sideri calce ope tubi fer-ruminatorii gravidata, addito ferro nihil stanni præcipitare potui, quamvis hac via perquam exigua hujus metalli inquinamenta delitescere nequeant.

7:0 SIDERUM longe intensiorem, ut lique-
 scat, requirit ignem, quam quo indiget stan-
 num, ferro satiatum.

8:0 SIDERUM fragilitate ad ferrum, stan-
 no satiatum, accedere diximus in mom. *B*,
 hæc tamen proprietas in priori est longe
 major. Ceterum in omnibus fere dissentiant.
 Sideri recens fractura majora albidioraque
 monstrat grana, quam ferri, stanno satura-
 ti: hæc enim boni chalybis instar grisea mi-
 nutaque offert grana, sed in subtilibus strils
 plerumque disposita.

9:0 His addere licet, quod Siderum cum
 ferro, cobalto & cupro facile colliquescat,
 ceterorum autem connubia respuat, etiam
 stanni. Non dum quidem singulas hasce
 miscelas mihi examinare licuit, sed Cl. ME-
 YER, qua solet adcurratione, expertus est *a*).
 Exiguam, quam nuperrime adquisivi, portio-
 nem novi metalli *b*), aliis impendi experimen-
 tis. Niccoli tamen & magnesi cum sidero
 connubia tentavi, quum in serie Mejeriana
 desidererentur. Prius ope tubi ferruminatorii in
 carbone cum Sidero conjungitur, posterius
 autem ob difficilem fusionem, diu refracta-
 rium videtur, addito tamen boracis pauxillo,
 tandem ope intensi ignis confusio perficitur.

§. III.

a) Schriften der Berl. Gesellschaft, Band. II, III.

b) Dominus HJELM, fatigari nescius, sideri aliquot
 grana, e Russo, Tiblensi & Husabyensi ferro,
 frigido fragili, extracta, benevole misit.

§. III.

Siderum Stanni inquinamento caret.

EA, quæ modo attulimus, pensitanti, vix ullam restare posse suspicionem de stanno, in Sidero delitescente, speramus. Ab aliis quoque notis plures illud distinguunt characteres. Non possumus tamen non mirari, quod singula metalla, nostro detecta ævo, ferrum peculiari foveant pertinacia. Ita se habent præter siderum, platina, cobaltum, niccolum & magnesium. Primam quidem polymorphi ferri varietatem esse, nulla amplius suadet idonea ratio, postquam omne martiale separandi modus innotuerit *c*), talis vero qua cobaltum, magnesium, siderum & niccolum hætenus desideratur. Quæ in niccolo depurando tentavimus, mirabilem monstrant pertinaciam, immo magnetismi notabilis ortum *d*). Interea lente festinandum esse sana suadet ratiocinandi methodus, &, quæ distinctis gaudent constantibusque criteriis, distinguere fas est, donec idonea tandem experimenta, non præcox opinio, gordium solvat.

Index Paragraphorum.

- §. I. Qualitates stanni, ferro plus minus o-
nerati, *pag.* 471.
§. II. Convenientia & differentia sideri, cum
miscelis stanni & ferri comparati, *p.* 476.
§. III. Siderum stanni inquinamento caret,
pag. 479.

c) Opusc. Vol. II, *pag.* 181.

d) Ibidem, *pag.* 242, 258-263.

Addenda.

Pag. 26, ad finem §. IV, sequentia inferantur:

INTEREA, si quis totam phlogisti quantitatem, tam quæ ferri particulis, quam quæ plumbagini, in massa hospitanti, inest, connumerare adamet, pensitatis iis, quæ in §. VIII, *D* adferuntur, facile patet, hoc sensu vere, quamvis minus accurate, adfirmari posse, quod crudum maxima, chalybs media & cusum minima gaudeat inflammabilis principii portione.

Pag. 156 ad finem textus:

1) Ut via pateat ad indagandum pondus absolutum phlogisti reducentis in metallis, inter alia media unicum heic memorabo, ex analysi carbonis desumptum, alibi proposita *). Scilicet pondera phlogisti absoluta, in æqualibus carbonis & ferri cusi ponderibus, sunt respectivé ut 6 ad 1. At 100 carbonis libræ 15 phlogisti continent, adeoque ferri cusi centenarius $\frac{15}{6} = 2,5$, qui igitur numerus, absolutum indicans pondus, respondet $\tau\omega$ 342 relativo. Hoc posito, relativi reliqui facile determinantur. Nimirum in centenario platinae 5,53; auri 2,88; cupri 2,12 — 2,34; cobalti 1,97; magnesi 1,43; zinci 1,33; niccoli 1,11; antimonii 0,88 — 0,93; stanni 0,83; arsenici 0,80; argenti 0,73; hydrar-

*) Vol. hujus pag. 440.

drargyri 0, 54 — 0, 58; vismuti 0, 42 — 0, 47; tandemque plumbi 0, 31 — 0, 34. Quod antea monui de numeris relativis, repetitione experimentorum stabiliendis vel corrigendis, id etiam de experimentis fundamentalibus, quibus pondus absolutum phlogisti in ferro elicitur, omnino valet. Veritas raro tota primo nudatur conamine.

Pag. 310 ad finem lineæ 7.

REPETITÆ tamen refrigerationes & ebullitiones dephlogisticationem magis accelerant, quam continua diuturniorque ebullitio.

Pag. 381 ad finem addatur:

PECULIARE foret phænomenon, attentione dignissimum, si connubium fere neutrale, ope intima phlogisti immixtione, acidi simplicis sine decompositione fungi posset vicibus. Ita autem comparatus videtur sal sedativus, & adhuc clarius, qui cæruleo Berolinenfi inhæret mox memorandus. E sale perlato elicitus, ejusdem, ni fallor, indolis est. Hic forte phlogisto imbutus, cum certa alkali mineralis dosi adeo arête compactus est, ut principia non dum ullo modo divelli potuerint, & connubium, quod probe notandum, more acidi simplicis alkalia, terras & metalla suscipiat, quamvis variæ proprietates alkali abundans haud ambigue indicent. Usque dum horum natura melius fuerit denudata, instar acidorum considero, ad quorum indolem proxime accedere videntur.

Pag. 434, ad finem lineæ 10:

OPERÆ sine dubio foret pretium, frustum glaciei in vase optime clauso exactissime ponderare, & post regelationem operationem repetere. Operculo opus est perfecte claudente, ne vaporando quidquam abeat. Hoc experimentum, quod sciam, non dum debita cura & adcuratione institutum est, sed forsan materiæ caloris pondus absolutum, 72 gradibus svecani thermometri respondens, quodammodo determinare posset.



Index.

Acidum aceti 376.

Acidum acetosellæ 379.

Acidum aëreum a Vulcanis eructatur 231; differt ab acido vitrioli phlogificato 383; num ab aëre vitali phlogificato genibus 406.

Acidum arsenici 360.

Acidum benzoinum 373.

Acidum boracis 362; peculiaris indoles 481.

Acidum cærulei Berolinensis 382; peculiaris indoles 481.

Acidum citri 372.

Acidum fluoris mineralis 357; 397.

Acidum formicarum 378.

Acidum lactis 377.

Acidum metallicum 6; 125; molybdænæ 126; lapidis ponderosi 128; fideri 130.

Acidum muriaticum 350; dephlogificatum 352.

Acidum nitrosum 346; phlogificatum 348; viride, cæruleum 348.

Acidum perlatum 380; peculiaris indoles 481.

Acidum phosphori 379.

Acidum regale 356.

Acidum sacchari 363.

Acidum sacchari lactis 375.

Acidum sebi 378.

Acidum succini 374.

Acidum tartari 367; eximium alkali vegetabile detegendi medium 387.

Acidum vitrioli interdum præcipitat sine decompositione 313; 314; num ejus principia cognita 334; phlogificatum 343; dealbat lavam solfataræ 230; non reperitur in omni ferro calido fragili 79.

Acidule subtiliores vitrioli martis decompositione oriri possunt 266.

Aër atmosphæricus 401.

Aër alkalinus 409; 430; 432.

H h

Aër

- Aër inflammabilis* est phlogiston liberum 23; 412; num in ferro delitescat 89; aquæ ope etiam e ferro elicitur 93; 95; pondus absolutum 413; 4; calor specificus 436.
- Aër fluoratus* 397.
- Aër hepaticus* ex antimonio crudo 167; e vitro 169; e sulphure aurato 174; e thermis aquisgranensibus 275; sulphur deponit 411.
- Aër muriaticus* 351; 355.
- Aër nitrosus* 403; 406.
- Aër vitalis* 401.
- Aër vitriolicus* 343.
- Aerea forma* 433; unde oriatur 429-432.
- Ætherea forma* 433.
- Æther* 449.
- Æthiops martialis* 89; 93; 103; 278.
- Alkali minerale* 387; nativum 267; imperfectum 268; vitriolatum acidum excessum appetit 323; 324; num vegetabili debilius 312.
- Alkali vegetabile* 384; causticum præcipitans, num inde semper menstruum fortius attrahat 304; vitriolatum, excessum acidum appetit 323; quousque acidum nitri decomponitur 321; similiter acidum muriæ & tartari decomponitur 323; muriaticum, quomodo a muriâ distinguendum 324; arsenicatum hepar sulphuris & saponem decomponit 325.
- Alkali volatile* 388; vitriolatum, excessum acidum appetit 324.
- Aluminis Romani color* unde 250; mineræ Tolfensis analysi 271; num soboles vulcaniæ 272; ustum aqua acrata facile suscipitur 274; qualis sit decompositio aluminis per metalla 310.
- Antimonium* 464; crudum 165; antimonialium vires 178; 181.
- Aqua* 398; ferrum adgreditur 89; 93-96; ejus calor specificus 434.
- Arena alba Insulæ Adscensionis* num Vulcaniæ 221.
- Argentum* 452; præcipitatur plerisque metallis 138.
- Argilla* 395.
- Arsenicum* 461; non est vera fragilitatis ferri frigidi causa 72; 73.
- Aurum* 450; mulivum 158.

- Basaltis* 209; qua via ortus, 210; rationes humidam adstruentes 211-218; num crystallisatione natus 218; 283.
- Borax* excessum possidet alkalinum 325; quo medio ejus acidum metallis solvendis adaptatur 363.
- Bronz*, quo opera gypsea colore æneo dotantur 162.
- Caloris* materia 418-445; systemata de calore 419; distributio 422; tabula calorum specificorum 434.
- Color* animalis 441.
- Calx* caustica 393; mortua 260.
- Calx* arsenicata vel phosphorata num alkali decomponatur 324.
- Calx* nitrata cur ope magnesiæ nitratae præcipitetur 317.
- Calx* alba e ferro frigido fragili 98; 99; 115-119.
- Calx* ferri acido muriatico dephlogisticato exposita 100-101.
- Caminus ἀνεστρωτός* 439.
- Carbo* 439-441.
- Caverna* canis 231.
- Chalybis* varietates 3; conficiendi modi 53-56; copia phlogisti 25; compositio 85; proprietates 88.
- Cobaltum* 462.
- Combustio* phosphori & sulphuris in vasis clausis 335; 427.
- Cuprum* 456; num vitriolum ferri decomponere valeat 311.
- Dephlogisticatio* acidi muriatici 353; 356.
- Dephlogisticatio* arsenici 361.
- Dephlogisticatio* sacchari 364.
- Differentia* acidi muriatici dephlogisticati & ejusdem acidi aëriiformis 355.
- Differentia* acidi fluoris a vitriolico & muriatico 358.
- Differentia* Sideri & stanni, ferro fatiati 476.
- Eboris* terra 398.
- Elasticitas* unde 89.
- Ferri* status 1; exploratur acido nitri 29; utilitas multiplex 4; 5; diversitas 4; 84; regulus e minera in crucibulo elicitus, quomodo examinandus 46.

Ferrum crudeum 1; proprietates 87; compositio 84; variationes 2; 84; copia phlogisti 25; variis modis in chalybem mutatur 45; 46; cur, inhærente plumbagine, phlogiston ductilitati necessarium adquiri nequeat 50.

Ferrum ductile 1; proprietates 90; compositio 85; variae cudendi methodi 2; 3; varietates 3; 85; copia phlogisti 25; Öregrundense 13; variis modis fundendo in chalybem mutatur, item cæmentando 47; ductilitas plumbagini destructæ debetur 51; 52.

Ferrum calidum fragile 3; proprietates 91; compositio 86; varietates 25; 86; causa fragilitatis 91; copia phlogisti 25; cæmentando corrigi videtur 48; item scoriis recentibus 92.

Ferrum frigidum fragile 3; proprietates 92; compositio 86; varietates 25; 86; causa fragilitatis 100; 121; corrigitur calcareo 15; magnesia nigra 47; copia phlogisti 26; crudeum Husabyense cum calce ferri volatilisatur 31; 32.

Forum Vulcani 234.

Fuligo 439.

Geyser, locus ubi aqua fervida exsilit maxime notabilis 251.

Granati vesuviani 206; 207.

Granites num Vulcani soboles 222.

Hepar salinum 447.

Hepar antimonii 170: cur præcipitata eo mitiora, quæ feriora 179-181.

Hepar volatile 446.

Hydrargyrum 453; num acido vitriolico fortius, quam muriatico attrahatur 314; muriatum, num alkali volatili præcipitetur 317.

Jaspis num Vulcania soboles 223.

Ignis quid 419; ortus 436-439.

Inflammatio 409; 410.

Kermes minerale 175.

Lapis ponderosus 129; obsidianus 204.

Lava 200-205.

Laugarnas, cujus aqua zeolithum solutum tenet 255.

Lignum fossile Islandicum 239.

Magnesia 394; vitriolata num alkali volatili præcipitari queat 317; 337.

Magnesium 464; ferro inhæret 66-71.

Magnetismus 102-105.

Mercurius sublimatus corrosivus decomponitur arsenico regulino & auripigmento, non autem arsenico albo 306; dulcis suum fovet metallum, partim calcinatum, partim completum 327.

Metalla nobilia & ignobilia 309; copia phlogisti reducentis relativa 151; absoluta 480.

Minera pleyadum 110; lacustris basaltica gaudens structura 216.

Molybdæna 126.

Moffeta 233.

Niccolum 459.

Nitrum acido muriatico decomponitur & quo modo 307; arsenico albo 308; acido tartari 324; excessum acidi adfectat 324.

Ossa usta cur cæmentando plumbaginem decomponunt 105.

Oleum essentiale 449.

Oleum unguinosum 449.

Petroleum num Vulcania inquinet 237.

Piedra de Gallinaço 204.

Piperino 196.

Phlogiston 412; reducens 9; copia in ferro 24-26; variat in eodem frustulo pro diverso statu 48; copia in aliis metallis, relativa 151; absoluta 480; est aer inflammabilis ligatus 413; attrahit vi inæquali diversorum metallorum calces 416.

Phosphorus 409; 416; 355.

Platina 451.

Plumbigo, compositio 77; copia in ferro & chalybe 74-77.

Plumbum 455; minimum phlogisti reducentis continet 154; muriatum & acetatum basi excedere possunt 325.

Porphyrum Vulcania foboles 223.

Pozzolana 192; analysi 194; usus 195.

Præcipitatio locum habere potest sine turbatione liquoris 312; 313.

Pulvis Algerotti acidi portiunculam continet 325.

Pamex genuinus est asbestus igne exustus 196-198.

Pyrophorus 438.

Respiratio 441.

Saccharum, cur aqua calcis depurandum 365.

Sal ammoniacus vulcanicus 235.

Sal Seignetti, instillato quovis acido, tartarum fecerunt 320.

Sales nonnulli excessum acidi suscipere possunt 318.

Sal marinus in Vulcanis 234.

Schoerli Vulcanii 191; 206; 207.

Siderum, novum metallum fragile 119; 466.

Siliceum 395; aqua solutum ad Geyser 251; numi acidis solubilis 315.

Steatites viridis perlucens maculis nigris, num Vulcania foboles 222.

Stannum 458; arte sulphuratum 157; natura sulphuratum 158; 161; ferro plus minus oneratum 471-479.

Spiritus vini 448.

Sulphur vulcanicum 240.

Sulphur antimonii auratum 172.

Sulphur 445; in antimonialibus 167; 172; 167; 169; 174; 175; flores interdum sponte decomponuntur 273.

Tartarus est tartarus tartarifatus cum excessu acidi 319; fit totus solubilis, excessu per alkali vegetabile saturato 321; quomodo per cretam 321; principiorum proportio 368; tartarifatus, quovis instillato acido, tartarum fecernit 312.

Terra calcarea 393; ponderosa 390; magnesiaca 394; argillacea 395; filicea 395; eboris 398.

Thermæ carolinæ 256; continent ferrum & calcareum aërata 262; Aquisgranenses 275.

Trapp, Saxum Basaltæ cognatum 212-215.

Tras 196.

Tu-

Tufa Italorum 195.

Turpetum minerale optime lotum acidi portiunculam
fovet 325.

Vesuvii fumus 244; ferrum 246; cuprum ibid.; arse-
nicum 247.

Vismutum 458.

Vitriolum martis, alkali minerali terrisve aëratīs de-
compositum, multum expellit acidi aërei 265; quo-
modo ē pyritē oriatur 272.

Vitrum antimonii 168.

Vulcanorum cineres 192-200; lavæ 200-205; vitra
203; foci 279; ignis in locis clausis 289.

Zeolithus nūm Vulcania soboles 224; compositio 225;
gelatinatio 227; aqua solubilis 225.

Zincum 463; non est causa fragilitatis frigidaē in
ferro 73.

Corrigenda.

Pag.	14,	Exp. 29,	"facile"	legatur fragile
—	23,	lin. 3,	d. "calori"	— calore
—	54,	— 11,	d. "absolutam"	— absolutum
—	58,	— 6,	d. "nyctemeron"	— nyctemeron
—	61,	— 6,	f. "varietatem"	— varietatum
—	89,	— 4,	d. "suscipio"	— suspicio
—	110,	— 13,	d. "ponderosio- rem"	— ponderosior
—	112,	— 1,	d. "&"	— —
—	116,	— 13,	d. "aquam & a- cidum"	— aquæ & acidi
—	—	— 14,	d. "eadem quan- titate"	— eadē quan- titates
—	121,	— 5,	d. "deteximus"	— detexerimus
—	130,	— 5,	f. "prodant"	— produnt
—	154,	— 3,	d. "laxæ"	— laxæ
—	155,	— 10,	d. "nigrescunt"	— nigrescant
—	173,	— 12,	d. "striatam"	— striatam præ- bet.

Pag. 179, lin. 11	d. "Omnis"	legatur omne
— 186 — 6, d.	"peruantur"	— perurantur
— 193, — 14, d.	"Sac"	— Sal
— 211, — 6, f.	"servari"	— fervavi
— 215, — 15, d.	"incendi"	— incendii
— 221, — 16, f.	"terræ"	— terras
— 230, — 3, d.	"mentur"	— mantur;
— 239, — 4, f.	"fluxura"	— flexura
— 242, — 4, f.	"illum"	— illam
— 243, — 11, f.	"constituit"	— constituat
— 249, — 1, d.	"centius"	— centies
— 280, — 3, d.	"nemque"	— nempe
— 340, — 6, f.	"nullum"	— nullam
— 345, — 8, f.	"sedimento"	— sedimentis
— 363, — 1, d.	"accidit"	— accedit
— 379, l. 6-8, d.	"Num - - crede- rem"	— Alkalia hoc a- cidum terris cedunt.
— 381, — 16, d.	"&"	— & e
— 388, — 2, d.	"requirit"	— requirunt
— 413, — 8, f.	" $\frac{11-5}{100} = \frac{6}{100}$ "	— $\frac{63-50}{1000} =$ $\frac{13}{1000}$
— — — 11, f.	" $\frac{11}{100}$ "	— $\frac{63}{1000}$
— 415, — 1, d.	"magnesia"	— magnesiæ
— 433, — 9, f.	"rum"	— rum, aliorum- que opacorum,
— 436, — 1, f.	"inflammatur"	— inflammat.
— 473, — 3, f.	"ultima"	— vera
— 474, — 5, d.	"augmenta vel decrementa"	— e-contrario in- crementa.

N. B. d. deorsum, f. sursum, textus lineas numerandas indicat.



[illegible]

Via humida

Tab. III

[illegible]







